

প্রকাশক :

শ্রী বাণভট্টাচার্য ঘোষ

গুপ্ত ব্রহ্মসুত্র এণ্ড কোং

৩১, অজুই নদী লেন,

কলিকাতা-১২

সপ্তম সংস্করণ

মূল্য : আট টাকা মাত্র

মুদ্রক :

শ্রী কান্তিকচন্দ্র পাণ্ডা

মুদ্রণী

৭১, কৈলাস বোস স্ট্রীট,

কলিকাতা-৬

ভূমিকা

বাশিরা এক অতি অদ্ভুত দেশ। সেখানে যা-কিছু ঘটে, তা চরম-মাত্রায় ঘটে। উদাসীন অত্যাচারী রাজতন্ত্র সেখানে যে বিকট মূর্তি গ্রহণ করেছিল—জগতের ইতিহাসে তার সমকক্ষ দৃষ্টান্ত বিরল বল্লেই হয়। সত্তর বছরের মধ্যে আট লক্ষ লোক জাৰ-ভয়ের প্রতিবাদের অপরাধরূপ একই পথ দিয়ে সাইবেক্সিয়ার চির-তুহিনে চির-নিবাসিতের জীবন অতিবাহিত করতে বাধ্য হয়।

উদাসীন অত্যাচারী শাসক জাতির অন্তরকে কশাঘাতে যখন দীর্ণ করে ফেলে, তখন সেই দীর্ণ অন্তর থেকে রক্ত-কমলের মত ফুটে ওঠে, জাতির মুক্তি-বাণী।

গোষ্ঠীর জগৎ বিখ্যাত উপন্যাস—“মাদার” সেই অপরূপ রক্তকমল।
কিশিতি ও নিপীড়িত মানবত্বের মুক্তি-বাণী।

একটী সময় জাতির অন্তর-বেদনার ইতিহাস এমন ভাবে জগতের আর কোন্‌ ভাষায় লেখা নেই।

“গোষ্ঠী” মানে হলো তিক্ত। এই ছদ্ম-নামে তিনি আজ জগতে খ্যাত। তার অন্ধ জীবন দিয়ে জগতের নানাক্ষেত্রে তিনি যে তিক্ততম অভিজ্ঞতা সঞ্চয় করেছেন—জগতের ইতিহাসে বেদনার সঙ্গে সে রকম বলিষ্ঠ এবং নিগূঢ় পরিচয় খুঁজি কম লোকেই ভাগ্যে ঘটেছে দেখা যায়। এই সাহিত্য সেই নিগূঢ় অভিজ্ঞতার পুণ্যতম স্মৃতি! বেদনার সমস্ত অনাচার, সমস্ত ভয়াবহতা সমস্ত পঙ্কিতার সকল রকম তিক্ততার সীমা-রেখা পায়ে হেঁটে পার হয়ে, বর্তমান যুগের সাহিত্য গোষ্ঠী অতি বলিষ্ঠ পুরুষ-কণ্ঠে এই বাণী প্রচার করেছে - তবু সৃণা নয়, প্রেম হোক জীবনের স্বামী!

এই অপরূপ বাণী এবং সকল রকম মানির মধ্যে মানুষের মুক্তির চরম-আখ্যায়িক কথ্য—তার সর্বশ্রেষ্ঠ সৃষ্টি “মাদার”—এ রূপ নিয়েছে। যদিও “মাদার” একান্তভাবে বাশিরার রাজনৈতিক জীবনের সঙ্গে সংযুক্ত এবং এই গ্রন্থের সঙ্গে একটা জাতির মুক্তি-পথের ইতিহাস সাক্ষাৎভাবে বিজড়িত তবুও

বসেব ক্ষেত্রে প্রত্যেক জাতির লোক এই গ্রন্থকে আদর করে বরণ করে নিয়েছেন, কেন না—যে বেদনায় সন্তানের জন্ত মায়ের মন কাঁদে, মায়ের মনের সে বেদনা তার নিজের ছেলের জন্তে হলেও, তার মধ্য দিয়ে যে মাতৃ-ফুটে উঠে, সেটা সকল দেশে এক। মাতৃষের এক অপরূপ সন্তান-সন্তাপ-হারিনী মূর্তি এই বইতে ফুটে উঠেছে বলে—জগতের সকল জাতি লোকের অন্তরে কোথায় অলক্ষিতে এই বইখানি একটা দাগ রেখে গিয়েছে।

অনুবাদ দুর্বল হলেও, অনুবাদকের একমাত্র ভরসা যে মাতৃরঞ্জে উপাসক বাঙালীর মন, জননীর নতুন এই চিত্রটিকে নিশ্চয়ই সাদরে বরণ হবে নেবে এবং সেইটুকু উদ্দেশ্যে যদি সফল হয়, তা হলে তার মধ্যে এই অনুবাদের সমস্ত ক্রটি সম্বন্ধে অনুবাদক নিজেকে কৃতার্থ মনে করবে।

প্রতিদিন প্রভাতে কারখানার বাঁশী বাজিয়া উঠে। কম্পিত-কর্কশ দীর্ঘ শব্দ শ্রমজীবীদের আবাসের উপরের ধূম-ধূসর পরিম্লান আকাশকে ছাইয়া ফেলে। যন্ত্র দানবের এই নিষ্করণ আহ্বানে নত মস্তকে অসংখ্য নর-নারী স্নান গৃহ-গম্বর হইতে দলে দলে পথে বাহির হইয়া পড়ে; বিস্তৃত বিষন্ন-মুখে, সমস্ত জন্তুর মত তাহারা আগাইয়া চলে,—অনিদ্রায়, অল্প-নিদ্রায় দেহ কাঠ হইয়া থাকে। অদূরাগত প্রভাতের মন্দ-আলোকে, কর্দমাক্ত পথে তরল বিবর্ণ নয়নের অর্থহীন দৃষ্টি লইয়া সঙ্কীর্ণ খোয়ার পথ বাহিয়া তাহারা চলে—যেখানে তাহাদের জন্ম হিম-স্নেহে অপেক্ষায় রহিয়াছে দীর্ঘ প্রসূরের পিঞ্জরগুলি। কাদায় পায়-চলার শব্দ হয়—অল্পকম্পার অভিনয়ের শব্দ। তন্দ্রাচ্ছন্ন গভীর কর্কশ শব্দে পথ ভরিয়া যায়; ক্ষুদ্র আক্রোশের নির্লজ্জ ভাষা আকাশ ছাইয়া ফেলে। আর সেই সমস্ত অতিক্রম করিয়া তাহাদের অভ্যর্থনার জন্ম গভীর রবির গতি-রোলে যন্ত্রের পীড়িত আর্তনাদ তাহাদের চতুর্দিকে অতিক্রম করিতে থাকে। নির্দয় অনিবার্যতার মত অন্ধকারে কারখানার চিমনিগুলি দীর্ঘ সরল ভাবে দাঁড়াইয়া থাকে।

সন্ধ্যাবেলায় যখন আবার সূর্য অস্ত যায়, অস্ত-সূর্যের বিলম্বিত রক্ত-আলো যখন বাতায়নে বাতায়নে আসিয়া পড়ে, তখন আবার কারখানা হইতে দাহ-অস্তে ভস্মের মত অসংখ্য নর-নারী দলে দলে পথে আসিয়া পড়ে। অন্ধকার-মুখ, ধোঁয়ায় ধূসর; সারা দেহে কল চালানো তেলের তীব্র গন্ধ; গোপ্লির ঈষৎ-আলোকে ক্ষুধার্ত দাঁতগুলির রক্তহীন পীত আভা মাঝে মাঝে জলিতে থাকে। ফিরিবার সময় কিন্তু তাহাদের ভাষা একটু যেন সতেজ মনে হয়—একটু আনন্দের আভাস থাকে। একটি দিনের দীর্ঘ শ্রমের অবসান ত' হইল, ঘরেতে আহাির আছে তাহার সঙ্গে আছে বিরাম।

জীবন হইতে যন্ত্র-দানব নিঃশব্দে দিবসকে গ্রাস করিয়া লইয়াছে। মাংসপেশী ও শিরা-উপশিরা হইতে যতদূর পারা যায় যন্ত্র তাহার আহািরের জন্ম রস চুষিয়া লইয়াছে। মানবের জীবন হইতে দিবসের রৌদ্রের সম্পর্ক ছিন্ন হইয়া গিয়াছে। একটিও রবির কর জীবনের সঙ্গে গাঁথা হয় না। আপনার অগোচরে মানব মৃত্যুর গম্বরের দিকে আরও একটু অগ্রসর হইয়া চলিয়াছে। কিন্তু তবুও তাহার মনে বিরামের আনন্দের বাসনা আছে—

সম্মুখেই পুতি গন্ধময় তাঁটিখানার আনন্দ-আশ্রম খোলা। আনন্দে সে তাহাই গ্রহণ করে।

ছুটির দিনে তাহারা বেলা দশটা পযন্ত ঘুমায়। তারপর বিবাহিত এবং অপেক্ষাকৃত শান্ত প্রকৃতির লোকেরা যথাসম্ভব পরিষ্কার-পরিচ্ছন্ন হইয়া গির্জায় উপাসনার জগ্ন যায়। যাইবার সময় ছোকরাদের ধর্মে অনাস্থার বিষয়ে তীব্র মন্তব্য করে। গির্জা হইতে ফিরিয়া আসিয়া রুশজাতির মোহন-ভোগ ‘পিরগ’ খায়। খাওয়ার পর আবার ঘুমাইতে যায়—সেই সন্ধ্যা পর্যন্ত। বহু বর্ষের সুপীকৃত অবসাদ ক্ষুধাকে কখন নষ্ট করিয়া দিয়াছে, তাই আহারের প্রবৃত্তিকে ফিরাইয়া আনিবার জগ্ন তাহারা জাগিয়া উঠিয়া আকুল-ভাবে মগপান করে। উদরের অসহায় তন্ত্রীগুলি ‘ভোদকার’ তীব্র বিষজালায় জলিয়া উঠে।

তারপর তাহারা পথে এমনি ঘুরিতে বাহির হয়। এমনি অলসভাবে ঘুরিয়া বেড়াইতে তাহাদের ভাল লাগে। কেউ কেউ কাদায় ব্যবহারের জগ্ন “ওভার-সু” পরে, যদিও পথ শুকনা থাকে; ছাতি লইয়া ছড়ির মত হাতে করিয়া চলে—রৌদ্র থাকিলেও। প্রত্যেকেরই যে জুতা ও ছাতা আছে তাহা নয় কিন্তু প্রত্যেকেরই মনে বাসনা আছে যে, সে তাহার প্রতিবেশীর অপেক্ষা অধিকতর শোভন হইবে।

পথে দেখাশোনা হইলে তাহারা কারখানা আর যন্ত্রপাতির কথাই বলাবলি করে। ফোরম্যানকে লইয়া বেশ দু-কথা অসাক্ষাতে বল-কওয়া চলে। তাহাদের চিন্তার সীমানা কারখানা আর যন্ত্রপাতিকে ছাড়াইয়া যায় না। কচিং, এবং তাহাও একান্ত আভাসে, তাহাদের সেই প্রতিদিনের অতি পুরাতন ক্লাস্ত কথার মধ্যে গহস। কোন বন্ধ্য। বাসনার একটি ফুলিঙ্গ হয়ত দেখা দিত। বাড়ীতে ফিরিয়া তাহারা নিয়মিতভাবে তাহাদের স্ত্রীদের উপর কজীর জোর পরীক্ষা করিত। ছোকরারা ভাটিখানায় স্মৃতি জমায়, কারুর বাড়ীতেই হয়ত আড্ডা বসে, বাজনা বাজে, সৌন্দর্যের নাম-গন্ধ-শ্রুত অঞ্জলি গান পুরাদমে চলে, নাচ হয়, শ-কার ব-কারের সঙ্গে ভরঁা ‘ভোদকার’র ভাড় অনবরত ভরা আর খালি হইতে থাকে।

শ্রমে-অবসন্ন-অস্তর তাহারা অতিজ্ঞত পান করিয়া চলে। প্রত্যেক চুম্বকের সঙ্গে প্রত্যেকের অস্তরে একট। অর্থহীন ব্যাধিগ্রস্ত চাঞ্চল্য জাগে। সে চাঞ্চল্য বাহিরে রূপ লইতে চায়। তাই সামান্য কারণে তাহারা বন্ধু

সামান্যতম কথার ছল ধরিয়া বিষম ঝগড়ার সৃষ্টি করে। অন্তরের পিঙ্গরে আবদ্ধ সেই বিরক্তিকর চাঞ্চল্য মুক্তি চায়। কলহ ঘন হইয়া ওঠে; মন্ত পশুর মত তাহারা আপনাদের মধ্যে কলহ করে—কামড়াকামড়ি করে—রক্তারক্তি এবং কখন কখন হত্যাও হয়।

স্নায়ুতে বন্ধমূল অবসাদের মত তাহাদের অন্তরেও এই হিংসার সংগোপন প্রবৃত্তি ধীরে ধীরে সমস্ত হৃদয় মন ছাইয়া ফেলে। অধিকাংশ ক্ষেত্রে অন্তরের এই দুরারোগ্য ব্যাধি লইয়াই তাহারা পৃথিবীতে জন্মগ্রহণ করে। যত দিন না মৃত্যু আসিয়া আবার তাহাদের এই পৃথিবী হইতে সরাইয়া লইয়া যাইত, ততদিন পর্যন্ত ঘন-কৃষ্ণ ছায়ার মত এই ব্যাধি তাহাদের ঘিরিয়া থাকিয়া নিত্য নব উদ্দেশ্যহীন অনাচারের ইন্ধন জোগাইত।

ছুটির দিনে ছেলেরা বাড়ী ফিরিত গভীর রাতে—কাপড়-চোপড় ছেঁড়া, সর্ব-দেহ ক্ষত-বিক্ষত। কেউ তার-স্বরে চীৎকার করিয়া জানাইতেছে কেমন আর একজনকে বেশ দু-ঘা দিয়া আসিয়াছে অথবা জোর দু-কথা শোনাইয়া আসিয়াছে; কেউ বা অপমানিত হইয়া ফিরিয়া আসিয়া কাঁদিত। এমন-ভাবে নিশীথ-রাতে তাহারা বাড়ী ফিরিত, মাতাল, অদহায়, বীভৎস হতভাগ্যের দল! কখনও মা বাবা মাতাল অবস্থায় ছোকরাদের রাস্তা বা সরাইখানা হইতে অট্টোতত্ত্ব অবস্থায় তুলিয়া আনে, গালাগালি দিয়া বকে, মগ্ন-রসে-ভরা স্পঞ্জের দেহে বুথাই আঘাত করে। আবার তাহাদিগকে ধরিয়া কোনও রকমে বিছানায় শোয়াইয়া দেওয়া হয়, কারণ আবার প্রভাত হইতে না হইতেই ত' বাতাস কাঁপাইয়া কারখানার বাঁশী বাজিয়া উঠিবে।

মাতলামি আর এই ভাঁটিখানার জীবন যে বুড়োদের কাছে অন্তায় লাগিত তাহা নয়, বরঞ্চ সেটা তাহাদের ত্রাণ্য অধিকার—একথা বুড়োরা মানিত, তবুও ছেলেদের প্রহার ও গালাগালি করিত। তাহাদেরও যখন যৌবন ছিল, তাহারাও এমনি উন্মত্ত হইয়াছে, কলহ করিয়াছে, আবার তাহাদেরও এমনি তাহাদের মা বাবা রাস্তা হইতে তুলিয়া আনিয়া বিছানায় শোয়াইয়া দিয়াছে। জীবন চিরকাল ধরিয়া এমনি বহিয়া চলিয়াছে। বৎসরের পর বৎসর এমনি একই-স্বরে-বাঁধা জীবন-ধারা কোনও রকমে পঙ্কিল আবর্তনের তলা দিয়া নিঃশব্দে বহিয়া চলিত। অতি পুরাতন অভ্যাসের কৃতদাস স্বরূপ তাহারা প্রতিদিন একই কাজ অবিরত দিবারাত্রি ঘুরিয়া ফিরিয়া করিয়া

চলিত ; জীবনের এই ধারাকে পরিবর্তিত করে—এমন সময় ও ইচ্ছা তাহাদের কাহারও ছিল না।

বহুদিন অন্তর সহসা হয়ত একটু নূতন ধরনের কোনো লোক গ্রামে আসে। নবাগত বলিয়াই সে প্রথমে সকলের দৃষ্টি আকর্ষণ করে। কাজের খাতিরে সে যে-সমস্ত জায়গায় গিয়াছে সেখানকার গল্প করিয়া ধীরে ধীরে অনেকের মধ্যে একটা আবছায়া কৌতূহলের সৃষ্টি করে। কিন্তু কিছুকাল পরেই আবার এইটুকু নূতনত্ব তাহাও পুরাতন হইয়া আসে। এই সমস্ত গল্প শুনিয়া তাহারা বুঝিয়া লয় যে, সকল দেশেই কুলী-মজুরদের জীবন এমনি সমান বৈচিত্র্যহীন। তাহাই যদি হয়, তবে ইহা লইয়া আলোচনা করিয়া কি লাভ !

কচিং কখনও গ্রামে এমন এক-একটি লোক আসে যাহার কথা একেবারে নূতন লাগে। তাহার সঙ্গে তাহারা কোনও তর্ক করে না, অদ্ভুত যাহা-কিছু সে বলিয়া যায়, চরম অবস্থাসে তাহারা তাহাই চুপ করিয়া শোনে। এই রকম লোকের কথায় কখনও হয়ত কাহারও অন্তরে অজানা একটা অন্ধ চাঞ্চল্য জাগিয়া উঠিত ; বিশ্বাস করিতে গিয়া কাহারও বা অন্তরে কি একটা এলোমেলো আশঙ্কা জাগিত ; কেহ-বা তাহার মধ্যে কোন অজানা সম্ভাবনার ক্ষীণ ছায়াময় আভাস দেখিতে পাইত। কিন্তু এই নিতান্ত উত্যক্তকারী অপ্রয়োজনীয় ক্ষণিক উত্তেজনার হাত হইতে মুক্ত হইবার জগ্ন তাহারা সকলেই আবার অধিকতর মাত্রায় পান করিত।

এই রকম নবাগতের চারিদিকে একটা অস্বাভাবিক কিছু তাহারা লক্ষ্য করিত বলিয়াই একটু বেশী দিন ধরিয়া তাহার স্মৃতি ইহাদের মনে জাগিয়া থাকিত এবং লোকটি তাহাদের মত হইতে পারে নাই বলিয়া সর্বদাই শঙ্কিত সন্দেহের সঙ্গে দেখিত। তাহাদের ভয় হইত যে, হয়ত এই লোকটি তাহাদের জীবনে এমন একটা কিছু ঘটাইয়া তুলিতে পারে যাহাতে তাহাদের জীবনের এই অন্ধকার-বাহিনীর সনাতনী ধারা বুঝি বা ব্যাহত হইবে। অন্ধকার অথবা কুটিল যাই হ'ক, এ জীবনের ধারা তাহাদের সুপরিচিত। তাই তাহাদের মনে এই ধারণা দৃঢ়বদ্ধ হইয়া গিয়াছে যে, জীবনের মাত্র একটি মাত্র আছে—তাহার চেয়ে ভাল কি, তাহা তাহারা জানিত না, তাই তাহারা ভাবিত—পরিবর্তন মানে শুধু জীবনের বোঝার মাত্রা বাড়ান।

সেই জগ্ন বস্তির লোকেরা যাহারা জীবন সম্বন্ধে নূতন কথা বলিত

তাহাদের নীরবে এড়াইয়া চলিত। এই সব নূতন লোকের মধ্যে কেউ কেউ যেমন সহসা আসিত, তেমনি সহসা অদৃশ্য হইয়া যাইত। যদি কেহ সেই গ্রামে থাকিয়া যাইত, পাছে সেই গ্রামের রেক্ষাহীন অসংখ্যের মধ্যে মিশাইয়া যাইতে হয়, সেই আশঙ্কায় সে আলাদা হইয়াই বাস করিত।

এমনিভাবে জীবন-যাপন করিয়া পঞ্চাশ বৎসর বয়সে একজন শ্রমজীবী পৃথিবী হইতে অবশেষে বিদায় গ্রহণ করিত।

ঠিক এমনি জীবন-যাপন করিয়া যায় মাইকেল ভ্লাসব। মুখে তাহার কোনও হাসির চিহ্ন ছিল না। একরাশ জঁ'র মধ্যে ছোট ছোট দুটো চোখ দিয়া সর্বদাই এমন ভাবে চাহিয়া থাকিত যে দেখিলেই মনে হইত যে জগত স্রষ্টা লোককে সে সন্দেহের চোখে দেখিতেছে।

গ্রামের মধ্যে সে সবচেয়ে ভাল মিস্ত্রী ছিল। দেহের শক্তিতেও তাহার সমকক্ষ কেহই ছিল না। কারখানার ফোরম্যান বা ম্যানেজারকে সে মোটেই গ্রাহ্য করিত না; ফলে রোজগার হইত কম। ছুটির দিন সে কাহাকেও না কাহাকেও গ্রহণ না করিয়া বড়-একটা বাড়ী ফিরিত না। সেইজন্ত প্রত্যেক লোক তাহাকে ঘৃণা এবং ভয় করিত।

বহুবার তাহাকে উত্তম-মধ্যম শিক্ষা দিবার চেষ্টাও হইয়াছিল; কিন্তু কোনও চেষ্টা ঠিক সফল হইতে পারে নাই। সে যেই বুঝিত যে তাহার উপর কোনও আক্রমণের সম্ভাবনা আছে, তৎক্ষণাৎ সে হাতের কাছে ইট, পাথর যাহা পাইত, তাহা লইয়া পা ফাঁক করিয়া সোজা হইয়া নীরবে আক্রমণকারীর অপেক্ষায় ফিরিয়া দাঁড়াইত; যে তাহার দিকে আগাইয়া আসিলে, তাহারই মাথা গুঁড়া হইয়া যাইবে। তাহার চেহারার মধ্যে এমন একটা বীভৎসতার ছাপ ছিল যে, তাহাকে দেখিলেই লোকের ভয় করিত। বিশেষ করিয়া ভয়ের ছিল, তাহার ছোট ছোট চোখ দুটি। কোটরের ভিতর হইতে ছোট চোখ দুটির দৃষ্টি যেখানে গিয়া পড়িত, মনে হইত গরম লোহার সিকের মত সে জায়গা যেন ভেদ করিয়া চলিয়াছে। চোখাচোখি হইলে মনে হইত যেন সম্মুখে এক হিংস্র বন্য জন্তু দাঁড়াইয়া আছে, চোখে এক আদিম ভয়াল হিংস্র দৃষ্টি, এ দৃষ্টি যাহার, কোন নির্মমতায় তাহার কোনও কুণ্ঠা নাই।

সে খুব অল্প কথাই কহিত; কিন্তু তাহার সকল কথার মাত্রা ছিল “পাজী বদমায়েস”। ঐ নামে সে কারখানার উপরিওয়ালাদের ডাকিত,

ঐ নামে সে পুলিশের লোকদের গালাগালি দিত। বাড়ীতে ঐ-নামে জীকে সম্বোধন করিত।

তাহার ছেলে পাভেলের বয়স তখন চোদ্দ। একদিন বাড়ী ফিরিয়া আসিয়া সহসা ছেলের চুলের মুঠি ধরিয়া টানিয়া তুলিবার তাহার বাসনা হইল। মাথায় হাত দিতে না দিতেই, পুত্রও গর্জিয়া উঠিল। সামনে একটা হাতুড়ি পড়িয়াছিল, তাহা তুলিয়া লইয়া পুত্র রুখিয়া দাঁড়াইল।

“খবরদার! আমার গায়ে হাত দিও না বলছি। অনেক সহ্য করেছি আর আমি কিছুতেই সহ্য করবো না।”

পুত্রের দিকে চাহিয়া মাইকেল হাসিয়া উঠিল। একটা দীর্ঘনিঃশ্বাস ফেলিয়া সে বলিয়া উঠিল, “আচ্ছা, পাজী বদমায়েস!”

এই ঘটনার কিছুক্ষণ পরে সে তাহার জীকে ডাকিয়া বলিল, “দেখ, কাল থেকে আর আমার কাছে পয়সা চাইবি না, এবার থেকে তোর ছেলে তোকে রোজগার করে খাওয়াবে।”

ভয়কুণ্ঠিত স্বরে নারীটি বলিল, “আর তুমি যা রোজগার করবে, সব মদ খেয়ে ওড়াবে তো?”

“তোর তাতে কি পাজী বদমায়েস!”

সেই দিন হইতে তিন বৎসর পর্যন্ত যতদিন সে বাঁচিয়া ছিল, সে পুত্রের কোন খোঁজখবর লইত না—পুত্রের সঙ্গে কোন কথাও বলিত না।

ভ্রাসবের সঙ্গীহীন জীবনে একটি নিত্যসঙ্গী ছিল, সে তাহার কুকুর। কুকুরটি ছিল তাহারই মত ভীষণ ও বীভৎস। প্রতিদিন সকালে সে যখন কারখানায় যাইত, কুকুরটিও তাহার সঙ্গে সঙ্গে কারখানার গেট পর্যন্ত যাইত। সন্ধ্যাবেলায় কারখানা হইতে সে যখন ফিরিয়া আসিত, কুকুরটি তাহার অপেক্ষায় গেটের সম্মুখে দাঁড়াইয়া থাকিত। ছুটির দিন কুকুরটিও সারাদিন তাহার সঙ্গে সঙ্গে ঘুরিয়া ফিরিত। রাত্রে মাতাল অবস্থায় বাড়ী ফিরিয়া কুকুরটিকে লইয়া সে খাইতে বসিত, আপনার প্লেট হইতে তাহাকে খাওয়াইত। কুকুরটিকে সে কোনও দিন মারে নাই, কোনও দিন আদরও করে নাই। খাওয়া শেষ হইলে, জীর অপেক্ষা না করিয়াই ডিসগুলি সে ছুঁড়িয়া চতুর্দিকে ফেলিয়া দিত; একটি হইঙ্গীর বোতল লইয়া দেওয়ালে ঠেসান দিয়া বসিয়া গান গাহিত। গানের ভাষা তাহার দাঁতের ফাঁকে ফাঁকে আসিয়া জড়াইয়া যাইত। সেই বীভৎস স্বরের ধাক্কা দাঁতের ফাঁক

হইতে কুটির টুকরা ছিটকাইয়া পড়িয়া গৌফে দাড়িতে আসিয়া লাগিত। সে আপনার মনে জগতের সকলের অনধিগম্য ভাষায় যতক্ষণ বোতলে মদ থাকিত, ততক্ষণ গাহিয়া চলিত। তাহার এই সঙ্গীত শুনিয়া মনে হইত, শীত-সন্ধ্যার নিস্তরু প্রান্তরে ক্ষুণ্ণিত শাদ্দুল চীংকার করিতেছে।

মদ ফুরাইয়া গেলে সেইখানেই সে ঘুমাইয়া পড়িত। কুকুরটিও তাহার পাশে শুইয়া পড়িত। রাত্রিবেশে যখন আবার কারখানার বাঁশী বাজিয়া উঠিত, যন্ত্রচালিতের মত তখনই সে আছবানে আবার জাগিয়া উঠিত।

এমনি করিয়াই সে বাঁচিয়া ছিল, মরিল যখন তখন ঠিক এমনি কঠোর রূপেই মরণ তাহার নিকটে আসিল। সর্বশরীর তাহার কালো হইয়া গিয়াছিল। পাঁচদিন পরিয়া অসীম যন্ত্রণায় সে বিছানায় গড়াগড়ি দিল। শু মারো মারো চীংকার করিয়া উঠিত, “আমাকে বিষ খাইয়ে মেরে ফেল, মেরে ফেল আমাকে!”

দ্বী ডাক্তার ডাকিল। ডাক্তার আসিয়া জানাইলেন যে হাসপাতালে পাঠাইতে হইবে, এখানে চিকিৎসা হওয়া সম্ভবপর নয়।

হাসপাতালের কথা শুনিয়া ভ্রাসব চীংকার করিয়া উঠিল, “বেরোও পাজী বদমায়েস। আমি কোথাও যেতে চাই না, এইখানেই মরবো।”

ডাক্তার চলিয়া গেলে অশ্রুশিক্ত কর্ণে দ্বী কাতর-নিবেদন করিল, “হ্যাঁগা, চল না হাসপাতালে!”

“খবরদার বলছি, হাসপাতালে পাঠাস্ নি! হয়ত আমি সেখানে মেরে উঠতে পারি, আর তাতে তোরাই বিপদ বেশি।”

ভোরবেলা সে দেহত্যাগ করিল। ঠিক তখন কারখানার বাঁশী বাজিতেছিল। অল্প সব মজুরেরা তখন প্রতিদিনকার অভ্যাসে কারখানার দিকে আগাইয়া চলিতেছিল। যখন তাহাকে কবর দেওয়া হয় তখন সেখানে তাহার স্ত্রী, তাহার পুত্র এবং কুকুরটি ছাড়া একজন বৃদ্ধ মাতাল, একটি দাগী চোর ও সেখানকার কয়েকজন ভিথারী উপস্থিত ছিল। স্ত্রী কাঁদিতেছিল, কিন্তু পুত্রের চোখে অশ্রুর বাষ্পও ছিল না। বৌকণ্ঠ্যমানা স্ত্রীর দিকে চাহিয়া সমাগত লোকেরা বলাবলি করিতে লাগিল, ভ্রাসব মরেছে, না মাগীর হাড় জুড়িয়েছে।

কবরের কার্য শেষ হইয়া গেলে যে যাহার ঘরে ফিরিয়া গেল। কিন্তু সেই নিস্তরু প্রান্তরে শুধু একটি প্রাণী পড়িয়া রহিল; সচু খোঁড়া মাটির

উপর বসিয়া কুকুরটি মাটিতে মুখ রাখিয়া গন্ধের মধ্য দিয়া কাহার সন্ধানের জন্ত তখনও বসিয়াছিল।

পিতার মৃত্যুর দুই সপ্তাহ পরে একদিন রবিবার পাভেল রীতিমত মাতাল হইয়া বাড়ীতে ফিরিল। কোনরকমে হামাগুড়ি দিয়া যেখানে বসিয়া তাহার বাবা আহা করিত, ঠিক সেইখানে বসিয়া টেবিলের উপর জোরে ঘুষি মারিয়া ঠিক তাহার বাবা যেমন করিয়া চীৎকার করিত তেমনিভাবে চীৎকার করিয়া বলিয়া উঠিল, “খাবার নিয়ে আয়!”

পুত্রের চীৎকার শুনিয়া মাতা ধীরে ধীরে পুত্রের পাশে গিয়া বসিয়া তাহাকে বুকে টানিয়া লইলেন! মাতার এই আদরে পাভেল আরও ক্ষুব্ধ হইয়া উঠিল, এবং মাতার হাত তাহার ঘাড় হইতে জোরে টানিয়া ফেলিয়া দিয়া বলিয়া উঠিল, “শিগগির, খাবার দে শিগগির।”

শান্ত স্নেহশিক্ত কণ্ঠে পুত্রের হাত ধরিয়া মা শুধু বলিলেন, “দুই ছেলে।”

মায়ের দিকে না চাহিয়াই জড়িত কণ্ঠে পাভেল বলিল, “আমি তামাক ও খাব, বাবার পাইপটা আমাকে এনে দে।”

জীবনে এই প্রথম সে মদ খাইয়াছে। তীব্র মদিরা তাহার সর্বদেহকে অবসন্ন করিয়া ফেলিয়াছিল কিন্তু তখনও তাহার চৈতন্য হারায় নাই। তাহার মাথার ভিতরে কে যেন তখন অনবরত জিজ্ঞাসা করিতেছিল, “মদ? মদ খেয়েছ? মাতাল হয়েছ?”

মায়ের আদরে সে আরও অসোয়াস্তি বোধ করিতেছিল। মাতার চোখের দিকে চাহিতেই সেই বিষন্নদৃষ্টি তাহার মর্ম-মূলে যেন বিঁধিতেছিল। ডাক ছাড়িয়া কাঁদিবার ইচ্ছা হইল। কিন্তু উদ্বেলিত কান্নাকে চাপিবার জন্ত, যতখানি না মাতাল হইয়াছিল সে তাহার বেশী ভান করিতে লাগিল।

পুত্রের মাথায় হাত বুলাইতে বুলাইতে মা বলে, কেন তুই এ কাজ করলি? তোর কি এ কাজ করা উচিত ছিল?

পাভেলের শরীর ঝিমাইয়া আসিতেছিল। সে ভীষণভাবে ক্রোধ করিতে লাগিল। তারপর অবসন্ন হইয়া বিছানায় শুইয়া পড়িল। তাহার মনে হইল দূর হইতে যেন তার মা বলিতেছে,—

“তুই যা আমাকে খাওয়াবি, তা বুঝতে পারছি।”

চোখ বন্ধ করিয়াই সে উত্তর দিল, “কেন, সবাই তো মদ খায় !”

পুত্রের উত্তর শুনিয়া মা দীর্ঘনিশ্বাস ফেলিল। সে ঠিকই বলিয়াছে, সবাই তো মদ খায়। তিনি খুব ভাল রকমেই জানিতেন যে সরাইখানা ছাড়া জগতে এমন কোনও জায়গা নাই যেখানে এরা বুকের জ্বালা জুড়ায়, ‘ভোদকা’র আশ্বাদ ছাড়া এমন কোন আনন্দের স্বাদ নাই যে তাহাদের জীবনকে ক্ষণিকের জগ্ন ভরিয়া তোলে। তবুও তিনি বলিলেন, “সবাই খায় বলে, তুইও খাবি? তোর বাবা যে তোদের দুজনের হয়ে খেয়ে গেছে! কত যে সয়েচি! একবার অভাগী মায়ের দিকে ফিরে চা—দেখবি তোর আর খেতে প্রবৃত্তি হবে না—”

মায়ের শান্ত স্নেহ-কোমল কথায় পাভেলের মনে পড়িল যতদিন তাহার বাবা বাঁচিয়াছিল ততদিন মায়ের অস্তিত্বের কোনও খবর কেহ যেন পাইত না। একান্ত নীরবে তিনি যেন সর্বদাই অপেক্ষা করিয়া থাকিতেন কখন অতর্কিত প্রহারের পালা আরম্ভ হইবে। ইদানীং বাবার সঙ্গে যাহাতে দেখা সাক্ষাৎ না হয়, তাহার জগ্ন পাভেল বাড়ীতে খুব অল্প সময়ই থাকিত। এই সমস্ত কারণে তাহার মন হইতে মায়ের কথা একরকম দূরে সরিয়াই গিয়াছিল।

একটু স্থস্থির হইয়া পাভেল বহুদিন পরে মায়ের মুখের দিকে চাহিল। বহুদিনের পরিশ্রমে তাহার দীর্ঘ দেহ হুইয়া পড়িয়াছে চোখের কোলে কোলে বিধাদের ছায়া জমাট বাঁধিয়া রহিয়াছে। গ্রামের অল্প সমস্ত নারীদের চোখের কোলেও এই একই ছায়া। ঘন-কৃষ্ণ বেশগুচ্ছের মধ্যে এক এক জায়গা শাদা হইয়া গিয়াছে, মনে হয় যেন কাহারও বজ্রমুষ্টির ছাপ এখনও রহিয়া গিয়াছে। পাভেল দেখিল মায়ের চোখে জল—

“আঃ, কেঁদো না, দাঁড়াও একটু জল দাঁও দেখি।”

“দাঁড়া, একটু বরফ-জল এনে দিচ্ছি!”

বরফ-জল লইয়া যখন তিনি ফিরিয়া আসিলেন তখন দেখেন পাভেল ঘুমাইয়া পড়িয়াছে। নিঃশব্দে ঝুঁকিয়া পুত্রের মুখের দিকে ক্ষণকাল চাহিয়া রহিলেন। তারপর ধীরে পেয়ালাটি টেবিলে রাগিয়া ঘরের এক কোণে ক্রুশবদ্ধ মহাপুরুষের যে বিমলিন ছবিটি টাঙানো ছিল, তাহার সম্মুখে নতজানু হইয়া নীরবে শুধু অশ্রুজলে পুত্রের কল্যাণ কামনায় প্রার্থনা জানাইলেন।

বাহিরে তখন অন্ধকারে নষ্ট-জীবনের নিশীথ-উন্মাদনার শব্দ উঠিয়াছে।

শরতের কুয়াশাচ্ছন্ন বাতাসে দূর হইতে একটি ভাঙ্গা সেতারের শব্দ ভাসিয়া আসিতেছে। কোথাও তার-স্বরে কেহ চীৎকার করিয়া গান করিতেছে, কেহ বা অবিশ্রান্ত কুৎসিত গালাগাল বকিয়া চলিয়াছে। আর তাহার মাঝে মাঝে নারীকণ্ঠের তিক্ত অভিশাপবাণী নিশীথ অন্ধকারকে আরও গাঢ় করিয়া তুলিতেছে।

নিতান্ত একঘেয়ে ভাবে কোনও রকমে মাতা-পুত্রের জীবন বহিয়া চলিয়াছিল। গ্রামের অল্প সমস্ত ছেলে যেমনভাবে দিন কাটায় ঠিক সেই রকম ভাবেই পাভেল তাহার জীবনযাত্রা নির্বাহ করিতে চেষ্টা করে। গ্রামের অল্প সব ছেলেদের দেখাদেখি সে-ও একটা বাজনা কিনিল, ছুটির দিন বেড়াইতে বাহির হইবার জগ্গ একটা ছড়ি, নেকটাই ওভার-সুও কিনিল। সরাইখানার সামান্য সমিতিতে এখন সে নিয়মিত যাতায়াত করে এবং সেখানে নাচিতেও শিখিল। ছুটির দিনে রাত্রে সে মাতাল হইয়াই বাড়ীতে ফিরে এবং যন্ত্রণায় ছটফট করে। সকাল বেলা বুক জ্বালা করে, মুখ ক্যাকাসে হইয়া যায়, মাথা তুলিবার আর ক্ষমতা থাকে না।

একদিন সকাল বেলায় মা আসিয়া জিজ্ঞাসা করিলেন, “হাঁ-রে, কাল রাত্রে কেমন ছিলি?”

বিরক্ত হইয়া পাভেল বলিয়া উঠিল, “মনে হচ্ছে যেন একটা মস্ত কবরের মধ্যে বসেছিলাম—উঃ, কিছু আর ভাল লাগে না—নাহুবগলো সব যেন এক-একটা কলকজা! নাঃ, এবার ছুটির দিন মাছ ধরতে বেরিয়ে পড়বো, না হয় একটা বন্দুক কিনবো!”

কিন্তু মাছ ধরা অথবা শীকার করা কোনটাই তাহার হইয়া উঠে নাই। তবে যত দিন বাইতে লাগিল ততই সে প্রতিদিনের বাঁধা পথ হইতে সরিয়া দাঁড়াইতে লাগিল। সরাইখানার সামান্য-সমিতিতে তাহার গতায়াত্র ক্রমশ কমিয়া আসিতে লাগিল। ছুটির দিনে সে বাহিরে কোথায় চলিয়া বাইত, কিন্তু বেশ স্নহ অবস্থাতেই বাড়ী ফিরিত। মা বিস্মিত হইয়া পুত্রের মুখের দিকে চাহিয়া থাকিতেন! দেখিতেন তাহার মুখের রেখাগুলি যেন ক্রমশ বদলাইয়া আসিতেছে, চোখের দৃষ্টিতে যে ভাষা ফুটিয়া উঠিত, মা তাহা বুঝিতে চেষ্টা করিতেন কিন্তু পারিতেন না। পাভেলের মুখ দেখিয়া মনে হইত সে যেন কাহারও উপর ভয়ানক রাগিয়া আছে, অথবা তাহার বুক

কোথাও কোনও ভীষণ ক্ষত যেন তাহার দেহের সমস্ত শুষ্ক লইতেছে। পুরানো বন্ধুরা তাহার অদর্শনে তাহাকে ডাকিয়া লইতে প্রথম প্রথম তাহার বাড়ীতে আসিত, কিন্তু বাড়ীতে তাহাকে বার বার না পাওয়ার দরুণ, তাহারাও আসা বন্ধ করিয়া দিল।

ছেলের মতিগতি ফিরিয়াছে দেখিয়া মায়ের মনে আনন্দ হইত। কিন্তু সেই সঙ্গে কোথা হইতে তাঁহার মনে এক অজানা আশঙ্কা জাগিয়া উঠিত। পুত্রের মতিগতি যে ফিরিয়াছে তাহা তিনি বুঝিতে পারিতেন কিন্তু যেন কোন এক দুর্ভাগ্যময় রহস্যময় পথে সে চলিয়াছে সে পথের কোন দিশাই তিনি ঠিক করিতে পারিতেন না।

ইদানীং বাড়ী ফিরিবার সময় সে প্রত্যহ সঙ্গে করিয়া নানারকমের বই লইয়া আসে। প্রথমে সে লুকাইয়া পড়িত এবং পড়া শেষ হইয়া গেলে বইগুলি লুকাইয়া রাখিয়া দিত। মাঝে মাঝে বই হইতে গোপনে কাগজে সে কি লিখিয়া লইত এবং লেখা কাগজখানিও লুকাইয়া রাখিত।

মাঝে মাঝে মা জিজ্ঞাসা করেন, “হা-রে, পাতলুমা, তোর কি কোন অসুখ করেছে?”

মাথা নাড়িয়া পাভেল বলে, “কই না, মা”!

দীর্ঘশ্বাস ফেলিয়া মা বলেন, “রোজ রোজ রোগা হয়ে যাচ্ছিস্!—” এই পদ্যস্ত কথাবার্তা হয়।

যত দিন যায়, মাতাপুত্রের কথাবার্তা তত কমিয়া আসে। সকালে নিঃশব্দে চা খাইয়া সে কাজে চলিয়া যায়—দুপুর বেলায় খাবার সময় দুই-একটা নিত্যস্থ অপ্রাসঙ্গিক কথা ব্যতীত সে আর কোনও কথা বলিত না। রাত্রে কাজ হইতে ফিরিয়া আসিয়া গা-হাত-পা ধুইয়া তেমনি নীরবে আহার সন্মাপন করিয়া সে আপনার বইপত্র লইয়া বসিত, ছুটির দিন ভোর না হইতেই সে বাড়ী হইতে বাহির হইত এবং গভীর রাত্রে ফিরিত। মা ভাবিতেন, ছেলে শহরে থিয়েটারে যায়। ইদানীং মা দেখিতেন যে পাভেল প্রায়ই এমন সব ভাষা ব্যবহার করে, যাহা ইহার পূর্বে তিনি কোনও দিন আর শোনে নাই এবং যার অর্থও তিনি বুঝিতে পারেন না। সবার চেয়ে তাঁহার নজরে বেশী পড়িল যে আগে তাহার কণ্ঠস্বরে একটা কর্কশতা ছিল, তাহা যেন কেমন কোমল নমনীয় হইয়া উঠিয়াছে। আগে গ্রামের ছোকরাদের মত বাবু সাজতে পাভেল ব্যস্ত থাকিত; এখন মা দেখিলেন যে বাবুমানির দিকে

আদৌ তাহার লক্ষ্য নাই অথচ পোষাক-পরিচ্ছদ সর্বদাই পরিষ্কার-পরিচ্ছন্ন থাকে। পাভেল যত কোমল হয়, যত সহজ ও সরল হয়, মায়ের মন ততই কি এক অজানা আশঙ্কায় ছলিয়া ছলিয়া উঠে।

একদিন সে একটি ছবি আনিয়া দেওয়ালে টাঙাইল। ছবির দিকে চাহিয়া মা দেখিলেন যে স্নানজন লোক ধীর গন্তীর ভাবে চলিয়াছে, চলিতে চলিতে কি কথা বলিতেছে।

মায়ের বিস্মিত দৃষ্টির উত্তরে পাভেল বলিল, “মৃত্যুর ওপার থেকে যিশু নব-জীবন লাভ করেছেন—”

যিশুর মুখের দিকে চাহিয়া ছবিখানি মায়ের ভাল লাগিল। কিন্তু সেই সঙ্গে তাঁহার মনে এক বিরাট ভাবনার উদয় হইল, এ“ কি রকম! যিশুকে যে এত ভালবাসে, সে কেন গির্জায় যায় না একদিনও?”

ক্রমে দেওয়ালে একটার পর একটা করিয়া ছবিতে ভরিয়া উঠিল। বই-এর থাকে খালি জায়গাগুলিও ভরিয়া উঠিল। ইট কাঠের দেওয়ালে ঘেরা ঘর বলিয়া মনে হইতে লাগিল।

কিন্তু মায়ের মনের আশঙ্কা আর কমিল না। যতদিন যায়, পাভেলের গতিবিধি, হাবভাব তাঁহার নিকট ততই রহস্যময় লাগে এবং তাঁহার অন্তর এক অজানা আশঙ্কায় ততই ছলিয়া ছলিয়া ওঠে। এই দুজ্জ্বেয় রহস্যের কোনও সন্ধান করিতে না পারিয়া মনে মনে তিনি ভাবেন, “আর সকলে কেমন মাহুষের মত হাসে খেলে, এ এক কোন্ সন্ন্যাসী, এই বয়সে নির্বাক গন্তীর!” মাঝে মাঝে মায়ের মনে আর একটা কথা জাগিয়া ওঠে, হয়ত শহরে কোনও মেয়ের সঙ্গে পাভেল প্রেমে পড়িয়াছে—

কিন্তু মা ভাল রকমই জানিতেন যে প্রেম করিতে অর্থের প্রয়োজন আছে। পাভেল যাহা-কিছু উপার্জন করে, সমস্তই তো তাঁহাকে ধরিয়া দেয়। তবে?

এমনি করিয়া দিনের পর দিন চলিয়া যায়। এমনি করিয়া নিঃশব্দে কখন দুইটি জীবনের ধারা দীর্ঘ দুই বৎসর বহিয়া চলিয়া গেল। কেহ কাহাকেও জানিল না। শুধু মায়ের অন্তরে পথ-হীন রেখা-হীন ভাবনার বোঝা জমা হইয়াই রহিল।

একদিন খাওয়া-দাওয়ার পর পাভেল নিত্য যেমন আলো জালিয়া পড়িতে বসে তেমনি পড়িতে বসিয়াছিল।

অতি সম্ভরণে পুত্রের পিছনে আসিয়া একটু ঝুঁকিয়া হৃদ্বন্ধে মা জিজ্ঞাসা করিলেন, “আচ্ছা, তোকে জিজ্ঞাসা করি, এ সব কি তুই রোজ পড়িস্।”

মায়ের মুখের দিকে চাহিয়া বই বন্ধ করিয়া দিয়া পাভেল বলিল, “এখানে বসো, বলছি।”

পুত্রের ইঙ্গিতে মা সম্মুখে আসিয়া বসিলেন, অন্তরে-গুরু আশঙ্কা এখনই বুঝি ভয়ানক কি শুনিবেন—

মায়ের মুখের দিকে না চাহিয়াই পাভেল বলিতে লাগিল, “আমি যে সমস্ত বই পড়ি সে সমস্ত পড়া বা কাছে রাখা নিষিদ্ধ। কেন নিষিদ্ধ জান? তোমার আমার, আমাদের চারিদিককার এই সব শ্রমিকদের জীবনের সম্বন্ধে সত্য কথা এই সব বই-এ লেখা আছে—তাই এ নিষেধ! গোপনে এ সমস্ত ছাপা হয়, গোপনে বিলি হয়, যদি কারুর কাছে এই সমস্ত বই পাওয়া যায় তাহলে তখনি তাকে কারারুদ্ধ করা হয়। আমাদেরও কারাগারে যেতে হবে— কারণ, আজ আমি সত্যকে জানতে চাই—”

মহা মায়ের সমস্ত নিঃশ্বাস যেন বন্ধ হইয়া আসিতে লাগিল। কোনও মতে চোখ তুলিয়া ছেলের মুখের দিকে ভাল করিয়া চাহিলেন—তাহার মনে হইতে লাগিল যে তাহার সম্মুখে তাহার পুত্রের বদলে যেন কে একজন নূতন লোক বসিয়া আছে—তাহাকে ইহার পূর্বে তিনি যেন আর কোনও দেখেন নাই।

“তুই কেন এসব পড়িস্?”

“আমি সত্যকে জানতে চাই!”

পাভেলের মুখের দিকে তিনি আরও ভাল করিয়া চাহিলেন। তাহার চক্ষু হইতে স্থির জ্যোতি বাহির হইতেছিল। সেই মুখের দিকে চাহিয়া জননীর অন্তর্দৃষ্টি দিয়া তিনি বুঝিলেন যে, তাহার পুত্র যেন কোন এক রহস্যময় ভয়াল শক্তির নিকট চিরকালের মত আত্মসমর্পণ করিয়াছে।

জীবনে যাহা কিছু ঘটিয়াছে তাহাকে অবশুস্তাবি বলিয়া তিনি স্বীকার করিয়া আসিয়াছেন। কোন কিছু চিন্তা না করিয়া সেই ভবিষ্যতের নিকট আত্মসমর্পণ করাই তিনি জানিতেন। তাই আজও তাহার কোনও কথা যোগাইল না! বেদনার গুরুভার অন্তরে চাপিয়া কাঁদিয়া ফেলিলেন।

“কাঁদছো কেন মা?”

পুত্রের প্রশ্ন শুনিয়া মায়ের মনে হইল, বিদায়ের কালে পুত্র যেন শেষ প্রশ্ন করিতেছে।

“একবার ভেবে দেখো, কি রকমভাবে তুমি বেঁচে আছ! তোমার আজ চল্লিশ বছর বয়স হলো কিন্তু বল তো একদিনও তুমি বাঁচার মত করে বাঁচতে পেরেছো? বাবা তোমাকে নিয়তই মারতেন—তার কারণ অবশ্য আজ আমি বুঝতে পেরেছি। তাঁর নিজের জীবনে যে সব দুঃসহ অবিচার ও অত্যাচার সহিতে হতো, নিরুপায় হয়ে তিনি তোমার উপর তারই প্রতিশোধ নিতেন। তিরিশ বছর ধরে ক্রমান্বয়ে ভূতের মত খেটে চলে গেছেন। যখন ছেলেবেলায় তিনি কারখানায় ঢোকেন তখন কারখানায় মাত্র ছোটো বাড়ী ছিল, আজ সেখানে সাত সাতটা বাড়ী উঠেছে। এমনিই হয়, কল বাড়়ে, কারখানা বাড়়ে, আর তারই চাকায় তেল যোগাতে মানুষ মরে।”

যৌবনের উদ্দাম উচ্ছ্বাসে বাধাবন্ধহারাভাবে আপনার সত্য অনুভূতির প্রথম প্রকাশ-আনন্দে অন্তরের অঃস্থলে যাহা আসিতেছিল পাভেল তাহাই আজ বলিয়া চলিতে লাগিল। সে যে বিশেষ করিয়া তাহার মাকে উপলক্ষ্য করিয়া কিছু বলিতেছিল, তাহা নয়, আপনার অন্তরের সত্যোজাত সত্য-উপলব্ধিকেই সে রূপ দিতেছিল।

সহসা মায়ের মুখের দিকে চাহিয়া পাভেল জিজ্ঞাসা করিল, “আচ্ছা, বল তো মা, জীবনে কোনও দিন তুমি এতটুকু আনন্দের স্বাদ পেয়েছ? পেছন দিকে চাহিলে কোন আনন্দের স্মৃতি তোমার মনে পড়ে?”

সমগ্র নারী-জীবনের মধ্যে সর্বপ্রথম এই তিনি শুনিলেন যে তাঁহার জীবন সম্বন্ধে, তাহার আনন্দ-নিরানন্দ সম্বন্ধে, কেহ প্রশ্ন করিতেছে। অসংলগ্ন অস্পষ্ট ভাবনার মেঘলোকে বহুদিনের তন্দ্রাচ্ছন্ন বেদনার বিদ্যুৎ যেন নড়িয়া উঠিল; বহুদিন-বিস্মৃত কবেকার যৌবনের লাঞ্ছিত জীবনের মুক বিদ্রোহ আজিকার দিনকে ঈষৎ সচকিত করিয়া তুলিল। কত দিন কত প্রতিবেশী রমণীর সঙ্গে তিনি ঘরকন্না জীবন-মরণ কত কি লইয়া কত গল্প করিয়াছেন—সবাই দুঃখ করিত, কাঁদিত, কিছুই ভাল লাগে না বলিত, কিন্তু কই, কেহই তো কোন দিন ভাবে নাই, কেন এই দুঃখ, কেন এই কান্না, কেন জীবনে এত জালা?

আজ সহসা তাহার আপন পুত্রের মুখে তাহার নারী-জীবনের গোপন-ব্যথার কথা এই রকম ভাবে শুনিয়া পুত্র-গর্বে তাঁহার অন্তর ভরিয়া উঠিল।

আজকালকার জগতে মায়ের বেদনা কে বোঝে, কে বুঝিতে চায়? পুত্রে মুখের দিকে চাহিয়া তাঁহার মনে হইতে লাগিল যে তাহার মুখ, চোখ, কণ্ঠ যেন তাঁহার বুককে আঁকড়াইয়া ধরিয়াছে।

বহুক্ষণ নিস্তব্ধ থাকিবার পর মা জিজ্ঞাসা করিলেন, “কিন্তু তুই কি করতে চাস?”

“আমি জানতে চাই—জানাতে চাই। আমাদের আজ শিখতে হবে এবং সঙ্গে সঙ্গে এই সব মজুরদের শেখাতে হবে—তাদের বোঝাতে হবে—যে জীবন এত নিদারুণ!”

অন্তরের আবেগে সে অনর্গল বকিয়া চলিতে লাগিল। পুত্রের মুখে দিকে মস্তমুগ্ধের মত চাহিয়া মা শুধু মাঝে মাঝে জিজ্ঞাসা করেন, “সত্যি! সব কি সত্যি?”

“নিশ্চয়ই! জগতে এমন লোকও আছে, যারা মানুষের কল্যাণ চায় এবং সেই মহা অপরাধের জন্ত তারা হাসি মুখে সব লাঞ্ছনা সব ক্ষতি সই করে, কারাগারে বনের পশুর মত পচে মরে। আমি স্বচক্ষে তাদের দেখেছি—তারা এই মাটির পৃথিবীর অমর সন্তান!”

কিন্তু এই সমস্ত লোকদের কাহিনী যতই তিনি শোনেন ততই তাঁহার মন ভয়ে ভরিয়া ওঠে। তাহারাই তাঁহার পুত্রকে এই সমস্ত ভয়ানক কবলিতে শিখাইয়াছে, তাহারাই তাঁহার সন্তানকে মাতৃবক্ষ হইতে টানি লইয়া কোন্ এক অনির্দেশ্য ভয়ঙ্কর পথে লইয়া চলিয়াছে।

“তোমার যা ইচ্ছে তাই কর। তবে একটা কথা বলি—কখনও বেফাঁস কোথাও কিছু বলিস না। তুই জানিস না ওরা কি ভয়ানক লোক সব। ওরা সবাই সবাইকে ঘৃণা করে। আঘাত করাই ওদের একমাত্র আনন্দ। ওদের যদি তুই বোঝাতে যাস, ওদের যদি ভাল করতে চাস, ও তোকে অবিশ্বাস করবে, তোকে টুকরো টুকরো করে জবাই করে তবে শাস্ত পাবে। ওদের তুই জানিস না—”

“আমি জানি ওরা কতদূর ঘৃণ্য। কিন্তু যেদিন আমি আমার অস্তিত্ব সত্যকে উপলব্ধি করতে পেরেছি, সেদিন থেকে এই পৃথিবী আমার চোখের নিকট হইতে উঠেছে। ছেলেবেলা থেকে আমি মানুষকে ভয়ই করে এসে—যখন বড় হলাম তখন তাদের নীচতা দেখে তাদের ঘৃণাই করতে শিখলাম। তারপর জানি না কেমন করে আমার সব ধারণা বদলে গেল। আজ আ

মাছুষকে আর এক নতুন দৃষ্টিতে দেখতে পেয়েছি। আজ সকলের জন্তে সকলের সব ক্ষুদ্রতার জন্তে শুধু আমার দুঃখ হয়! বেদনায় মন ভরে আসে। যেদিন থেকে আমি অন্তরে সত্যকে উপলব্ধি করেছি সেদিন থেকে মনে হয়েছে, এই ক্ষুদ্রতা, এই নীচতার সবখানির জন্তে তারা দায়ী নয়!”

আপনার মনের মধ্যে যে সব বাণী জাগিয়া উঠিতেছিল, যেন তাহা শনিবার জন্ত সহসা পাভেল স্তব্ধ হইয়া গেল। তারপর অক্ষুট স্বরে আপনার মনে বলিয়া উঠিল—“এমনি ভাবেই সত্য বেঁচে থাকে।”

রাত্রি স্থগভীর হইয়া আসিয়াছিল। পাভেল শয্যায় গিয়া শয়ন করিল। নিদ্রিত পুত্রের সম্মুখে আসিয়া অন্তরের দেবতার নিকট কল্যাণ কামনায় মাতার চোখ দিয়া নিঃশব্দে জল ঝরিয়া পড়িতে লাগিল।

আবার নিঃশব্দে তাহাদের দুইজনের জীবন-ধারা বহিয়া চলে। কাছাকাছি থাকিয়াও তাহাদের মনে হয় যেন তাহারা বহু দূরে আছে।

একদিন বাহিরে যাইবার সময় পাভেল মাকে ডাকিয়া বলিল, “দেখ, শনিবার এখানে জনকয়েক লোক আসবে।”

“কারা?”

“কতক লোক আমাদের এই গাঁয়ের, আর কতক আসবে শহর থেকে।”

“শহর থেকে?”—বলিতেই মা কাঁদিয়া ফেলিলেন।

“এ কি, কাঁদছো কেন?”

“কেন তা জানি না—কান্না আসে তাই কাঁদি!”

‘তুমি ভয় পেয়েছ বুঝি?’

কোনও দ্বিধা না করিয়া মা বলিলেন, ‘সত্যিই আমার ভয় করে, শহরের লোকগুলো—কে জানে কেমন তারা—’

মাতার মুখের দিকে চাহিয়া গভীর স্বরে পাভেল বলিয়া উঠিল, “দেখ মা, এই ভয়ই হলো আমাদের সকল সর্বনাশের মূল। যারা আমাদের পায়ের তলায় রাখে—তারা, আমাদের এই ভয় পাওয়ার স্ববিধে নিয়েই আমাদের আরও ভয় দেখায়। মনে রেখো মা, যতদিন আমরা এমনি করে শুধু ভয় করেই থাকবো—ততদিন এঁদো পুকুরে শুকনো ডালের মত পচেই মরতে হবে। আজ সব ভয় দূরে ফেলে দেবার দিন এসেছে। আজ কি আর কান্না শোভা পায়?”

ক্লান্ত হইয়া চলিয়া যাইবার সময় পাভেল বলিয়া গেল, “ভয়ই কর, আর যা-ই কর, তারা শনিবার এখানে আসবে।”

যাইবার সময় শুনিলা মা কাঁদিয়া বলিতেছেন, “ওরে রাগ করিস্ নে—এ চাড়া আর আমি কি করতে পারি বল।”

তিনদিন ধরিয়া মায়ের মনে এক মুহূর্তেরও শান্তি ছিল না। সেই অজানা আগন্তুকদের আগমন-আশঙ্কায় তাঁহার বুক ক্ষণে ক্ষণে কাঁপিয়া ওঠে। তাহাদের কথা ভাবিতে ভাবিতে তাহাদের এক ভয়ঙ্কর মূর্তি মায়ের মনে জাগিয়া ওঠে। তাহারাই তো তাহাঁব পুত্রকে এই সর্বনাশের পথে টানিয়া লইতেছে।

শনিবার দিন সন্ধ্যাবেলা কারখানা হইতে ফিরিয়া আসিয়া পোষাক বদলাইয়া বাহিরে যাইবার সময় পাভেল বলিল,

“দেখ, তারা যখন আসবে, তাদের বলো যে আমি একটু কাজে বেরিয়েছি। এখনুনি ফিরে আসবো আর দেখো, মিছিমিছি ভয় করো না—তারা সবাই তোমার মত, আমার মত মানুষ—আর কিছু নয়।”

পুত্রের কথা শুনিয়া মা কাঁপিতে কাঁপিতে বসিয়া পড়িলেন।

মায়ের অবস্থা দেখিয়া পাভেল শান্তভাবে বলিল, “দেখছি, তোমাকে অল্প জায়গায় রেখে আসতে হবে।”

পুত্রকে ছাড়িয়া অল্প জায়গায় থাকার কথায় মা অন্তরে ক্ষুব্ধ হইলেন, বলিলেন, “তাতেই বা কি লাভ আমি এখানেই থাকবো!”

তখন নভেম্বর মাস শেষ হইয়া আসিতেছিল। সারা দিন ধরিয়া মুহম্মান ধরগীর উপর দিয়া তুষারের ঝঞ্ঝা বহিয়া চলিয়া গিয়াছে। জানালায় ধারে আসিয়া দাঁড়াইতেই মায়ের মনে হইল যে পৃথিবীর সমস্ত অন্ধকার যেন তাঁহারই জানালায় আশেপাশে আজ জমা হইয়া আছে। সেই অন্ধকারে যেন অসংখ্য লোক, অদ্ভুত তাহাদের চেহারা, হামাগুড়ি দিয়া তাঁহারই দিকে আগাইয়া আসিতেছে।

এমন সময়ে বাহিরে বাঁশীর শব্দ হইল—করণ, কোমল। সে স্বর যেন অন্ধকারের অরণ্যানী ভেদ করিয়া কাহার সন্ধানে চলিয়াছে। ক্রমশ শব্দটি আগাইয়া আসিতে আসিতে সহসা জানালায় ধারে আসিয়া যেন মূচ্ছিত হইয়া পড়িল। সঙ্গে সঙ্গে বাহিরে দরজার নিকট পায়ের শব্দ শোনা যাইতে লাগিল। বিহ্বল হইয়া মা উঠিয়া দাঁড়াইলেন।

সহসা ঘরের দরজা খুলিয়া গেল। প্রথমে একটা বৃহৎ টুপিওয়ালা মাথা দরজার ফাঁক দিয়া ঢুকিল, তারপর সেইটুকু ফাঁক দিয়া একখানি রোগা শরীর সোজাভাবে ঘরে আসিয়া নীরবে ডান হাতটি তুলিয়া দীর্ঘশ্বাস ফেলিয়া বলিল, “নমস্কার!”

মা নীরবে অভিবাদন গ্রহণ করিলেন।

“পাভেল এখনও ফেরেনি বুঝি?”

কোনও অভিযর্থনার অপেক্ষা না করিয়াই আগন্তুক যুবকটি আপনার মনে ওভারকোটটি খুলিয়া রাখিয়া গা হইতে বরফ ঝাড়িয়া ঘরের চারিদিকে দেখিতে লাগিল।

“এ কি আপনাদের নিজেদের বাড়ী, না ভাড়া নিয়েছেন?”

“ভাড়া নিয়েছি।”

“তেমন সুবিধের বাড়ী নয় তো!”

সে কথার আর কোনও উত্তর না দিয়া মা বলিলেন, “একটু বসো, পাভেল এখন আসবে।

“তাতে কি হয়েছে! বসবো তো নিশ্চয়ই!”

আগন্তকের কোমল কণ্ঠস্বর এবং সরল অমায়িকতায় মায়ের মনে একটু সাহসের সঞ্চার হইল। যুবকটির দিকে চাহিয়া তাঁহার ইচ্ছা হইল জিজ্ঞাসা করেন, নাম কি, কোথায় থাকে, কতদিনই বা পাভেলের সঙ্গে আলাপ। মা প্রশ্ন করিবার পূর্বেই সহসা যুবকটি প্রশ্ন করিয়া বসিল, “তোমার কপালে কাটার দাগ কেন মা?”

মাতৃস্বের কণ্ঠে যতখানি কোমলতা ও করুণা থাকা সম্ভব, ঠিক ততখানি করুণ-কোমলতায় আগন্তুক এই প্রশ্ন করিয়াছিল কিন্তু তৎসঙ্গেও তিনি তাহাতে অপমানিত বোধ করিলেন। ক্রুদ্ধস্বরে বলিতে গিয়া ঈষৎ সংযত হইয়া তিনি বলিলেন, “তাতে তোমার কি প্রয়োজন?”

তেমনি সহজ ও নির্বিকার চিত্তে যুবক বলিয়া উঠিল, “রাগ করো না, মা! কেন জিজ্ঞাসা করলাম, জানো? যে মা আমাকে পালন করেছিল, তারও কপালে ছিল ঐ রকম একটা দাগ। তাঁর স্বামীটি ছিলেন মুঁচি আর সে ছিল ধোঁপানী। একদিন রাগের মাথায় জুতোশেলাই করা একটা যন্ত্র দিয়ে সে-লোকটা মার কপালে ঐ রকম দাগ করে দেয়। নিতাই সে লোকটা মাকে মারতো আর রাগে আমার সমস্ত শরীর ফুলে ফুলে উঠতো!”

সহসা যুবকের এই কুঠাছীন আত্মপ্রকাশে তাহার উপর যে তিনি রাগিয়াছিলেন তাহা ভাবিতে মনে মনে লজ্জিত হইয়া উঠিলেন। বলিলেন, “না, রাগ করিনে বাছা, তবে, তবে কেনা তুমি বড় শিগ্গির প্রশ্নটা করে ফেললে কি না! আমার এই দাগ—এ আমার স্বামীর পুণ্যস্বতি! তিনি এখন স্বর্গে—সে অনেক দিনের কথা—বাছা, তুমি কি তাতার?”

“এখনও তাতার হই নি!”

“তবে, তুমি?”

“আমি লিটল্ রাশিয়ান্—আমার বাড়ী কেনিয়াত শহরে।”

“কতদিন হলো এখানে আসা হয়েছে?”

“একমাস হলো আপনাদের কারখানা দেখতে আমি এখানে আসি। সেখানে কতকগুলি ভালো লোকের সঙ্গে পরিচয় হয়। তার মধ্যে আপনার ছেলেও ছিল। এখানে হয়ত আরও কিছুদিন থাকতে হবে।”

আগন্তকের মুখে পুত্রের প্রশংসা শুনিয়া মায়ের অন্তর গলিয়া গেল। জিজ্ঞাসা করিলেন, “একটু চা খাবে কি।”

“বা: আমি একা একা খাবো কি করে? ওরা সবাই আত্মক—তখন আপনার হাতের চা সবাই মিলে খাবে।”

আরও অনেকে আসিবে এই কথা মনে পড়তেই মায়ের মন আবার আশঙ্কায় ঢুলিয়া উঠিল। মনে মনে অন্তঃস্বামীকে ডাকিয়া বলিলেন, “হে প্রভু, তারা যেন সবাই এরই মত হয়।”

আবার বাহিরে পদশব্দ হইল। এবারে যে আসিল, সে নারী। অতি সামান্য পোষাক, মাঝামাঝি গড়ন—মাথায় একরাশ ঘন কালো চুল। ঘরের মধ্যে প্রবেশ করিয়াই সে বলিল, “দেরি হয়ে গেছে বুঝি!”

লিটল্ রাশিয়ান্ বলিল, “না। হেঁটে এলে বুঝি?”

“নিশ্চয়ই! আপনি বুঝি পাভেলের মা! নমস্কার! আমার নাম জ্ঞানেন না তো? আমার নাম নাটাশা।”

মেয়েটির কণ্ঠস্বরের পরম আত্মীয়তায় মার মন শান্ত হইল।

মেয়েটির গা হইতে বরফ ঝাড়িয়া দিতে দিতে লিটল্ রাশিয়ান্ জিজ্ঞাসা করিল, “বাহিরে ভয়ানক ঠাণ্ডা—না?”

“ও:—ঠাণ্ডা বলে ঠাণ্ডা। আর কি হাওয়া দিচ্ছে, উঃ—”

ঠাণ্ডায় দুই হাত দিয়া দুই কপাল ঘষিতে লাগিল। মা তাড়াতাড়ি

বলিয়া উঠিলেন, “আহা বাছা, একটু আগুন করে দি, কেমন?” বলিয়াই তিনি রান্নাঘরে চলিয়া গেলেন।

রান্নাঘরে আসিয়া মেয়েটির মুখ মনে করিতেই মায়ের মনে হইল যেন মেয়েটি তাঁহার বহুকালের পরিচিত। আপনার প্রবাসী কত্তা যেন বহুকাল পরে ঘরে ফিরিয়া আসিয়াছে। আগুন তৈয়ারী করিতে করিতে মা শুনিতে লাগিলেন, পাশের ঘরে তাহার কথা বলিতেছে—মেয়েটি জিজ্ঞাসা করিতেছে, “তোমাকে কেমন বিষয় মনে হচ্ছে, নাখোদকা।”

লিটল রাশিয়ান উত্তরে বলে, “পাতেলের মায়ের চোখ দেখে আমার নিজের মায়ের কথা মনে পড়ছে। মনে হচ্ছে—তাঁরও ঠিক ঐরকম চোখ ছিল। আমার বিশ্বাস কি জানো, আমার মা এখনও বেঁচে আছেন—”

“তুমি না বলেছিলে তোমার মা মারা গেছেন?”

“যে-মা আমাকে পালন করেছিল সে মারা গিয়েছে। আমার নিজের গর্ভধারিণী—তাঁর কথা এখন আমার মনে হচ্ছে হয়ত এই কিয়েভ শহরের কোন্ অন্ধকার গলিতে মা আমার ভিক্ষে করে বেড়াচ্ছে—ভিক্ষে করে যা পায় তাই দিয়ে মদ খায়—”

“আঃ—ওকরম করে কেমন ভাবচো?”

“জানি না। হয়ত বেহ'স হয়ে গিয়ে রাস্তায় পড়ে গিয়েছে। পুলিশ মারতে মারতে খানায় নিয়ে যাচ্ছে—”

রান্নাঘরে মায়ের চোখ অশ্রুতে ভরিয়া ওঠে। আগুন তৈয়ারী করিয়া মা ঘরে আসেন। এমন সময় আবার পায়ের শব্দ। এবারে প্রবেশ করিল গায়ের নামজাদা চোরের ছেলে নিকোলে। নিকোলেকে দেখিয়া মা বিস্ময়ে বলিয়া উঠিলেন, “তুমি এখানে!”

“পাতেল আছে? এই যে তোমরা এসেছ—”

মা বিস্ময়ে নির্বাক হইয়া দেখিলেন, নাটাশা আগাইয়া আসিয়া হাত ধরিয়া তাহাকে বসাইল। তা হলে এও এ দলে আছে—

তারপর আরও দুটি লোক আসিল—দুটি বালক। তাহাদের একটিকে তিনি আবার চিনেন। কারখানার দরওয়ানের ছেলে ইয়াকুব। অবশেষে আরও দুইটি পরিচিত লোককে লইয়া স্বয়ং তাঁহার পুত্র আসিয়া উপস্থিত হইল। পরিচিত লোক দুইটি তাহাদের কারখানায়



দিকে চাহিয়া মায়ের মনে হইল, ইহারা তো কেহই ভয়ানক নয়! তবে পাভেল কেন তাঁহাকে মিছামিছি ওসব কথা বলিয়া ভয় দেখাইল?

একটু আড়ালে পাইয়া ছেলেকে চুপিচুপি জিজ্ঞাসা করিলেন, “এদেরই ভয়ানক লোক বলে?”

ঘাড় নাড়িয়া পাভেল বলিল, “এরাই ভয়ানক লোক।”

মমতায় সকলের দিকে চাহিয়া মা বলে, মাগো, এরা যে সব দুখের বাছা! মা চা তৈরী করিতে লাগিলেন।

নাট্যাশা কথা বলিতে আরম্ভ করিল। বলিল, “মাকুষ কেন এত জঘন্ঠ ভাবে জীবনযাত্রা পরিচালনা করতে বাধ্য হয়, তা বুঝতে হলে—”

লিটল রাশিয়ান্ বাধা দিয়া বলিল, “বল, মাকুষ নিজে কেন এত জঘন্ঠ হয়, তা বুঝতে হলে—”

“কি রকমভাবে তারা জীবন আরম্ভ করে সেটা দেখতে হবে প্রথমে—”

চা করিতে করিতে সহসা মা বলিয়া উঠিলেন, “তাই দেখ, বাছা, তাই দেখ!” সহসা সকলের কথা থামিয়া গেল। পাভেল বিস্মিত হইয়া কপাল কুঁচকাইয়া মাকে জিজ্ঞাসা করিল, “কি বলছো, মা?”

অপ্রস্তুত হইয়া মা বাললেন, “কিছু নয় বাবা, আমি নিজের মনে কথা বলছিলাম”—বলিয়াই তিনি চা পরিবেশন করিতে লাগিলেন। ছোট মেয়েটির মত নাট্যাশা বলিয়া উঠিল, “মাগো, তোমার বাড়ীতে তোমার ছেলে-মেয়েরা এসেছে—এতে আবার বাধার কি আছে? উঃ—বাবা—বড় ঠাণ্ডা—শিগ্গির চা দাও—”

নাট্যাশা এবং পাভেল হাসিয়া উঠিল। ব্যাপারটা চাপা দিবার জন্ত লিটল রাশিয়ান্ বলিয়া উঠিল, “চমৎকার চা হয়েছে মা?”

“বা রে ছেলে, না খেয়েই বলে ভাল হয়েছে।” তারপর পুত্রের নিকটে গিয়া সঙ্কচিতভাবে বলেন, “তোদের কাজে বাধা দিলাম না কি রে?”

নাট্যাশা পড়িতে আরম্ভ করিল। অতি সন্তর্পণে মা কাপ আর ডিস নাড়িতে লাগিলেন—পাছে শব্দে তাহাদের কোনও অসুবিধা হয়। স্রোমোভারের অগ্নি-শিখার মথিত শব্দের সঙ্গে নাট্যাশার কণ্ঠস্বর মিশিয়া ঘরে এক অপূর্ব সঙ্গীতের সৃষ্টি করিল। নাট্যাশা পড়িতেছিল—প্রাচীনতম মাছুষের কাহিনী—যখন তাহারা বস্ত্রপত্ত শিকার করিয়া গুহায় গুহায় জীবন অতিবাহিত করিত—মা আনন্দিত চিত্তে সেই অপক্লপ গল্প শুনিতেছিলেন এবং

মাঝে মাঝে বিশ্বয়ে পুত্রের মুখের দিকে চাহিয়া নীরবে জিজ্ঞাসা করিতেছিলেন—ইহার মধ্যে বে-আইনী কি আছে ?

পাভেল নাটাশার পাশেই বসিয়াছিল। দলের মধ্যে সে-ই সবচেয়ে সুন্দর। নাটাশা বই-এর উপর ঝুঁকিয়া পড়িতেছিল—মাঝে মাঝে হাত দিয়া খুলিয়া-পড়া চুলের গোছাগুলি পিছন দিকে সরাইতে সরাইতে বিমুগ্ধ শ্রোতাদের দিকে চাহিয়া বই-ছাড়া দুই-একটা কথা বলিতেছিল।

ঘরখানির রূপ যেন বদলাইয়া গিয়াছে। যেন কোথা হইতে একটা অপরূপ স্বচ্ছন্দতা ফুলের মত অনাড়ম্বরে ফুটিয়া উঠিয়াছে। মায়ের মন অজ্ঞাতসারে তাহাতে সায় দিয়া উঠিল। জীবনে তিনি সন্ধ্যার এই অপরূপ শান্তির স্পর্শ কখনও পান নাই। তাই আজিকার এই শান্ত সন্ধ্যার আনন্দ-স্পর্শ চরম দুঃখে তাঁহাকে স্মরণ করাইয়া দিল—তাঁহার যৌবনের কোলাহল-ক্লেশাক্ত সন্ধ্যার কথা—নিখাসে তাহাদের ভোদ্যকার তীব্র গন্ধ—মুখে কি কুৎসিত সব ভাষা—। এইসব, আরও অনেক কথা মায়ের মনে জাগিয়া উঠিল। সহসা নিজের শতছিন্ন হৃদয়ের দিকে চাহিয়া নিজের জন্ত এক অপরূপ করুণার বোঝা তাঁহাকে পাইয়া বসিল।

মনে পড়িল, তাঁহার স্বামীর সহিত প্রথম সাক্ষাতের দিন!—এক আড্ডায় তাঁহার সঙ্গে দেখা। উন্মাদ মাতাল হইয়া লোকটি হাত ধরিয়া তাহাকে টানিয়া অন্ধকার দেয়ালে কোণ-ঠাসা করিয়া ধরিল—দেহের সমগ্র ভার দিয়া দেয়ালে ঠেলিয়া মগ্ন-তিক্তকণ্ঠে জিজ্ঞাসা করিল, “এই, আমাকে বিয়ে করবি?”

মত্ত দানবের হাত হইতে আত্মরক্ষা করিতে কি বৃথা চেষ্টাই না সেদিন করিতে হইয়াছিল।

“চূপ করে দাঁড়িয়ে থাক, বলছি—নইলে জবাব দে আমার কথার—
জ্বাকামো, ওসব জ্বাকামো খুব জানি—মনে মনে তো খুব খুশী যাঃ, কাল
তোদের বাড়ীতে ঘটক পাঠাবো বুঝি ?

পরের দিন ঘটক আসিল। বিবাহ হইয়া গেল। সমস্ত দৃশ্য মনে করিতে, মায়ের অন্তর হইতে একটি সুগভীর দীর্ঘনিখাস বাহির হইয়া আসিল।

...তখন আলোচনা তুমুল তর্কে পরিণত হইয়াছে। প্রত্যেকেই তার-স্বরে চেষ্টাইতেছে এবং মায়ের মনে হইল তাহারা সকলেই যেন রাগিয়া গিয়াছে। কিন্তু আশ্চর্যের ব্যাপার, কেহই কোন কুৎসিত কথা উচ্চারণ করিতেছে না এবং যে যেখানে ছিল সেইখানেই বসিয়া আছে।

মা শুনিতেছিলেন ছেলে বলিতেছে, “যারা আজ আমাদের ঘাড়ে চেপে ব’সে আমাদের চোখ বেঁধে রাখতে চাইছে তাদের আমরা জানিয়ে দিতে চাই, আমরা অন্ধ নই—পশুও নই। শুধু দুমুঠো অন্নের জগ্গে এ জীবন নয়। আমাদেরও অধিকার আছে এষ্ট পৃথিবীতে মানুষের মতন মানুষ হয়ে বেঁচে থাকবার। আজ যারা আমাদের এই দাসত্বে, এই প্রাণহীন জড়ত্বে ; এই অবিরাম বোঝা দিয়ে বেঁধে রেখেছে, তারা জানুক যে তাদের বিজ্ঞাবুদ্ধি মেপে দেখবার মত শক্তি এখনও আমাদের লুপ্ত হয়নি। আর আত্মিক ধর্মের কথা। আমরা এখনও সেদিকে তাদের তের উপ্ধের!...”

মধ্যরাত্রি পূর্ণস্ত তর্ক চলিল। বিদায়ের সময় নাটাশাকে কাছে লইয়া মা বলিলেন, এই ঠাণ্ডায় অত পাতলা মোজায় কি চলে? একটা পশমের মোজা বুনে দেব, কেমন?

অনন্দ-কলহাসের মধ্যে যে যাহার বিদায় গ্রহণ করিল।

পুত্রকে একান্তে পাইয়া মা বলিলেন, বড় ভাল লোক সব। লিটল’ রাশিয়ান্ ছেলেটির মন বড় ভাল, আর মেয়েটি কেমন ফুটফুটে মেয়ে—ও কে রে?”

ঘরের মধ্যে পায়চারি করিতে করিতে পাতেল উত্তর দিল, “একজন শিক্ষয়িত্রী।”

“খুব গরীব—না? এই ঠাণ্ডায় ওরকম পাতলা ছেঁড়া পোষাক পরে থাকলে যে অসুস্থ করবে—ওর কি আত্মীয়-স্বজন নেই?”

“আত্মীয়-স্বজন! আছে বই কি! তাঁরা সব মস্কো শহরে থাকেন। বাবা মস্ত বড়লোক—লোহার ব্যবসা আছে। ও এই আন্দোলনে যোগ দিয়েছে বলে ওর বাবা ওকে বাড়ী থেকে তাড়িয়ে দিয়েছে। ছেলেবেলাটা আদরে যত্নে লালিতপালিত হয়েছে, যখনই যা চেয়েছে তাই পেয়েছে, আর আজ এই অন্ধকার রাত্রিতে এই ঠাণ্ডার মধ্যে চার মাইল পথ পায়ে হেঁটে সে একলা চলেছে—

মা অবাক হয়ে গেলেন। বলিলেন, “এই রাত্রিরে এক! এখন চলো সেই শহরে?”

“হ্যাঁ।”

“ভয় করবে না ওর?”

“না।”

“আচ্ছা, এত রাত্তিরে যাবারই বা কি দরকার ছিল, ও তো অনায়াসে আজ রাত্তিরে আমার কাছে শুয়ে থাকতে পারতো ?

“তা পারতো কিন্তু কাল সকালে যদি কেউ ওকে এখানে দেখতে পায় তাহলে বিপদ হবে !”

ভুলে-যাওয়া আশঙ্কার ছিন্ন সূত্র আবার মা’র মনে জোড়া লাগে। বলেন, “আচ্ছা, এতে বে-আইনী কি আছে ? এই তো আমি সব সুনলাম, এতে ভয় করবারই বা কি আছে ? কই, কেউ তো একটাও অণ্ডায় কিছু করলো না !”

“আমরা যা করেছি তাতে অণ্ডায় কিছু নেই, আমরা যা করবো তাতেও অণ্ডায় কিছু থাকবে না। কিন্তু তবুও আমাদের জন্তে জেলের দরজা খোলাই রয়েছে। একথা তোমার জানা দরকার, মা !”

মায়ের দুর্বল দেহ কাঁপিয়া উঠিল। কণ্ঠস্বর ধরিয়া আসিল। বিহ্বলের মত তিনি বলিয়া উঠিলেন, “ভগবান্ করুন, তোরা কোনও রকমে বেঁচে যা !”

শান্তকণ্ঠে পুত্র বলিল, “তোমার কাছে আজ আর লুকোবো না মা ! ভগবানও আমাদের বাঁচাতে পারবেন না। জেলে যাওয়া ছাড়া আর আগাদের মুক্তি নেই। যাও, রাত হয়েছে আর খাটুনিও হয়েছে অনেক— আমি ঘুমতে চল্লম—”

একা জানালার কাছে দাঁড়াইয়া মা বাহিরের পথের দিকে চাহিয়াছিলেন। বাহিরে তখন গাঢ় অন্ধকারে ঝেড়ে তুষারকণা উড়িতেছে।

বাহিরের দিকে চাহিয়া থাকিতে থাকিতে সহসা মায়ের চোখের সম্মুখে জাগিয়া উঠিল,—তুষারভরা এক বিরাট প্রান্তর ! হ্রস্ব বাতাস তুষারের কণা লইয়া দুর্মদ খেলায় রত। সেই তুষার আর ঝঞ্ঝার মধ্য দিয়া একা চলিয়াছে, এক ক্ষীণ-দেহা বালিকা। অবনত শাখার মত তাহার সর্বদেহ বাতাসে হুলিয়া উঠিতেছে। কখনও বরফে পা ডুবিয়া যাইতেছে, কখনও ঝেড়ে ঘাসের মত বাঁকিয়া বরফের উপর পড়িয়া যাইতেছে আবার উঠিতেছে, পাশে তাহার গভীর দুর্গম বন ঝঞ্ঝা-আহত হইয়া ক্রন্দন করিতেছে। সামনে, ঐ দূরে প্রান্তরের শেষে ক্ষীণ উষালোকে জাগে শহর...

উর্ধ্ব আকাশের দিকে হাত তুলিয়া মা বলিয়া উঠেন, “রক্ষা করো, ভগবান্ !”

জপের মালায় মত নিঃশব্দে দিনের পর দিন চলিয়া যায়। প্রতি শনিবার

পাভেলদের বাড়ীতে আড্ডা বসে। প্রতি সপ্তাহ যেন একটা সিঁড়ির এক-একটা ধাপের মত তাহার উপরের ধাপে যে কি আছে তখনও অদৃশ্য।

নূতন লোক আসে। পাভেলের ছোট্ট ঘর লোকে ভরিয়া ওঠে। ক্রমে সপ্তাহে দুইবার করিয়া সভা বসে।

মা বিশ্বয়ে তাহাদের কথাবার্তা শোনেন। মাঝে মাঝে তাহার গান গায়—কিন্তু তাহার স্বর, ভাষা মায়ের কাছে সব নূতন লাগে। সকলে মিলিয়া চাপা গলায় তাহার একরকম গান গায়। গুণ্ডু উপাসনা মন্দিরে মা সেই-রকম গম্ভীর স্বর শুনিয়াছিলেন।

মায়ের আরও বিশ্বয় লাগিত যখন দেখিতেন কথা বলিতে বলিতে সহসা তাহাদের সকলের মুখ উজ্জ্বল হইয়া উঠিত। বিশেষ করিয়া যেদিন তাহার অপর কোন দেশের শ্রমিকদের কথা পবনের কাগজ হইতে পড়িত, সেদিন তাহার আরও চঞ্চল, আরও প্রদীপ্ত হইয়া উঠিত। চোখ দিয়া তাহাদের আনন্দ ঠিকরাইয়া পড়িত—ছোট ছেলের মত আনন্দে তাহার সমস্ত হুলিয়া যাইত। আনন্দে উত্তেজিত হইয়া কেহ চীৎকার করিয়া উঠিত। জয়, ফ্রান্সের শ্রমিকদের জয়!

কখনও বলিত, দীর্ঘজীবা হোক ইতালির কমরেড্রা!

বহুদূরের সেই সমস্ত অজানা সঙ্গীদের উদ্দেশ্যে কায়মনে নতি জানাইয়া তাহার আনন্দে উৎফুল্ল হইয়া উঠিত। তাহাদের কথাবার্তা শুনিয়া মায়ের মনে হইত যে, তাহার বিশ্বাস করে যে দূরে থাকিয়াও তাহার এই অভিবাদন শুনিয়াছে, না দেখিয়াও তাহার জানিয়াছে, কশিয়ার এক কোণে এক বন্ধ ঘরে কয়েকজন সহযাত্রী বন্ধু তাহাদের হৃদয় দিয়া বুঝিয়াছে।

লিটল রাশিয়ান বলিয়া উঠিত, “কমরেড, তাদের লিখে জানান দরকার যে, স্বদূর কশিয়ারও তাদের বন্ধুরা আছে, যারা তাদের মত এক আদর্শ ধরে চলেছে এবং তাদের জয়ে আজ আনন্দে উৎফুল্ল।”

তারপর তাহার আনন্দোদ্ভাসিত মুখে জার্মান, ইংরেজ, ইতালিয়ান, ফরাসী দেশের শ্রমিকদের কথা বলিত, যেন তাহার সব অতি নিকট বন্ধু, রহিলই বা তাহার দূরে, ব্যক্তিগত পরিচয়ের সীমানার বাহিরে।

সেই ক্ষুদ্র ঘরে কয়েকজন অজাতনামা যুবকের আলোচনায় নিখিল বিশ্বের আর্ত সর্বহারাদের এক অতি ঘনিষ্ঠ আত্মীয়তার অহুভূতি মূর্তি ধরিয়া উঠিত। এই নিবিড় অহুভূতির প্রেরণায় তাহার সকলে একাত্ম হইয়া যাইত।

তাহারই স্পর্শে মায়ের অন্তর সহসা সচকিত হইয়া উঠিত। না জানিয়াও, না বুঝিয়াও সেই আনন্দময় যৌবন-উন্মাদনার গতিবেগে আনন্দে তাঁহার মন সায় দিত।

একদিন লিটল রাশিয়ানকে ডাকিয়া তিনি বলিলেন, “ভারি মজার লোক তোরা! তোদের সবাই বন্ধু, আর্মেনিয়ানরা তোদের বন্ধু, স্লিহদীরা আর জার্মানরাও তোদের বন্ধু। সবার দুঃখে তোরা কাঁদিস্ সবার সুখে তোরা হাসিস।”

অন্তরের আবেগে লিটল রাশিয়ান বলে, “সবার জন্তে আমরা, আমাদের জন্তে সবাই—মা! এই পৃথিবীতে আমাদের কোন জাত নেই, কোনও আলাদা দেশ নেই! আমরা জানি, শুধু শত্রু আর মিত্র। জগতের যত শ্রমিক আছে, তাহারা আমাদের মিত্র, আর যত ধনী আছে, যত আছে প্রভুত্বপরায়ণ ব্যক্তি সবাই আমাদের শত্রু! আমরা শ্রমিক, সবাই এক মায়ের সন্তান। একই আদর্শ আমাদের সকলের বুকে। এক সূত্রে গড়ে তুলতে হবে এই বিশ্ব-জোড়া ভ্রাতৃত্বের বন্ধনকে। বুকের ভেতরে এই কথা এনে দেয় আলো, দেহে দেয় তেজ; দ্বিতীয় সূর্যের মত আলোয় ভরিয়ে তোলে এই অন্ধকার জীবন, জাগায় নূতন স্বর্গ। সে স্বর্গ কোথায় জানো, মা? আমাদের বুকে, বঞ্চিত মানুষের বুকে রয়েছে সে স্বর্গ। তাই, সে যেই হোক, যেখানেই থাকুক, যাই হোক তার নাম সে যদি সাম্যবাদী হয়, তাহলে সে আমার বন্ধু, অন্তরের মিতা,—যুগে—যুগান্তরে।”

এই উন্মাদনা, এই শিশু-স্বলভ উল্লাস, অন্তরের আদর্শে এই স্তব্ধপুল বিশ্বাস ধীরে ধীরে দলের সকলের চিত্ত অধিকার করিতে লাগিল। প্রতিদিন সেই দৃশ্য দেখিয়া অন্তরের অন্তরতম প্রদেশে মা অশ্রুভব করিতে লাগিলেন যে, সূর্যের মত প্রদীপ্ত রশ্মি নইয়া সত্য জাগিয়া উঠিতেছে—আকাশের সূর্যের মত তাহার অস্তিত্ব মা অন্তরে অশ্রুভব করিতে লাগিলেন।

নিকোলের বাবা চুরি করিয়া মাঝে মাঝে প্রায়ই শ্রীঘর বাস করিত। সেই সময় নিকোলে পরমোন্মাদে ঘোষণা করিত, “এখন দিন কতকের জন্তে আমার বাড়ীতে সভার অধিবেশন বসতে পারে। পুলিশ আমাদের বড়জোর চোর বলে সন্দেহ করবে।”

প্রতিদিন সন্ধ্যাবেলা পাণ্ডেলের সঙ্গে কারখানার ছুটির পর কোন না কোন একজন লোক আসিত। চুপি চুপি পাণ্ডেলের সঙ্গে কি পড়িত, তারপর কাগজ

পেন্সিল লইয়া বই হইতে কি লিখিয়া লইত। এই কাজে তাহারা এতদূর মত্ত হইয়া থাকিত যে, কারখানা হইতে আসিয়া হাত-মুখ পয়স্তু ধুইত না। বই হাতে করিয়াই চা পান করিত। তাহাদের কথা মায়ের কানে আসিয়া পৌছিত কিন্তু ক্রমশ তাহাদের কথা তাঁহার কাছে আরও দুর্বোধ্য হইয়া উঠিতে লাগিল।

মা প্রায়ই তাঁহার ছেলেকে বলিতে শুনিতেন, “এবার একখানা খবরের কাগজ চাই!”

যত দিন যায়, মা দেখেন, চারিদিকের জীবন যেন আরও চঞ্চল হইয়া উঠিয়াছে। ছেলের দল যেন আরও ব্যস্ত হইয়া পড়িয়াছে। ফুল কোটার সময় বাগানে ভ্রমরদের অবিরাম ভিড়ের মত মায়ের মনে হইল সহসা তাহাদের যাওয়া-আসা ঘোরাঘুরি যেন বাড়িয়া গিয়াছে।

কিন্তু লিটল্ রাশিয়ান্কে মা যত দেখিতেন, ততই তাঁহার হৃদয় স্নেহে উথলিয়া উঠিত, তাঁহার মনে হইত, যেন কে একটি শিশু কোমল হাতে তাঁহার কণ্ঠ বেড়িয়া ধরিতেছে। রবিবার দিন পাভেলের অবসর না থাকিলে সে আসিয়া মায়ের রান্নার জন্ত কাঠ কাটিয়া উত্তম ধরাইয়া দিত। কাজ করিবার সময় প্রায়ই সে শীঘ্ৰ দিত। গানের সুরের মত কোমল, করুণ।

একদিন ছেলেকে ডাকিয়া মা বলিলেন, “আচ্ছা, লিটল্ রাশিয়ান্ যদি আমাদের এখানে থাকে, তা হলে তো বেশ হয়! তোদের দুজনেরই সুবিধে হবে—ছোট্টাছুটি করতে হয় না!”

“নিজের বোঝা বাড়িয়ে তোমার কি লাভ?”

“ঐ দেখো কি কথা। চিরকাল কিসের জন্তে এত বোঝা বয়ে বেড়ালাম, আজও জানি না। তবে মনে হয় একজন ভাললোকের জন্তে যদি একটু বোঝা বাড়ে ত বাড়ুক।”

“তোমার যা ইচ্ছে কর মা। সে যদি থাকে, আমি খুব সুখীই হব।” মায়ের অস্বরোধে লিটল্ রাশিয়ান্কে পাভেলদের বাড়ীতেই থাকিতে হইল।

গ্রামের ধারে পাভেলদের ছোট্ট বাড়ীটি ক্রমশ সকলের দৃষ্টি আকর্ষণ করিল। নানারকমের সন্দেশের দৃষ্টি বাড়ীর দরজার আশেপাশে উকি-ঝুঁকি দিতে লাগিল। এই বাড়ীর ব্যাপারটা কি জানিবার জন্ত গ্রামের লোকদের কোতূহলের আর সীমা পরিসীমা নাই। রাত্রি বেলা কেউ হয়ত পাচিল

বাহিয়া জানালা দিয়া ঊকি দিয়া দেখে ঘরের মধ্যে কি হইতেছে ; কেউ বা ছুটু মি করিয়া বাড়ীর কড়া নাড়া দিয়া চলিয়া যায়।

পাভেলের মা রাস্তায় বাহির হইলে, লোকের প্রশ্নের আর বিরাম থাকে না। একদিন গ্রামের সরাইখানার বুড়ো মালিক রাস্তায় পাইয়া তাঁহাকে জিজ্ঞাসা করিল, “বলি পাভেলের মা, ব্যাপারখানা কি ? তোমার বাড়ীতে রোজ কোথাকার সব ছোঁড়াছুঁড়ীদের মেলা বসে—ফিস্‌ফাস্‌ করে সব কথা কয়, বলি ব্যাপারখানা কি ? অত ফিস্‌ফাস্‌ করে কি কথা হয় ? কই, আমার হোটেলে এসে তারা কথা বলাবলি করুক না ? আর নির্জন যায়গা যদি চাও, বাবা, গির্জা আছে। হোটেলেও আসবে না, গির্জায়ও যাবে না—এর মধ্যে নিশ্চয়ই গোলমাল আছে। ওসব ভাল বুঝি না তো। উপযুক্ত ছেলে, বিয়ে না দিলে উচ্ছন্ন যাবে !”

বাড়ীর কাছে কামারদের গিন্নী মারিয়ার সঙ্গে দেখা। সে বলে, “বলি ছেলেকে একটু সাবধানে রেখো।”

“কেন ?”

“তারা সব কি দল গড়েছে শুনিছ ? ওরা বলছিলো, ওসব ভাল নয়। চাবুক নিয়ে ওরা নিজেরা মারামারি করে নাকি।”

মায়ের মুখ হইতে বাহিরের এই সমস্ত কথা শুনিয়া পাভেল আর লিটল রাশিয়ান হাসে।

একদিন রহস্তচ্ছলে মা বলিলেন, “গাঁয়ের মেয়েগুলো তোদের ওপর ভারী চটা। তোরা মদ খাস্‌ না, মারধোর করিস্‌ না, তবুও বিয়ে করবি না কেন ? তোদের মত ছেলে ক’টা মেয়ে পায় ? কিন্তু মেয়েগুলোর রাগ, তোরা তাদের দিকে ফিরেও তাকাস্‌ না। ওরা কি বলে জানিস, আমাদের বাড়ী যে সব মেয়ে আসে, তাদের নাকি চরিত্র খারাপ—”

পাভেল গম্ভীরভাবে বলে “তা তো হবেই।”

লিটল রাশিয়ান মায়ের কাছে আগাইয়া আসে। বলে, “কি জান মা, পানাপুতুরের সবই দুর্গন্ধ লাগে। বিয়ে-করা যে কি জিনিস, মেয়েগুলোকে বুঝিয়ে বলতে পার না মা ? হাড় ক’গানা দেহে আছে, তাতে কি অসোয়াপ্তি হচ্ছে তাদের ?”

দীর্ঘশ্বাস ফেলিয়া মা বলেন, “তারা কি জানে না ? তবে তারা কি করবে ?

এ ছাড়া আর উপায় কি? আচ্ছা তাদের ডেকে এনে তোরা বোঝাতে পারিস্ না?”

পাভেল তেমনি গম্ভীরভাবে উত্তর দেয়, “তাদের যদি এখানে ডেকে আনি কি হবে জানো? কিছুদিন পরে দেখবে যে-যার জোড়া বেঁধে চলে গেছে ঘর-সংসার করতে—”

মায়ের চিন্তা আর বেশী দূর অগ্রসর হতে পারে না। পুত্রের গাভীখ তাঁহার অন্তরকে ব্যথিত করিয়া তোলে।

একদিন রাত্রি বেলা মা শুইয়া শুনিতেছেন, তাঁহার ছেলে আর লিটল্ রাশিয়ান্ কথা বলিতেছে। লিটল্ রাশিয়ান্ বলিতেছে, “তুমি তো জানো, আমি নাটাশাকে ভালোবাসি—”

“জানি!”

“আচ্ছা, সে কি জানে যে আমি তাঁকে ভালবাসি?”

“জানে! এবং সেই জগ্গেই সে ইদানীং এখানে আসা ইচ্ছে করে বন্ধ করেছে।”

লিটল্ রাশিয়ান্ বিছানা হইতে উঠিয়া ঘরের মধ্যে পায়চারি করিতে করিতে কি ভাবে। তারপর বলে, “আচ্ছা, আমি যদি তাকে সব কথা বলি? যদি বলি আমি—,”

“কেন বলবে?”

“কেন? কাউকে যদি তুমি ভালবাস, আর তাকে না জানাও—তা হলে তার মানে কি থাকে?”

“এ থেকে তুমি কি মানে চাও?”

“বা:!”

“হাসি নয়, আঙ্গি! তুমি যা চাইছো তার সম্বন্ধে তোমার স্পষ্ট ধারণা থাকা উচিত।—ধরে নিলাম যে, সেও তোমাকে ভালবাসে। বেশ, তোমাদের দুজনের বিয়ে হলো। তারপর এলো ছেলেমেয়ে। সে রইলো তার ঘর-সংসার নিয়ে, তুমি রইলে তোমার ছেলে-মেয়ের আহ্বার সংস্থানের ব্যবস্থা করতে। সেই গডলিকাশ্রোত। যে কাজের জগ্গে তুমি এলে, যে আদর্শের জগ্গ জীবন, তার কি হলো? আমি বলি কি জানো? যা মনে আছে, তা মনেই থাক্। ওকে কিছুই জানাবার কোনও দরকার নেই।”

কিন্তু একথা তুমি কেন বলছো—সেদিন আইভানোভিচ যা বললেন, তা

মানো না? মাছুষকে বেঁচে থাকতে হলে, চাই তার পরিপূর্ণ বিকাশ, দেহের এবং মনের?”

“সে আমাদের জন্তে নয়! তুমি আমি কেমন করে পাবো পরিপূর্ণ জীবন? সে আমাদের জন্তেই নয়। ভবিষ্যৎকে যে ভালবেসেছে তাকে বর্তমানের সব কিছু বিসর্জন দিয়ে যেতে হবে। তা ছাড়া উপায় নেই, ভাই।”

“কিন্তু এ বড় কঠোর।”

“তা ছাড়া মুক্তি কোথায়?”

নিমন্ত্রণ ঘরে ঘড়ির পেণ্ডুলামের উদাসীন গতি জীবন হইতে প্রতি মুহূর্তে এক একটি ক্ষণ অপহরণ করিয়া চলিয়াছিল। মা বিছানায় আড়ষ্ট হইয়া শুইয়া আছেন। পাছে শব্দ হয়, তিনি পাশ ফিরিতে পর্যন্ত পারিতেছেন না।

দীর্ঘ নিঃশ্বাস ফেলিয়া লিটল রাশিয়ান বলিয়া উঠিল, “এ কি দুর্ভোগ, অর্ধেক হৃদয় ভালবাসবে, অর্ধেক হৃদয় ঘৃণা করবে! আচ্ছা, তা হলে, চুপ করে থাকতে হবে ভাই—”

একটু কোমল কণ্ঠে এবার পাভেল বলিল, “সে-ই ভাল হবে ভাই—”

“তবে তাই হোক বন্ধু! সেই পথেই হোক আমাদের যাত্রা! কিন্তু যেদিন তুমি এর স্পর্শ পাবে সেদিন তুমিও বুঝবে এ কত কঠোর, কত কঠিন।”

“বন্ধু, সে আমি এখনি বুঝছি!”

“সত্যি?”

“হ্যাঁ।”

বাহিরে ঝড় বাড়ীর পাঁচিলে আছাড় খাইয়া ফিরিয়া ফিরিয়া চলিয়াছে। ঘরে পেণ্ডুলাম তেমনি তুলিতেছে। বালিশে মুখ গুজিয়া শিশুর মত মা কাঁদিয়া উঠিলেন।

সাম্যবাদীদের সম্বন্ধে গ্রামে ক্রমশ প্রকাশ্য আলোচনা চলিতে লাগিল। তাহারা এক রকম নাল-কালিতে-লেখা কাগজ গ্রামের চারিদিকে ছড়াইতেছিল। এই সমস্ত কাগজে কারখানার শ্রমিকদের দুঃস্বস্তির কথা, সেন্টপিটস্‌বুর্গ এবং অন্যান্য শহরের শ্রমিকদের ধর্মঘটের ব্যাপার, তাহাদের মালিকদের অত্যাচারের কাহিনী এবং সর্বশেষ তাহাদের সকলের একত্র হইয়া এই সমস্ত অন্ত্রায়ের বিরুদ্ধে সংগ্রাম করিবার জন্য আবেদন থাকিত।

যে সমস্ত লোক বেশ দুই পয়সা রোজগার করিয়া স্বখে-স্বচ্ছন্দে বাস করে, তাহারা এই সমস্ত কাগজ পড়িয়া রাগিয়া যাইত, বলিত, “যত সব বিপ্লবী দল ! ব্যাটারদের চোখ উপড়ে নেওয়া দরকার !”

ছোকরারাই সকলের চেয়ে বেশী আগ্রহে এই সমস্ত পড়িত। বলিত, এ সবই সত্যি !

ইহা ব্যতীত অধিকাংশ লোক, গুরু কর্মভারে যাহাদের জীবন পঙ্গু হইয়া আসিতেছে, তাহারা অলস ঔদাসিন্যে ভাবিত, এতে কি হবে ? অসম্ভব !

কিন্তু একটা কথা বিশেষভাবে সত্য হইয়া দেখা দিল যে, এই সমস্ত নীল-কালিতে-লেখা কাগজ গ্রামের চারিদিকে একটা নতুন উত্তেজনার সৃষ্টি করিতেছিল। কোনও সপ্তাহে কাগজ না আসিলে, তাহারা আপনাদের মধ্যে বলাবলি করিত কই এ সপ্তাহে তো পাওয়া গেল না, বোধ হয় ছাপা বন্ধ করে দিয়াছে।

হঠাৎ আবার তাহার পরের দিন সেই কাগজ দেখা দিত। শ্রমিকদের মহলে একটা সাড়া পড়িয়া যাইত।

সেই সঙ্গে সঙ্গে গ্রামের সরাইখানা গুলোয়, কারখানায় কারখানায় নতুন ধরণের সব লোক দেখা দিতে লাগিল। তাহারা লোক ধরিয়া সব প্রশ্ন জিজ্ঞাসা করে, তাহাদের চোখ দেখিলে মনে হয়, সর্বদাই যেন তাহারা কি খুঁজিয়া বেড়াইতেছে।

কিন্তু মা জানিতেন, এই সমস্তই তাহার ছেলের কীর্তি। দেখিতেন, পাভেলকে ঘিরিয়া অনবরত একদল লোক ঘুরিয়া বেড়ায়। তাহাতে প্রথম মনে সাহস পাইতেন কিন্তু সেই সঙ্গে সঙ্গে যত দিন যায়, ততই এক অনির্দেশ্য ভয় তাহার মনকে পাইয়া বসিতে লাগিল।

একদিন সন্ধ্যাবেলা মারিয়া বাড়ী আসিয়া জানাইয়া গেল—কাল সকালবেলা পাভেলদের বাড়ী খানাতল্লাস হইবে। চলিয়া যাইবার সময় সে বলিয়া গেল, “দেখ, আমি কিছু জানি না, আমি এখানে এসেছিলুম, সে-কথাও কেউ যেন না জানে। মনে রেখো, আমি এ বিষয়ের বিন্দুবিসর্গও কিছু জানি না।”

কি এক অজানা আতঙ্কে মায়ের সব দেহ-মন শিহরিয়া উঠিল। ঘরের মধ্যে স্তূপীকৃত বই-এর দিকে চাহিয়া মায়ের মনে হইতে লাগিল, সকল বিপদের মূল যেন সেই বইগুলোর মধ্যেই আছে। বইগুলি বুকে তুলিয়া

কোথায় লুকাইয়া রাখিবেন, তাহার জ্ঞান সমস্ত বাড়ী ঘুরিয়া বেড়াইতে লাগিলেন। কখন পাভেল আর লিটল রাশিয়ান আসিবে!

একটু বিলম্বে দুই বন্ধুতে বাড়ী ঢুকিতে না ঢুকিতেই মা দৌড়াইয়া গিয়া বলিলেন, জানিস্—

মায়ের আতঙ্কিত মূর্তি দেখিয়া পাভেল হাসিয়া বলিল, “জানি, তোমার বুঝি ভয় করছে?”

“বুকের ভেতরটা আমার কি রকম করছে!”

লিটল রাশিয়ান্ মাকে কাছে টানিয়া লইয়া বলিল, “ভয়ের কি আছে মা? ভয় পেলে কারুর কোন সুবিধে হবে না।”

উত্তরের দিকে চাহিয়া পাভেল বলিল, “বাঃ, আজ বুঝি উত্তরে আগুনই দাওনি?”

স্বপীকৃত বই-এর দিকে চাহিয়া মা বলিলেন, “ওই, ওইগুলোর জন্তে পারি নি—”

দুই বন্ধুতে হাসিয়া উঠিল। রাশীকৃত বই-এর ভেতর হইতে খানকতক বই বাছিয়া লইয়া মা দেখিলেন পাভেল বাহিরের উঠানে লুকাইয়া রাখিয়া আসিল। মাকে বসাইয়া লিটল রাশিয়ান্ উত্তরে আগুন দিতে দিতে বলিতে লাগিল, “এর মধ্যে ভয়কর কিছু নেই, মা। গভীর-মুখ-ওয়াল কতকগুলো লোক আসবে—ঘরদোর হাটকিয়ে বিছানা তুলে, মই লাগিয়ে চারিদিকে সব দেখবে। তাদেরও যে এসব করতে ভালো লাগে, তা নয়। তবে তাদের চাকরি তো বজায় রাখতে হবে? হয়ত এমনও হতে পারে যে, তোমাকে ধরে নিয়ে যাবে, তারপর এখানে ওখানে পাঁচ জায়গায় ঘুরিয়ে নিয়ে ছেড়ে দেবে—এই তো ব্যাপার।”

লিটল রাশিয়ানের কথা শুনিয়া মা আপনার অতর্কিতে বলিয়া ফেলিলেন, “তোরা কি রকমভাবে যে কথা বলিস্!”

“কেন মা?”

“যেন কেউ তাদের কোনও অনিষ্ট কখনও করে নি!”

“তা নয় মা! তবে কি জানে, এত অগ্নায় সয়েছি, এত নির্ধাতন সয়েছি যে, নির্ধাতনে আর অত্যাচারে মনে রাগ হয় না।”

সে রাত্রি সেই অজানা অতিথিদের আগমন-উৎকর্ষায় কাটিয়া গেল। কিন্তু কেহই আসিল না।

কিন্তু তাহারা ভোলে নাই। ঠিক একমাস পরে একদিন মধ্যরাত্রে সহসা বাহিরে লোহ-পাছুকার পদ-ধ্বনি বাজিয়া উঠিল। পাভেল, নিকোলে এবং লিটল রাশিয়ান খবরের কাগজ বাহির করিবার পরামর্শ করিতেছিল। মা বিছানায় শুইয়া তন্দ্রামগ্ন অবস্থায় ছেলেদের কথা শুনিতে শুনিতে ঘুমাইয়া পড়িতোছিলেন।

ঘরের দরজায় বাহির হইতে কে ধাক্কা মারিল। পাভেল জিজ্ঞাসা করিল, “কে?”

দরজা খুলিতেই দুইজন পুলিশের লোক পাভেলকে ধাক্কা দিয়া ঘরের মধ্যে প্রবেশ করিল। পিছনে দীর্ঘাকৃতি একজন লোক মুহূর্তে হাসিয়া বলিল, “যাদের জগ্গে মশাইরা অপেক্ষা করছেন, তারা নিশ্চয়ই নয়, কি বলেন?”

মা যেখানে শুইয়াছিলেন, সেখানে একজন পুলিশের লোক আসিয়া মাকে দেখিয়া বলিয়া উঠিল, “হুজুর, এই সেই মা-টা আর এই পাভেল— ওর ছেলে!” এই বুড়ী, ওঠ, বাড়ীসব তল্লাস করতে হবে!”

মা উঠিয়া পুত্রের পাশে একধারে আসিয়া দাঁড়াইলেন। ভয়ে তাহার পা কাঁপিতেছিল।

পুলিশের লোক ঘর ওলট পালট করিয়া যেখানে যে বই পাইতেছিল, তাহা একবার দেখিয়া যেদিকে ইচ্ছা ছুঁড়িয়া ফেলিয়া দিতেছিল।

কিছুক্ষণ পরে লিটল রাশিয়ান গম্ভীরভাবে বলিয়া উঠিল, “বইগুলো ওরকমভাবে ছুঁড়ে ফেলবার কি দরকার?”

কেহই তাহার কথার কোনও উত্তর দিল না। রাগে নিকোলে চাঁৎকার করিয়া বলিয়া উঠিল, “বইগুলো ভাল করে রাখা হোক—”

ইন্স্পেক্টর নিকোলের দিকে চাহিয়া হাসিয়া তাহার অহুচরদের বলিলেন, “আচ্ছা, আচ্ছা, ওহে বইগুলো ঠিক করে রাখো ত!”

মা পাভেলের কানে কানে বলে, “নিকোলেকে চুপ করে থাকতে বল না।”

মায়ের দিকে চাহিয়া ইন্স্পেক্টর ধমকাইয়া উঠিল, “কানে কানে কি ফিস্‌ফাস্‌ হচ্ছে—চুপ। এ বাইবেল কে পড়ে?”

পাভেল বলিল, “আমি”

“এ সব বই কার?”

পাভেল উত্তর দিল “আমার।”

“হুঁ”

সহসা নিকোলের দিকে তাঁহার দৃষ্টি পড়িল। তাহাকে লিটল রাশিয়ান মনে করিয়া তিনি জিজ্ঞাসা করিলেন, মহাশয়ের নাম বৃদ্ধি, আন্ত্রি নাখোদকা—

ধিকৃষ্টি না করিয়া আগাইয়া আসিয়া নিকোলে বলিল, হাঁ।

লিটল রাশিয়ান পিছন হইতে হাত ধরিয়া তাহাকে টানিয়া লইয়া ইন্স্পেক্টরকে সন্ধান করিয়া বলিল, “আপনি ভুল করেছেন, আমার নাম আন্ত্রি নাখোদকা—”

ইন্স্পেক্টর নিকোলের দিকে তর্জনী তুলিয়া বলিলেন, “সাবধান বলছি—” তারপর লিটল রাশিয়ানের দিকে ফিরিয়া চাহিয়া বলিলেন, “এই নাখোদকা, এর আগে রাজনৈতিক অপরাধে পুলিশ তোমাকে কখনও ধরেছিল?—”

“হুঁ বার। কিন্তু তারা নাখোদকা বলে ডাকতো না—তারা মিঃ নাখোদকা বলতো—”

“যে আজ্ঞে, মিঃ নাখোদকা—নিশ্চয়ই মিঃ নাখোদকা—কারখানায় এই সমস্ত কাগজ বিলি কোন বদমায়েস করেছে বলতে পারেন?”

লিটল রাশিয়ান উত্তর দিবার পূর্বেই নিকোলে বলিয়া উঠিল, ‘বদমায়েস লোকদের খবর আমরা রাখি না। এই জীবনে প্রথম আজ বদমায়েস লোকদের দেখা পেলাম।’

কিছুক্ষণের জন্ত সমস্ত নিবৃত্ত হইয়া গেল। মার মুখ ভয়ে সাদা হইয়া আসিল। ইন্স্পেক্টর হুঁকার দিয়া বলিলেন, ‘এই কুকুরটাকে বাইরে নিয়ে যা।’

দুজন পুলিশের লোক আসিয়া টানিতে টানিতে নিকোলেকে বাহিরে লইয়া গেল।

খানিকক্ষণ ধরিয়া খোঁজাখুঁজি হইল কিন্তু কিছুই পাওয়া গেল না। হাসিয়া ইন্স্পেক্টর বলিলেন, কিছু যে পাওয়া যাবে না, তা আমি জানতাম। বোঝা যাচ্ছে, এখানে একজন ঘাগী লোক নিশ্চয়ই আছে—

লিটল রাশিয়ানের কাছে আসিয়া ইন্স্পেক্টর গম্ভীর স্বরে বলিলেন, “মিঃ আন্ত্রি অনিসিমভ্ নাখোদকা, আপনাকে গ্রেপ্তার করা হল।”

“কেন?”

“হুজুরকে যথাসময়ে তা নিবেদন করা হবে।” তারপর পাভেলের মার দিকে চাহিয়া জিজ্ঞাসা করিল, “এই বুড়ী লিখতে পড়তে জানিস?”

হঠাৎ লোকটার দিকে চাহিতেই মার মনে একটা কেমন প্রবল ঘৃণা জাগিয়া উঠিল। সর্ব্বাঙ্গ তাঁহার কাঁপিতেছিল। তিনি বলিয়া উঠিলেন, ‘অত চোঁচাচ্ছ কেন বাছা, জীবনে দুঃখ কষ্ট কি কিছু বোধ না?’

‘এ সমস্ত ব্যাপারে মা দাঁত দিয়ে বুকের কথা চেপে রাখতে হয়’ লিটল রাশিয়ান বলিয়া উঠিল।

মা যেন কাহারও কথা শুনিতে পাইতেছিলেন না। ইন্স্পেক্টরের নিকট আগাইয়া গিয়া জিজ্ঞাসা করিলেন, “কেন তোমরা এ রকম করে লোকদের ছিনিয়ে নিয়ে যাও?”

পুলিশ অফিসার ধমকাইয়া উঠিলেন, ‘চুপ্ কর বলছি!’

তারপর একজন পুলিশকে ডাকিয়া বলিলেন, বাইরের কয়েদীকে ভেতরে নিয়ে আয়!

নিকোলেকে ঘরে আনা হইল।

“মাথা থেকে টুপী নামা—”

“হাত বাঁধা থাকলে কি করে টুপী নামাতে হয় জানি না—”

মা দেখিলেন, একটা কাগজে একে একে সকলে কি সই করিল। উত্তেজনার প্রথম ঝোঁক মার কাটিয়া গিয়াছিল। উত্তেজনার পরিবর্তে তাঁহার অন্তরে একটা অসহায় শক্তিহীন বেদনা—যাহা বিশ বৎসর ধরিয়া তিনি ভোগ করিয়া আসিয়াছেন—শুধু দিন কতকের জ্ঞা যাহা ভুলিয়া গিয়াছিলেন, আবার তাহা তাঁহার সমস্ত চিত্তকে অবসন্ন করিয়া ভুলিল। তিনি কাঁদিয়া ফেলিলেন—এ তিক্ত লবণাক্ত জলের সঙ্গে তাহার বিশ বৎসরের পরিচয়।

তাঁহাকে কাঁদিতে দেখিয়া পুলিশ অফিসার হাসিয়া বলিলেন, বড় আগে থাকতে কাঁদছিস্ বুড়ী! সব কান্না এখনি শেষ করে ফেললে কি হবে? কাঁদিতে কাঁদিতে মা বলেন—“মার চোখের জলের কি শেষ আছে। তোমার যদি মা থাকেন, তিনি হয় ত তা জানেন!”

সার্জ শেষ হইতে তাহারা চলিয়া গেল—সঙ্গে লইয়া গেল লিটল রাশিয়ান আর নিকোলেকে। বিদায়ের সময় বন্ধুর হাত ধরিয়া তাহারা বিদায় প্রার্থনা করিল।

চলিয়া যাইবার সময় হাসিয়া অফিসারটি বলিলেন, “ভয় কি, আবার দেখা হবে।”

তাহারা চলিয়া গেলে পাভেল গম্ভীরবরে মার দিকে চাহিয়া বলিল,
“দেখলে কি রকম অপমান করে গেল—আমাকে ফেলে গেল—”

“হুঃখ কি, তোকেও নিয়ে যাবে—”

“নিশ্চয়ই—”

কিছুক্ষণ চুপ করিয়া থাকিয়া মা বলিয়া উঠিলেন, আচ্ছা ছেলে তুই :
মাকে কি একটুও সাহায্য দিতে নেই ! আমি একগুণ বন্ধে তুই দশগুণ
বাড়িয়ে বলিস্—

মাকে কাছে টানিয়া লইয়া পাভেল বলিল—“মাগো তোমাকে মিথ্যে বলে
প্রভারণা করবো না ! তোমাকে এসব সহিতে হবে !”

ক্রমশ পাভেল সম্বন্ধে গ্রামের লোকদের ধারণা বদলাইতে লাগিল ।
প্রায়ই কারখানার বৃদ্ধ লোকেরাও পাভেলের বাড়ীতে আসিয়া কোনও
সমস্তা হইলেই তাহার সঙ্গে পরামর্শ করে । বলে, “ওহে, তুমি তো অনেক
লেখাপড়া করেছ—এ ব্যাপারটা কি করা যায় বলতো ?”

পাভেলও মন দিয়া সকলের কথা শুনিত । অনেক সময় চিঠি দিয়া
কাহাকেও হয়ত শহরের কোন বন্ধু উকীলের কাছে পরামর্শের জ্ঞাপাঠাইয়া
দিত কিন্তু অধিকাংশ সময়ই সে নিজেই তাহার বিবেচনা মত বুদ্ধি দিত ।
ক্রমশ গ্রামের লোকেরা এই অল্পবয়স্ক যুবকটিকে শ্রদ্ধার চোখে দেখিতে
লাগিল । সর্বদাই সে স্থির শান্ত হইয়া থাকে, কোন আড্ডায় যায় না,
প্রত্যেক কথা সহজ সরল ভাবে বলে ! প্রত্যেক লোকের সঙ্গে কোথায়
তাহার শতসহস্র গোপন বন্ধনের সূত্র রহিয়াছে অনবরতই যেন সে তাহার
সম্মান করিয়া ফিরিতেছে ।

পুত্রের দিকে চাহিয়া মার গর্ব হয়—তিনি প্রাণপণ করিয়া পুত্রের সকল
কথা বুঝিতে চেষ্টা করেন ; কোন একটা কিছু ঠিক বুঝিলে অন্তর তাঁহার
আমন্দে ভরিয়া উঠে ।

সহসা সেই সময় গ্রামের কারখানার ম্যানেজারের সঙ্গে শ্রমিকদের একটা
বিবাদ উপস্থিত হইল । কারখানার পিছনে একটা বৃহৎ জলাভূমি
পড়িয়াছিল । ম্যানেজার স্থির করিয়াছিলেন যে, এই জলাভূমিটি যদি
পরিষ্কার করিয়া লওয়া যায়, তাহা হইলে কারখানার প্রভূত কাজে লাগে এবং
পরিষ্কারের সময়ও তিনি আবর্জনা হইতে যথেষ্ট পরিমাণ পিচ প্রস্তুত করিয়া
লইতে পারেন । এই মতলব স্থির করিয়া তিনি কারখানায় ঘোষণা

করিলেন যে প্রত্যেক শ্রমিককে তাহার মাহিনার প্রত্যেক রুবল হইতে এক কোপেক করিয়া চাঁদা দিতে হইবে। সেই টাকায় জলাভূমি পরিষ্কার করা হইবে এবং তাহাতে শ্রমিকদেরই লাভ কেন না এই জলা জায়গার জগ্ৰাই কারখানার আশে-পাশের হাওয়া দূষিত হইয়া আছে। কারখানার মজুরদের উপর এই হুকুমজারি হইল, কিন্তু কারখানার সম্পর্কে যে সমস্ত কেরানী ছিল, তাহারা ইহা হইতে অব্যাহতি পাইল।

এই ব্যাপারে শ্রমিকরা সকলে ক্ষেপিয়া উঠিল এবং স্থির করিল যে কিছুতেই তাহারা এই চাঁদা দিবে না। নিজেদের মধ্যে জটলা করিয়া তাহারা স্থির করিল যে, এই বিষয়ে পাভেলের একবার পরামর্শ লওয়া দরকার। অসুস্থ হইয়া পড়ায়, পাভেল দিনকতকের জগ্ৰ কারখানায় যাইতে পারে নাই।

পাভেলের বাড়ীতে আসিয়া সকলে উপস্থিত হইল। বৃদ্ধ সিজব সমস্ত ব্যাপার বর্ণনা করিবার পর বলিল, “আমরা নিজেদের মধ্যে এই নিয়ে যথেষ্ট আলোচনা করেছি। তুমি তো অনেক বইটাই পড়েছ—এমন কোন আইন আছে বলতে পারো যাতে বলে, আমাদের পয়সা নিয়ে মশার সঙ্গে যুদ্ধ করবার অধিকার কারখানার ম্যানেজারের আছে?”

আর একজন কারিকর বলিয়া উঠিল, “আরে, মশা মরলে তো? মনে নেই, সেবার একটা নাইবার জায়গা করে দেবে বলে আমাদের মাইনে থেকে তিনহাজার আটশো রুবল সংগ্রহ করলো কিন্তু কোথায় গেল সেই সমস্ত টাকা, আর কোথায় বা হল নাইবার জায়গা!”

পাভেল স্থির ধীর ভাবে সমস্ত ব্যাপার আলোচনা করিয়া ম্যানেজারের অত্যাচারের কথা বিশদভাবে তাহাদের বুঝাইয়া দিল। এরকম ভাবে টাকা আদায় করিবার কোনও অধিকার ম্যানেজারের নাই। সেদিনকার মত তাহারা চলিয়া গেল।

তাহারা চলিয়া গেলে পাভেল মাকে ডাকিয়া একখানি কাগজ তাঁহার হাতে দিয়া বলিল, মা এই লেখাটা নিয়ে তোমাকে এক্ষুণি শহরে যেতে হবে!

শহর থেকে আমরা একখানা খবরের কাগজ বের করছি, এ লেখাটা কালকের কাগজে বেরুনোই চাই!

কালবিলম্ব না করিয়াই মা যাইবার জগ্ৰ প্রস্তুত হইলেন। এই প্রথম তাঁহার ছেলে তাঁহার উপরে তাহার কাজের ভার দিয়াছে। জীবনে এই প্রথম

তাঁহার পুত্র তাঁহাকে আপনার অন্তরের কথা খুলিয়া বলিল এবং তাঁহাদের অন্তরঙ্গতার মধ্যে গ্রহণ করিল। পুত্রের কোন কাজে তিনি যে লাগিয়াছেন এই চিন্তায় আনন্দে তাঁহার বুক ভরিয়া উঠিল।

সন্ধ্যাবেলা ক্লান্ত হইয়া মা কাজ সারিয়া বাড়ী ফিরিলেন।

“শাশাঙ্ক বলে একটি মেয়ের সঙ্গে আলাপ হলো। ভারী ভালো মেয়ে—সে তোকে অভিবাদন জানিয়েছে আর তোদের সেই আইতানোভিচ্ লোকটিও দেখলুম ভারী সদাশয়—”

ওদের যে তোমার ভাল লেগেছে, জেনে সুখী হলাম।

সোমবার দিনও শরীর তেমন সুস্থ না হইয়া উঠায় পাভেল কারখানায় যায় নাই। দুপুর বেলা হঠাৎ ফিডিয়া হাফাইতে হাফাইতে ছুটিয়া আসিয়া খবর দিল, কারখানার লোকেরা সব কাজ ছেড়ে বেরিয়ে এসেছে—এখনই তোমাকে সেখানে যেতে হবে—সে কি হলুস্থূল ব্যাপার!

ফিডিয়া পাভেলেরই একজন ভক্ত।

পাভেল তখন উঠিয়া পোষাক পরিতে লাগিল।

মেয়েরাও সব এক জোট হয়ে তুমুল চৈচামেচি আরম্ভ করে দিয়েছে।

হঠাৎ মেয়েদের কথা শুনিয়া মার মনে হইল, তাঁহারও হয়ত যাওয়া কর্তব্য। পুত্রের দিকে চাহিয়া তিনি বলিয়া উঠিলেন, তা হলে, আমিও যাব, নিশ্চয়ই যাব, কেমন।

পাভেল গম্ভীরস্বরে বলিল, এসো।

পুত্রের পাশে পথে চলিতে চলিতে মার মনে হইল যেন কি একটা বিরাট ঘটনা। এখনি ঘটবে এবং তাহারই মধ্যে যে পুত্রের পার্শ্বে তিনি দাঁড়াইয়া থাকিতে পারিতেছেন, সেই এক গোপন গর্বে তাঁহার সর্বদেহ আজ উল্লসিত হইয়া উঠিল।

কোনও রকমে লোকের ভিড় ঠেলিয়া তাঁহারা যখন জনতার মধ্যে প্রবেশ করিলেন তখন রাইবিন বক্তৃতা দিতেছিল। জনতাকে লক্ষ্য করিয়া স্নেহ বলিতেছিল, আমাদের আজ সম্মুখ হইয়া দাঁড়াতে হবে, কয়েকটা পয়সার জন্তে নয়, অত্যাচারের বিরুদ্ধে সুবিচারের জন্তে আমাদের সম্মুখ হতে হবে। ম্যানেজারের খলির পয়সার মত আমাদেরও পয়সা ঠিক তেমনি গোল কিন্তু সেই সঙ্গে একথা মনে রাখিতে হবে যে, আমাদের পয়সায় মাখানো আছে আমাদের বুকের রক্ত!

জনতা একস্বরে চীৎকার করিয়া উঠিল, ঠিক বলেছ, রাইবিন্!

পাভেল ভিতরে আসিতেই সকলেই তাহার নাম ধরিয়া চীৎকার করিয়া উঠিল। চারিদিক হইতে লোক আসিয়া ক্রমশ জনতা আরও গাঢ় করিয়া তুলিতেছিল। প্রত্যেকেই আজ তারস্বরে চীৎকার করিতেছে। এতদিন ধরিয়া যে-সমস্ত অপমান তাহারা নীরবে সহ করিয়া আসিয়াছে, যে-কথা এতদিন প্রকাশহীন হইয়া তাহাদের ক্লান্তজীবনে মুক হইয়া পড়িয়াছিল, আজ সহসা তাহা জাগিয়া উঠিয়াছে। আশঙ্কার পাষণ-বাধা দূর করিয়া আজ কথার পাগলা ঝোরা নামিয়া আসিয়াছে। সেই সমস্ত ক্রুদ্ধ ধ্বনি আর হৃদয়-ভাঙা কলোচ্ছাস উদ্ভাকাশে সম্মিলিত হইয়া যেন এক বিরাট পক্ষ বিহঙ্গের মত তাহাদের ছাইয়া রহিল।

কথা বলিতে গিয়া পাভেলের আজ মনে হইল, সে নিজেকে আজ এই জনতার মধ্যে উৎসর্গ করিয়া দিয়া যাইবে। যে সত্যের আবির্ভাব-স্বপ্নকে সে এতদিন অন্তরে সংগোপনে লালন-পালন করিয়াছে, আজ বুঝি তাহা মূর্তি ধরিয়া জাগিয়া উঠিবে।

বিপুল উল্লাসে সে গর্জিয়া উঠিল, “হে বন্ধু সহযাত্রী, এই আমরা এই হাতে গড়েছি গির্জা আর কারখানা, আমরা ভেঙেছি লোহা, গড়েছি নগর, এই হাত, এই আমাদের হাত, টাকশালে গড়েছে টাকা, কারখানায় গড়েছে যন্ত্র, গড়েছে সভ্যতার হাজার রকম খেলনা। যে শক্তি পৃথিবীর মুখে তুলে দেয় অন্ন, বুকে দেয় আনন্দ সে শক্তির জীবন্ত মূর্তি আমরা। সকল কালে এবং সকল দেশে এই আমরাই এগিয়ে গিয়ে কাজে হাত দিয়েছি প্রথম; কিন্তু সকল কালে সকল দেশে আমরাই থেকে গেছি জীবনের শেষে। কে চায় আমাদের আনন্দ? কে চায় আমাদের কল্যাণ? মানুষ বলে কে ভাবে আমাদের? কেউ না!”

জনতার মধ্য হইতে একজন কর্কশ স্বরে চীৎকার করিয়া উঠিল, কাজের কথা বল হে!

তাহার উত্তরে আর একজন বলিয়া উঠিল, চুপ কর, অসভ্য।

একজন বলিল, লোকটা সাম্যবাদী, কিন্তু বোকা নয়!

যাই হোক, খুব জোর গলায় স্পষ্ট কথা বলতে পারে কিন্তু...আর একজন বলে।

পাভেল জনতাকে ভাল করিয়া দেখিয়া লইয়া আবার বলিয়া চলিল, “আজ সময় হয়েছে বন্ধু, তার বিরুদ্ধে মাথা তুলে দাঁড়াবার, যে-শক্তি তার অদম্য লোভে আমাদের শ্রমে বেঁচে থাকতে চায়। সময় এসেছে আত্মরক্ষার এবং আজ আমাদের একথা ভাল করে বুঝতে হবে যে, আমরা ছাড়া আমাদের আর কেউ সাহায্য করবে না। সকলের জন্তে আমরা প্রত্যেকে, আমাদের প্রত্যেকের জন্তে সবাই—এই হোক আজ আমাদের সব চেয়ে বড় নীতি।”

মস্ত-মস্ত জনতা যেন সহস্র-মুখ দিয়া এই বাণীর আশ্বাদ সম্মিলিত ভাবে ভোগ করিতেছিল।

পাভেল বলিয়া উঠিল, “আমরা এক্ষেত্রে এখনি ম্যানেজারকে ডেকে মুখোমুখী সকল কথা জিজ্ঞাসা করতে চাই—”

জনতা চীৎকার করিয়া উঠিল, “নিশ্চয়ই, ম্যানেজারকে এখানে ডেকে আনান হোক—”

অবশেষে ঠিক হইল যে, পাভেল, সিজব ও রাইবিন গিয়া ম্যানেজারের সঙ্গে সাক্ষাৎ করিবে। এমন সময় পিছন হইতে শোনা গেল—ম্যানেজার স্বয়ং আসছেন।

দুইপাশ হইতে ভিড় আপনিই সরিয়া গেল। দীর্ঘাকৃতি এক ব্যক্তি জনতার ভিতর দিয়া গম্ভীরভাবে অগ্রসর হইয়া যেখানে পাভেল, সিজব ও রাইবিন দাঁড়াইয়াছিল, সেইখানে আসিয়া উপস্থিত হইল।

একবার চোখ তুলিয়া সকলকে যেন এক সঙ্গে দেখিয়া লইয়া জিজ্ঞাসা করিলেন, “এ ভিড়ের মানে কি?”

কয়েক সেকেন্ডের মত সকলি নিস্তব্ধ। সিজব মাথা হেঁট করিয়া রহিল, ম্যানেজার আবার বলিলেন, “আমার প্রশ্নের উত্তর দাও!”

সিজব ও রাইবিনকে দেখাইয়া পাভেল বলিল, “আমাদের বন্ধুরা আমাদের এই তিনজনের ওপর ভার দিয়েছে, চাঁদার হুকুম তুলে নেবার জন্তে আপনাকে বলতে।”

পাভেলের দিকে না চাহিয়াই ম্যানেজার জিজ্ঞাসা করিল, “কেন?”

বেশ জোর গলায় পাভেল উত্তর দিল, “আমরা মনে করি, এরকম ভাবে টাকা আদায় করা অত্যাচার।”

—ওঃ, এই যে জলা জায়গাটা পরিষ্কার করবার জন্তে চেষ্টা হচ্ছে,

তোমরা মনে কর যে এতে শুধু মজুরদের ঠকান হচ্ছে? তাদের স্বাস্থ্য যে ভালো করবার চেষ্টা হচ্ছে, সে তোমরা ভাবতে চাও না, না?”

পাভেল বলিল, “ঠিক তাই!”

রাইবিনের দিকে চাহিয়া ম্যানেজার জিজ্ঞাসা করিল, “তোমারও কি এই মত?”—হাঁ।

তারপর সিজবের দিকে চাহিয়া ব্যঙ্গের স্বরে ম্যানেজার জিজ্ঞাসা করিল, “বন্ধু, তোমারও কি এই মত?”

“নিশ্চয়ই!”

পাভেলের সর্বাস্ব দৃষ্টি দিয়া যেন পরিমাপ করিয়া লইয়া ম্যানেজার আবার বলিলেন, “তোমাদের দেখে তো মনে হয় যে একটু আধটু বুদ্ধি শুদ্ধি তোমাদের আছে। তোমরা এ ব্যবস্থার মধ্যে কিছু ভালো দেখতে পেলেন না, কেমন?”

পাভেল তেমনি জোর গলায় উত্তর দিল, “যদি কারখানার মালিক তাঁর নিজের খরচে এই জলাভূমি পবিত্র করে দিতেন, তা হলে নিশ্চয়ই আমরা এ ব্যবস্থার প্রতিবাদ করতাম না।”

ম্যানেজারের কণ্ঠস্বর পরিবর্তিত হইয়া গেল।

“বলি, কারখানাটা কি দানছত্র? ও সব চলবে না বলছি—আমি হুকুম দিয়ে যাচ্ছি, এক্ষুণি সকলকে কাজে লাগতে হবে—”

আর কোনও কথা না বলিয়া তিনি ধীরে জনতার ভিতর দিয়া বাহিরের দিকে চলিলেন। একটা রুদ্ধ প্রতিবাদের গুঞ্জন-ধ্বনি উঠিতে তিনি একবার ফিরিয়া দেখিলেন। জনতার মধ্য হইতে কে একজন স্পষ্ট স্বরে বলিয়া উঠিল, “হজুর একা কাজে হাত দিও না—”

আর একবার পিছন ফিরিয়া স্পষ্ট স্বরে তিনি হুকুম দিলেন, “পনেরো মিনিটের মধ্যে কাজে হাত না দিলে, প্রত্যেককে তাড়িয়ে দেওয়া হবে।”

ম্যানেজার চলিয়া যাইতেই জনতার মধ্যে অস্পষ্ট গুঞ্জন পুনরায় চাঁৎকারে পরিণত হইল। চারিদিক হইতে পাভেলকে উদ্দেশ্য করিয়া নানা-রকমের প্রশ্ন হইতে লাগিল।

“এখন তা হলে আমরা কি করবো, পাভেল?”

পাভেল সেই সহস্রকণ্ঠের মিলিত প্রশ্নের উত্তরে জানাইল, “আমার মতে,

কমরেডরা, তোমাদের উচিত যতক্ষণ না চাঁদার হুকুম তুলে নেওয়া হয়, ততক্ষণ পর্য্যন্ত তোমাদের ধর্মঘট করে থাকা।”

চারিদিক হইতে উত্তেজিত কণ্ঠে নানা কথা আবার জাগিয়া উঠিল,—

“মনে করেছ আমরা বোকা ?

“নিশ্চয়ই আমাদের ধর্মঘট করা উচিত !

“ধর্মঘট ?”

“একটা কোপেকের জন্তে ?”

“কেন না ? নিশ্চয়ই ধর্মঘট !”

যদি আমাদের সবাইকে তাড়িয়ে দেয়...

“কিন্তু কারখানা চালাবে কাদের দিয়ে ?”

“যদি নতুন লোক নিয়ে আসে ?”

“বিশ্বাসঘাতকের দল, তাদের আমরা—”

পাভেল মায়ের পাশে আসিয়া নীরবে কীপ্ত জনতার উদ্গাদনা শুনিতেছিল। সকলেই নিজেদের চীৎকার লইয়া ব্যস্ত—পাভেলের দিকে তখন কাহারও দৃষ্টি নাই।

জনতার সেই নোহুল্যমান অবস্থা দেখিয়া রাইবিন পাভেলকে ডাকিয়া বলিল, “এদের দিয়ে ধর্মঘট করা চলে না। একটা পয়সার মায়া ত্যাগ করতে যেমন এদের বুক বাজে, এরা অন্তরে আবার তেমনি কাপুরুষ।”

পাভেল নীরবে সমস্ত কথা শুনিতেছিল আর তাহার মনে হইতেছিল, এতক্ষণ ধরিয়া সে যে সমস্ত কথা বলিয়াছে—বহুদিনের শুষ্ক মৃত্তিকায় জল-কণার মত যেন তাহা কোথায় নিঃশেষে বিলুপ্ত হইয়া গিয়াছে। কোনও চিন্তে তাহার কথা বিন্দুমাত্র রেখাপাত করে নাই, ভাবিতে তাহার অন্তর শিহরিয়া উঠিতেছিল। ক্রমশ যে-সাহার একে একে ঘরে ফিরিয়া যাইতে লাগিল। যাইবার সময় প্রত্যেকে পাভেলের নিকট আসিয়া তাহার বক্তৃতার প্রশংসা করিল এবং তাহারই সঙ্গে জানাইল, ধর্মঘট করিয়া বিশেষ কোনও সুবিধা হইবে না এবং প্রত্যেকে নিজেকে বাদ দিয়া অপর সকলকে দুর্বলচিন্ত্ত বলিয়া দীর্ঘশ্বাস ফেলিয়া গেল।

পাভেল যে শুধু হতাশ হইল তাহা নয়, সে নিজেকে ভয়াবহভাবে আহত মনে করিল। সহসা তাহার মনে হইল, সে যেন একা, তাহার বন্ধু-বান্ধব কেহ নাই। এতদিন ধরিয়া আপনার অন্তরে যে সত্যকে নানা চিন্তা ও

অম্বরগের মহিমায় অপরূপ করিয়া সজ্জিত করিয়া রাখিয়াছিল, আজ বখন তাহাকে সে অন্তরের সংগোপন-লোক হইতে বাহিরে বাণীরূপ দিল, তাহার আশঙ্কা হইল যে হয়ত সেই সত্যকে সে যে-ভাষায় রূপ দিল—তাহা প্রাণহীন, অম্বরগহীন—নহিলে লোকে তাহার কথা শুনিলা কেন ? হয়ত সে সত্যকে এমন দারিদ্র্যের আবরণে আজ লোক-চক্ষুর সম্মুখে তুলিয়া ধরিয়াছে যে, লোকে তাহার সৌন্দর্য্য বৃষ্টিতেই পারিল না। এই প্রকাশের দৈন্তের জন্ত সে আপনাকেই ধিক্কার দিতে লাগিল।

মা, সিঁজব আর রাইবিনের সঙ্গে সে বাড়ী ফিরিল। সারা পথ সে গম্ভীর ও বিষম্ণ হইয়া রহিল। চলিতে চলিতে বৃদ্ধ সিঁজব মাকে উদ্দেশ্য করিয়া বলিল, “বুঝলে নিলোভনা, এখন আমাদের মত বুড়ো লোকদের সরে পড়া দরকার। নতুন লোক সব আসছে—নতুন তাদের জীবন। আমরা চিরদিন হাত জোড় করে মাটিতে বুক দিয়ে ছেঁটে এসেছি—এক মুহূর্তের জন্তে মাথা তুলে দাঁড়াতে পারিনি। কিন্তু এরা—হয় এরা নিজেদের বুঝতে পেরেছে, নয়ত এরা আমাদের চেয়েও মারাত্মক ভুল করছে—কিন্তু বাই করুক—এদের সঙ্গে আমাদের কোথাও যেন কোনও মিল নেই। দেখলে—এই ছোড়া—ম্যানেজারের সঙ্গে কথা বলো ঠিক যেন ম্যানেজারের সমকক্ষ—”

তারপর তাহার বাড়ীর নিকটে আসিয়া পাভেলের পিঠ চাপড়াইয়া বলিল, “আচ্ছা এখন তাহা হলে আসি পাভেল। মজুরদের জন্তে তুমি মাথা তুলে দাঁড়িয়েছ—ভগবান তোমার মঙ্গল করুন।”

সিঁজবও চলিয়া গেল।

বাড়ী আসিয়া পাভেলের অশান্তি যেন আরও বাড়িয়া গেল। তাহার দরদারাই মনে হইতে লাগিল, আজ সেই জনতার মাঝখানে সে যেন কি হারাইয়া ফেলিয়া আসিয়াছে।

রাত্রে মা তখন ঘুমাইতেছিলেন—সে আপনার মনে পড়িতেছিল—এমন সময় বাহিরে পদশব্দ শোনা গেল। পদশব্দে মায়ের ঘুম ভাঙিয়া গেল—পাভেল ফিরিয়া দেখিল, দরজার সম্মুখেই পুলিশের লোক।

পাভেল মায়ের কানে কানে বলিল, “আমাকে গ্রেপ্তার করবার জন্তে এসেছে, বুঝেছ ?”

মাথা নত করিয়া ধীরে মা বলিলেন, “বুঝেছি।” সভায় বক্তৃতা শুনিয়াই মায়ের মন বলিয়াছিল, নিশ্চয়ই পুলিশে এবার তাহাকে ধরিবে

কিন্তু তবুও মনে মনে ভাবিয়াছিলেন যে, যে-কথায় এত লোকে সায় দেয় সে কথার জন্ত নিশ্চয়ই তাহাকে বিশেষ কোনও শাস্তি হয়ত দেওয়া হইবে না।

পুলিশের লোক আসিয়া পাভেলের পাশে গিয়া দাঁড়াইল। পুত্রকে একবার আলিঙ্গন করিবার জন্ত মায়ের সর্ব-দেহ-মন ব্যাকুল হইয়া উঠিল। কোথা হইতে প্রবল অশ্রুর বগ্না তাঁহার হৃদয়ের দ্বারে আছাড়িয়া পড়িতে লাগিল। কিন্তু পুলিশের লোকগুলির দিকে চাহিয়া আজ সে অশ্রুর জোয়ার হৃদয় ভাঙ্গিয়া চক্ষুর দ্বারপ্রান্তে আসিয়া ঠেকিয়া যাইতেছিল।

পাভেলকে তাহারা ধরিয়া লইয়া গেল। মা নীরবে দাঁড়াইয়া দেখিলেন। একান্ত সংযত কণ্ঠে শুধু একবার তিনি জিজ্ঞাসা করিলেন, “সঙ্গে কিছু চাই?”

পুত্র স্থিরভাবে বলিল, “না”!

প্রত্যুত্তরে শুধু বলিলেন, “সবার উপরে যিনি, তিনি রইলেন তোর সঙ্গে।”

শূণ্য অন্ধকার ঘরে একলা মা কাঁদিয়া ফেলিলেন। আপনার মনে কতক্ষণ যে তিনি কাঁদিয়াছেন, তাহা তিনি জানেন না। সেই শূণ্য অন্ধকারে, সেই অবিরাম অশ্রুধারায় মায়ের মনে আজ স্পষ্ট জাগিয়া উঠিল, কত অসহায়, কত দুর্বল তিনি! আপনার অসহায়তার কথা যত ভাবেন, ততই তাঁহার চক্ষুর সম্মুখে ফুটিয়া ওঠে পুলিশের লোকগুলোর চেহারা। সত্যকে জানিতে চায় এই অপরাধে যাহারা তাঁহার নিকট হইতে তাহার পুত্রকে ছিনাইয়া লইয়া গেল তাহাদের বিরুদ্ধে একটা তীব্র আক্রোশ এবং ঘৃণা ধীরে ধীরে গুটীর সূতার মত মায়ের মনের সঙ্গে জড়াইয়া যাইতেছিল।

রাত্রিশেষে তখন বাহিরে বর্ষা নামিয়াছে। বর্ষার জলধারার শব্দে মায়ের মনে হইতেছিল, বাড়ীর চারিদিকে যেন কাহারা ঘুরিয়া বেড়াইতেছে, অতি কুৎসিত তাহাদের মুখ—মুখে যেন চক্ষু নাই!

কখনও আপনার মনে বলিয়া উঠেন, “আমাকেও কেন তারা ধরে নিয়ে গেল না?”

বাহিরে রাত্রিশেষে বর্ষার কর্দমাক্ত পথে আর একদিনের প্রভাত নামিয়া আসিতেছিল! সহসা কারখানার বাঁশী বাজিয়া উঠিল। বাহিরে আবার পদশব্দ হইল। মা উঠিয়া বসিলেন।

জলে তিজিয়া রাইবিন ঘরে প্রবেশ করিল। বলিল, “পাভেলকে ধরে নিয়ে গেছে, না? আমার ওখানেও তাঁরা দেখা দিয়েছিলেন। সারা বাড়ী

ওলট-পালট করে সার্চ করলো ; প্রাণের আনন্দে যা খুশী তাই আমাকে গালাগাল দিল কিন্তু দয়া করে আমাকে আর ধরে নিয়ে গেল না। এমনই হয় ! ম্যানেজার গিয়েই পুলিশকে টিপে দিয়েছে—”

“সে তোমাদের সকলের জন্তে জেলে গেছে—তোমাদের সকলের উচিত পাভেলের পক্ষে দাঁড়ান !”

“আপনি যা বলেছেন, তাই হয়ত হওয়া উচিত কিন্তু সে রকম কিছুই হবে না। আজ হাজার বছর ধরে আমাদের পরস্পরকে অসীম দুঃখের মধ্যে বিচ্ছিন্ন করে রাখা হয়েছে। সারা গায়ে আমাদের কাঁটা। কেউ কাঁকর নাছে এলেই আগে কাঁটা এসে গায়ে বেঁধে। যতদিন না আমরা সেই সমস্ত কাঁটার হাত থেকে নিজেদের মুক্ত করতে পারবো, ততদিন আমাদের একসঙ্গে কোনও কাজে মেলা অসম্ভব।”

রাইবিনের কথা মায়ের মোটেই ভাল লাগিত না। মা লক্ষ্য করিতেন যে, দলের অন্ত সব ছেলে যেমন আশার কথা, আনন্দের কথা বলে রাইবিন কোনও দিন সে রকম কোনও কথা বলিত না।

রাইবিন চলিয়া গেলে কিন্তু তাহার কথায় মায়ের মন আরও অশান্ত হইয়া উঠিল। ইদানীং তিনি রান্নাবাড়া আর করিতেন না ; এমন কি, চা-ও খাইতেন না, শুধু সন্ধ্যার দিকে কয়েক টুকরা রুটি খাইতেন ! কয়েক দিন আগেও যেখানে সন্ধ্যাবেলা ঘর মাল্লুষে আর কথায় সরগরম হইয়া থাকিত, সেখানে এখন কেউ আসে না, সাড়া শব্দ নাই। একা ঘরে বিষন্ন অন্তরে মায়ের দিন কাটে। মাঝে মাঝে রাইবিন আসিত কিন্তু তাহার কথাবার্তা মায়ের মোটেই ভাল লাগিত না।

একদিন এমনি বিষন্ন অন্তঃকরণে মা বসিয়া আছেন, বাহিরে বৃষ্টি পড়িতেছে—এমন সময় দরজায় মৃদু করাঘাত হইল। বাহিরে করাঘাত হইতেই মায়ের হৃদয় চমকাইয়া উঠিল। দরজা খুলিতেই দুইটি মৃতি ঘরের ভিতর আসিয়া ঢুকিল। একজনকে মা জানিতেন—তাহার নাম সামোলভ, পাভেলেরই কর্ণ-সহচর। আর একজন গলার কোটের ‘কলার’ উণ্টাইয়া এবং চোখের জ্বর নীচে এমনভাবে টুপি টানিয়া দিয়াছিল যে, তাহার মুখই দেখা যাইতেছিল না।

অভিবাদনের কোন আড়ম্বর না করিয়াই সামোলভ মাকে বলিল, “ঘুমুচ্ছিলেন নাকি ? তাই তো ঘুম ভাঙলাম ! এটিকে চিনতে পারছেন

কি ? এই সেই আইভানোভিচ যার কাছে পাভেলের লেখা এনে দিয়েছিলেন।”

মাথা হইতে টুপি খুলিয়া আইভানোভিচ মাকে অভিবাদন করিল। তাহাকে দেখিয়া মায়ের অসহায় চিত্ত যেন কতকটা শান্ত হইল।

আইভানোভিচ বলিল, “আমরা একটু দরকারে এসেছি আপনার কাছে। আপনি হয়ত জানেন না যে ভ্যাসিলি পরশু দিন জেল থেকে ছাড়া পেয়েছে। তার সঙ্গে পাভেল আর লিটল রাশিয়ানের দেখা হয়েছিল। তার দুজনেই আপনাকে অভিবাদন জানিয়ে দুঃখ করতে বারণ করে পাঠিয়েছে। পাভেল কি বলে পাঠিয়েছে জানেন, জীবনের রাজপথে মানুষ যতই অগ্রসর হয়, ততই পথের মাঝে মাঝে বিশ্রামের জন্তে এই জেলগুলোর দরকার হয়। এখন আসল কাজের কথা বলি! জানেন কালকে কতলোক আবার গ্রেফতার হয়েছে?”

তা তো আমি কিছুই জানি না। আরও লোক গ্রেফতার হয়েছে ?

“পাভেলকে নিয়ে ঊনপঞ্চাশ জন লোক সবশুদ্ধ গ্রেফতার হয়েছে। এবং এখনও আজকালের মধ্যে আরও জনদশেকের গ্রেফতার হবার সম্ভাবনা আছে। সামোলভ খুব সম্ভবতঃ আজকালের মধ্যেই ধরা পড়বে।”

এই সংবাদ শুনিয়া মা একটু আশ্বস্ত হইলেন, তা হলে সে সেখানে একলা নাই। আপনার অজ্ঞাতে মা বলিয়া ফেলিলেন, “অত লোককে যখন ধরেছে তখন নিশ্চয়ই তাদের বেশী দিন ধরে রাখবে না।”

আইভানোভিচ ঘাড় নাড়িয়া বলিল, “ঠিক বলেছ মা। এই সময় যদি আমরা একটা গুপ্তগোষ্ঠী পাকিয়ে তুলতে পারি তা হলে পুলিশকে রীতিমত ঠকান যায়। ব্যাপারটা হচ্ছে যে, কারখানায় আমাদের লেখা প্রচার যদি এখন বন্ধ হয়ে যায়, তা হলে পুলিশের লোক ভাববে যে নিশ্চয়ই পাভেল আর তার সঙ্গে যাদের গ্রেফতার করা হয়েছে তাদেরই এসব কীর্তি! এবং তখন জেলে তাদের উপর হয়ত দুর্ব্যবহার বাড়তে পারে।”

মায়ের মন আতঙ্কে ছলিয়া উঠিল, বলিলেন, “কি করে তারা বুঝবে যে এসব পাভেলের কাণ্ড?”

“অনেক সময় পুলিশের লোকও যে-সব কথা ধরে নেয়, তা ঠিকই হয়। তারা ভাববে পাভেল যখন বাইরে ছিল, তখন কারখানায় নিত্য বই বিলানো হত। এখন পাভেল আর বাইরে নেই, কারখানায়ও বই বিলি আর হচ্ছে

না। অতএব সোজা বোঝা যাচ্ছে যে, পাভেলই এই সমস্ত বই বিলি করতো। এবং তারা যখন এটা বুঝতে পারবে তখন জ্যাস্ত ওদের ধরে ধরে খাবে।”

পাভেলের নির্ধ্যাতনের আশঙ্কায় মায়ের বুক শুকাইয়া আসিল। বলিলেন, “তবে, তবে কি হবে?”

সামোলভ বলিল, “সেইজ্ঞেই তো আমরা এসেছি। এখন সমস্তা হচ্ছে যে, আমাদের কাজ বন্ধ করা একদম চলবে না। কারখানায় ঠিক আগেকার মতই আমাদের বই বিলি করতে হবে। তাতে আমাদের কাজও এগোবে, জেলে তারাও পুলিশের নির্ধ্যাতনের হাত থেকে বাঁচবে।”

আইভানোভিচ বলিল, “কিন্তু এই কাজের ভার নেবে এমন একজন লোকও বাইরে নেই। হাতে আমাদের বেশ ভাল ভাল বই তো আছে তার দায়িত্ব আমি নিজে নিতে পারি কিন্তু আসল সমস্তা হচ্ছে যে, কারখানার ভেতরে কেমন করে সেগুলো গোপনে বিলি করা যায়! আজকাল আবার কারখানায় কড়াকড়ি নিয়ম হয়েছে—গেটে সকলকে আগে সার্চ করে চুকতে দেয়।”

তাহাদের কথাবাণী শুনিয়া মা স্পষ্টই বুঝিলেন যে, তাঁহাকে দিয়াই কোনও কাজ ইহার করাইয়া লইতে চাহিতেছে। যদি পুত্রের কোনও কাজে বা উপকারে নিজেকে লাগান যায়, সেই সম্ভাবনার আশায় মায়ের মনে কোথা হইতে এক নূতন শক্তি দেখা দিল। বলিলেন, “তা হলে, এখন আমরা কি করতে পারি?”

সামোলভ উত্তরে বলিল, “মেরিয়ানা বলে একটা খাবার-ফিরিওয়ালী আছে, আপনি তাকে চেনেন?”

“চিনি। কিন্তু তাকে দিয়ে—”

“তার সঙ্গেই বন্দোবস্ত করুন। সে কোনও রকমে কারখানার ভেতরে গিয়ে বই বিলি করুক - আমরা অবশ্য এর জন্তে তাকে পয়সা দেবো!”

কি মনে করিয়া মায়ের এ পন্থা ভাল লাগিল না। গভীর ভাবে ঘাড় নাড়িয়া তিনি বললেন, “সে মাগীকে দিয়ে এসব কাজ হবে না—সে যে বকবক করে—এখনি সে সকলকে সব কথা বলে দেবে।”

কিছুক্ষণ নীরব থাকিবার পর সহসা উল্লসিত হইয়া বলিয়া উঠিলেন, “ঠিক হয়েছে, ঠিক হয়েছে, আমি নিজেই একাজ করবো। তোমাদের বইগুলো

সব আমাকে দাও। আমি নিজেই যাব কারখানায়। মেরিয়ানাকে বলবো আমাকে সঙ্গে নিতে—তার মোট আমি বইবো। তারই লোক হয়ে কারখানায় মজুরদের কাছে আমি খাবার বেচতে যাব। আমার ছেলেকে ধরে নিয়ে গেছে, পেটের জন্তে তো একটা বা হোক কিছু কাজও আমাকে করতে হবে। সেই বেশ হবে, কেউ সন্দেহ করবে না।

পরমোদ্যমে তাহার তিনজনেই চীৎকার করিয়া উঠিল, “সেই ঠিক।”

একটা গোপন-গর্বে মায়ের সমস্ত অন্তর ভরিয়া উঠিল, বলিলেন, “তারা জাহ্নক যে, আমার পাভেলকে তারা বন্দী করে রেখেছে বটে কিন্তু তার হাত জেলের লোহার গারদ পেরিয়ে বহুদূর পর্যন্ত এসেছে—”

সামোলভ বলিয়া উঠিল, “এটা যদি আমরা করতে পারি, তা হলে জেলে গিয়ে মনে করবো যে ইজি-চেয়ারে শুয়ে আছি।”

কল্পনায় মা ভাবিতেছিলেন—তিনি কারখানার ভেতরে বই বিলি করিতেছেন, পুলিশের লোকেরা বুঝিবে যে তাঁহার পুত্র এই সমস্তের জন্ত দায়ী নয় এবং সে মুক্ত হইবে। ভাবিতে ভাবিতে মায়ের সর্ব শরীর আনন্দে শিহরিয়া উঠিতেছিল।

মায়ের দিকে চাহিয়া আঁতানোভিচ বুঝিল যে, তিনি পুত্রের কথাই ভাবিতেছেন! আশ্বাস দিবার জন্ত চলিয়া যাইবার সময় সে বলিল, “পাভেলের কথা ভেবে আপনি মন খারাপ করবেন না। জেল থেকে যখন সে বেরিয়ে আসবে, দেখবেন সে আরও কত ভালো হয়ে গেছে। কারাগারই হচ্ছে আমাদের বিশ্বাসের জায়গা—পড়ার ঘর! বাইরে থাকলে কাজের ভিড়ে তো সে সব আর হয় না। জানেন মা, আমি তিনবার জেলে গিয়েছিলাম! অবশ্য খুলী হবার মত কর্তাদের কাছে কিছুই পাইনি কিন্তু এই তিনবারে আমার নিজের অনেক উন্নতি হয়েছে—”

স্নেহাত্মক কণ্ঠে মা বলিলেন, “তা তো দেখতে পাচ্ছি, কথা বলতে গেলে তোমাদের দম আটকে আসে—”

সে সব অশ্রু কারণে মা! আচ্ছা, এখন সে সব কথা থাক! তা হলে এই বন্দোবস্তই ঠিক রইলো! কালই আপনার কাছে বইগুলো পাঠিয়ে দেবো। আবার চাক। ঘুরক—তলায় তার যাক পিষে হাজার হাজার যুগের জমাট-বাধা অঙ্ককার। জয় হোক চিন্তার, স্বাধীনতার! চির-অক্ষয় আর চির-সুন্দর হয়ে থাক মায়ের অন্তর! আসি তা হলে!

দরজার কাছে আসিয়া সামোলভ বলিল, “আমার নিজের মায়ের কাছে এ সব কথার বিন্দুমাত্রও উচ্চারণ করতে পারি না।”

তাহার অন্তরের ব্যথা বুঝিতে পারিয়াই মা বলিলেন, “দুঃখ করো না, বাছা, একদিন সবাই বুঝবে, আমার মত একদিন সবাইকেই বুঝতে হবে।”

তাহারা বিদায় লইলে মা ঘরের দরজা বন্ধ করিয়া ক্রুশের সম্মুখে নতজানু হইয়া বসিলেন। বাহিরে বর্ষার অশান্ত ছন্দে তাঁহার অন্তর হইতে ভাষাহীন এক অপূর্ব প্রার্থনার স্বর জাগিয়া উঠিল। তাঁহার সেই ক্ষুদ্র ঘরকে সচকিত করিয়া যে সমস্ত লোক একদিন তাঁহার অন্তরে নব নব স্বর ধ্বনিত তুলিয়াছে, তাহাদের সকলের মিলিত চিন্তা আজ বাণীহীন প্রার্থনায় তাঁহার অন্তরকে ভরিয়া তুলিল। সামনের ক্রুশের দিকে চাহিয়া থাকিতে থাকিতে তাঁহার মনে হইল, সেই ক্রুশের মধ্য দিয়া অনবরত তাহারাই যাতায়াত করিতেছে। মাগো, একরাশ ফুলের মত স্নন্দর, পবিত্র, শিশুর মত মুখ, কিন্তু কি উদাসীন শিশু সব!

পরের দিন সকাল বেলা ঘুম হইতে উঠিয়াই মা সোজা মেরিয়ানার ঘরে গিয়া উপস্থিত হইলেন।

মেরিয়ানা আপনিই বকিয়া চলিল, “দুঃখ করিস্ না বোন। আগে চুরি করার জন্তে লোককে ধরে নিয়ে যেতো—আজকাল নিয়ে যায় সত্যি কথা বললে। পাভেল হয়ত অত্ৰায় কিছু বলে থাকবে কিন্তু যাই বলিস্ বোন, সকলের হয়ে তো সে দাঁড়িয়েছিল, সকলের হয়ে তো সে-ই কথা বলেছিল। এখন অবিশ্তি সকলের উচিত তাকে দেখা। তা বোন, তোর সঙ্গে দেখা করবো করবো আমিই মনে করছিলাম কিন্তু যে কাজের ভিড়, গিয়ে আর উঠতে পারি নি। এই বাজার থেকে জিনিস আনছি, ভাজছি, আবার ফিরি করতে বেরুচ্ছি। সে আবার এক বকমারি! ব্যাটার সব বুড়ি থেকে চুরি করার মতলবে থাকে। সাবধানে ফিরতে হয়! তারপর তাতেও কি শাস্তি আছে? দু-চার পয়সা জমিয়ে রাখ, কোন্ সময় কোন্ হারামজাদা এসে তাও চুরি করে নিয়ে যাবে! একা থাকার এই বিড়ম্বনা! তাও আবার বলি বোন, লোক নিয়ে থাকা আরও বিড়ম্বনা।”

মা দেখিলেন মেরিয়ানাকে না থামাইলে সে থামিবে না। বলিলেন, “বুঝি বোন, আমি এসেছি কিছু সাহায্যের জন্তেই; বোঝোই ত দিন চলে না—আমাকে তোমার সঙ্গী করে নাও, তোমার সঙ্গেই থাকার ফিরি করবো।”

মায়ের দুঃখবাহার কথা শুনিয়া মেরিয়ানার দয়া হইল। বলিল, “আচ্ছা তাই হবে ; একদিন তুই বোন, আমাকে আমার স্বামীর অত্যাচার থেকে বাঁচিয়েছিস্ ! মনে আছে তোর ? আজ আমি তোকে তোর দুঃখ থেকে একটু বাঁচাতে পারবো না ?”

পরের দিনই কারখানার ভিতরে মেরিয়ানার জায়গায় মা খাবারের খুড়ি লইয়া উপস্থিত হইলেন। মেরিয়ানা কারখানার ভার মায়ের উপর দিয়ে নিজে বাজারে ফিরি করিতে আরম্ভ করিল।

নূতন খাবারওয়ালীর সঙ্গে মজুরদের অল্পকালের মধ্যেই ঘনিষ্ঠতা হইয়া গেল। পাভেলের মা বলিয়া অনেকে আসিয়া সহানুভূতি জানায়, দুঃখ করিয়া জিজ্ঞাসা করে, তাই তো খাবার ফিরি করে বেড়াতে হচ্ছে ?

কিন্তু কেউ কেউ আবার পাভেলের মা বলিয়া তাহাকে বেশ দু'কথা শুনাইয়া দেয়। এই সব ধর্মঘট, গণ্ডগোল তাহারা আদৌ পছন্দ করিত না। একজন একদিন বেশ নির্ধর্মভাবে মাকে শুনাইয়া দিল, আমি যদি এদেশের শাসন-কর্তা হতাম, তা হলে তোমার ছেলেকে ফাঁসি দিতাম। লোকদের ক্ষেপিয়ে বেড়ান কত মজার ব্যাপার, ষাট্ বুষতে পারতেন।

খাবার লইয়া কারখানার ভিতর বসিয়া আছেন, সহসা দেখেন দুইজন পুলিশের লোক সামোলভকে ধরিয়া লইয়া যাইতেছে। পিছনে পিছনে প্রায় শতখানেক মজুর চলিয়াছে। কেহ পুলিশের লোককে গালাগাল দিতেছে, কেহ বা ঠাট্টা করিতেছে কিন্তু সবাই জুঁক।

একজন সামোলভকে উদ্দেশ্য করিয়া বলিয়া উঠিল, “তা হলে একান্তই বেড়াতে চলি ভাই।”

আর একজন চোঁচাইয়া বলিল, “এমনি করেই ওরা আমাদের সম্মান করে।”

তাহার উত্তরে আর একজন বলিয়া উঠিল, “সম্মান করে না ? আমরা যখন বেড়াতে যাই, তখনি সজি দেয় আমাদের বডি-গার্ড।”

সামোলভ মায়ের কাছে আসিতেই মা উঠিয়া দাঁড়াইলেন, গোপন অভিবাদন স্বরূপ তিনি মাথা নত করিলেন।

এই সমস্ত যুবক যখন হাসিমুখে কারাগারের দিকে যাত্রা করিত, মায়ের মন তখন মাতৃ-স্নলভ এক অপক্লম্প করুণায় ভরিয়া উঠিত। সঙ্গে সঙ্গে মজুররা নানাভাবে তাহাদের অন্তরের বিকোভও জানাইত। মা গোপন-গর্ক অল্পভব করিতেন, এ সবই তাঁহার ছেলের প্রভাব।

কারখানায় খাবার বিলি হইয়া গেলে মা সোজা মেরিয়ানার বাড়ীতে আসিয়া উপস্থিত হইলেন। সেখানে তাহার কাছে কৰ্মে সহায়তা করিয়া যখন সন্ধ্যায় বাড়ী ফিরিয়া আসিলেন, তখন তাঁহার আর কিছুই ভালো লাগিতেছিল না। আইভানোভিচের বই দিয়া বাইবার কথা ছিল, কিন্তু তাহারও দেখা নাই। আপনার মনে ঘরময় পায়চারি করিয়া বেড়ান—কোথাও যেন একটু বিশ্রামের স্থান নাই।

বাহিরে নিঃশব্দে জানালার উপর বসিয়া আসিয়া পড়িতেছিল। রাজি ক্রমশ গভীর হইয়া আসিতেছিল। এমন সময় মা শুনিলেন দরজায় কে খুব সন্তর্পণে করাঘাত করিতেছে। দরজা খুলিতে দেখিলেন একটি বলিষ্ঠ ধরণের মেয়ে। ভাল করিয়া দেখিতে তিনি চিনিতে পারিলেন, শাশাঝা! মাঝে দুই-একদিন দেখিয়াছিলেন কিন্তু কেমন করিয়া হঠাৎ সে এত মোটা হইয়া গেল তাহা মা কিছুতে বুঝিতে পারিলেন না। সেট সঙ্গীহীন নির্জনতার মধ্যে একজন সাথী পাইয়া তাঁহার অন্তর যেন একটু শান্তি লাভ করিল।

“এসো, এসো, এতদিন তো তোমায় দেখিনি। কোথায় ছিলে?”

“বাঃ, আপনি জানেন না, আমিও যে জেলে গিয়েছিলাম। নিকোলের সঙ্গে এক সঙ্গে জেলে ছিলাম। আপনার নিকোলেকে মনে আছে?”

“মনে আছে বৈ-কি! আইভানোভিচের কাছে শুনলাম সে ছাড়া পায়নি কিন্তু তোমার সম্বন্ধে সে তো কিছু বলে না—”

“বলে আর কি হবে তাই সে বলেনি। কিন্তু দেখুন, আমি একেবারে ভিজে গেছি। আইভানোভিচ আসবার আগেই পোষাকটা একটু বদলাতে হবে—তার আগে শুনুন, আমিই বইগুলো এনেছি—”

আকুল আগ্রহে মা বলিয়া উঠিলেন, কই?

জামার বোতাম খুলিতেই তাহার সর্কদেহ হইতে পাতলা কাগজের পার্শেল চারিদিকে ছড়াইয়া পড়িল—ঝড়ো হাওয়ায় যেমন গাছের শুকনো পাতা ঝরিয়া পড়ে।

মা হাসিয়া ফেলিলেন। “ওমা, তাই তো বলি, কোথাও কিছু নেই, মেয়েটা হঠাৎ এত মোটা হল কি করে? এই বোঝা বয়ে সারা পথ নিশ্চয়ই হেঁটে এসেছে?”

“নিশ্চয়ই!” তার মুক্ত হইতেই আবার শাশাঝাকে অল্পদেহা যুবতীটির

মত দেখাইল। মা এইবার লক্ষ্য করিয়া দেখিলেন, তাহার চোখ-মুখ যেন বসিয়া গিয়াছে, সর্বদেহে ক্লান্তি মাখা !

“আহা, বড্ড কষ্ট হয়েছে, না ? বসো, এখনি চা আর রুটি তৈরী করে দিচ্ছি।”

“বাঃ, আপনি কেন করতে যাবেন, আমি করে নিতে পারি না ?”

রাগ্নাঘরে গিয়া দুইটি নারী জলন্ত আগুনের সম্মুখে আপনাদের স্বপ্ন দুঃখের কথা বলিতে লাগিল।

“সত্যিই মা, বড় ক্লান্ত হয়ে পড়েছি। যাই বলি না কেন, কারাগার মানুষের খানিকটা শক্তি অপহরণ করে নেয়। সবচেয়ে ভয়ানক জিনিস কি জানেন, যখন কাজ করবার জগ্রে মন উৎসুক, সেই সময় বাধ্য হয়ে পশু হয়ে বসে থাকতে হয়। বাইরে কত কাজ রয়েছে, একটু জ্ঞানের অভাবে লাখ লাখ লোক মরে আছে। আমরা জানি, আমরা খানিকটা পারি তাদের সেই অভাব মেটাতে কিন্তু সেই সময় মন যখন চায় দিতে তখন তারা খাঁচার জন্তুর মত আমাদের রাখে ধরে। সে যে কি যন্ত্রণা ! সমস্ত মন শুকিয়ে যায়।”

দীর্ঘশ্বাস ফেলিয়া মা বলিলেন, “এ সমস্তের পুরস্কার কে দেবে ? আমার বিশ্বাস, ঈশ্বর একদিন না একদিন এর পুরস্কার দেবেন ! তোমরা তো আবার ঈশ্বরেও বিশ্বাস কর না !

ঘাড় নাড়িয়া শাশাঙ্কা বলিল, “না !”

হঠাৎ উত্তেজিত হইয়া মা বলিয়া উঠিলেন, আমিও তোমাদের বিশ্বাস করি না। কি আশ্চর্য লোক তোমরা ! তোমরা এখনও নিজেদের জানো না ! তোমরা যে-রকমভাবে জীবন চালাও, ঈশ্বরে বিশ্বাস না থাকলে কি তা কখনও সম্ভব হয় ?

হঠাৎ বাইরে আবার পায়ের শব্দ শোনা গেল। দুইজনেই চমকাইয়া উঠিয়া দাঁড়াইল। শাশাঙ্কা উঠিয়াই মায়ের কানে চুপি চুপি বলিল, “যদি দেখেন যে পুলিশের লোক, তা হলে তাদের সামনে দেখাবেন যে আপনি আমাকে চেনেন না। আমি রাজে পথ ঠিক করতে না পেরে ভুল করে বাড়ীতে ঢুকে পড়েছি এবং হঠাৎ মূর্ছা যাই—আপনি আমার জামা খুলতেই এই সমস্ত বই দেখতে পেয়েছেন।”

শাশাঙ্কার মনোভাব বুঝিয়া করুণ কোমল স্বরে মা বলিলেন, “ও সব কথা বলবার কি দরকার ?”

কিন্তু পুলিশের লোকের বদলে আসিল, আইভানোভিচ, সর্ব শরীর জলে ভেজা এবং কোনওরকমে ঘেন খাস গ্রহণ করিতেছে।

ঘরে ঢুকিতেই বলিয়া উঠিল, “মাগো, সামোভারে-আগুন দাও! ওঃ, ওর চেয়ে ভালো জিনিস জগতে আর নেই! এই যে শাশাঙ্কা তুমি আগে থাকতেই উপস্থিত দেখছি—”

মায়ের দিকে চাহিয়া আইভানোভিচ বলিয়া চলিল, “এই যে মেয়েটি দেখছেন, পুলিশের পায়ে কাঁটার মত ইনি লেগে আছেন। জেলের ইন্সপেক্টর ওকে অপমান করে, তাতে ও বেঁকে বসলো যে, যদি ইন্সপেক্টর ক্ষমা না চায়, তা হলে জেলে না থেয়ে ও আত্মহত্যা করবে। আট দিন ক্রমান্বয়ে এক ফোঁটা জলগ্রহণ করলো না—অবস্থা এ রকম হয়ে উঠলো যে, এই যায় এই যায়—”

বিস্ময়ে শাশাঙ্কার মুখের দিকে চাহিয়া মা বলিলেন, “আট দিন কিছু না খেয়ে রইলি কেমন করে?”

শাশাঙ্কা গম্ভীরভাবে ঘাড় নাড়িয়া বলিল, “কি করবো? আত্মত্যাগ! অত্যাচার করে ক্ষমা চাইবে না?”

“যদি মরে যেতিস্, পাগলী?”

“তা কি করবো! অবশ্য সে ক্ষমা চাইলো। কিন্তু মাত্র অপমান আর কারুর সহ্য করা উচিত নয়।”

ক্রমশ কথাবার্তায় রাত্রি গভীর হইয়া আসিতেছিল। শাশাঙ্কা বিদায় গ্রহণের জন্ত উঠিতেই মা বলিয়া উঠিলেন, “সে কি, এই পরিশ্রমের পর এই রাত্রে কোথায় যাবে?”

আইভানোভিচ বলিল, “ওকে এখনি শহরে যেতে হবে। দিনের আলোয় রাস্তায় ওকে মুখ দেখালে চলবে না।”

এই রাত্রে, একলা যাবে? কি লোক তোরা—

শাশাঙ্কা উঠিয়া দাঁড়াইল। মা দরজা পর্যন্ত তাহাকে পৌছাইয়া দিলেন। ঘাইবার সময় কি মনে করিয়া শাশাঙ্কা ফিরিয়া দাঁড়াইল। অতি মৃদুস্বরে মাকে বলিল, “মাগো, তোমার হাতটা দাও, একটু চুমু খাবো।” শাশাঙ্কাকে জড়াইয়া ধরিয়া মা তাহার কপোলে চুম্বন করিলেন। শাশাঙ্কা চলিয়া গেল।

মা নীরবে অনেকক্ষণ জানালার কাঁচের ভিতর দিয়া বাহিরের দিকে চাহিয়া রহিলেন। দীর্ঘশ্বাস ফেলিয়া বলিলেন, “আহা বাছা আমার কি করে শহরে পৌছবে!”

আইভানোভিচও এতক্ষণ গম্ভীর হইয়া বসিয়াছিল। মায়ের কথায় সায় দিয়াই সে বলিল, “এবার জেল থেকে এসে ওর শরীর একদম ভেঙে গিয়েছে। আগে ওর শরীর খুব ভালই ছিল। ওর মুখ দেখলে আমার কিন্তু মনে হয় যেন ওর ক্ষয়রোগ ধরেছে।”

“ওর কে আছে?”

“মস্ত জমিদারের মেয়ে। কিন্তু, বলে যে বাপ নাকি ভয়ানক পাঞ্জী। আপনি আর একটা ব্যাপার বোধ হয় জানেন যে, ওদের দুজনের বিয়ে হবে!”

“কার সঙ্গে!”

“কেন, পাভেল আর শাশাঙ্কা ওরা দুজনে দুজনকে ভয়ানক ভালবাসে। তবে বিয়ে ওদের আর ঘটে উঠছে না। ও যখন থাকে জেলে, সে তখন থাকে বাইরে, আর ও যখন বেরিয়ে আসে, দেখে সে জেলে গেছে।”

“কই, আমাকে পাভেল তো কিছুই বলে নি!”

হঠাৎ মেয়েটির প্রতি মায়ের অন্তরের সমস্ত নিরুদ্ধ স্নেহ উখলিয়া উঠিল। মনে হইল, তাঁহারই স্নেহের পুত্রবধূকে অসহায়ভাবে এমনি করিয়া ছাড়িয়া দেওয়া হইল। এবং সেই সঙ্গে রাগ হইল আইভানোভিচের উপর। বলিলেন, “তোমার উচিত ছিল ওর সঙ্গে যাওয়া!”

“অসম্ভব! কাল সকালে এখানে আমাকে পর্বত-প্রমাণ কাজ করতে হবে। সকাল থেকে হাঁপানি নিয়ে ঘুরতে ঘুরতেই প্রাণ যাবে!”

আইভানোভিচের কথা যেন মা ভাল করিয়া শুনিতে পাইলেন না। তিনি তখন শাশাঙ্কার কথাই ভাবিতেছিলেন।

আপনার মনেই বলিয়া উঠিলেন, কি স্বন্দর মেয়ে! কিন্তু মনে মনে তাঁহার ভয়ানক অভিমান হইতেছিল যখন ভাবিতেছিলেন যে পুত্রের যে-সংবাদে তিনি সকলের চেয়ে বেশী সন্তুষ্ট হইতেন, সেই সংবাদ পুত্র ছাড়া আর একজনের কাছে শুনিতে হইল।

মায়ের অবস্থা বুঝিয়া আইভানোভিচ বলিল, “সত্যিই বড় ভাল মেয়ে। আমি বুঝতে পারছি তার জন্তে আপনার মনে কষ্ট হচ্ছে। কিন্তু এই হতভাগ্য বিপ্লবীদের সকলের জন্তে যদি আপনি এমনি করে দুঃখ করেন—তা হলে মা, একটা ক্ষম্মে ক্লোবে না। যাক, এখন কাজের কথা আরম্ভ করা যাক।”

কেমন করিয়া মা কারখানায় বই লইয়া যাইবেন, সেখানে কাহার কাছে কি ভাবে বইগুলো দিবেন, পুত্ৰহীনপুত্ৰরূপে মাকে তাহা বুঝাইতে লাগিলেন।

এত পরিষ্কারভাবে সমস্ত ব্যাপারটা সে মাকে বুঝাইয়া দিল যে মা লোকটির বুদ্ধিবৃত্তি দেখিয়া অবাক হইলেন।

সকাল বেলা চলিয়া আসিবার সময় আইভানোভিচ জিজ্ঞাসা করিল, “আচ্ছা, ধরুন, পুলিশের লোক যদি জানতে পেরে আপনাকে ধরে ফেলে এবং জিজ্ঞেস করে, এ সমস্ত বই কোথা থেকে পেলেন—তখন কি বলবেন?”

মা ইকিয়া উত্তর দিলেন—“বলবো—যেখানেই পাই না, তোমাদের তাতে কি?”

“তাতে তো তারা শুনবে না—তাদের ধৈর্য্য বড় বেশী ; তারা যতক্ষণ না উত্তর পাবে, ততক্ষণ আপনাকে জিজ্ঞাসা করবে।”

“আমি কিছুতেই বলবো না।”

“তারা ধরে নিয়ে গিয়ে আপনাকে জেলে রাখবে।”

“তাতে কি? তা হলে জীবনে ভাববো যে অস্বস্ত একটা কাজেও লাগলাম। আমার এ জীবনে কি দরকার? কেই বা আমাকে চায়?”

“জেলে যারা যায়, তারা প্রত্যেকেই তো সে কষ্ট সহ্য করে। হয়ত যারা জীবনকে বুঝেছে, তাদের মনে তত কষ্ট লাগে না। কিন্তু আজ আমার মনে হয় যে, আমিও যেন একটু একটু করে জীবনকে বুঝছি।”

উল্লাসে আইভানোভিচ বলিয়া উঠিল, “যদি তাই বুঝে থাকেন, তা হলে আজ আপনাকেও সকলের চেয়ে বেশী প্রয়োজন।”

দুপুর বেলা আইভানোভিচের নির্দেশ মত মা বৃকের ভিতরে কাগজের বাঙুলগুলি ভরিয়া লইলেন। এমনভাবে সেগুলি লইলেন, যেন বহুকাল ধরিয়া তিনি সেই কাজে অভ্যস্ত।

আধ ঘণ্টার মধ্যে খাবারের ঝুড়ি লইয়া কারখানার দরজায় হাজির। দুইজন পুলিশের লোক ফটকে দাঁড়াইয়া প্রত্যেক মজুরের সর্ব্বাঙ্গ পরীক্ষা করিয়া তবে তাহাদের কারখানায় ঢুকিতে দিতেছিল। মাঝে মাঝে মজুরগুলো গ্রহরীদের উপর বিরক্ত হইয়া ব্যঙ্গ করিয়া বলে, “পকেটে কি দেখছো—মাথার ভেতরে দেখ!”

পুলিশের লোক রাগে কোনও সময় উত্তর দেয়, “মাথায় দেখবো কি? মাথায় তো শুধু উকুন আর পোকা!”

মজুরদের কাছ থেকে উত্তর আসিতে বিলম্ব হয় না। একজন বলিয়া ওঠে, “মাহুষ শীকার করার চেয়ে উকুন বাছোঁগে, পুণ্য হবে।”

এমন সময় খাবারের ঝুড়ি লইয়া আসিয়া খাবারওয়ালী বলে, “আমাকে আর জালাস নে বাবা, একে বুড়ো মাহুষ, তারপর এই বোঝা, আর দাঁড়াতে পারি না। পিঠ ভেঙে পড়লো বাবা!”

কোনও সন্দেহ না করিয়া গ্রহবীরা বলিয়া উঠিল, “যা, বুড়ী, যা!”

যথাস্থানে বসিয়া কপালের ঘাম মুছিয়া মা একবার চারিদিক দেখিয়া লইলেন। মাকে দেখিয়াই দুটি লোক আগাইয়া আসিল। দুই ভাই, বড় ভাইয়ের নাম ভাসিলি, ছোট ভাইয়ের নাম আইভান।

ভাসিলি আগাইয়া আসিয়া অর্থপূর্ণ দৃষ্টি লইয়া জিজ্ঞাসা করিল, “বলি মোহন-ভোগ এনেছ?”

এই সাক্ষেতিক কথাই আইভানোভিচের কাছে মা শুনিয়াছিলেন। উত্তরে তিনিও বলিলেন, “আজ নেই, কাল আনবো।”

দুই ভাই-ই সন্ধেতের অর্ধে বুঝিল। আইভান আহ্লাদে চীৎকার করিয়া বলিল, “সত্যিই তুই মা, মাথার মণি!” ভাসিলি আগাইয়া আসিয়া হাঁড়ির ভিতর হইতে এক বাণ্ডিল কাগজ তুলিয়া লইয়াই বৃকের ভিতরে পুঝিল! আইভান বুটের পা-ঢাকা চামড়ার ভিতর আরও কতকগুলি লইয়া অদৃশ্য হইয়া গেল।

দূরে মজুরদের আসিতে দেখিয়া মা অনভ্যস্ত স্বরে হাঁকিতে লাগিলেন, “চাই গরম ঝোল টাটকা মাংসের রোস্ট চাই—ই—”

মজুররা যথারীতি তাঁহাকে ঘিরিয়া দাঁড়াইল। সময় বুঝিয়া ভাসিলিও গায়ের জামাটি আঁট করিয়া পরিয়া কারখানার মধ্যে অদৃশ্য হইয়া গেল।

মজুরদের খাবার দিতে দিতে মা আনন্দে ভাবেন, তাঁহার এই প্রথম অভিজ্ঞতার কথা শুনিয়া পুত্র কত না আনন্দিত হইবে। একটা অনাস্বাদিত আনন্দের পুলক তাঁহার সর্বদেহকে আলোড়িত করিয়া তুলিতেছিল। মনে হইতেছিল, কি একটা পাখী প্রভাতে প্রথম জাগিয়া ডানার ঝাপট দিতে দিতে আনন্দ-সঙ্গীত গাহিতেছে। মজুররা খাবার চায়। আনন্দের কোঁকে জোরে জোরে মা বলেন, “আরও আছে! আরও আছে।”

কারখানায় কাজ সারিয়া মেরিয়ানার বাড়ী হইয়া যখন সন্ধ্যায় মা বাড়ী

ফিরিলেন, তখন তাঁহার মনে হইতেছিল, যেন সর্বাত্মক ব্যাপিয়া কে তাঁহাকে স্নেহালিঙ্গন করিতেছে। সে কি অপূর্ব পুলক !

চা তৈয়ারী করিয়া খাইতেছেন এমন সময় বাহিরে পায়ের শব্দ হইল। তাড়াতাড়ি দরজার সামনে আসিয়া কোনও রকমে দরজা খুলিতেই দেখেন, অন্ধকারে লিটল রাশিয়ান দাঁড়াইয়া ! একা !

অতি-পরিচিত স্নেহ-মাথা কণ্ঠস্বরে শুনিলেন, লিটল রাশিয়ান ডাকিতেছে, “মাগো !”

তাহাকে দেখিয়া একদিকে যেমন তাঁহার অন্তর আনন্দের আতিশয্যে ভরিয়া উঠিতেছিল, অগ্ৰদিকে তাহাকে একা দেখিয়া এক নিদারুণ নৈরাশ্র তাঁহাকে মুহূর্ত্তমান করিয়া তুলিল। আশ্চর্য্য বৃক্কে মুগ্ধ রাগিয়া তিনি শিশুর মত কাঁদিয়া উঠিলেন।

আদরে মাকে বৃক্কে জড়াইয়া ধরিয়া, মায়ের মাথায় হাত বুলাইতে বুলাইতে, তাহার অপক্লপ কোমল করুণ কণ্ঠস্বরে লিটল রাশিয়ান বলে, “কৈদো না মা ! এমনি করে আমাদের কাঁদিও না ! বিশ্বাস কর, শিগ্গিরই পাভেলও ছাড়া পাবে। তার বিরুদ্ধে তারা কিছুই পায় নি। আর আমাদের সঙ্গে যারা গিয়েছিল, তারা কেউই একটি কথাও বার করে নি।”

ধীরে মাকে বিছানার উপর বসাইয়া লিটল রাশিয়ান বলিয়া চলিল, “মাগো, আসবার সময় পাভেল তোমার কথা বলো। সেখানে সে দিবি আরামে আছে ! একেবারে এক দঙ্গল লোক। এখান থেকে আর শহর থেকে নিয়ে প্রায় শত খানেক লোক ধরেছে। চার-পাঁচজন করে একটা ঘরে রেখেছে। জেলের ওয়ার্ডাররাও দেখলুম মন্দ লোক নয়। বেশী কাজটাজ তেমন কিছুই দেয় নি। কিন্তু মুশ্কিল হবে নিকোলের। সব সময়ই মারমুর্ত্তি হয়ে আছে। ওকে তারা কিছুতেই শিগ্গির ছেড়ে দেবে না। তবে পাভেল শিগ্গিরই ছাড়া পাবে। এখন বল তো মা তুমি কেমন ছিলে ?”

লিটল রাশিয়ানের কথা শুনিয়া মায়ের মন স্নেহে ভরিয়া উঠিল। আদরে তাহার মাথায় হাত দিয়া মা বলিলেন, “তুই জানিস্ না তোকে আমি কত ভালবাসি !”

“সে কি জানি না মা ! শুধু আমি কেন, তোমার স্নেহে আমরা সবাই ধন্ত !”

“না, না, আমি তোকে সকলের থেকে আলাদা করে ভালবাসি। যদি তোমার মা থাকতেন, তা হলে সবাই তাঁর হিঁসে করতো !”

গম্ভীরভাবে মাথা নাড়িয়া লিটল রাশিয়ান বলে, “হয়ত আমার মা এখনও এই পৃথিবীর এক কোণে কোথাও বেঁচে আছে।”

“জানিস্, আমি আজ কি করেছি?” বলিয়া আত্ম-তৃপ্তির আবেগে কাঁপিতে কাঁপিতে মা কারখানার সমস্ত ঘটনা বলিলেন। আনন্দে উৎফুল্ল হইয়া লিটল রাশিয়ান চীৎকার করিয়া উঠিল, “এই তো চাই মা! তুমি হয়ত জানো না যে, এতে পাভেলের এবং তার সঙ্গে যারা গ্রেফতার হয়েছিল তাদের কি উপকারই না হবে?”

লিটল রাশিয়ানের উৎসাহে মায়ের অন্তর পরিপূর্ণ তৃপ্তিতে বিকশিত হইয়া উঠিল। তিনি আনন্দ-গদগদ স্বরে বলিয়া চলিলেন, “সারা জীবন শুধু এই কথাই ভেবেছি, হে প্রভু, এ জীবন কিসের জন্তে দিলে? শুধু কি মার খেতে আর মুখ বুজে ভূতের বোঝা বহিতে? এই সংসারের খাওয়া-দাওয়া ওঠা-বসা ছাড়া আর কিছু জানতাম না। স্বামীকে ছাড়া আর কারকেই দেখতে পেতাম না। কেমন করে আমার পাভেল মাছুষ হয়ে উঠলো তা-ও জানি না। তখন আমার একমাত্র চিন্তা আর কর্তব্য ছিল—আমার দানবটির যথাসময়ে খাণ্ড সরবরাহ করা—যাতে সে আমাকে প্রহার না করে তার জন্তে সর্বদাই তার সেবায় থাকা। কিন্তু তবুও প্রহার করতে একদিনও কার্পণ্য করেনি। স্ত্রীকে যেমন সাধারণত লোকে প্রহার করে সেরকম নয়, সে আমাকে প্রহার করতো, যেমন দুর্বল শত্রুকে মাছুষ প্রহার করে। কুড়ি বছর ধরে আমি এই জীবন যাপন করে এসেছি। তারপর যখন সে মারা গেল, পাভেলের দিকে চাইলাম। মাগো, সে-ও তখন এই ব্যাপারে ডুবে গেছে। জীবনের সব শেষ আশ্রয় তাকে হারাবার আতঙ্কে দিনরাত যে কেমন করে কাটে, সে আর কাকে জানাবো? তারপর একদিন বুঝলাম, আমাদের স্ত্রীলোকের এই ভালবাসা—এ ঠিক আসল ভালবাসা নয়! যে জিনিস আমাদের দরকার, আমরা শুধু তাকেই ভালবাসি। আর তোরা? তোরা যাদের ভালবাসিস্ তাদের সঙ্গে তাদের দরকারের কোনও সম্পর্ক নেই! যে লোককে জানিস্ না তার জন্তে তোরা হাসতে হাসতে কারাগারে বাস, যে লোককে চিনিস্ না তার জন্তে চলেছিস কোথায় দূর সাইবেরিয়ায় নির্বাসনে! মেয়েগুলো রাজির ঠাণ্ডায় চলেছে মাইলের পর মাইল, পেটে নেই খাবার, গায়ে নেই জামা! কার জন্তে? কিসের জন্তে? আমি বুঝি, তারাই সত্যি ভালবাসতে জেনেছে—আর আমি আজও সেরকম

ভালবাসতে পারলাম না—আমি শুধু ভালবাসি আমার অন্তরের প্রিয় বারাদাদের।”

মায়ের মনের অর্গল যেন বহুদিন পরে অতর্কিতে আজ খুলিয়া গিয়াছিল। তাই কথার বস্ত্রায় তাঁহার হৃদয়ের তটভূমি বারে বারে উচ্ছ্বসিত হইয়া উঠিতে-ছিল।

লিটল্‌ রাশিয়ান মায়ের কথার উত্তরে বলিল, “তুমিও পার মা এমন ভালবাসতে। কাছের বারাদাদের সবাই ভালবাসে। কিন্তু হৃদয় যাদের বড়—দূরও তাদের কাছে নিকট। তুমি জানো না কতখানি মাছুষ তোমার হৃদয়টুকু জুড়ে আছে।”

“তাই যেন হয়, আমি যেন এই রকমভাবে সকলকে ভালবেসে একদিন এই পৃথিবী থেকে বিদায় নিতে পারি। মাঝে মাঝে আমার মনে হয় যে হয়ত তোকে আমি আমার পাভেলের চেয়েও ভালবাসি। পাভেল কি-এক রকমের! কোনদিন কোন কথা সে আমাকে বলে না। শুনলাম সে শাসকাকে বিয়ে করতে চায়—অথচ আমাকে একবারও জানায় নি।”

লিটল্‌ রাশিয়ান বাধা দিয়া বলিল, “কে তোমাকে বলে সে বিয়ে করতে চায়? অবশ্য একথা ঠিক যে তারা পরস্পর পরস্পরকে ভালবাসে, কিন্তু শাসক চাইলেও পাভেল কিছুতেই বিয়ে করবে না—কখনই না।”

পুত্রের এই কঠোর জীবন-সাধনার গর্বে মায়ের অভিমান-আহত অন্তর সকল ব্যথা ভুলিয়া বলিয়া উঠিল, “এই দেখ্‌, তোরা কি আশ্চর্য রকমের লোক! আপনাদের তোরা কি রকম করে বিকিয়ে দিয়েছিস্!”

“পাভেলের কথা বলে না মা! জগতে সে এক অসাধারণ লোক! লোহা দিয়ে তার বুক তৈরী!”

আবার মায়ের অন্তরে ছুলিয়া গুঠে কথার তরঙ্গ। বলেন, “আজ দেখি হঠাৎ যেন সব বদলে গেছে। সকলে সকলকে অন্তভাবে দেখতে শিখেছে। মনের আজ চোখ ফুটেছে। সে চোখ মেলে আজ যেন নতুন করে এই পুরানো পৃথিবীটাকে দেখছে—দেখছে আর একই সঙ্গে তার হচ্ছে আনন্দ আর বিষাদ। আজ আমি অনেক জিনিস বুঝি, তবুও মনে হয়, অনেক জিনিস এখনো বোঝবার বাকি পড়ে রয়েছে। কিন্তু আমি তোদের বুঝছি। বুঝছি তোরা দুঃখী মানুষদের জন্তে এই দারুণ দুঃখের জীবন আপনা থেকে বেছে নিয়েছিল। যে সত্যের জন্তে তোরা আজ মাথায় বজ্র নিয়ে দাঁড়িয়েছিস্

তা-ও বুঝি। বুঝি যতদিন পৃথিবীতে একদল লোক থাকবে, যারা শুধু টাকা জমিয়ে রাখবে—আর একদল লোক শুধু হুঁমুঠো অল্পের জন্ত উদয়াস্ত খেটে মরবে, ততদিন পৃথিবীতে শান্তি আর কেউ পাবে না। এক একদিন রাত্রিবেলায় যখন হঠাৎ এই সব মনে পড়ে, তখন আমার অতীত জীবনের কথা আপনা থেকে মনে ভেসে ওঠে—দেখি, আমার নমস্ত শক্তি পথের কাদার মত কে মাড়িয়ে দিয়ে চলে গিয়েছে—আমার এই বুককে কে হেঁড়া নেকড়ার মত টুকরো টুকরো করে দিয়েছে। সেই পেছনের দিকে চেয়ে আজকের এই সব কথা মিলিয়ে দেখলে—তৃপ্তি পাই! মনে হয় জীবনের আর একটা আলাদা রূপ আছে।”

অতি নিম্নস্বরে লিটল রাশিয়ান বলিয়া উঠিল, “ঠিক কথা মা, ঠিক কথা!”

“ঠিক কি-না জানি না। আমি যে আজ কি বলছি তা আমি নিজেই ভাল করে বুঝি না। সারা জীবন আমি চুপ করে কাটিয়ে দিয়ে এসেছি। আমি যে বেঁচে আছি, প্রাণপণে সবার কাছ থেকে সেট কথাই লুকিয়ে এসেছি। আজ কেন মনে হয়, সব জিনিসের সঙ্গে আমার একটা সম্বন্ধ আছে—সকলের জন্তে আমার দুঃখ হয়, মনে হয় সকলকে ভালবাসি।”

উত্তেজনায তখন মায়ের সর্বদেহ কাঁপিতেছিল। ছোট ছেলের মত মায়ের হাত দুখানি লইয়া লিটল রাশিয়ান নাড়াচাড়া করিতে করিতে বলিল, “আচ্ছা মা, একটা কথা বলি, তুমি যদি নিকোলেকে আমাদের মত ভালবাস, তা হলে বড় ভাল হয়। আমাদের মধ্যে ওর সবচেয়ে দরকার তোমার স্নেহের। চুরি করে বাপ প্রায়ই জেলে আটক থাকেন। জেলে ও যে-ঘরে আটক ছিল তার জানালা থেকে ওর বাপ যে-ঘরে আটক আছে তা দেখা যায়। মাঝে মাঝে দুজনের চোখাচোখি হতো! সেই অবস্থায় জেলে বসেও বাপ তাকে উদ্দেশ্য করে গালাগাল দিতো। লোকটা ইঁদুর, বেরাল, কুকুর—এইসব ভালবাসে কিন্তু নিজের ছেলেকে একদম দেখতে পারে না!”

মা দীর্ঘশ্বাস ফেলিয়া আপনার মনে বলিয়া উঠিলেন, “মা-টা গেল পালিয়ে, বাপ রইলেন মদ আর চুরি নিয়ে।”

লিটল রাশিয়ান বিছানায় গিয়া শুইয়া পড়িল। তাহার মাথার শিয়রে দাঁড়াইয়া বৃকের উপর হাত রাখিয়া নিঃশব্দে মগ্ন পড়িয়া মা আপনার শয্যায় গেলেন।

পরের দিন সকাল বেলা যথারীতি মাল-পত্র লইয়া মা কারখানার ফটকে

উপস্থিত হইতেই পুলিশের লোক আগাইয়া আসিয়া চীৎকার করিয়া উঠিল, “দাঁড়া!”

জিনিস-পত্র নামাইয়া রাখিয়া মা দাঁড়াইলেন। গ্রহরীরা আসিয়া থালা-বাসন নাড়িয়া ভাল করিয়া দেখিল। একজন পিঠে ও ঘাড়ে টোকা মারিয়া দেখিল।

“আমার খাবার যে সব ঠাণ্ডা হয়ে গেল, ছেড়ে দে বাবা আমাকে!”

কিছুই অহুস্কানে মিলিল না দেখিয়া বিজ্ঞের মত একজন পুলিশের লোক বলিল, “আমি বলছি, পেছনের পাঁচিল থেকে বইগুলো ছুঁড়ে দিয়েছে!”

বুদ্ধ সিংহ মায়ে দিকে চাহিয়া মুহূর্ত হাসিয়া চাপা গলায় বলিল, “কেনেছ নিলোভনা?”

“কি?”

“আবার সেইসব বই দেখা দিয়েছে! রুটিতে ঘেমন করে চিনি ছড়িয়ে দেয় তেমনি করে আবার কারা সেইসব বই কারখানার ভেতরে ছড়িয়ে দিয়ে গেছে! মিছিমিছি কতকগুলো নিরীহ লোককে ধরে হেলে রেখে দিলে! আমার ভাইপোটাকে ধরে নিয়ে গেছে—তোমার ছেলেকে তো নিয়েছেই। কই, তাতেও, তো এসব বন্ধ হলো না! স্পষ্টই বোঝা যাচ্ছে, এ তাদের কাজ নয়!”

মায়ের নিকট অগ্রসর হইয়া সিংহ বিজ্ঞের মত দাড়ি নাড়িয়া বলিল, “লোক ধরে কি করবি? আসল ব্যাপার তো লোক নয়—এসেছে নতুন মন! নতুন তার ভাবনা! মাগুষের ভাবনাকে তো আর মশা-মাছির মত ধরা যায় না!”

কারখানার ভিতরে প্রবেশ করিয়া দেখিলেন, একদিনে কারখানার ভিতর-কার আবহাওয়া বদলাইয়া গিয়াছে। মজুররা চারিদিকে জটলা করিয়া উত্তেজিতভাবে কি সব বলাবলি করিতেছে। পুলিশের লোক দেখিলেই চূপ হইয়া যাইতেছে। কর্তৃপক্ষদের মুখ গম্ভীর হইয়া গিয়াছে—তাহারা অনবরত পুলিশের লোকদের সঙ্গে কি কথা বলিতেছে। সকলের চেয়ে একটা বিষয়ে মায়ের দৃষ্টি বিশেষভাবে পড়িল—মজুরেরা যথাসম্ভব সব পরিকার-পরিচ্ছন্ন হইয়া কারখানায় আসিয়াছে।

দূরে আইভান ও ভাসিলির মূর্তি দেখা দিল। মা হাঁকিলেন, চাই গরম বোল আর টাটকা মাংসের রোস্ট চাই-ই—

হাসিতে হাসিতে আইভান মায়ের সম্মুখে উপস্থিত হইয়া বলিল, “আজকে গরম গরম কিছু আছে নাকি ? কালকের গুলো বেশ ছিল।”

আনন্দে মায়ের শত-রেখাঙ্কিত মুখ বিকশিত হইয়া ওঠে। আইভান আজ ‘আপনি’ বলিয়া মায়ের সঙ্গে কথা বলিতেছিল। মায়ের কাছে আগাইয়া আসিয়া চুপি চুপি আইভান বলে, “দেখছেন, কি রকম একদিনে সব বদলে গেছে ! ওষুধ ধরেছে !”

দূরে তিনজন মজুর দাঁড়াইয়া একটু উচ্চৈঃস্বরে আলোচনা করিতেছিল ! একজন দুঃখ করিয়া বলিতেছিল, “আমি একখানাও দেখতে পেলাম না—বড় আফসোসের কথা !

দ্বিতীয় ব্যক্তিটি বলিতেছিল, “তুই তো দেখতে পেলি না—আমি দেখতে পেলেই বা কি করতাম—আমি তো আর লেখাপড়া জানি না !”

তৃতীয় ব্যক্তিটি একবার চারিদিক চাহিয়া বলিল, “দেখ একটা কাজ করা যাক ! চল আমরা বয়লার ঘরে যাই ! সেখানে এখন কেউ নেই। সেখানে আমি তোদের পড়ে শোনাব। আমি একখানা বৃকের ভেতর লুকিয়ে রেখেছি।”

মা সমস্তই শুনিলেন। বুঝিলেন মায়ুষের লিখিত ভাষার কি মূল্য ! চক্ষুর সম্মুখে দেখিলেন, চাকা ঘুরিতে আরম্ভ করিয়াছে।

সেদিন বাড়ী ফিরিয়াই অন্তরের পরিপূর্ণ আনন্দে মা লিটল রাশিয়ানকে ডাকিয়া বলিলেন, “কারখানার কতকগুলো লোক দুঃখ করছিলো তারা পড়তে জানে না। আমি এককালে একটু আধটু পড়তে জানতাম—কিন্তু আজ বোধ হয় সব ভুলে গেছি !”

কালবিলম্ব না করিয়াই লিটল রাশিয়ান বলিয়া উঠিল, “আজ থেকেই আবার তা হলে শিখতে আরম্ভ করে দাও না কেন !”

“এই বয়সে ? হাঁ রে, আমার সঙ্গেও তুই ঠাট্টা করলি ?”

বিন্দুমাত্র বিচলিত না হইয়া টেবিল হইতে একখানি বই লইয়া গম্ভীর মুখে একটা অক্ষরের উপর আঙুল দিয়া লিটল রাশিয়ান জিজ্ঞাসা করিল, “আচ্ছা বল তো এ অক্ষরটা কি।”

“এ (A)।”

“আর এটা ?”

মা হাসিয়া বলিলেন—“আর (R)।”

মা কিন্তু মনে মনে লজ্জিত হইয়া উঠিতেছিলেন। তাঁহার মনে হইতেছিল লিটল রাশিয়ান যেন তাঁহাকে লইয়া একটু দুঃখি করিতেছে। কিন্তু তাহার শাস্ত গভীর কর্তব্যর সুনীয়া মায়ের সে ধারণা বদলাইয়া গেল। জিজ্ঞাসা করিলেন, “সত্যি সত্যিই এই বুড়ো বয়সে তুই আমাকে লেখাপড়া শেখাতে চাস?”

“নিশ্চয়ই! একদিন যখন পড়তে শিখেছিলে; তখন নিশ্চয়ই একটু চেষ্টা করলেই পারবে। এতে ভোজবাজী কিছু নেই আর যদিই বা থাকে তা তো ভালই!”

“কিন্তু কথায় যে বলে ঠাকুরের দিকে চেয়ে থাকলেই সাধু হওয়া যায় না!”

“মা! কথায় কি না বলে? ধর, লোকে যে কথায় কথায় ছড়া কাটে যত কম জানবে, তত মজাতে ঘুমবে—সেটা কি ঠিক! যারা পেট দিয়ে ভাবে, তারা এই সব ছড়া মানে। কেন না, তাদের পেট চায় মনকে লাগাম দিয়ে রাখতে কিন্তু মন কি লাগাম মানে? আচ্ছা, এটা বলো তো কি?”

“এস (S)।”

“দেখ দেখি, কেমন সহজেই মনে পড়ছে—আর এটা?”

ঝুলিয়া-পড়া ক্র কুঞ্চিত করিয়া অতীতের বিশ্বতির গর্ভ হইতে এই সমস্ত একদিনের পরিচিত অক্ষরগুলির নাম মনে করিতে দৃষ্টপীড়া ঘটতেছিল। প্রথমে সেইজন্য মায়ের চোখে জল দেখা দিল। তারপর কখন হৃদয়ের অশ্রুধারা তাহার সহিত মিশিয়া সমস্ত দৃষ্টিকে ঝাপসা করিয়া দিল। মা কাঁদিয়া ফেলিলেন।

“জীবনের পাঠ আজ শেষ হয়ে এলো আর এখন আমি বসেছি বর্ণ-পরিচয় নিয়ে!”

মাকে সাত্বনা দিবার জন্য লিটল রাশিয়ান বলিল, কিন্তু সে তো তোমার দোষ নয় মা! তুমি তো আজ বুঝেছ যে কি জীবন তুমি যাপন করতে কিন্তু আজও হাজার লোক আছে যারা সেই রকম জীবনই যাপন করে অথচ তারা তার গর্ব করে। তাদের জীবনে কি লাভ? আজকে কোন রকমে কাজ সারা হল, তারা খেলো আর ঘুমুলো, কাল এলো, কোনো রকমে কাজ সারলো, খেলো আবার ঘুমুলো! এমন করে তারা চলেছে বছরের পর বছর—খাওয়া

আর খাটা, খাটা আর খাওয়া! তারপর এলো ছেলেমেয়ের দল! প্রথম তাদের একটু ভালো লাগলো। তারপর তারা এত খেতে আরম্ভ করলো যে, তাদের ধরে ধরে পাঠালো খাটতে। এমনি করে তারাও চললো খাওয়া আর খাটা খাটা আর খাওয়া নিয়ে। জীবনে তাদের এক মুহূর্তের জন্তেও আনন্দের সেই অপূর্ণ ক্ষণ আসে না, যা নিমেষে দেয় বুককে ছুলিয়ে। কেউ বেঁচে থাকে ভিখীরির মত ঘারে ঘারে ভিক্ষা চেয়ে; কেউ বা থাকে চোর হয়ে—এর-তার জিনিস ছিনিয়ে নিয়ে। এই সব মানুষের মধ্যে সে-ই আসল মানুষ যার সাহস আছে, মনের আর দেহের—এই সব শেকল ছিঁড়ে ছুঁড়ে ফেলে দিতে। সেই মানুষ তুমি মা চলছ শেকল ছিঁড়তে! কিসে তোমার বাধা?”

“আমি? আমি—এই বয়সে?”

“কেন না? মানুষের এক ফোঁটা চেষ্টা ব্যর্থ হয় না। বৃষ্টির বিন্দুর মত সে কোথায় কোন্ বীজকে ফুটিয়ে তোলে গোপনে! তারপর যখন তুমি পড়তে শিখবে—”

সহসা কথা বলিতে বলিতে সে আপনার মনে হাসিয়া উঠিল। তারপর ঘরের এ-কোণ ও-কোণ পর্যন্ত লম্বালম্বা পা কেলিয়া পায়চারী করিতে করিতে সে আবার বলিল—

তোমাকে লেখাপড়া শিখতেই হবে। পাভেল ফিরে এসে তোমাকে দেখে অবাক হয়ে যাবে, কেমন হবে বলো তো?

দীর্ঘশ্বাস ফেলিয়া মা বলিলেন, “পাগলা ছেলে আমার, তোরা কি বুঝবি, এই বুড়ো বয়সের কি মানি! তাদের এখন সবই সম্ভব। বয়স কখন উত্তীর্ণ হয়ে গেছে আমার, কখন শেষ হয়ে গেছে মনের শেষ শক্তিটুকু, এখন এই অবেলায়—”

সন্ধ্যাবেলা কার্ধ্যান্তরে লিটল রাশিয়ান চলিয়া গেল। মা একলা বসিয়া আছেন—এমন সময় দরজায় কে ধাক্কা দিল।

উঠিয়া দরজা খুলিবার পূর্বে মা জিজ্ঞাসা করিলেন, “কে?”

“আমি রাইবিন।”

দরজা খুলিতেই গম্ভীরভাবে রাইবিন ঘরে প্রবেশ করিয়া ততোধিক গম্ভীরভাবে বলিল, “একদিন আপনি এই ঘরে বিনা পরিচয়ে বহু লোককে আসতে যেতে দিতেন—আজ আর পরিচয় দিয়ে ঢুকবো কেন? আর কেউ নেই এখানে?”

না।

“ও! আমি ভেবেছিলাম এখানে হয়ত লিটল রাশিয়ানের দেখা পাবো। তার সঙ্গে দেখা হয়েছিল। দেখলুম, জেলখানা মানুষকে নষ্ট করতে পারে না। মানুষকে নষ্ট করে—তার নিজের গড়া বোকামি।

রাইবিনের এইসব গভীর কঠোর কথা মায়ের ভাল লাগিত না। তাহার কণ্ঠস্বর, কথার ভঙ্গী এবং সর্ববিষয়ে একটা বিতৃষ্ণা আর রাগ—মায়ের মনে তাহার স্বামীর পূর্ব-স্মৃতি জাগাইয়া তুলিত। তিনিও ছিলেন এই রকম কঠোর, রুক্ষ, সবার উপর ক্রুদ্ধ, কিন্তু অধিকাংশ সময় মৌনী। এই লোকটার সে সমস্ত স্বভাবই আছে, প্রভেদ শুধু কথা কর বোঁ। কিছু-না-কিছু প্রতিবাদ করার তাগিদ যেন তাহার মনে সর্বদাই জাগ্রত রহিয়াছে।

মায়ের কাছে বসিয়া সে বলিয়া চলিল, “একলা আছেন, আসুন একটু কথা বলা যাক। একটা দরকারী কথা আপনাকে বলা প্রয়োজন। আমি মনে মনে একটা মত তৈরি করেছি।

রাইবিনের কথা শুনিয়া মা উৎকণ্ঠিত হইয়া উঠিলেন। রাইবিন তেমনি কঠোর রুক্ষস্বরে বলিয়া চলিল, “এ জগতে টাকা না হলে কিছু হয় না। জন্মাতেও টাকা দরকার। মরতেও টাকা দরকার। বই ছড়াতেও টাকা লাগে। কিন্তু এসব টাকা আসে কোথেকে?”

রাইবিনের প্রশ্নের ভঙ্গীতে মা সন্ত্রস্ত হইয়া উঠিলেন। কোনও অজানা বিপদের আশঙ্কায় তিনি রাইবিনের মুখের দিকে চাহিয়া অতি যত্নস্বরে বলিলেন, “সে আমি কি করে জানবো?”

“আমিও কি জানি ছাই! আমার আর একটা প্রশ্ন জিজ্ঞাসা করবার আছে। এ সমস্ত বই লেখে কে? নিশ্চয়ই শিক্ষিত লোকেরা—আমাদের মনিবশ্রেণীর লোকেরা। তারাই এই সমস্ত বই লিখে আমাদের ছড়াতে দেয়। কিন্তু মজার ব্যাপার, তারা পয়সা খরচ করে যে-সমস্ত বই লেখে, তাতে তাদেরই বিরুদ্ধে সমস্ত লেখা থাকে। এখন আমার প্রশ্ন হচ্ছে যে, তাঁরা কেন পয়সা খরচ করে নিজেদের ক্ষতি নিজেরা করে?”

এ ধরনের কোন কথাবার্তা মা আজ পর্যন্ত শুনেন নাই। তিনি বিহ্বলের মত জিজ্ঞাসা করিলেন আমি তো কিছুই জানি না। তোমার কি মনে হয়, তাই বল আমি শুনি।

“হ! আমারও মনে যখন এই প্রশ্ন মাথা তুলে উঠেছিল তখন আমিও

এই রকম বিহ্বল হয়ে পড়েছিলাম। সর্ব-শরীরের ভেতর দিয়ে যেন বরফের তরঙ্গ বয়ে গেল—”

“কিন্তু তুমি কি বলতে চাও? কি তোমার মনে হয় বলো!”

‘এব জোচ্চুরি! ধাপ্পাবাজি! আমি ঠিক কিছুই জানি না বটে কিন্তু আমার মনে হয় এসব আমাদের প্রভুদের ধাপ্পাবাজি। নিশ্চয়ই প্রভুরা কোনও নূতন প্যাচে আমাদের ফেলবার চেষ্টায় আছেন। এই প্যাচের হাত থেকেই তো আজ মুক্ত হতে চাই—সেইজন্মেই তো চাই সত্য! আর আমি বুঝি একমাত্র সেই সত্যকেই। দয়াময় প্রভুদের প্যাচে পড়তে আমি চাই না। কোন্ দিন দেখবো যে তাঁরাই আমাদের কোণঠাসা করে ফেলেছেন আর আমাদের হাড়ের ওপর দিয়ে চলেছেন তাঁদের ঈশ্মিত পথে যেমন করে মানুষ চলে সাঁকোর ওপর দিয়ে।’

এতদিন যে-সমস্ত কথা মা শুনিয়া আসিয়াছেন সহসা রাইবিনের এই কথায় সমস্ত বিপর্যস্ত হইয়া গেল। কোন কিছু বুঝিতে পারার যেটুকু আনন্দ মা অন্তরে সঞ্চিত করিয়াছিলেন, সহসা যেন তাহা নিঃশেষিত হইয়া গেল। বেদনায় তিনি চিৎকার করিয়া উঠিলেন, “তবে, তবে কি হবে? পাভেলও কি বোঝে না এসব? এই কি সত্য? না, না, মানুষের জীবন নিয়ে শিক্ষিত লোকেরা কখনও এরকম জঘন্ট খেলা খেলতে পারে না।”

“আপনি ঠিক বুঝতে পারছেন না। যারা সাক্ষাৎভাবে এই আন্দোলন চালাচ্ছে তারা হয়ত সত্যি বলেই এসমস্ত বিশ্বাস করে। কিন্তু তাদেরও পেছনে আর একদল লোক হয়ত আছে, যারা নিশ্চিত মনে এইসব কল ঘোরাচ্ছে।”

দীর্ঘ শতাব্দীর পুঞ্জীভূত মন্দেহে বলিষ্ঠ সেই প্রৌঢ় কৃষকের অন্তর একান্ত আত্মনির্ভরের সহিত গর্জিয়া উঠিল, “না না, মনিবদের সঙ্গে কোনও সংস্পর্শে কোনও কল্যাণ আসবে না, আসতে পারে না।”

উদ্বেগে মা জিজ্ঞাসা করিলেন, “তবে তুমি কা করতে চাও?”

“আমি? আমি চাই প্রথমত মনিবদের আওতা থেকে সকল রকমে দূরে থাকতে। আমি এখান থেকে এই শহর থেকে দূরে চলে যাব কিশিয়ার গ্রামে গ্রামান্তরে। আমার মন চেয়েছিল এদের দলে মিশে এদের সঙ্গে কাজ করতে। আর আমি কাজও করতে পারি অনেক। লিখতে জানি, পড়তেও জানি, সবার ওপরে জানি লোকে কি চায়। কিন্তু তবুও এই

দল ছেড়ে আমাকে চলে যেতে হবে! আমি এ সমস্ত কিছুই বিশ্বাস করে উঠতে পারছি না—তাই আমি চলে যেতে চাই। আমি জানি গাঁয়ের লোকেরা একেবারে অন্ধকারে ডুবে আছে—সব স্বার্থপর পাজী বদমায়েস। জানি, জীবনে পেটভরে তারা খেতে পায় না! তাই নিজেদের মধ্যে কামড়াকামড়ি করে খায়—তবু আমি যাব তাদের মধ্যে। কেউ যদি সঙ্গে না যায়, একলা যাব। গাঁয়ে গাঁয়ে ঘুরে জাগিয়ে তুলবো তাদের। বলবো তাদের মুক্তি-সংগ্রামের ভার তাদেরই নিজের হাতে নিতে হবে। তারা এগিয়ে আসুক, তারা বুকুক! তাহলেই একটা পথ আপনা হতে একদিন বেরিয়ে পড়বে। তাদের মুক্তির আর কোনও পথ নেই, তাদের কল্যাণের আর কোনও পন্থা নেই। আর আমার মনে হয় এইটিই একমাত্র সত্য।”

স্তুতিভাবে মা বলিলেন, “তখনি তোমাকে তারা গ্রেফতার করে ধরে রেখে দেবে।”

“জেলে যাব, আবার বেরিয়ে এসে তাদের দলের সামনে এসে দাঁড়াব, আবার যাব—”

“যাদের দরজায় দরজায় ঘুরবে সেই কৃষকরাই তোমাকে মারবে।”

“হয়ত তারা তাই করবে। একবার, দুবার, তিনবার তাই করবে। তারপর তারাও একদিন বুঝবে যে, আমার সঙ্গে ওরকম ব্যবহার করা ঠিক হচ্ছে না। ক্রমশঃ তারাই আমার কথা শুনতে শিখবে। তাদের বলবো, আমি যা বলছি, ইচ্ছে না যায় ত বিশ্বাস করো না, কিন্তু যা বলি তা শোন।”

কিছুক্ষণ চুপ করিয়া থাকিয়া সে গভীর দীর্ঘশ্বাস ফেলিয়া সঠিত দেহখানি একবার দোলাইয়া বলিয়া উঠিল, “এতে আমার নিজের কোনও আনন্দ নেই। বহুদিন এখানে কাটলাম, অনেক কিছুই দেখলাম, শিখলাম। এখন মনে হচ্ছে—যা-কিছু শিখেছি, যা-কিছু বুঝেছি সে শুধু নিজের মনের ভেতর পুষেই রেখেছি! নিয়ত মনে হয়, যে শিশুকে জন্ম দিয়েছি—তাকে খেতে না দিতে পেরে মেরে ফেলছি।”

একান্ত সঙ্কল্পভাবে চাহিয়া মা বলেন, “তুমি মরবে রাইবিন।”

“আপনি জানেন, বাইবেলে যীশুখ্রীষ্ট বীজ সম্বন্ধে কি বলেছেন? বলেছেন, তোর মৃত্যু নেই; আর একদিন আবার তুই নবজন্ম লাভ করবি। আচ্ছা, অনেকক্ষণ বকলাম—এখন যাই হোটেলে গিয়ে একটু আড্ডা দি। লিটল রাশিয়ান এলে আমার কথা বলবেন—বলবেন আমি কালই চলে যাব। বিদায়!”

রাইবিন চলিয়া গেল। দরজা বন্ধ করিয়া মা ঘরের মধ্যে নিশ্চল হইয়া দাঁড়াইয়া রহিলেন। ঘরের চারিদিকে শুধু অন্ধকার, আর অন্ধকার। দীর্ঘশ্বাস ফেলিয়া আপনা হইতে মা বলিয়া উঠিলেন, “চিরদিনই আমি রইলাম এমন অন্ধকার রাত্রির মধ্যে।”

গভীর রাত্রে লিটল্‌ রাশিয়ান ফিরিয়া আসিল। মা তাকে রাইবিনের কথা সমস্ত বলিলেন।

“ভালই তো! যাক্ না সে গ্রামে গ্রামে! সেখানে জাগিয়ে তুলুক সত্যের অমর বাণী। এখানে তার ভাল লাগলো না।”

“কিন্তু সে যে-সমস্ত কথা বলছিলো, যাদের কথায় তোরা চলছিস্ তারাই তোদের ঠকাচ্ছে।”

“আসল কথা কি জানো মা, টাকা! টাকার যে কী অভাব তা আর কি বলবো! এক রকম বলতে গেলে আমাদের এই দল পরের দয়ার ওপর বেঁচে আছে। ধরো, নিকোলয় আইভানোভিচ মাসে পঁচাত্তর রুবল উপায় করে, কিন্তু তার মধ্যে থেকে আমাদের পঞ্চাশ রুবল দেয়। আরও অনেকে এই রকম করে আমাদের দলটিকে কোনও রকমে বাঁচিয়ে রেখেছে। দরিদ্র ছাত্রেরা না খেয়ে দিনের পর দিন পয়সা জমিয়ে আমাদের কিছু কিছু পাঠায়। মাঝে মাঝে প্রভুদের কাছ থেকেও সুরবিধে পেলেই সাহায্য নিতে হয়। আমাদের ওপরওয়ালাদের মধ্যেও আবার অনেক শ্রেণী-বিভাগ আছে। তাদের মধ্যে কেউ কেউ আমাদের দিয়ে তাদেরই কাজ পরোক্ষভাবে গুছিয়ে নেবার চেষ্টায় যে না আছেন, তা নয়! কেউ কেউ আবার আমাদের ফাঁদে ফেলবার চেষ্টায় আছেন। কিন্তু আমার বিশ্বাস যে, তাদের মধ্যে কেউ কেউ এমনও আছে, যারা শেষ পর্যন্ত আমাদের সঙ্গে চলবে।”

লিটল্‌ রাশিয়ানের সহজ ও প্রাণভরা কথা মায়ের শুনিতে বড় ভাল লাগিত! তাহার কথা শুনিলেই মায়ের বিশ্বাস হইত যে, নিশ্চয়ই অদূর ভবিষ্যতে কোনও কল্যাণ তাহাদের জন্ত অপেক্ষা করিতেছে এবং সমস্তই নির্ধারিত পথে চলিয়াছে।

লিটল্‌ রাশিয়ান আপনার আবেগে বলিয়া চলিল, “কি জানো মা, মাঝে মাঝে মনে একটা অদ্ভুত ভাব আসে। মনে হয় যে, এই বিশ্বস্ত লোককে আঁকড়ে ধরি। মনে হয়, যত দূরে যাই, যেখানেই যাই, সেখানেই আছে অন্তরের মিতা। জগতে যেন সবাই সবার বন্ধু, সবারই অন্তরে একই

আলোক-শিখা জ্বলছে। কারুর সঙ্গে কারুর দেখা নেই, কোনও কথার পরিচয় নেই, তবুও মনে হয়, সবাই যেন সবাইকে জানে, বোঝে। হৃজ্জের পাহাড়ের বুক থেকে পরিচয়হীন কত বরনা বেরিয়ে প্রান্তরে এসে নদীর জলে মিশে; কত বিভিন্ন তট দিয়ে সেই সব নদী আবার এক বিরাট মহা সমুদ্রে এসে এক হয়ে মিশে যায়। তেমনি আমাদের সকলের হৃদয় থেকে বিভিন্ন ভাবে বিভিন্ন স্বর জেগে উঠছে। কারুর সঙ্গে কারুর পরিচয় নেই কিন্তু একদিন দেখবো সেই সমস্ত স্বরের ধারা কখন অপরিচয়ের ব্যবধান ঘুচিয়ে একা মহা প্রাণ-সমুদ্রে এসে মিশেছে। যখন মনে হয় যে, কোনও একদিন এই মহা-আদর্শ সম্ভব হয়ে উঠবে তখন আনন্দে অধীর হয়ে উঠি। এত আনন্দ হয় যে আপনা থেকে কঁদে ফেলি।”

মা নিশ্চল হইয়া তাহার কথা শুনিতেছিলেন—পাছে কোনও রকমে বাধা পায় বলিয়া মা জোরে নিঃশ্বাস পর্যন্ত ফেলিতেছিলেন না। লিটল রাশিয়ানের কথা শুনিতে তাঁহার ভাল লাগিত এবং সর্বমনপ্রাণ দিয়া তিনি তাহার কথা শুনিতে—শুনিতে শুনিতে মনে হইত তাঁহারই হৃদয়ের মুক অংশ যেন আজ ঐ যুবক শিশুর কথায় জাগিয়া উঠিয়া কথা কহিতেছে। একদিন সারা পৃথিবীতে মানুষ একসঙ্গে ছুটি পাইবে সকল বেদনার বন্ধন হইতে, সকল অতৃপ্তির অশান্তি হইতে, সকল দৈন্তের প্রাণঘাতী লজ্জা হইতে! পৃথিবীব্যাপী এই মহামহোৎসবের কাহিনীর মধ্যে মা যেন জীবনের একটা সুসঙ্গত অর্থ খুঁজিয়া পাইতেন।

লিটল রাশিয়ান বলিয়া চলিল, “কিন্তু এই কল্পনা থেকে জেগে উঠে যখন চারিদিকের পৃথিবীকে দেখি, দেখি চারিদিকে পাকের পোকের মত মানুষ গ্রানিতে ডুবে আছে—সবাই বিরক্ত, ক্লান্ত, ক্ষুধার্ত—রাস্তার কাদার মত মানুষের জীবন-পথে পড়ে রয়েছে, উদাসীন পথিক হুঁপায়ে চটকে চলেছে—মনে অবিশ্বাস আসে, ঘোরতর সন্দেহ জাগে—এই মানুষ? দুঃখের বিষয়, মনে আঘাত লাগলেও, এই মানুষকেই করতে হবে অবিশ্বাস, এই মানুষকেই করতে হবে ঘৃণা। ভালবাসতে প্রাণ চায়—কিন্তু ভালবাসব কাকে? বনের পশুর মত যে মানুষ বারে বারে তোমাকে অপমান করে, তোমার আত্মাকে অপমান করে, তোমার মানুষের বুক তুলে দেয় পা, তাকে ক্ষমা করা যায়? তাকে ক্ষমা করা উচিত নয়! অপমানকে প্রশ্রয় দেওয়া মহাপাতক! বিশেষ কিছু ক্ষতি করলো না, মনে করে—আজ আমি যদি অপমানিত হয়ে

কোনও প্রতিকার না করি, তাহলে কাল সেই অপমানকারী পরমোৎসাহে আবার আর একজনকে অপমান করবে। এমন করে অপমানের ধারা বয়েই চলবে—সেইজন্তই মানুষের বিচারে শ্রেণী-বিভাগ এসেই পড়ে—”

তিন বার মা পুত্রের সঙ্গে কারাগারে দেখা করিবার চেষ্টা করেন, কিন্তু তিন বারই ব্যর্থমনোরথ হন। অবশেষে একদিন পুত্রের সহিত সাক্ষাৎকারের অমুমতি পাইয়া তিনি জেলখানার দরজায় আসিয়া উপস্থিত হইলেন। দেখিলেন, তাহারই মত আরও বহুলোক সমবেত—সবাই বিমর্ষ, বিরক্ত। জেলের প্রহরী একে একে নাম ধরিয়া ডাকিতেছে এবং এক একজন করিয়া গিয়া দেখা করিয়া আসিতেছে। অবশেষে একটি মোটা পুলিশ কর্মচারী আসিয়া মাকে ডাকিয়া জেলের ভিতরে লইয়া গেল।

একটি ক্ষুদ্র আধ-অন্ধকার ঘরে কয়েদীর বেশে পুত্রকে দেখিয়া মা কেমন বিহ্বল হইয়া পড়িলেন। কথা বলিতে গিয়া সহসা কোনও কথা না আসায় মুহূর্ত্ত হাসিয়া ফেলিলেন। অশ্রুধ্বকণ্ঠে বলিলেন, “কেমন আছিস্ পাভেল,—”

পাভেল মায়ের হাত ধরিয়া বলিলেন, “ওরকম করো না মা, আমি তো বেশ ভালই আছি।”

এমন সময় প্রহরী জানাইল, “দেখ মেয়ে, অত কাছাকাছি দাঁড়ালে তো চলবে না - একটু সরে দাঁড়িয়ে কথা বল।”

মা প্রহরীর মুখের দিকে চাহিয়া একটু সরিয়া দাঁড়াইলেন। সাধারণ স্বাস্থ্যালোপের পর মা সহসা জিজ্ঞাসা করিলেন, “আর কত দিন তোকে জেলে রাখবে? জানি না কেন যে ওরা তোকে জেলে রেখেছে! সেইসব বই-কাগজপত্র তো তেমনি আবার কারখানায় কাঁরা ছড়াচ্ছে!”

সহসা পাভেলের চোখ মুখ উজ্জ্বল হইয়া উঠিল, “তাই নাকি? সত্যি?”

প্রহরী গিয়া উঠিল “ওসব কথার আলোচনা এখানে চলবে না! শুধু ঘর-সংসারের কথা ছাড়া আর অন্য কোনও কথা বলার হুকুম নেই।”

“আচ্ছা তাই হবে। ঘরের কথাই জিজ্ঞাসা করি, তুমি কি করো মা?”

মা সহসা বলিয়া উঠিলেন—“আমিই এইসব কারখানায় নিয়ে যাই—এই মাংস, খাবার, মেরিয়ানার বদলে, আরো অনেক জিনিস।”

মায়ের চোখের দিকে চাহিয়া পাভেল ব্যাপার বুঝিল। আনন্দের উচ্ছ্বাসে তাহার বুক ফাঁত হইয়া উঠিল। কোনও রকমে জোর করিয়া উচ্ছ্বাস বন্ধ

করিয়া পাভেল বলিল, “আমার মা-মণি! ভাল, যা-হোক একটা কাজ পেয়েছ—তেমন একলা বোধ হয় না তো?”

গ্রহরীর সাবধানতা ভুলিয়া মা বলিয়া ফেলিলেন, “কারখানায় কাগজ বেরুনোর সঙ্গে সঙ্গে তারা আমার ঘরও মার্চ করে।”

গ্রহরী গজিয়া উঠিল, “আবার সেই কথা!”

“আচ্ছা মা, ও কথা আর ভুলো না!”

এমন সময় ঘড়ি দেখিয়া গ্রহরী জানাইল, “সময় হয়ে গেছে।”

চলিয়া যাইবার সময় পাভেল মাকে আলিঙ্গন করিতেই মায়ের চোখ দিয়া নিকর অশ্রুর বগা নামিয়া আসিল।

বাড়ীতে আসিয়া মা লিটল রাশিয়ানকে সকল কথা বলিলেন। তাহার তিন দিন পরে একদিন সন্ধ্যাবেলা লিটল রাশিয়ান ও মা গল্প করিতেছিলেন—এমন সময়, মুখে বসন্তের দাগ লইয়া নিকোলে আসিয়া উপস্থিত হইল। ঝড়ের মত অন্ধকার মুখ, যেন বিশ্বত্রাণের উপর সে রাগিয়া গিয়াছে।

ঘরে প্রবেশ করিয়াই সে বলিল, “সোজা জেল থেকে আসছি। পথে যেতে দেখলাম তোমাদের এখানে আলো জলছে—তাই ঢুকে পড়লাম!”

আগে মা নিকোলেকে দেখিতে পারিতেন না। তাহার কথাবার্তা, ভাবভঙ্গী মুখের চেহারা দেখিলেই মায়ের কেমন ভয় হইত—হঠাৎ হিংস্র জন্তুকে সামনাসামনি দেখিলে পথিক যেমন আতঙ্কিত হইয়া ওঠে। কিন্তু আজ তাহার নিকোলেকেও ভাল লাগিল। আদর করিয়া লিটল রাশিয়ানের দিকে চাহিয়া তিনি বলিলেন, দেখছিস্ এণ্ড্রাসা, নিকোলে কিরকম রোগা হয়ে গেছে। ই্যা রে, পাভেল যে এখনও ছাড়া পেল না!”

“ছাড়া তো পাগনি দেখছি! আমাকেই যে কেন ছাড়লো, তাও ঠিক জানি না। একদিন একেবারে ফেপে গিয়ে ওয়ার্ডারকে বললাম, আমাকে ছেড়ে দাও বলছি, নইলে এখানে আমি একটা খুন করে বসবো, হয়ত বা নিজেকেই খুন করবো। পরের দিন দেখি তারা আমাকে ছেড়ে দিয়েছে।”

লিটল রাশিয়ান জিজ্ঞাসা করিল, “ফিডিয়া কেমন আছে? সেখানে বসে এখনও কবিতা লিখে?”

“ওই, ওকে আমি একদম বুঝতে পারি না। খাঁচার ভেতর তাকে পুরে রেখেছে, তবুও সে গান গায়। আগে যাও বা কিছু বুঝতাম এখন আর

কিছুই বুঝতে পারছি না। শুধু এইটুকু বুঝছি যে, বাড়ীতে পা দিতে আর মন চাইছে না।”

সমবেদনায় মা বলিয়া উঠিলেন, “সত্যিই তো বাড়ী যেতে মন চাইবে কেন? সেখানে আছে কে? কেউ তো বসে নেই ওর জগ্গে উন্নত জালিয়ে!”

পকেট হইতে একটা সিগারেট বাহির করিয়া ধরাইয়া ধূমকুণ্ডলীর দিকে চাহিয়া নিকোলে উদাস কণ্ঠে বলিল, “বাড়ী! শূণ্য ঘর পড়ে আছে, ঠাণ্ডা, হিম! বেশ দেখতে পাচ্ছি, মেঝেতে আরসুলা সব ঠাণ্ডায় শাদা হয়ে গিয়ে গাদা গাদা পড়ে আছে—ইদুরগুলোও বোধ হয় দেখবো ঠাণ্ডায় জমে গিয়ে মেঝেতেই পড়ে আছে। কোথায় বাব? আজকের রাত্তিরের মত আমাকে এখানে শুতে দেবেন?”

মা তাড়াতাড়ি বলিলেন, “বাঃ, সে তোমায় বলতে হবে কেন? নিশ্চয়ই, তুমি এখানে শোবে!”

তারপর যে কি বলিতে হইবে, মা তাহা বুঝিয়া উঠিতে পারিতেছিলেন না। নিকোলে আপনার মনে বলিয়া চলিয়াছিল, “যে দিনকাল পড়েছে, ছেলেরা লজ্জায় আর বাপ-মাদের কথা উল্লেখ করতে চায় না!”

সহসা মা ক্ষুব্ধ হইয়া নিকোলের দিকে চাহিতেই সে নিজের উক্তি ব্যাখ্যা করিয়া বলিল, “আমি আপনার বা পাভেলের কথা বলছি না। আপনার পরিচয় দিতে পাভেল কোনও দিন লজ্জিত হবে না। আমি, আমার ও আমার মত যারা, তাদের কথাই বলছি। আমার বাবার নাম উচ্চারণ করতে আমার লজ্জা হয় আর সেইজগ্গেই আমি কখনও আর ও-বাড়ীতে পদার্পণ করবো না। আমি জানবো, আমার বাপ নেই, মা নেই, ঘর নেই, পৃথিবীতে আমি একা! আমাকে পুলিশ নজরে নজরে রেখেছে, তা না হলে আমার ইচ্ছে—আমি স্বেচ্ছায় সাইবেরিয়ায় চলে যাই—সেখানে নির্বাসিতদের পালাবার ব্যবস্থা করবার অনেক কাজ আছে। তা যদি না হয়, তা হলে একটা জিনিস প্রথম করা দরকার—”

উৎসুক হইয়া লিটল রাশিয়ান জিজ্ঞাসা করিল, “কি?”

“আমার মনে হয়, কতকগুলো লোককে পৃথিবী থেকে সরিয়ে ফেলা দরকার!”

“বটে? এই জীবন্ত মানুষকে খুন করবার অধিকার তুমি কোথা থেকে পেলো?”

“কেন, যাদের হত্যা করতে চাই, তারাই আমাকে সে অধিকার দিয়েছে। তারা যদি আমাকে লাখি মারে, আমারও অধিকার আছে তাদের লাখি মারবার। আমাকে ছুঁয়ো না, আমিও তোমাকে ছুঁতে চাই না। লোকালয় ছেড়ে দূরে চলে যাব—সেখানে কেউ আমাকে আঘাত করতে পারবে না, আমিও কাউকে আঘাত করবো না। সেখানে কোনও নির্জন বনে এক নদীর ধারে গাছের শুকনো ডাল দিয়ে এক কুঁড়ে ঘর তৈরি করবো—সেইখানে থাকবো একলা—”

লিটল রাশিয়ান মাথা নাড়িয়া বলিল, “বেশ তো, তাই করো না কেন?”

“এখন তা করা অসম্ভব!”

“কেন?”

“এই যে-সমস্ত পাজী লোকদের থেকে দূরে যেতে চাইছি, আমি বেশ বুঝি, তারাই কেমন করে আমাকে টেনে রেখেছে তাদের সঙ্গে—মনে হয়, আমরণ তারা আমাকে এমনি আকর্ষণ করে রাখবে। ঘৃণার কাঁটা-বেড়া দিয়ে আমার সমস্ত মনকে তারা ঘিরে রেখেছে। মুক্তি নেই, আমি জানি মুক্তি নেই! আমি এই সমস্ত লোকদের ঘৃণা করি, সেইজন্তেই আমি তাদের ফেলে যেতে পারি না। তারা আমার জীবনকে কণ্টকিত করেছে— আমি কেন তাদের ভয়ে পালিয়ে যাব? আমিও পদে পদে তাদের জীবনকে বিষাক্ত করে তুলবো—এই গুরুত্ব—কি বদমায়েস লোক! লুকিয়ে আমাদের সর্বনাশ করছে, আমার বাবাকেও তার দলে নেবার ফিকিরে আছে—”

সহসা নিকোলে উঠিয়া দাঁড়াইল—তাহার মুখ দেখিয়া মনে হইল, যেন বিশ্বের সমস্ত লোক তাহার বিপক্ষে দাঁড়াইয়া তাহাকে আঘাত করিতে আসিতেছে। তাহাকে শাস্ত করিবার জন্ত লিটল রাশিয়ান বলিল, “আমি বুঝছি, তোমার অন্তরে আজ কি ব্যথা জেগেছে—”

“আমার অন্তরে ব্যথা জেগেছে কিন্তু তোমার কি জাগেনি? হয়ত আমার ব্যথার চেয়ে তোমাদের ব্যথা আরও মহৎ আরও বৃহৎ—কিন্তু আসলে আমরা সবাই পাজী! আমাদের পরস্পরের মধ্যে একমাত্র বন্ধন হচ্ছে ঘৃণা করার, ক্ষতি করার, আঘাত করার এবং আহত হওয়ার—কি বল?” তাহার কথায় বাধা দিয়া লিটল রাশিয়ান বলিল, “আজ আর কোন তর্ক নয়! বুক চুঁইয়ে যখন রক্ত পড়ে, আমি জানি তখন তর্ক করার চেয়ে নির্ণয়তা আর কিছু নেই তাই!”

লিটল্ রাশিয়ানের কোমল স্বগভীর কণ্ঠস্বরে নিকোলে সহসা অপ্রস্তুত হইয়া পড়িল। বলিল, “সত্যিই আজ আমার সঙ্গে তর্ক করা অসম্ভবই!”

“আমার মনে হয়, আমাদের প্রত্যেকের মধ্যে দিয়ে এই রক্ত-ঝরা নৈরাশ্রের ঝড় বয়ে গেছে—নয়ত বা যাবে; আমরা প্রত্যেকেই খালি পায়ে কাঁচের ওপর দিয়ে হেঁটে যেতে বাধ্য হয়েছি—আজ তুমি যেমন অন্ধকারে একটুকু নিঃশ্বাসের জগ্গে হাঁপিয়ে উঠছো, তেমনি একদিন আমরা সবাই কঁদেছি—”

“আমি ও-সব কিছু শুনতে চাই না—আমার খালি মনে হচ্ছে, আমার মনের মধ্যে যেন অনবরত পিঁজরের পোরা বাঘ গর্জে গর্জে উঠছে—সে চাইছে—”

ধীর স্থির শাস্তভাবে লিটল্ রাশিয়ান বলিল “আমি তোমাকে বিশেষ কিছুই বলতে চাই না—শুধু একটুকু জানিয়ে দিতে চাই যে, একদিন সমগ্রভাবে না হোক, অধিকাংশভাবেই তোমার এ মনোভাব দূর হয়ে যাবে। ছোট ছেলেদের অস্বথের মত, কতকটা হামের মত, এও এক রকম মাতৃমের মনের রোগ। দুর্বল আর শক্তিমান, অল্প-বিস্তার আমবা সবাই এ রোগে ভুগি। যে-মুহূর্তে মাতৃষ আপনাকে চিনতে আরম্ভ করে, অথচ জীবনকে ঠিক বুঝে উঠতে পারে না, বুঝে উঠতে পারে না জীবনে তার স্থান কোথায়, ঠিক সেই ক্ষণেই এই রোগ মনকে পেয়ে বসে। তখন মনে হয় পৃথিবীতে কেউ আমার প্রাপ্য আমাকে দিল না, কেউ বুঝলো না আমার অন্তরের গভীর ব্যথার কথা, সবাই যেন আছে শুধু আমাকে নিঃশেষে গ্রাস করে ফেলবার জগ্গে। তারপর দিন যাবে বুঝবে, তোমারও বুকে যে ব্যথা বাজে, আর সবারও বুকে তেমনি ব্যথা বাজতে পারে—তখন বুঝবে, জীবনের সঙ্গে তোমার যোগসূত্র কোথায় এবং এই বোঝার সঙ্গে সঙ্গে তুমি আপনার অতীত উক্তির জগ্গে আপনার কাছেই লজ্জিত—হাঁ, লজ্জিতই হবে। ছোট্ট তোমার বাঁশী, সামান্য তার সুর; মহামহোৎসবের বিরাট ঐকতানে তোমার সেই ছোট্ট বাঁশীর সুর সবার সুরের ওপর স্পষ্ট হয়ে বোজে উঠলো কি না তা শোনবার জগ্গে গির্জের চূড়ায় বসে থেকে কি লাভ? কিন্তু একদিন দেখবে, উৎসবের ঐকতানে তোমারও বাঁশী সুর মেলাচ্ছে—স্বাতন্ত্র্যের গর্ব আর তার নেই—সবার সুরে সুর মিলিয়ে কখন সে আপনাকে হারিয়ে ফেলেছে—সেই হবে তার সার্থকতা—বুঝলে?”

গভীরভাবে মাথা নাড়িয়া নিকোলে বলিল, “হয়ত বুঝি ! কিন্তু বিশ্বাস করি না।”

মা আসাতে তাহাদের তর্ক মহসী থামিয়া গেল। একটা আয়নার সম্মুখে দাঁড়াইয়া নিজের মুখের দীর্ঘ রূক্ষ ছায়া দেখিয়া দীর্ঘশ্বাস কেলিয়া নিকোলে বলিল, “কত দিন হল আয়নাতে মুখ দেখিনি ! উঃ ! কি কুংসিত আমার মুখ !”

স্থির দৃষ্টিতে তাহার দিকে চাহিয়া লিটল রাশিয়ান বলিল, “তাতে কি যায় আসে ?”

একান্ত ধীরে নিকোলে বলিল, “শাশাঙ্কা একদিন বলছিল, মুখই হচ্ছে মনের আয়না !”

বাধা দিয়া লিটল রাশিয়ান বলিল, “মিথ্যে কথা ! শাশাঙ্কার নাক চ্যাপ্ট, চোয়ালের হাড় বেরিয়ে আছে, কিন্তু তবুও তো তাব মন নক্ষত্রের মত সুন্দর।”

চা আসিতে উভয়ের বচসা থামিয়া গেল। কিছুক্ষণ নিঃশব্দে চা পান করার পর নিকোলে জিজ্ঞাসা করিল, এখানকার ব্যাপার কিরকম চলছে ?

লিটল রাশিয়ান সোৎসাহে তাহাদের দলের কার্যাবলী বলিতে লাগিল—কেমন করিয়া ধীরে ধীরে তাহারা সাম্যানাদের নীতি অনুসারে শ্রমিকদের সংহত করিয়া তুলিবার চেষ্টা করিতেছে।

বিরক্ত হইয়া নিকোলে বলিয়া উঠিল, “ওরে বাপু, ওরকমভাবে ধীরে-অস্থে মেপেজুখে চললে তো অনন্তকাল বসে থাকতে হবে—”

নিকোলের কথার ভঙ্গীতে মা মনে মনে ভয়ানক বিরক্ত হইয়া উঠিতে-ছিলেন। লিটল রাশিয়ান একটু ভংগনের স্বরে উত্তর দিল—“মাতৃশ্বের জীবন তো ঘোড়া নয় যে, তাকে চাবকে ছুটিয়ে নিয়ে যাবে—”

ঘাড় নাড়িয়া নিকোলে বলিল, “তা জানি না, কিন্তু আমার অত ধৈর্য নেই। আমি কি করি ?”

“আমাদের মত তোমাকেও অপেক্ষা করতে হবে—নিজে শিখতে হবে, অপরকে শেখাতে হবে—সেই আমাদের কাজ।”

“কিন্তু যুদ্ধ করবো কখন ?”

“কখন যে রণ-তুর্ঘ্য বেজে উঠবে জানি না, কিন্তু প্রথমে আমাদের তৈরি করতে হবে মস্তিষ্কে, তারপর গড়তে হবে হাতকে—”

ব্যক্তের হৃদয়ে নিকোলে বলিল, “আর তোমাদের হৃদয়?”

“মাথার সঙ্গে সঙ্গে তাকেও গড়ে তুলতে হবে নিশ্চয়ই।”

সেদিন রাত্রে নিদ্রা ঘাইবার পূর্বে বিছানায় শুইয়া মা আপনার মনে মূহুরে বলিয়া উঠিলেন, “এ জগতে, হে প্রভু, যত লোক আছে, প্রত্যেকেই তারা কাঁদে প্রত্যেকের আলাদা হৃদয়ে—কবে এমনি উঠবে আনন্দের স্বর?”

লিটল রাশিয়ান আপনার বিছানায় থাকিয়া মায়ের অন্তরের এই সক্রিয় আবেদন শুনিত পাইল। শাস্ত সমাহিত কণ্ঠে সে বলিল, “মাগো, সে সময় আসতে আর দেরী নেই! বুঝি তার পায়ের শব্দ শোনা যাচ্ছে।”

প্রতিদিন আসিত নূতন নূতন লোক, নূতন নূতন অভিজ্ঞতা লইয়া! মায়ের ভাল লাগিত। সন্ধ্যাবেলায় আসর বসিত। লিটল রাশিয়ান সকলকে নানা বিষয় পড়িয়া শুনাইত। নিকোলে একধারে বসিয়া শুনিত। খবরের কাগজে শ্রমিকদের উপর কোনও অত্যাচারের খবর শুনিলে, সে গভীরভাবে লিটল রাশিয়ানকে জিজ্ঞাসা করিত, “তা হলে, দোষ কার? নিশ্চয় জারের!”

তাহার সেই অসাধারণ গাভীরে লিটল রাশিয়ান হাসিয়া উত্তর দিত, “অপরাধ তার যে প্রথম বলেছিল—এটা আমার। তবে সে লোকটা কয়েক হাজার বছর আগে মারা গেছে—এখন তার সঙ্গে ঝগড়া করে কি লাভ বলো?”

“কিন্তু তার ভূত যাদের ঘাড়ে চেপে আছে, এখন এই সব কথা বলায় তারা কি প্রসন্ন হবে?”

এইসব সময় নিকোলে একে একে আলাদা করিয়া লিটল রাশিয়ান জীবনের জটিল সমস্তার কথা বুঝাইতে চেষ্টা করিত। কিন্তু কখন যে আবার তাহার মাথা গরম হইয়া যাইত তাহার কোনও স্থিরতা ছিল না।

এক-একবার বিশ্ব-সংসারের উপর ক্রুদ্ধ হইয়া বলিয়া উঠিত, “শক্ত জমিতে ফসল গজাতে হলে—যেমন একহাত মাটি উপড়ে ফেলতে হয়—তেমনি একবার এই পৃথিবীটাকে আগাগোড়া চমকে ফেলা দরকার!”

সেই সময় মা বলিয়া উঠিলেন, “গরুমতও একদিন তোদের সম্বন্ধে ঠিক এই কথাই বলছিল!”

নিকোলে গজিয়া উঠিল, “কে?”

“গরুমত?”

“ব্যাটার আজকাল বদমায়েসি বেড়েছে—”

অতি সরলভাবে মা বলিলেন, “প্রায়ই রাত্তিরে আমার জানালা দিয়ে উকিঝুঁকি মারে!”

নিকোলে যেন এই সংবাদের জ্ঞান অপেক্ষা করিতেছিল, “তা না হলে সময় কাটবে কি করে?—আচ্ছা—”

নিকোলে কাহারও কোনও কথা না শুনিয়া রাগে ছুটিয়া বাহির হইয়া গেল।

সে চলিয়া গেলে মা সভয়ে বলিলেন, “নিকোলেকে দেখলে আমার কেমন ভয় করে—ও যেন একটা গরম উল্লুনের মতো—যা পায়, তাই পুড়িয়ে ফেলে।”

গম্ভীরভাবে ঘরের মধ্যে পায়চারি করিতে করিতে লিটল রাশিয়ান বলে, “ওর সামনে গরমভের কথা আলোচনা করা ঠিক নয়।”

সেদিন কারখানার ছুটি ছিল। সন্ধ্যাবেলা বাহির হইতে ঘুরিয়া আসিয়া সহসা বাড়ীর মধ্যে একটি অতি-পরিচিত কণ্ঠস্বর শুনিয়া মায়ের চিত্ত আনন্দে নৃত্য করিয়া উঠিল। দরজা ঠেলিয়া প্রবেশ করিতেই তিনি শুনিলেন, পাভেল কথা বলিতেছে...

ছুটিয়া ঘরের মধ্যে প্রবেশ করিয়া আনন্দোন্মত্তাসিত আননে মা পুত্রকে জড়াইয়া ধরিয়া বলিয়া উঠিলেন, “ও, এতদিন পরে ছুটি পেলি!”

মায়ের পাণ্ডুর মুখের দিকে চাহিয়া পাভেলের চোখের কোণে সহসা জল দেখা দিল। এত দিন পরে মাতৃ-গর্বে তাহার সর্ব-দেহ-মন উথলিয়া উঠিতেছিল! কম্পিত-কণ্ঠে সে শুধু বলিল, “মাগো, মা আমার!”

এত দিন পরে যেন পুত্র আবার মাকে ফিরিয়া পাইল, মা যেন এত দিন পরে পুত্রকে হৃদয় ভরিয়া দেখিল। মাথায় হাত বুলাইতে বুলাইতে মা বলিলেন, “আমি তো তোকে জন্ম দিইনি—তুই-ই আমাকে জন্ম দিয়েছিস্—আমি আর তোর জন্তে কি করতে পেরেছি বল?”

পাভেল তেমনি বিহ্বলভাবে বলিল, “তুমি আমাদের সাধনার পথে আমাদের পাশে এসে দাঁড়িয়েছ। তোমাকে কি বলবো মা, আজ আমার কত আনন্দ যে, তুমি আমাকে জগতে এনেছ—জগৎ চলার পথে তোমাকে পাশে পাওয়া—জানো না মা জীবনে সব চেয়ে বড় সৌভাগ্য!”

আনন্দে মায়ের বাকরোধ হইয়া আসিতেছিল। বহু কষ্টে আত্মসম্বরণ করিয়া মা বলিলেন, “ঐ ছুটু ছেলে এণ্ড্রাসা, আমাকে এরই মধ্যে অনেক জিনিস শিখিয়েছে—ওর কাছে আমি চির-ঋণী।”

বন্ধুর দিকে চাহিয়া পাভেল বলিল, “আমি ওর কাছেই সব শুনছি।”

“মাগো, এণ্ড্রাসা বুড়ো বয়সে আমাকে বলে কি না লেখাপড়া শিখতে হবে ”

“তাইতে বুঝি তুমি ওর ওপর অভিমান দেখিয়ে লুকিয়ে পড়তে আরম্ভ করলে ?”

“মাগো, লুকিয়ে কি পড়বার জো আছে ? তাও একদিন ছুটু ছেলে একেবারে হাতেনাতে ধরে ফেললে—”

মা তাড়াতাড়ি রান্নাঘরের দিকে চলিয়া গেল। দুই বন্ধুতে বহু দিন পরে আবার প্রাণ ভরিয়া আলোচনা আরম্ভ করিয়া দিল।

দুইটি কঠোর বাদ-প্রতিবাদে সেই ঘর আবার ভরিয়া উঠিল।

রাশিয়ার গ্রামে গ্রামে বসন্তের আবির্ভাবগ্ন আগাইয়া আসিতেছিল। চারিদিক হইতে বরফ গলিয়া অদৃশ্য হইয়া যাইতেছিল এবং তাহার স্থলে কর্দমাক্ত দেহে পৃথিবী আর এক নূতন রূপে জাগিয়া উঠিতেছিল। যত দিন যায়, তত কাদা বাড়ে। চিমনির ধোঁয়া আর কাদার গন্ধে গ্রামের বাতাস ভারাক্রান্ত হইয়া আসিতে লাগিল।

পাভেল এবং তাহার সহযাত্রী বন্ধুগণ ‘মে’ দিবস উৎসবের আয়োজনে ব্যস্ত। প্রত্যহই আবার তাহাদের দেখা হয়; আবার আলোচনা চলে দীর্ঘ রাত্রি ধরিয়া। মা এখন অনেকটা সঙ্কোচহীন হইয়া সেই সমস্ত আলোচনায় যোগদান করেন। আইভানোভিচ তাহার স্বাভাবিক হাশ্ব-রসের অবতারণা দ্বারা মাঝে মাঝে সাম্যবাদীদের এই রস-হীন আলোচনায় একটু স্বরের বৈচিত্র্য আনিয়া দেয়। একদিন গম্ভীরভাবে ঘরে প্রবেশ করিয়া সমবেত বন্ধুদের আহ্বান করিয়া বলিল, “সহযাত্রী বন্ধুগণ, বর্তমান রাজনৈতিক ব্যবস্থার পরিবর্তন করিয়া একটা নূতন যুগ আনা অতি গুরুতর ব্যাপার—”

সহসা আইভানোভিচের এই বিষম স্বরে সকলে তাহার দিকে ফিরিয়া চাহিল। আইভানোভিচ বলিয়া চলিল, “কিন্তু সেই পরিবর্তনকে

ক্ষতগতিতে সম্ভবপর করিয়া তুলিতে হইলে অবিলম্বে আমার একজোড়া বুটের প্রয়োজন—আর সেলাই করিয়াও ইহার সম্ভাবহার করা যায় না এবং শ্রমিকদের মুক্তি না দেখিয়া আমার এই জগৎ হইতে অত্ৰ কোনও গ্রহে যাইতে বিন্দুমাত্র প্রবৃত্তি নাই।”

একদিন আইভানোভিচের কথা উল্লেখ করিয়া পাভেল লিটল রাশিয়ানকে বলিল, “জানো আল্দি, যাদের বুকে যত তীব্র ব্যথা, তাদের মুখে হাসি তত বেশি।”

কিছুক্ষণ চুপ করিয়া থাকিয়া স্বাভাবিক শাস্তভাবে লিটল রাশিয়ান বলিল “তা হলে এতদিনে সমগ্র রাশিয়া হেসে ফেটে পড়তো—”

নাটাশাও আসিত। সেও এবার কারারুদ্ধ হইয়াছিল কিন্তু অত্ৰ কারাগারে ছিল। মা লক্ষ্য করিতেন যে যতক্ষণ নাটাশা থাকিত ততক্ষণ লিটল রাশিয়ান খুব হাসিত, সকলকে ক্ষেপাইয়া ছুটু মি করিত এবং বিশেষ করিয়া নাটাশাকে হাসাইতে কত না চেষ্টা করিত। সে চলিয়া গেলে সে আপনার মনে শীস দিতে দিতে সারা ঘর শুধু পায়চারি করিয়া বেড়াইত।

শাশাঙ্কা যখনই আসিত, তখনই তাহাকে বিশেষ ব্যস্ত দেখাইত। তাহার মুখ সর্বদাই বিষন্ন গম্ভীর। একদিন পাভেল তাহাকে ঘর হইতে ডাকিয়া রান্নাঘরের সম্মুখে লইয়া গোপনে কি বলিতেছিল। রান্নাঘরে থাকিয়া মা তাহা সমস্তই শুনিতে পাইলেন।

মেয়েটি জিজ্ঞাসা করিতেছিল, “নিশান কি তোমার হাতেই থাকবে?”

“নিশ্চয়ই।”

“এ কি একেবারে ঠিক হয়ে গেছে?”

“নিশ্চয়ই, এ অধিকার—”

“আবার যাবে কারাগারে?”

পাভেল কোন উত্তর দিল না।

শাশাঙ্কা পুনরায় জিজ্ঞাসা করিল, “ওটার ভার অত্ৰ আর একজনের ওপর দিলে হতো না?”

বেশ জোর করিয়া পাভেল উত্তর দিল, “না!”

“কিন্তু একবার ভেবে দেখো—তোমার প্রভাব কতখানি! তুমি আর লিটল রাশিয়ান হলে এখানকার বিপ্লব-আন্দোলনের প্রাণ। তুমি যদি এবার কারারুদ্ধ হও, তা হলে তোমায় কোন্ দূর দেশে পাঠিয়ে দেবে—”

শাশাঙ্কার কথায় মায়ের অন্তর ক্ষণে ক্ষণে সচকিত হইয়া উঠিতেছিল। মনে হইতেছিল, তাঁহার অন্তরে কে যেন বিন্দু বিন্দু করিয়া হিম বর্ষণ করিতেছে!

“না—সে যাই হোক—আমি স্থির করেছি, সেদিন আমার হাতেই থাকবে পতাকা—”

“যদি আমি নিজেকে তোমার কাছে ভিক্ষে চাই—আমি—”

শুনিতে পাইলেন যে পাভেল সহসা উত্তেজিত হইয়া একান্ত কঠোর ভাবে বলিতেছে, “তোমার এরকম বলা উচিত নয়। তুমি, তুমি কেন এর মধ্যে আসছো?”

একান্ত নিম্ন স্বরে শাশাঙ্কা বলিল, “আমিও তো মানুষ।”

পাভেল যেন আপনার অসহায়তা গোপন করিবার জন্তে আরও দ্রুতগতিতে বলিল, “মানুষ—তা জানি, খুব ভাল মানুষই। তুমি জানো তুমি আমার কত প্রিয়, তাই সেই সুবিধে বুঝে—”

সহসা শাশাঙ্কা বলিয়া উঠিল, “আচ্ছা, তা হলে বিদায়!”

রান্নাঘরে বসিয়া পায়ের শব্দে মা স্পষ্টই বুঝিলেন যে শাশাঙ্কা ছুটিয়া চলিয়া গেল। একটা ভারী বোঝা যেন মায়ের বুকে চাপিয়া বসিল। কথাবার্তার মধ্যে আসল-ব্যাপার কি তিনি তাহার কিছুই বুঝিতে পারেন নাই। শুধু এইটুকু বুঝিয়াছেন যে, সম্মুখে আর একটি ভীষণতর বিপদ কিছু আসিতেছে। তাঁহার সমস্ত অন্তর মথিত করিয়া শুধু এই প্রশ্ন জাগিতেছিল, পাভেল কি করিতে চায়?

ঘরের মধ্যে তখন গরুমভকে লইয়া পাভেল ও লিটল রাশিয়ানের আলোচনা হইতেছিল। ঘরের এ-কোণ থেকে ও-কোণ পর্যন্ত পায়চারি করিতে করিতে একান্ত চিন্তিতভাবে লিটল রাশিয়ান বলিয়া উঠিল, “গরুমভকে নিয়ে কি করা যায়? গ্রামের লোক হয়েও এই রকম আমাদের পেছনে লাগবে?”

পাভেল গম্ভীরভাবে বলিল, “একটা কাজ করা যাক। তাকে গিয়ে স্পষ্টই বলি একাজ ছেড়ে দিতে—”

“তা হলে সে আগে তোমাকেই ধরিয়ে দেবে—”

এমন সময় ঘরের মধ্যে আসিয়া মাথা নত করিয়া মা জিজ্ঞাসা করিলেন, “পাভেল, আবার তুমি কি করতে চলেছিল?”

“কবে? কখন?”

“পয়লা মে, পয়লা মে!”

“ও! তুমি শুনেছ বুঝি? কিছু না—আমি আমাদের দলের সামনে দাঁড়িয়ে শোভাযাত্রায় বেরবো—আমার হাতে থাকবে আমাদের পতাকা। অবশ্য এর জন্তে পুলিশ আবার আমাকে গ্রেফতার করতে পারে।”

সহসা মায়ের মনে হইতে লাগিল যেন তাহার চোখ জলিতেছে, মুখের ভিতর শুকাইয়া আসিতেছে। কম্পিত হস্তে তিনি পুত্রের হাত ধরিলেন।

“তুমি বুঝছো না মা! এ আমাকে করতেই হবে! এ যে আমার আনন্দ!”

কোনও রকমে ধীরে মাথা তুলিয়া মা বলিলেন, “কই, আমি তো কিছু বারণ করছি না!” চোখ তুলিয়া পুত্রের চোখের দিকে চাহিতেই মুখ নত করিয়া মা কাঁদিয়া ফেলিলেন।

মায়ের হাত ছাড়িয়া দিয়া মুহূর্ত্তির স্বরে দীর্ঘশ্বাস ফেলিয়া পাভেল বলিল, “এ সম্বন্ধে তোমার এ রকম কাতর হওয়া উচিত নয়, মা! তোমার উচিত আনন্দ করা! কবে ছেলেরা এমন মা পাবে, যারা হাসিমুখে ছেলেদের মৃত্যুর মুখে পাঠিয়ে দিতেও কুণ্ঠিত হবে না।”

লিটল রাশিয়ান গম্ভীরভাবে দাঁড়াইয়া মাতা-পুত্রের আলাপ শুনিতেছিল। পাভেলের কথায় সে বলিয়া উঠিল, “খুব হয়েছে। আর বেশী বক্তৃতা করতে হবে না!”

মা মুখ তুলিয়া বলিলেন, “কই, আমি তো তোকে কিছুই বলিনি। আমি তোমার কাজে বাধা দিতে চাই না! তবে কি করবো, পোড়াচোখে জল আসে—মা হয়েছে যে!”

পাভেল আরও উত্তেজিত হইয়া একটু দূরে সরিয়া গিয়া রুঢ় স্বরে আপনার মনে বলিয়া উঠিল, “ভালবাসা! স্নেহ! জীবনের প্রতি পদক্ষেপে যারা দেয় বাধা তারাও বুঝি এমনি ভালবাসে।”

পাভেলের কণ্ঠস্বরে মা ভীত হইয়া উঠিলেন। তাঁহার আশঙ্কা হইল হয়তো ফুটুক হইয়া পুত্র তাঁহার অন্তরে আরও রুঢ় আঘাত করিবে। তাড়াতাড়ি বলিয়া উঠিলেন, “ভুল বুঝিস্ না বাছা। আমি কি তাই বলছি। আমি বুঝছি বই কি। নিশ্চয়ই, তোমার সঙ্গীদের জন্তে তোমার এ কাজ করাই উচিত।”

“না, তুমি বোঝনি। আমার সঙ্গীদের জন্তে নয়, এ আমি একান্ত আমার জন্তেই করছি। শুধু তাদের জন্তে যদি হতো তা হলে আমি পতাকা না নিলেও পারতাম। কিন্তু আমার মন চাইছে—এ আমাকে করতেই হবে।”

আবার চোখে জল ভরিয়া আসিতেই মা তাড়াতাড়ি চোখের জল লুকাইবার জন্ত রান্নাঘরে চলিয়া গেলেন। আধা-ভেজান দরজার মধ্য হইতে তিনি শুনিতে লাগিলেন—পাতেল ও লিটল রাশিয়ানে ঝগড় বাধিয়া গিয়াছে—

“ওকে আঘাত করে খুব ক্রটিত্ব হলো, না পাতেল?”

পাতেল উত্তেজিত হইয়া বলিল, “তোমার কোন অধিকার নেই এরকম ভাবে প্রশ্ন করবার!”

“তা হলে আমি কিসের তোমার কমরেড—যদি বোকামির হাত থেকে তোমাকে উদ্ধার করার অধিকার আমার নেই? কেন মাঝে বলতে গেলে এসব কথা?”

“আমি চাই মানুষ সর্বদাই স্পষ্টভাবে দ্ব্যর্থহীন ভাষায় কথা বলবে। যখন সে মনে করবে হাঁ—তখন তাকে স্পষ্ট করে বলতেও হবে, হাঁ। এর মধ্যে আর কোনও ক’ো নেই।”

“কিন্তু ঠেকেও তুমি এরকমভাবে কথা বলবে।”

“নিশ্চয়ই ঠেকে কেন—প্রত্যেক লোককেই বলবো। যে ভালবাসা, যে-বন্ধুত্ব জড়িয়ে চলার পথে আনে বাধা, সে-ভালবাসা সে বন্ধুত্ব আমি চাই না।”

“সাদু! সাদু! কিন্তু হে মহাবীর, শাশাঙ্কার সঙ্গে যখন কথা বললে তখন তো এ স্বরে সব কথা বলো নি!”

“নিশ্চয়ই বলেছি।”

“যেভাবে তুমি মায়ের সঙ্গে কথা বললে? কখনই না। আমি স্বকণে সমস্ত শুনিনি—কিন্তু আমি বেশ বুঝছি তুমি সেখানে কণ্ঠস্বরে কত কোমলতা এনেছিলে—সে স্বরই আলাদা। আর বুড়ো মায়ের সম্মুখেই যত তোমার বীরত্ব। তোমার এরকম বীরত্বের মূল্য এক কাণা কড়িও না!”

রান্নাঘরে বসিয়া মায়ের মনে হইল, বোধ হয় এই ব্যাপার লইয়া পাতেল ও লিটল রাশিয়ানের মধ্যে কলহ হইবার উপক্রম হইয়াছে। তাড়াতাড়ি চোখের জল মুছিয়া তাঁহার উপস্থিতির কথা জানাইবার জন্তে তিনি উঠেঃস্বরে আপনার মনে বলিয়া যাইতে লাগিলেন।

“উঃ। কি ঠাণ্ডা! বসন্ত এলো, তবুও এ কি ঠাণ্ডা!” আপনার মনে রান্নাঘরের জিনিস-পত্রগুলি অকারণে নাড়াচাড়া করিয়া শব্দ করিতে করিতে বলিতে লাগিলেন, “উঃ, কি দিনকালই পড়েছে! দিন দিন ঠাণ্ডা বাড়ছে কিন্তু মাহুষগুলো হচ্ছে দিন দিন গরম!”

মা শুনিলেন, তাঁহার কথায় ফল ধরিয়াছে। কিছুক্ষণ চুপ করিয়া থাকিবার পর লিটল রাশিয়ান বলিতেছে, “শুনতে পেয়েছ মায়ের কথা? বুঝলে কি কিছু? তোমার কথার চেয়ে ওতে ঢের বেশী মানে আছে।”

কম্পিত দেহে ঘরে প্রবেশ করিয়া মা দুজনকেই জিজ্ঞাসা করিলেন, “তোদের একটু চা দেবো কি?”

কেহই কোনও উত্তর দিল না। কথা বলিতে মায়ের কণ্ঠস্বর কাঁপিতেছিল। তাহা লুকাইবার জন্ত তিনি আপনার মনে বলিলেন “উঃ, ঠাণ্ডায় মরে গেলুম!”

কিছুক্ষণ চুপ করিয়া থাকিবার পর পাভেল নিঃশব্দে উঠিয়া মায়ের সম্মুখে গিয়া দাঁড়াইল, অত্যন্ত কণ্ঠে বলিল, “রাগ করেছ ম’মণি। আমায় ক্ষমা করো—আমি এখনও সেই ছোট্ট পাভেল—তেমনি বোকা।”

পাভেলের মাথা বুকে টানিয়া লইয়া এক অপূর্ব বেদনার স্বরে মা বলিয়া উঠিলেন, “আমাকে আর আঘাত দিস্নে। ভগবান তোর চিরকল্যাণ করুন এই আমার একমাত্র কামনা। জানি—তোর জীবন শুধু তোরই কিন্তু তুই কি জানবি মায়ের বুকের জ্বালা? অসম্ভব! অসম্ভব! তোদের সকলকে দেখলেই আমার কান্না পায়—মনে হয়, তোরা সবাই আমার রক্ত-মাংস! তোদের জন্তে যদি আমি না কাঁদবো—তবে তোদের জন্তে কাঁদবে কে? আজ এই তোরা আছি—কাল হয়তো নিরুদ্দেশ হয়ে যাবি—আবার তোদের মতন নতুন ছেলে সব আসবে—তারাও যাবে তোদের পেছনে পেছনে—এমনি করে দলের পর দল তোরা চলেছিস্ পিছনের সর্বস্ব ফেলে। আমি কি জানি না—এর চেয়ে সুন্দর, এর চেয়ে পবিত্র শোভাযাত্রা আর জগতে নেই!”

একটা অপূর্ব বেদনা-বিহ্বল আনন্দ আজ সহসা মায়ের অন্তরে অভূতপূর্ব এক বিরাট ভাব-রসের উদ্দীপনা জাগাইয়া তুলিল। সহসা আর মায়ের কোন কথা জোগাইয়া উঠিতেছিল না, শুধু এই অপ্রকাশের মৌন পীড়নে তাঁহার সর্ব-দেহ ক্ষণে ক্ষণে দুনিয়া উঠিতেছিল। এতদিন যে-নয়নে শুধু

নির্ধাতনের গানি স্তূপাকারে জমা হইয়াছিল, আজ কোথা হইতে বেদনার ইন্ধনে সহসা সেখানে সহস্র বহি-শিখা জলিয়া উঠিল।

পাভেলের দিক হইতে দৃষ্টি ফিরাইয়া মা মুহু হাসিয়া লিটল রাশিয়ানকে বলিল, “আর তোকেও বলি এণ্ডুয়াসা, তুই ওর চেয়ে ঢের বয়সে বড়—তোর কি উচিত ওর সঙ্গে এইরকম জোর দেখিয়ে চেঁচিয়ে তর্ক করা?”

ঘাড় সোজা করিয়া লিটল রাশিয়ান বলিল, “চৈচাব না—আলবৎ চৈচাব! আরও জোরে চৈচাব এবং প্রয়োজন হলে একদিন ওকে রীতিমত প্রহারও করবো—”

মা অগ্রসর হইয়া লিটল রাশিয়ানের দুটি হাত সম্মুখে নিজের হাতের মধ্যে লইয়া বলিয়া উঠিলেন, “ওরে আমার ছুটু ছেলে!”

পাভেলের দিকে চাহিয়া গম্ভীর মুখে লিটল রাশিয়ান বলিয়া উঠিল, “হে বীরপুরুষ, তুমি শুনো না—জানেন মা, ওকে কতখানি ভালবাসি! তবে ও আজকাল নতুন জামা পরেছে কি-না! ওর ঐ নতুন জামা আমার ভাল লাগে না। ওর ধারণা, জামাটা ওর গায়ে মানিয়েছে খুব ভাল—তাই দু হাত দিয়ে জামাটা তুলে ও লোকের গায়ে পড়ে বলে বেড়াচ্ছে—দেখছো, কেমন জামা পরেছি! জামাটা হয়তো ভালই, কিন্তু লোকের গায়ে পড়ে তা জানাবার দরকার কি? ও জামা গায়ে না দিলেও আমাদের শীত দিবি কেটে যায়।”

লিটল রাশিয়ানের ব্যঞ্জে পাভেল হাসিয়া ফেলিল। বলিল, “বলি বকবকানি থামাবে কি না? তোমার জিভে যে যথেষ্ট বিষ আছে—তা তো একবার ভাল করেই জানিয়েছ—আবার কেন?”

পাভেল বসিয়া লিটল রাশিয়ানের হাত ধরিয়া টানিতে লাগিল।

“হাত ছাড়; এখন হাত ধরে টানছো, কখন নিঃশব্দে ছেড়ে দেবে, সামলাতে না পেরে আমিই যাব পড়ে।”

একটা কিছু করা উচিত মনে করিয়া মা হাসিয়া দুজনের হাত ধরিয়া বলিলেন, “তোরা দুজনে উঠে দাঁড়া—আমার সামনে তোরা—আজ একবার আলিঙ্গন কর—আমি দেখি—লজ্জা কিসের—”

বিস্মল হইয়া লিটল রাশিয়ান বলিল, “লজ্জা—লজ্জা কেন?”

দুই বন্ধুতে উঠিয়া দুইজনকে আলিঙ্গন করিল। একটি মুহূর্তের জন্ত দুইটি দেহ ও একটি আত্মা মৃত্যুঞ্জয় মৈত্রীর অগ্নিশিখায় প্রদীপ্ত হইয়া উঠিল। এবার

বেদনার নয়, আনন্দের উদ্বেলিত অশ্রুধারা মায়ের গণ্ডদেশ বাহিয়া গড়াইয়া পড়িল। হাত দিয়া চোখ মুছিয়া অশ্রুঝঙ্ক কণ্ঠে মা বলিয়া উঠিলেন, “মেয়েদের চোখ শুধু কঁাদতেই জানে—যখন সে দুঃখ পায় তখনও সে কঁাদে—যখন আনন্দে তার মন ভরে ওঠে, তখনও সে কঁাদে।”

পাভেল উঠিয়া মায়ের পাশে অসিয়া বসিল। অন্তরের দুর্বলতাকে লুকাইবার প্রচেষ্টায় লিটল রাশিয়ান উঠিয়া গম্ভীরভাবে ঘোষণা করিল, “মা, আপনি একটু বসুন, আমি রান্নাঘরে গিয়ে দেখি উত্তনে কয়লা আছে কি-না—নইলে খানকতক কাঠ চেলা করে আনি—”

মাতা ও পুত্র শুনিল, লিটল রাশিয়ান রান্নাঘর হইতে তাহারা যাহাতে শুনিতে পায়, এমনি ভাবে বলিতেছে, “গর্ব করা উচিত নয়, তবুও একথা আজ বলবো—আসল জীবনের স্বাদ—করণায়, স্নেহে, সহানুভূতিতে, স্বগভীর জীবনের অমৃত-আনন্দ আজ জীবনে প্রথম পেলাম—”

পাভেল মায়ের দিকে চাহিয়া সায় দিয়া বলিল, “সত্যি !”

বাহিরের দিকে একদৃষ্টে চাহিয়া মা শান্ত কণ্ঠে বলিলেন, “আজকাল মনে হয় সব যেন বদলে গেছে। আজকের আনন্দ আলাদা, আজকের দুঃখ আলাদা। সব কথা ভাল করে ধুঝি না—বোঝাতে পারি না—কিন্তু—মনে হয়, কোথায় কি যেন সব বদলে গেছে—”

মায়ের কথা শুনিয়া রান্নাঘর হইতে আসিয়া লিটল রাশিয়ান যোগদান করিল, “এই সময় ঠিক এই রকমই হয় মা! এই পুরানো দেহে আজ এক নতুন প্রাণ জন্মগ্রহণ করেছে—অন্ধকারে আজ নবীন সূর্যোদয়। সবার অন্তর আজ স্বার্থের সংঘাতে সংস্কৃত, অন্ধ লোভ ও মোহে আজ জীবন বিষাক্ত, হিংসায় ক্রুর, নীচতায় নির্মম, মানিতে আর দৈন্তে পশু মনুষ্যত্ব আজ মুমূর্ষু। মনে হয় যেন সমগ্র ধরণী ব্যাধিগ্রস্ত। বেঁচে থাকতে যেন ভয় করে সবার। প্রত্যেকেই ভাবছে শুধু তারই বুকে বুঝি ব্যথা লাগছে। কিন্তু এরই মাঝখানে আজ এসেছে এক নতুন মানুষ, হাতে তার প্রজ্ঞার প্রদীপ্ত দীপ-শিখা। আলোর উল্লাসে সে চিৎকার করে বলে, ওরে অন্ধ, ব্যথা তোর একার নয়, বেঁচে থাকবার, আনন্দ পাবার অধিকার শুধু তোর একলার নয়। আজ সবারই সমান দরকার বেঁচে থাকবার, আনন্দে বেঁচে থাকবার! কিন্তু যে-মানুষ নিয়ে এসেছে আজ এই নতুন বার্তা, সে দাঁড়িয়ে আছে একলা, কেউ নেই তার সঙ্গে’ কেউ নেই তার সঙ্গী। সেই নিঃসঙ্গ নির্জনতার মধ্যে তার চিন্তা আজ

বেরিয়েছে বন্ধুর অহুসঙ্কানে। তাই সকল ক্ষুদ্রতা, সকল জীর্ণতার উর্ধ্বতার মাহলিক আহ্বানধ্বনি বেজে উঠছে—সকল দেশের সকল জাতির হে মানবের দল, এই রক্ত-সন্ধ্যায় আবার ফিরে এসো সব এক গোষ্ঠীর মধ্যে। স্বগা নয়, প্রেম আজ জীবনের ধাত্রী। মাগো, আজ শুনি সেই আহ্বানধ্বনি বেজে উঠছে দূর-দূরান্তরে, দেশ-দেশান্তরে—”

পাভেল চিংকার করিয়া উঠিল “আমিও শুনি, বন্ধু, আমিও শুনি।”

সহসা এই পরমোৎসাহে মা বিশ্বয়ে নির্বাক হইয়া তাহাদের দুইজনের দিকে চাহিয়া রহিলেন—ভিতরে তাহার অন্তর প্রতি মুহূর্তে কাঁপিয়া উঠিতেছিল।

আপনার অন্তরের উল্লাসে লিটল রাশিয়ান বলিয়া চলিয়াছিল, “যখন একলা থাকি, রাত্রে যখন ঘুমোতে চেষ্টা করি, সর্বদাই শুনি সেই ধ্বনি মাহুষের দ্বারে দ্বারে যেন ঘুরে ঘুরে বেড়াচ্ছে। মনে হয়, এই উৎপীড়িতা, এই দুঃখ-দগ্ধা ধরণীর অন্তরতম তল থেকে যেন সেই ধ্বনির প্রত্যুত্তর জেগে উঠছে, জয়, নব অরুণ-উদয়!”

পাভেল কি বলিতে যাইতেছিল, মা তাড়াতাড়ি তাহার হাত ধরিয়া তাহাকে বসাইয়া চুপি চুপি বলিলেন, “চুপ কর এখন, ওকে বাধা দিস্নে—”

লিটল রাশিয়ানের চোখে যেন সেই অরুণ উদয়ের আভা। দুই হাতে দরজার দুই দিক ধরিয়া সে বলিয়া চলে, “কিন্তু তবুও মাহুষের ভাগ্য এখনও সঞ্চিত আছে বহুবেদনার বিষাক্ত গ্লানি; জানি লৌহ-হস্তের পীড়নে অন্তর চুইয়ে রক্ত-ঝরার এখনও বহু আছে বাকি—কিন্তু তবুও সেই সমস্ত বেদনার : এই আমার, এই তোমার হৃদয়-চোয়া রক্তের বিনিময়ে যে আশা আজ জাগলো বুকে, যে আনন্দ আজ এলো রক্তে, শিরায়, উপশিরায়, তার তুলনা হয় না। মনে হয়—আমি বিরাট, ওই নক্ষত্রের মতো; আপনার জ্যোতিলোকে আমি স্তমহান্! তাই এই দুঃখ, এই বেদনা, এই গ্লানি এই সমস্তই সহিছি পরমানন্দে, পরমোন্মাদে—শুধু অন্তরের সেই পরম অতৃপ্তির জগ্গে! কেউ নেই, কোন শক্তি নেই, সে আনন্দকে মেয়ে ফেলতে পারে। দুর্বীর অমোঘ তার শক্তি, উদার তার অভ্যুদয়!”

পরের দিন সকালবেলায় পাভেল আর লিটল রাশিয়ান চলিয়া যাইবার পরই মেরিয়ানা ছুটিতে ছুটিতে আসিয়া খবর দিল, গরুমন্ডকে কে খুন করেছে!

সহসা এই সংবাদ শুনিয়া মা চমকাইয়া উঠিলেন এবং সেই সঙ্গে সঙ্গে

তাহার মনে হত্যাকারীর মূর্তি যেন পরিস্ফুট হইয়া উঠিল। বিহ্বলভাবে তিনি জিজ্ঞাসা করিলেন, “কে, কে করলো এ কাজ?”

“বলি, সে কি মড়া আগলে বসে আছে যে তার নাম জানবো! কাজ সেরেই সে পালিয়ে গেছে—কেউ তার পাত্তা পায় নি।”

মা মেরিয়ানাকে লইয়া রাস্তায় বাহির হইয়া পড়িলেন। পথে মেরিয়ানা বলিতে লাগিল, “এখন হলো বিপদ। পুলিশ এসে আবার বাড়ি-ঘরদোর ওলটপালট করবে। একটা ভালো, তোমার বাড়ির ছেলেগুলো কাল রাত্তিরে বাড়িতে ছিল, আমি নিজে সাক্ষী দেবো। কাল রাত্তিরে বাড়ি ফেরবার সময় একবার তোমার জানালা দিয়ে উকি মেরে দেখি, তোমরা সব বসে গল্প করছো।”

মেরিয়ানার কথায় মা সচকিত হইয়া বলিয়া উঠিলেন, “কি যে বলিস্ তুই। এ ব্যাপারে ওদের কি কেউ সন্দেহ করছে নাকি?”

“লোকে সন্দেহ করছে বই কি। ঐ ছোড়াদের মধ্যেই কেউ এ কাজ করেছে—কেননা গরুমত্ ওদের পেছনেই তো লেগেছিল—”

মায়ের নিঃশ্বাস বন্ধ হইয়া আসিতেছিল। কি এক অজানা আশঙ্কায় সহসা তিনি দাঁড়াইয়া পড়িলেন।

“দাঁড়ালে যে, চলো! দেরি হলে হয়তো আর দেখতে পাবে না।”

মা বিহ্বলভাবে চলিতে লাগিলেন। তাহার চোখের সম্মুখে খালি নিকোলের ক্রুদ্ধ মুখখানি ভাসিয়া উঠিতে লাগিল।

ঘটনাস্থলে আসিয়া দেখিলেন, চারিদিকে কোতূহলী জনতা। মধ্যে গরুমতের মৃতদেহ পুলিশ-পরিবেষ্টিত হইয়া পড়িয়া আছে। একহাত তাহার জামার ভিতরে ঢোকানো, আর এক হাতের আঙ্গুল মাটি আঁকড়াইয়া রহিয়াছে।

পাশ হইতে একজন বলিয়া উঠিল, “কোথাও রক্তের চিহ্ন নেই। এক ঘুষিতেই সাবাড় করে দিয়েছে।”

ধীরে ধীরে মা বাড়ি ফিরিলেন।

পাতেল ও লিটল রাশিয়ান বাড়ি আসিতেই মা উৎসুক কণ্ঠে জিজ্ঞাসা করিলেন, “হাঁ রে, কাউকে গ্রেফতার করেছে না কি?”

গম্ভীরভাবে লিটল রাশিয়ান বলিল, “কই এখনো তো শুনি নি।”

তাহাদের দুই জনের মুখের দিকে চাহিয়া মা দেখিলেন, তাহারা দুই জনেই গম্ভীর, বিমর্ষ।

মা তাহাদের নিকট অগ্রসর হইয়া অতি নিম্নস্বরে জিজ্ঞাসা করিলেন,
“হাঁ রে, নিকোলেকে কেউ সন্দেহ করছে না তো?”

মায়ের দিকে দৃষ্টি সন্নিবদ্ধ করিয়া পাভেল বলিল, “না, তার নাম কেউ
করছে না। সে তো এখানে নেই। কাল সকালবেলাই নদী পেরিয়ে সে
কোথায় চলে গেছে—আজও ফেরেনি।”

দুই হাত উর্ধ্বে তুলিয়া দীর্ঘশ্বাস ফেলিয়া মা বলিয়া উঠিলেন, “ভগবান,
রক্ষা কর!”

খাবার সময় পাভেল হঠাৎ বলিয়া উঠিল, “আমি এসব বুঝতে পারি না,
কিছুতেই বুঝতে পারি না—”

গভীর স্বরে লিটল রাশিয়ান বলিল, “কি, কি বুঝতে পারো না?”

“হুঁ-মুঠো খেয়ে বেঁচে থাকতে হবে বলে যে হত্যা করতে হবে—একথা
ভাবতে আমার ভয়ানক কুংসিত লাগে।”

হাসিয়া লিটল রাশিয়ান বলিল, “নিরুপায়! এই সনাতন জীবন-ধারা।”

পাভেল ধীরে উত্তর দিল, “নিরুপায় নয়, অগ্নায়।”

হঠাৎ উত্তেজিত হইয়া লিটল রাশিয়ান টেবিল হইতে উঠিয়া বলিয়া
উঠিল, “তুমি বলছো অগ্নায়? কিন্তু এ অগ্নায়ে কে প্রণোদিত করেছে?
ওই যারা সৈন্য রেখেছে, ওই যারা ঘাতক রেখেছে, ওই যারা অন্ধকার
কারাগার তৈরি করেছে মল্লযুদ্ধকে পিষে ফেলবার জন্তে—তরাই তো অধিকার
দিয়েছে আমাদের হাত তুলতে তার বিরুদ্ধে যে সবচেয়ে এগিয়ে আসে তাদের
মধ্যে থেকে আমাদের পিষে ফেলবার জন্তে?”

উত্তেজিত হইয়া লিটল রাশিয়ান ঘরের এ-কোণ হইতে ও-কোণ পর্যন্ত
পায়চারি করিয়া বেড়াইতে লাগিল। মনে হইতেছিল, প্রতি পাদক্ষেপে কোন
এক অদৃশ্য বাধাকে যেন সে এড়াইয়া চলিতেছে। সে বলিয়া উঠিল, “কিন্তু
একথাও সত্য যে জীবনের যাত্রাপথে সহসা কখন কখন এমন এক সন্ধিক্ষণ
আসে যখন অনিচ্ছাসত্ত্বেও মানুষকে নিজেরই বিরুদ্ধে নিজেকে চলতে বাধ্য
হতে হয়। তোমার আদর্শের জন্তে তোমার প্রাণ দেওয়া—সে তো খুব
সহজ সোজা ব্যাপার। তার চেয়েও যা প্রিয়, তাই দাও—”

কিছুক্ষণ নিস্তব্ধ থাকিবার পর সে আবার বলিয়া চলিল, “জানি, একদিন
এই পৃথিবীতে সেই মহাদিন আসবে, যেদিন প্রত্যেকে প্রত্যেককে দেখলে
আনন্দে ছলে উঠবে। এই মহা-জ্যোতিষ্কমণ্ডলীতে সেদিন নক্ষত্রের মতো

ভাস্বর হয়ে উঠবে মাছুষ। প্রত্যেকের বাণী হবে সঙ্গীতের মতো: স্তম্ভর। সেদিনকার পৃথিবীর মাছুষ স্বাধীনতার পরম-প্রসাদে মুক্ত-হৃদয়ে বিচরণ করবে। অস্তর হবে তার সর্বেষে সর্বহিংসাবিমুক্ত; জানি, সেদিন যুচে যাবে যুক্তির আর অস্তরের সকল দ্বন্দ্ব। মানবতার দেউলে জীবন ফুটে উঠবে সব:চয়ে স্তম্ভর ফুলের মতো। তখনি হবে পরিপূর্ণ জীবন, মুক্ত, সত্য, স্তম্ভর। সেই অনাগত মহাদিনের জন্তে আমি আজ প্রস্তুত—আমার সমস্ত কিছু উৎসর্গ করতে, যদি প্রয়োজন হয়, আমার হৃদয় উপড়ে ফেলে আমি নিজেকে মাড়িয়ে যাব তাকে।”

মা চাহিয়া দেখিলেন যে লিটল রাশিয়ানের দুই গণ্ড বাহিয়া অশ্রু ঝরিয়া পড়িতেছে।

পাভেল উঠিয়া বিস্ময়-বিফারিত নয়নে লিটল রাশিয়ানের দিকে চাহিল। বলিল, “কি হল তোমার আঙ্গি?”

বেহালার তারের মতো: সমস্ত দেহকে টানিয়া উন্মাদের মতো: মাথা নাড়িয়া মায়ের দিকে চাহিয়া লিটল রাশিয়ান বলিল, “আমি গরুমত্বে হত্যা করেছি।”

সহসা বজ্রাহতের মতো মা উঠিয়া দাঁড়াইয়া কাঁপিতে কাঁপিতে গিয়া লিটল রাশিয়ানের দুটি হাত জড়াইয়া ধরিলেন। জগতের কেহ যেন সে শোকোচ্ছ্বাস না শুনিতে পায়, এমনি মুহূ কম্পিতস্বরে তিনি বলিয়া উঠিলেন, “ওরে এণ্ড্রাসা, ওরে, এ কি তুই করলি, ওরে দুঃখী—”

আপনাকে সংহত করিয়া লইয়া লিটল রাশিয়ান স্থির কণ্ঠে বলিল, “আমি সবই স্বীকার করবো—কেমন করে আমি এ কাজ করলাম—”

“আমি যদি নিজের চোখেও দেখতাম তাহলেও বিশ্বাস করতাম না যে এ তোর কাজ। না, না, তুই কখনও এ কাজ করতে পারিস্ না।”

“সত্যি, আমিও ভাবতে পারি না যে তুমি এ কাজ করেছো।”

করণ মথিত কণ্ঠে ধীরে ধীরে লিটল রাশিয়ান বলিতে লাগিল, “তুমি তো জানো, বন্ধু আমি এ-কাজ করতে চাই না, চাইনি। তুমি আগিয়ে চলে গেলে, আমি আইভানের সঙ্গে গল্প করতে করতে কারখানার দিকে যাচ্ছিলাম। হঠাৎ দেখি কোথা থেকে এক পথের বাঁকে গরুমত্বে আমাদের সঙ্গ নিয়েছে। কিছুক্ষণ পরে আইভানও বাড়ি চলে গেল। আমি কারখানার দিকে চলেছি, দেখি তখনও সে আমার সঙ্গে চলেছে। কিছুক্ষণ পরে সে হেসে আমার সঙ্গে

আলাপ করতে লাগলো। রাগে সর্বাঙ্গ আমার জলছিলো। সে বলতে লাগলো, আমাদের কাণ্ডকারখানা সব পুলিশ জানতে পেরেছে—পয়লা মে'র আগেই আমাদের সব যথাস্থানে পৌঁছে দেবার ব্যবস্থা হচ্ছে। আমি একটিও কথা বলিনি। তারপর—

পাভেল দীর্ঘশ্বাস ফেলিয়া বলিল, “বুঝি, বন্ধু, তোমার ব্যথা আমি বুঝি।”

“তারপর সে আমার নানারকম প্রশংসা করতে লাগলো আমার মতো বুদ্ধিমান, বিচক্ষণ লোক আর সে দেখে নি—আমার উচিত নয় দলে পড়ে এই কাজ করা—আমার উচিত—”

একটু থামিয়া লিটল রাশিয়ান একবার গলাটা পরিষ্কার করিয়া লইয়া বলিল, “আমার উচিত তাদের সঙ্গে যোগদান করা! সে যদি আমাকে মারতো, সে ছিল অনেক ভাল। আমার পক্ষে তা সহ করা সহজ হতো, তারও পক্ষে তা হতো ভাল। কিন্তু আমার অন্তরের অন্তরতম স্থলে সে যখন এমনভাবে কাঁদা ছিটিয়ে দিল, তখন হঠাৎ আমার সর্বদেহ রাগে জলে উঠলো, কোনও কথা না বলে সমগ্র দেহের শক্তি দিয়ে এক ঘৃষি মেঝে তার দিকে আর না তাকিয়ে আমি সোজা চলে এলাম। চলতে চলতে শুনতে পেলাম সে পড়ে গেল, একটা শব্দ হল। স্বপ্নেও ভাবিনি ভয়ঙ্কর কিছু হবে। রাস্তার ধারে একটা ব্যাঙকে চিপটে দিয়ে মাছুষ যেভাবে নির্ভাবনায় চলে, তেমনি ভাবে আমি চল এলাম। তারপর হঠাৎ শুনি চারিদিক থেকে রব উঠছে—গরমভুঁকে কে হত্যা করেছে! আমি কিছুতেই বিশ্বাস করতে পারলাম না—কিন্তু ক্রমশ আমার সর্ব-শরীর হিম হয়ে এলো...এই হাত দুটো একেবারে অচল না হয়ে গেলেও মনে হচ্ছে যেন হঠাৎ খুব ছোট হয়ে গেছে।”

কিছুক্ষণ নীরব থাকিয়া নিজের দুটি হাতের দিকে চাহিয়া সে বলিয়া উঠিল, “মনে হয়, সমগ্র জীবনে ও হাত থেকে এই দুঃসহ গ্লানির পঙ্কিলতা ধুয়ে ফেলতে পারবো না।”

ক্রন্দন-ব্রত কণ্ঠে মা বলিলেন, “ধুয়ে যাবে, ওরে ধুয়ে যাবে, যদি মন তোর থাকে এমনি সাদা!”

লিটল রাশিয়ানের দিকে চাহিয়া পাভেল জিজ্ঞাসা করিল, “এখন কি করবে ভাবচো?”

ঈষৎ চিন্তিতভাবে লিটল রাশিয়ান উত্তর করিল, “আমি যে এ-কাজ করেছি, তা স্বীকার করতে আমার বিন্দুমাত্র ভয় নেই—কিন্তু এ কথা বলতে

আমার নিজেরই লজ্জা হচ্ছে। এ আমি চাই নি, চাই না। অনর্থক এই ব্যাপারে আজ কারাগারে যেতে আমার লজ্জা হচ্ছে। যদি পুলিশ অন্য কাউকে অপরাধী বলে ধরে, তা হলে আমি ধরা দিয়ে সব কথা স্বীকার করবো। তা না হলে আমি মুখ ফুটে এ-কথা কিছুতেই আর উচ্চারণ করবো না। এ আমার নির্দারুণ লজ্জার কথা।”

এমন সময় কারখানার বাঁশী বাজিয়া উঠিল তীব্র, কঠোর আদেশের স্বরে।

মাথাটা একটু একপাশে করিয়া লিটল রাশিয়ান অনেকক্ষণ ধরিয়া একমনে সেই গর্জায়মান আহ্বানধ্বনি শুনিল। তারপর বলিল, “আজ আর কারখানায় বেরুবো না।”

পাভেলও ঘাড় নাড়িয়া বলিল, “আমিও না।”

“বাইরে থেকে একবার ঘুরে আসি”—বলিয়া ধীরে ধীরে লিটল রাশিয়ান চলিয়া গেল।

মাতার বিমর্ষ মুখের দিকে চাহিয়া পাভেল বলিল, “আমি জানি, আজি এ ব্যাপারের দরুন নিজেকে কোন মতেই ক্ষমা করবে না, কখনও না। কি বিচিত্র জীবনের আবর্ত! তুমি চাও না, তবুও তোমাকেই আঘাত করতে হয়। আর কাকে আঘাত করতে হয়? ওই রকম একটা অসহায় প্রাণিকে। ও ছিল তোমার চেয়েও অসহায়, কেননা, ও ছিল একেবারে মূর্খ। তবুও আমাদেরই মতো সেও মাতুষ। কিন্তু একদল লোক ওদের গড়ে তুলেছে আমাদের শত্রু করে—মাতুষে মাতুষে তারা বাধিয়ে দিয়েছে এক অতি জঘন্য কলহ। ভয়ে চোখ অন্ধ করিয়ে, হাত পা বেঁধে তারা এক শ্রেণীর সঙ্গে আর এক শ্রেণীর সংঘর্ষ বাধিয়ে কাউকে দিয়ে করিয়ে নিচ্ছে লাঠির কাজ, কাউকে দিয়ে করিয়ে নিচ্ছে মৃগুরের কাজ! মাতুষকে ওরা করেছে অশ্ব, আর তারই নাম দিয়েছে সভ্যতা! এই হ'ল পাপ, বর্তমান সভ্যতার এই মহাপাপ। লক্ষ লক্ষ মাতুষ, লক্ষ লক্ষ আত্মার এই নিত্য হত্যা চলেচে চারিদিকে। ওরা শুধু মাতুষকে হত্যা করে না—মাতুষের আত্মাকেও ওরা মেরে ফেলতে চায়। এই লিটল রাশিয়ান একান্ত অনিচ্ছাসত্ত্বেও দৈবক্রমে একজনকে হত্যা করে ফেলেছে কিন্তু তার ফলে তার সমস্ত মন তীব্র অশুশোচনায় আর মানিতে ভরে গেছে। কিন্তু ওরা যখন একান্ত শান্ত ও ধীরভাবে শুধু নিজেদের স্বার্থগত সুবিধাগুলি বজায় রাখার জন্তে হত্যা করে, তার পিছনে, সামনে বা উদ্দেশ্য কোথাও কোনও মানি থাকে না। শুধু তাদের ঘরের ছাদটুকু শক্ত

করবার জন্তে, শুধু তাদের সোনাকপো, ঘটি-বাটি আর প্রাণহীন ছেঁড়া কতকগুলো। পুরানো কাগজের পুঁটুলিকে সাবধানে রাখবার জন্তে তাদের এই নিত্য মরণ-যজ্ঞের আয়োজন। ভেতরের দিক দিয়ে নিজেদের বক্ষা করবার পথ তারা ভুলে গেছে—তাই বাইরের দিক দিয়ে আত্মরক্ষা পাবার তাদের এই বিপুল চেষ্টা। এই জীবন, এই তার গ্লানি আর তার পঙ্কিলতা যদি জীবনে কোনও দিন অন্তর দিয়ে উপলব্ধি করে থাক, তবে বুঝবে, আমাদের আদর্শের প্রয়োজনীয়তা কতখানি। বুঝবে আমরা যে পথে চলেছি, তার শেষে কি সুন্দর, কি সুমহান্ সার্থকতা।”

পুত্রের প্রজ্জ্বলিত আনন্দের দিকে চাহিয়া মায়ের মনে হইতেছিল, যেন ক্ষুদ্র দীপশিখার মতো সেই বৃহৎ অগ্নিকুণ্ডের মধ্যে তিনি বিলুপ্ত হইয়া যাইতেছেন। উত্তেজিত হইয়া দাঁড়াইয়া তিনি বলিয়া উঠিলেন, “বুঝি না ? সবই বুঝি। আমিও মানুষ, কেন পারবো না আমি বুঝতে ?”

এমন সময় সহসা বাহিরে পদশব্দ হইল। পাভেল বাহিরের দিকে চাহিয়াই মায়ের কানে কানে বলিল, বোধ হয় অস্ত্রির খোঁজে পুলিশ এসেছে—

দরজা খুলিতেই রাইবিন আসিয়া ঘরে প্রবেশ করিল। ঘরের মধ্যে প্রবেশ করিয়াই সে কুশল-প্রশ্ন জিজ্ঞাসা করিল।

পুলিসের বদলে রাইবিনকে দেখিয়া পাভেল বলিয়া উঠিল, “ওঃ তুমি রাইবিন—তোমাকে দেখে সত্যিই আনন্দ হলো। কেমন আছ ? কোথায় ছিলে এতদিন ?”

“বেশ ভালই আছি। তোমরা ক্রমশ ভদ্র লোক হয়ে উঠ্ছো, আমি ক্রমশ হয়ে যাচ্ছি চাষা। এখান থেকে এদিলগায়েব গাঁয়ে গিয়ে বসবাস স্থাপন করেছি। সেখানে তোমাদের অনেক বইই নিয়ে গিয়েছি, তবে সরকারী বাইবেলের সাহায্যেই অধিকাংশ কাজ চালাই। মোটা বইটার মধ্যে অনেক দরকারী জিনিস আছে—অনেক জিনিস আছে যা তোমার আমার কাজে লাগতে পারে, অথচ সরকারের বলবার কিছু নেই; এবং, লোকেও বিশ্বাস করে সহজে। কিন্তু আজকাল দেখছি, ওতে আর কুলুচ্ছে না। তাই এসেছি তোমাদের নতুন বইগুলো নিয়ে যেতে। সঙ্গে এক্সিম বলে একজন চাষাকে নিয়ে এসেছি। আলকাতরা চালান দেবার জন্তে সে এখানে এসেছে। কিন্তু সে আসবার আগেই বইগুলো আমাকে দিয়ে দাও—তাকে আর এ বিষয়ে জানাতে চাই না।”

মায়ের দিকে চাহিয়া পাভেল বলিল, “মা, শিগ্গির গিয়ে কতকগুলো বই নিয়ে এসো। কি কি বই লাগবে, তা তারা জানে। শুধু বলো গ্রামের জন্তে দরকার।”

মায়ের দিকে চাহিয়া রাইবিন হাসিয়া বলিল, “বাঃ আপনিও তা হলে দেখছি এদের দলে জুটে গেছেন। আমাদের ওখানে এই সমস্ত বই পড়বার জন্তে বহু লোক পাগল। সেখানে আমরা একজন ভাল প্রচারক পেয়েছি। তিনি পড়ার দিকে লোকেদের খুব উৎসাহ দিয়ে বেড়ান। শুনেছি লোকটি বেশ ভাল যদিও পাদার। আর একজন শিক্ষয়িত্রী আছেন। তবে এঁরা সব হলেন আইন-বাগীশ দল—বে-আইনী বই এঁরা ছুঁতেও চান না—ভয়ও করেন। কিন্তু আমি তাঁদের প্রচার কাণের বাধা দিই না। ওদেরই আঙ্গুলের ফাঁক দিয়ে আমার বই সব চালিয়ে দেবো দেখলেই পুলিশের লোক মনে করবে ওদেরই কাজ—আমার নাম-গন্ধও তারা পাবে না।”

রাইবিনের কথা শুনিয়া মা ভাবিতেছিলেন, দেখতে ভল্লকের মতো, কিন্তু বুদ্ধিতে এধারে ধূর্ত শেয়াল!

পাভেল কিন্তু গভীর হইয়া গেল। বলিল, “বই আমরা তোমাকে এখনি দিচ্ছি, কিন্তু তুমি প্রচারের যে-পন্থা অবলম্বন করছে, তা ঠিক নয়। তোমার কাজের জন্তে সবদাই তোমার নিজের জবাবদিহি হওয়া উচিত। অপরকে বিপন্ন করে লুকিয়ে নিজের কাজ হাসিল করা অগ্রায়া।”

“কি বলছো তোমার কথা বুঝতে পারছি না!”

“পুলিসের লোকেরা যদি সন্দেহ করে যে তারা এই কাজ করছে তা হলে তাদেরই ধরে জেলে পুরবে—”

“পুরলোই বা তাতে কি?”

“কিন্তু নিষিদ্ধ পুস্তক তারা তো আসলে বিলোচ্ছে না—বিলোচ্ছে। তো তুমি।”

মা দেখিলেন পাভেল রাইবিনের কথার উদ্দেশ্য বুঝিতে পারিতেছে না। তিনি বলিলেন, “রাইবিনের ইচ্ছে যে পুলিশ সন্দেহক্রমে অন্য লোককে গ্রেফতার করে করুক, ইত্যবসরে সে তার নিজের কাজ গুছিয়ে নেবে।”

উত্তেজিত হইয়া পাভেল বলিয়া উঠিল, “বাঃ, এ ভারি মজার ব্যবস্থা! ধর আশ্রি যদি কোনো অপরাধ করে, আর তার জন্তে আমাকে যদি কারাগারে নিয়ে যায়?”

পাভেলের কথা শুনিয়া রাইবিন হাসিয়া উঠিল, “তোমার বয়স এখনও অল্প কি-না তাই এসব ভাবতে তোমার কষ্ট হয়। লুকানো কাজের ধারাই এই! তারপর ধর, প্রথমত, পুলিশ যার কাছে বই পাবে, তাকে ধরবে। পাদরিটাকে বা শিক্ষয়িত্রীটাকে ধরবে না; দ্বিতীয়ত ধর, তারা যেসব বই থেকে ধর্মকথা প্রচার করে—সেখানেও এই সব কথাই লেখা আছে—তবে বিভিন্ন ধরনে, তৃতীয়ত—তারা আমার কে? যে চলেছে পায়ে হেঁটে, আর যে যায় ঘোড়া ছুটিয়ে তাদের মধ্যে কি সম্বন্ধ হতে পারে? একজন চাষীর বেলায় হয়তো আমি এ রকম করতে চাইতাম না—কিন্তু এই পাদরি বা সেই জমিদারের মেয়েটি—যিনি শিক্ষয়িত্রী সেজেছেন—আমি বুঝতে পারি না, তারা কি করে বলে জনসাধারণের মুক্তির কথা! হাজার হাজার বছর ধরে নিয়মিতভাবে শুধু শিখে এসেছে কি-করে প্রভুত্ব করতে হয়, হাজার হাজার বছর ধরে তারা শিখে এসেছে কি করে চাষাদের গায়ের চামড়া খুলে নিতে হয়—আজ দেখি হঠাৎ ঘুম ভেঙে তারা লেগে গেছে চাষাদের উন্নতির জন্তে! এ হয় না। এসব রূপকথায় সম্ভবে, আর আমি রূপকথার রাজ্যে বাস করি না। জীবনকে নিয়ে রসিকতা করবার সময় বা মনোবৃত্তি আমার নেই—”

রাইবিনের কথায় বাধা দিয়া মা বলিয়া উঠিলেন, “কিন্তু যাদের মনিব-শ্রেণীর বলে দূরে রাখছে, তাদেরও মধ্যে তো ভাল লোক আছে—যারা সত্যি সত্যিই লোকের মঙ্গলের জন্তে কারাগার পথন্ত যেতে কুণ্ঠিত নয়।”

“কিন্তু আমার মনে হয় তাদের ধারণা, তাদের আদর্শ সম্পূর্ণ আলাদা। যে প্রবৃত্তি নিয়ে তারা জন্মগ্রহণ করেছে—আজ সহসা সেই প্রবৃত্তি বদলে যাবার কোন কারণ ঘটেনি—অবশ্য একথা ঠিকই যে প্রত্যেক দলেই ভালো-মন্দ দুই-ই আছে। কিন্তু যারা ভালো, তারা ব্যতিক্রম হিসাবেই সত্যি। যাদের জন্ত এই আন্দোলন, তারাও যে খুব ভালো, তাদের মধ্যে যে খারাপ লোক নেই একথাও বলা চলে না। পাঁচ বছর ধরে ক্রমাগত আমি কারখানার দরজায় ঘুরে বেড়িয়েছি। তারপর হঠাৎ একদিন গ্রামে ফিরে গেলাম। সেখানে গিয়ে এখন কি মনে হচ্ছে জানো? মনে হয়, এ জীবন আরও অসহ্য! এ আমি কিছুতেই সহিতে পারি না। তোমরা এখানে থাকো, তোমরা খিদে কাকে বলে তার কি জানো? সেখানে গেলেই দেখতে পাবে—ছায়ার মতো এই জঠরের জ্বালা লোকের সঙ্গে সঙ্গে চলেছে। এক টুকরো রুটি পাবার কোন আশা নেই—কোন সম্ভাবনা নেই। মাহুষের সর্বদেহ

থেকে যেন মহাশয়ের শেষ চিহ্নটুকুও চলে গেছে। কে বলে তারা বেঁচে আছে? দারুণ দুর্ভিক্ষে তারা শাকসবজীর মত শুধু পচছে। আর তাদের ঘিরে চারিদিকে শত্ৰুনির মতো ওরা সব পাহারা দিয়ে আছে—সে দৃশ্য অসহ্য হলেও মনে মনে প্রতিজ্ঞা করলাম—এইখানেই থাকবো—তাদের যে কটি সংগ্রহ করে দিতে পারবো সে ভরসায় নয়—মনে দুঃশা হলো, এক বিচিত্র রান্না তৈরি করবো—এই দুঃখ দিয়ে, এই অপমান দিয়ে, এই লাঞ্ছনা দিয়ে—এবং সেই কাজে চাই তোমাদের সহায়তা। আমাকে শুধু দাও বই—তোমাদের লেখা—যে লেখা পড়ে লোকে এক মুহূর্তও শান্তিতে বিশ্রাম করতে পারবে না। তাদের মাথায় যেন কাঁটার মতো সর্বদা বিধতে থাকবে। তোমাদের হয়ে যারা এই কারখানার লোকদের জন্তে বই লেখে তাদের বলা, গ্রামের চাষীদের জন্তেও যেন লেখে। এমন লেখা চাই যা জীবনকে ঝলসে পুড়িয়ে দেবে—লোক যেন ক্ষিপ্ত হয়ে উঠে মৃত্যুক আঁকড়ে ধরতে কুণ্ঠিত না হয়।”

উপেক্ষ মুষ্টিবদ্ধ হাত তুলিয়া প্রত্যেক কথার উপর জোর দিয়া সে বলিয়া উঠিল, “মৃত্যুতে হোক মৃত্যুর ঋণ পরিশোধ। মৃত্যু তাদের হোক, তাহলে তারা আবার পাবে নতুন জীবন। মরুক কতকগুলো লোক, জগতে তাহলে বাঁচবে আরও বেশী লোক।”

রাইবিনের কথা শুনিয়া ঘাড় নাড়িয়া পাভেল বলিল, “সে কথা ঠিকই—গ্রামের জন্ত একখানা আলাদা খবরের কাগজের দরকার। আমাদের মালমসলা জোগাও—আমরা ছেপে পাঠাবো—”

“এমনভাবে লিখবে যেন গ্রামের গরু-বাছুরগুলোও বুঝতে পারে—”

এমন সময়ে বাহিরে পায়ের শব্দ হইতে রাইবিন পিছন ফিরিয়া দেখে যে এফিম আসিতেছে। মাথায় পাতলা চুল, ভারী মুখ, দীর্ঘ বলিষ্ঠ দেহ। এফিম ঘরে আসিতেই রাইবিন তাহার সহিত পাভেলের পরিচয় করাইয়া দিয়া বলিল, “এই এরি কথা বলছিলাম, একে সঙ্গে করে নিয়ে এসেছি—”

প্রীতিসম্ভাষণের পর এফিম কোতুহল দৃষ্টি লইয়া ঘরের চারিদিকে দেখিতে লাগিল। হঠাৎ বইয়ের আলমারির দিকে দৃষ্টি পড়িতেই সে উঠিয়া একেবারে তাহার সম্মুখে গিয়া দাঁড়াইল।

রাইবিন চোখ ইসারা করিয়া পাভেলকে বলিল, “দেখলে, একেবারে সোজা আলমারির কাছে!”

আলমারির সম্মুখে দাঁড়াইয়া একিম একটি একটি করিয়া বইগুলি দেখিতে লাগিল। পরম উৎসাহে সে বলিয়া উঠিল, “ওঃ, এত বই! কিন্তু এখানকার লোকেদের পড়বার সময় কোথায়? গ্রামে আমাদের অফুরন্ত অবসর—”

পাভেল জিজ্ঞাসা করিল, “অবসর আছে সত্যি কিন্তু ইচ্ছা?”

“বাঃ, ইচ্ছেও আছে। এমন দিনকাল পড়েছে যে, হয় মাথা ঘামাতে হবে, নয় চূপ করে শুয়ে মরণকে ডেকে নিতে হবে। লোক সহজে মরতে চায় না—তাই বাধ্য হয়ে এখন তারা ভাবতে আরম্ভ করেছে, একটু একটু করে মাথা ঘামাচ্ছে। জিওলজি—এটা কি?”

পাভেল বুঝাইয়া দিল। একিম ঘাড় নাড়িয়া বলিল, “ও সব জানবার আমাদের দরকার নেই।”

দীর্ঘশ্বাস ফেলিয়া রাইবিন বলিল, “চাষারা জানতে চায় না কেমন করে মাটি তৈরি হলো, তারা জানতে চায় কেমন করে তাদের হাত থেকে মাটি সরে গেল। কি কি ধাতু তাতে আছে, কি বস্তু তার গঠন, তাতে তার কিছু আসে যায় না। পৃথিবী দড়িতে যদি ঝুলে থাকে তবে তাই থাক—যদি তা থেকে আসে তার শস্য; আকাশে যদি ঝুলে থাকে তাই থাক—যদি তা থেকে আসে তার দু’কলার রুটি।”

সহসা ঘর্ষাক্ত, পরিভ্রান্ত ও গম্ভীরভাবে লিটল্‌ রাশিয়ান প্রবেশ করিল। কাহাকেও কিছু জিজ্ঞাসা না করিয়া নবাগত একিমের সহিত নীরবে কর-মর্দন করিয়া সে রাইবিনের পাশে গিয়া বসিল। তাহার বিবর্ণ-মুণ্ডের দিকে চাহিয়া রাইবিন জিজ্ঞাসা করিল, “কি হয়েছে তোমার? এরকম চেহারা কেন?”

“কিছু না।”

একিম অগ্রসর হইয়া কুণ্ঠিত কণ্ঠে জিজ্ঞাসা করিল, “আপনিও ব্যাংকারখানায় কাজ করেন?”

“হাঁ! কিন্তু এ প্রশ্ন কেন?”

একিমের হইয়া রাইবিন উত্তর দিল, “জীবনে ও এই প্রথম সামান্যসামান্য একজন মজুরকে দেখলো!”

ইত্যবসরে মা রান্নাঘর হইতে চা প্রস্তুত করিয়া হাজির হইলেন।

মায়ের ইঙ্গিতে রাইবিন একবার রান্নাঘরে গেল।

চায়ের কাপ হাতে লইয়া এফিম পাভেলের পাশে গিয়া একান্ত মিনতির স্বরে বলিল, “আমাকে একখানা বই দেবেন?”

“নিশ্চয়ই দেবো!”

আনন্দে এফিমের মুখ উজ্জ্বল হইয়া উঠিল—বলিল, “আমি ফেরত দেবো অবশ্য! প্রায়ই গাঁরে লোকেবা এখান থেকে আলকাতরা নিয়ে যেতে আসে। আমি তাদের কাঁকর হাতে পাঠিয়ে দেবো। জানেন না, এই সব আমাদের কাছে কি! আমাদের অঙ্ককার ঘরে একমাত্র আলো।”

রাগ্নাঘর হইতে জামা বেশ ভালরকম আঁট করিয়া লইয়া রাইবিন পুনরায় ঘরে প্রবেশ করিয়া বিদায়-অভিনন্দন স্তাপন করিল।

পাভেলের নিকট হইতে একখানি বই লইয়া আনন্দোন্মত্ত মানসে এফিমও রাইবিনের সহিত বিদায় গ্রহণ করিল।

তাহারা বিদায় লইয়া চলিয়া গেলে লিটল রাশিয়ানকে উদ্দেশ্য করিয়া পাভেল বলিল, “লক্ষ্য করলে এদের?”

ধীর গম্ভীরভাবে লিটল রাশিয়ান উত্তর দিল, “হাঁ, দেখলাম। সূর্যাস্তের সময় মেঘের যে রূপ হয়, গভীর, ঘন—গতি আছে কিন্তু মন্থর!”

কিছুদিন পরে হঠাৎ একদিন আলুথালু ময়লা পোষাকে নিকোলে আসিয়া উপস্থিত হইল। ঘরে প্রবেশ করিয়াই পাভেলকে দেখিয়া সে জিজ্ঞাসা করিয়া উঠিল, “হাঁ হে, তোমরাও জান না, কে গরমভুকে খুন করলে?”

পাভেল উত্তর দিল, “না!”

“আঃ, লোকটা আমার কাজ মাটি করে দিলে, এখন কি করি?”

মুহূর্ত্ত সন্টার স্বরে পাভেল বলিল, “যা-তা বকে না নিকোলে!”

এতদিন পরে নিকোলেকে দেখিয়া তাহার জ্ঞানও মনের অন্তরে আঁজ কেমন একটা স্নেহ উল্লিখিত উঠিতেছিল। পাভেলের ভৎসনায় ব্যথিত হইয়া মা বলিয়া উঠলেন, “হারে, তুইও ওই রকম রক্ষ স্বরে কথা বলবি?”

মায়ের দিকে চাহিয়া ঘাড় নাড়া দিয়া নিকোলে বলিল, “দেখুন দেখি, এ পৃথিবীতে আমি কি করি? আমি ভাবি, অনবরত ভাবি, এ পৃথিবীতে আমার জায়গা কোথায়! অনেক দেখলাম, কোথাও আমার স্থান নেই। ছোটো কথা যে লোককে বুঝিয়ে বলবো, সে শক্তিও আমার নেই। আমি সব দেখি, সব বুঝি কিন্তু কোনও মতে মনের কথা খুলে বলতে পারি না। আমারও হৃদয় আছে, কিন্তু সে হতভাগা কথা বলতে শেখেনি।”

মাথা নত করিয়া সে পাভেলের সম্মুখে গিয়া টেবিলে আঙুল ঘষিতে ঘষিতে বলিল, “দেখ, আমাকে কাজ দাও, খুব শক্ত কাজ। আমি এরকম করে আর বেঁচে থাকতে পারি না। কোন মানে নেই, কোন মতলব নেই—কেন যে আছি, তার না আছে কোন অর্থ। তোমরা সবাই এই আন্দোলনের জগ্রে খাটছো—দেখছি তোমাদের সাধনায় এ আন্দোলন বেড়ে উঠছে—আমি শুধু তার বাইরে দাঁড়িয়ে আছি শুধু কাঠ কেটেই চলেছি। কাঠ কেটে আর কতদিন বেঁচে থাকা যায়? আমাকে একটা কাজ দাও—তোমাদের সঙ্গে নাও—”

পাভেল তাকে জড়াইয়া ধরিয়া বলিল, “নিশ্চয়ই নিশ্চয়ই তোমাকে সঙ্গে নেবো ভাই!”

পিছন হইতে লিটল রাশিয়ান সমস্ত কথাই শুনিয়াছিল। পদাঠেলিয়া ঘরে প্রবেশ করিয়া সে বলিল, “নিকোলে, আমি তোমাকে কম্পোজিটারের কাজ শেখাবো—তুমি আমাদের হয়ে কম্পোজিটারী করবে, কেমন?”

উল্লাসে নিকোলে বলিয়া উঠিল, “শেখাবে তো, তা হ’লে তোমাকে আমার এই ছুরিখানা উপহার দেবো, সত্যি!”

“দূর হো’কগে তোমার ছুরি!” বলিয়া লিটল রাশিয়ান হাসিয়া উঠিল।

“সত্যি বলছি, ছুরিটা যা-তা মনে করো না!”

এবার কি মনে করিয়া পাভেলও হাসিয়া উঠিল। নিকোলে অপ্রস্তুত হইয়া বলিয়া উঠিল, “বাঃ, বেশ মজা তো! আমাকে নিয়ে হাসবার কি পেলে?”

তাহার পিঠ চাপড়াইয়া লিটল রাশিয়ান বলিল, “আজ রাত্তিরটা ভারী শ্রমের লাগছে—চল বাইরে একটু বেড়াতে যাই। কেন যে হাসছি তখন বলবো’ খন!”

জানালায় দাঁড়াইয়া মা দেখিলেন, বাহিরে চন্দ্রালোকে তাহার তিনজন চলিয়াছে। ঘরে আলো নিভাইয়া দিতে খানিকটা চাঁদের আলো ঘরের মেঝেতে আসিয়া পড়িল। সেইখানে নতজান্ন হইয়া জানালার বাহিরে উদ্দেশ্যবোধের দিকে চাহিয়া মায়ের অন্তর বলিয়া উঠিল, প্রভু রক্ষা করো!

দিনগুলি এত তাড়াতাড়ি চলিয়া যাইতেছিল যে, পয়লা মের ব্যাপার

মা ভাল করিয়া মনে ভাবিতে পারিতেছিলেন না। রাত্রি বেলায় সারা-দিনের ক্লান্তির পর যখন বিছানায় শুইতেন তখনই সেই অনাগত দিনের ছায়া তাঁহার মনে আসিয়া পড়িত, বুকটা অজানা আশঙ্কায় ব্যথা করিয়া উঠিত, আপনার মনে বলিয়া উঠিতেন, হে প্রভু, কবে কাটবে পয়লা মে'র রাত্রি।

স্বর্গদেয়ের সঙ্গে সঙ্গেই কারখানার বাঁশী বাজিয়া উঠিলেই তাড়-তাড়ি কোনও রকমে হাত-মুখ ধুইয়ঃ ডঙ্কন খানেক কাজের ভার মাহের উপর চাপাইয়া পাভেল আর লিটল রাশিয়ান কারখানায় বাহির হইয়া যাইত। সারা দিন ধরিয়া চাকার মত মা দুরিয়া বেড়াইতেন, রান্না-বার্না করিতেন এবং সমস্ত সাংসারিক কাজ শেষ হইয়া গেলে মে'-দিবস উপলক্ষ্যে পোস্টার মারিবার জন্ত আঠা ঠোঁয়্যারী করিতেন। মাঝে মাঝে কোথা হইতে অচেনা সব লোক আসিয়া পাভেলের নামে চিঠি রাখিয়া যাইত—এবং কোন কথা না বলিয়া আবার তাহারঃ অদৃশ্য হইয়া যাইত। আশঙ্কায় মাহের মন কাঁপিয়া উঠিত।

পয়লা মে'র অগুণ্টানে যোগদানের আহ্বান-লিপিতে সমস্ত গ্রাম আর কারখানা ভরিয়া উঠিল। প্রতিদিন রাত্রিবেলা কখন নিঃশব্দে গাছের গায়ে, বেড়ার ধারে এমন কি, পুলিশ স্টেশনের সামনে সেই সমস্ত পোস্টার মার হইত! সকালবেলাই দেখা যাইত রাগে ফুলিতে ফুলিতে পুলিশের লোকেরা সেই সমস্ত পোস্টার ছিঁড়িয়া ফেলিতেছে এবং যাহাদের এই কার্য তাহাদের গা'তর্বাধি বুকিতে না পারিয়া শত অভিশাপ বর্ষণ করিতেছে! ছপূর যাইতে না যাইতেই আবার কোথা হইতে গ্রামের পথঘাট এই সমস্ত ছাণ্ডবিলে ভরিয়া উঠিত—সেগুলি প্রত্যেক পথিকের পায়ের তলায় গিয়া যেন গড়াগড়ি দিত। শহর হইতে গুপ্তচর আনা হইয়াছে। কারখানার পথে পথে দাঁড়াইয়া তাহারঃ সকলের গতিবিধি লক্ষ্য করিতেছে। কিন্তু কাহাকেও ধরিতে পারিতেছে না। মজুরেরঃ তাহাতে সবাই বেশ খুশী বোধ করিতেছিল। বুড়োরাও বেশ একটু হাসিয়া পথ চলিতে চলিতে বলাবলি করে, একটা কিছু ঘটছে, কি বল?

গ্রামের চারিদিকে লোক দল বাঁধিয়া এই আবেদনের কথা আলোচনা করে। প্রত্যেকেরই জীবনে যেন অতর্কিতে এবারের বসন্তে কোথা হইতে একটা নূতন চেতনা আসিয়া লাগিয়াছে। বহুদিন পরে সবাই উত্তেজিত

হইবার একটা যথেষ্ট হেতু যেন পাইয়াছে। কেহ উত্তেজিত হইয়া গোপনে বিদ্রোহীদের দেয় অভিশাপ; কেহ বা অজানা আশঙ্কা আর আশার মাঝখানে দোলে। খুব অল্প সংখ্যক লোকের মনে এই সমস্ত আবেদন এক নিগূঢ় আনন্দ জাগাইয়া তোলে। এক নব জাগ্রত চেতনার স্পন্দনে আনন্দে তাহাদের অন্তর ভরিয়া ওঠে।

পাভেল আর লিটল রাশিয়ানের বিছানার সহিত সকল সম্পর্ক উঠিয়া গিয়াছে। ঠিক ভোর হইবার পূর্বে তাহারা দুইজনে বাড়ী আসিত, ক্লাস্ত, বিবর্ণ, বিষক্ত। মা জানিতেন যে গ্রামের বাহিরে জলামাঠের মাঝখানে—বনে, তাহাদের নিশীথ-সভা বসে; জানিতেন গ্রামের মধ্যে অথারোহী পুলিশ পাহারায় জাগে, পথে প্রত্যেক মজুরকে ধরিয়া পুলিশের লোকেরা সার্চ করিয়া তবে ছাড়িয়া দেয়। সেই সঙ্গে ইহাও জানিতেন যে, হয়ত কোন রাজিতে তাহারা দুইজনেই গ্রেফতার হইয়া যাইতে পারে। মাঝে মাঝে মায়ের মনে হইত, পয়লা মে'র আগে যদি ইহারা দুইজনে গ্রেফতার হইয়া যায়, তাহা হইলে হয় ত ভালই হয়।

আশ্চর্যের কথা, গরমভের হত্যার ব্যাপার সন্ধ্যাে পুলিশ সকল অস্থানস্থানের চেষ্টা ত্যাগ করিয়াছে—লোকেও আর সে সন্ধ্যাে আলোচনা করে না। পুলিশ যখন সে ব্যাপার সন্ধ্যাে একেবারে চূপ হইয়া গেল তখন একদিন বিরক্ত হইয়া লিটল রাশিয়ান পাভেলকে বলিল, “দেখলে ব্যাপার, ওরা যে শুধু আমাদের মাছুষ বলে গণ্য করে না। তা নয়, আমাদের উপর যাদের লেলিয়ে দেয়, তাদেরও ওরা তেমনি দেখে। যতই লোকটার কথা আমার মনে হয়, ততই তার জন্তে আমার দুঃখ হয়—আমি তো তাকে হত্যা করতে চাইনি।”

কঠোর কঠে পাভেল বলিয়া উঠিল, “হয়েছে, থামো, ব্রাজি!” সান্ডনা দিবার জন্ত মা বলেন, “তোমার কি অপরাধ? একটা পচা জিনিসের সঙ্গে তোমার হঠাৎ ধাক্কা লেগে গিয়েছিল—তাতে সে জিনিসটা পড়ে গেছে—পচা ছিল বলেই না?”

“হয়ত তোমার কথাই সত্যি, মা! কিন্তু তবু এ আমার অন্তরের সান্ডনা নয়।”

অবশেষে একদিন রাজি-শেষে পয়লা মে'র প্রথম সূর্যকর দ্বারে আসিয়া করাঘাত করিল। প্রভাতে তেমনি কারখানার বাণী বাজিয়া উঠিল—দীর্ঘ,

কর্কশ, কঠোর! সারারাত্রি মা নিদ্রা যাইতে পারেন নাই। কারখানার বাঁশী শুনিয়াই বিজানা হইতে উঠিয়া তিনি সামোভারে আগুন জ্বালাইতে চলিলেন। আগুন জ্বালাইয়া প্রতিদিনের মত পাভেল আর লিটল রাশিয়ানের ঘরের সম্মুখে আসিয়া তাহাদের ডাকিতেই, তাঁহার মনে পড়িল, আজ পয়লা মে! নির্বাক হইয়া তিনি মুক্ত জানালার নিকটে গিয়া বাহিরের দিকে চাহিয়া দাঁড়াইয়া রহিলেন।

রাত্রিশেষে নীলাভ আকাশে প্রথম অরুণ-রাগ-স্পর্শে রঞ্জিত হইয়া রক্তাভ মেঘগুপ্তল জ্বত ভাসিয়া চলিয়াছিল, যেন যন্ত্রের ধূমোদগারের ভীষণ রবে ভীত সমস্ত হইয়া আকাশচারী কোন 'বহন'ের দল নীড়াতিমুখে ছুটিয়া চলিয়াছে। আপনার মধ্যে আপনি মগ্ন হইয়া মা সেট মেঘের গতির দিকে চাহিয়াছিলেন। একটা আশ্চর্য রকমের প্রশান্তি তাহারও অন্তর ভরিয়া বিরাজ করিতেছিল। হৃদয়ের গতিও সহজ যত্ন ছন্দে বহিতেছিল এবং মনে মনে তিনি এই প্রতিদিনের জীবনের সহজ স্তব্ধ-দুঃখের কথাই আপনার অজ্ঞাতসারে ভাবিতেছিলেন।

দ্বিতীয়বার কারখানার বাঁশী বাজিয়া উঠিল। মায়ের মনে হইল, আজ বাঁশীর আত্মন যেন দীর্ঘতর শোনাইতেছে। এমন সময় শুনিলেন, স্বভাব-কোমল কণ্ঠস্বরে নিদ্রাজড়িতভাবে লিটল রাশিয়ান পাভেলকে বলিতেছে, “বন্ধু, শুনছো, ঐ ডাকছে!”

বাহির হইতে মা প্রতিদিনের মত জানাইলেন, “আগুন তৈরী।”

সহাস্রকণ্ঠে পাভেল উত্তর দিল, “আমরাও প্রস্তুত!”

জানালার নিকটে আসিয়া বাহিরের আকাশের দিকে চাহিয়া লিটল রাশিয়ান আপনার মনে বলিয়া উঠিল, সেই সূর্য আজও উঠেছে, মেঘেরা তেমনি চলেছে ছুটে, কিন্তু আজ যেন মনে হয় কোথায় এদের সঙ্গে যোগ ছিল হয়ে গেল।

বাহিরে আসিয়া মাকে দেখিয়া প্রাতঃভিষাদন জানাইতেই মা তাহার নিকটে অগ্রসর হইয়া কানে কানে বলিলেন, “আজ ওর সঙ্গ ছাড়া তুই হস নি!”

“কখনই না। তুমি নিশ্চিত থেকে মা এ শুধু আজ বলে নয়, চিরদিনই তার চেষ্টা করবো।”

ঘর হইতে বাহির হইয়া তাহাদের উভয়কে একত্র দেখিয়া পাভেল বলিয়া উঠিল, “চুপি চুপি কি ষড়যন্ত্র হচ্ছিল?”

গরম জলে হাত-মুখ ধুইতে ধুইতে লিটল রাশিয়ান বলিল, “কিছু না! মা বলছিলেন যে ভালো করে হাত মুখগুলো ধুতে, যাতে মেয়েদের দৃষ্টি তোঁর চেয়ে আমার উপর বেশী পড়ে, বুঝলি?”

পাভেল তখন আপনার মনে গুন গুন করিয়া গাহিতেছিল, “জাগো, জাগো হে নিপীড়িত মানব!—”

বেলা বাড়িতে লাগিল। বায়ু-বিতাড়িত হইয়া কখন আকাশ হইতে মেঘের দল অদৃশ্য হইয়া গিয়াছে। মা চায়ের আয়োজন করিতেছিলেন আর তাহাদের দুইজনের সহাস্ত রসিকতা শুনিয়া বিস্মিত হইয়া ভাবিতেছিলেন, কয়েক ঘণ্টা পরে জীবনে যাহাদের কি হইবে কিছুই স্থিরতা নাই তাহারা কেমন নিরঙ্কুশ নিঃশব্দ অবস্থায় আলাপ করিতেছে। সকলের চেয়ে মায়ের আশ্চর্য লাগিল—কোথা হইতে তাঁহারও অন্তরে এক অপূর্ব প্রশান্তি আসিয়া দেখা দিয়াছে।

চায়ের টেবিলে আজ তাহারা অনেকক্ষণ ধরিয়া চা-পান করিল। পাভেল প্রতিদিন ধীরে ধীরে অতি সম্বর্পণে চায়ের কাপে চিনি মিশাইত, আজ যেন কাপের মধ্যে চামচটিকে বারে বারে ধীরে ধীরে নাড়িতেই তাহার ভাল লাগিতেছিল। টেবিলের আড়ালে লিটল রাশিয়ান অনবরত পা নাচাইতেছিল—একবারও সে পা-দুটিকে স্থির করিতে পারিতেছিল না এবং মুক্ত বাতায়ন দিয়া আগত সূর্যকরের গতি-স্পন্দনের দিকে একদৃষ্টে চাহিয়াছিল।

বহুক্ষণ দেওয়ালে-পড়া রোজটুকুর দিকে চাহিয়া থাকিতে থাকিতে লিটল রাশিয়ান বলিয়া উঠিল, “তখন আমার দশ বছর বয়স, ছোট্ট ছেলে—সাধ গিয়েছিল কাচের গেলাসে রোদ ভরে রাখবো। একদিন একটা কাচের গেলাস নিয়ে আস্তে আস্তে দেয়ালের কাছে গিয়ে রোজটুকু গেলাসে পুরে নেবো। ভেবে গেলাসটা সজোরে দেয়ালে বসিয়েছি—আর যায় কোথা। কাচের গেলাস টুকরো টুকরো হয়ে মাটিতে পড়ে গেল—হাত গেল-কেটে, তাঁর উপর হলো প্রহার। বড় রাগ হলো সূর্যের ওপর। প্রহারান্তে বাইরে গিয়ে দেখি একটা ডোবার জলে এসে পড়েছে সূর্যের আলো। প্রাণের আনন্দে জলে লাথি মারতে লাগলাম। ফলে সর্বাঙ্গ ভরে গেল কাদায়।

ফলে আর একবার হলো প্রহাঙ্গি। তখন আর কি করি? জানালায় উপর বসে আকাশের দিকে চেয়ে স্বর্ষকে ডেকে বললাম, ‘আমার এই কচুটি, আমার তো লাগেনি!’ ছবাব আকাশের দিকে চেয়ে মুখ ভ্যাংচালাম, আর তখন যেন একটি শাস্তি এলো।”

এই সমস্ত অবাস্তব কথায় মায়ের দৈর্ঘ্যচ্যুতি ঘটিতেছিল। তিনি হঠাৎ বলিয়া উঠিলেন, “আজকের শোভাযাত্রার কি আয়োজন হবে সেই কথাই এখন ভাব।”

পাভেল যত্ন হাসিয়া বলিল, “সমস্ত বন্দোবস্তই ঠিক হয়ে গিয়েছে।”

লিটল রাশিয়ান তেমনি উদাসদৃষ্টিতে বলিয়া উঠিল, “একবার যে জিনিস স্থির হয়ে গেছে, তা নিয়ে আর আলোচনা করা বৃথা—তাতে শুধু মনটা গুলিয়ে ওঠে। যদি আমরা গ্রেফতার হই—তা হ’লে নিকোলে এসে তোমাকে সব খবর দেবে এবং তুমিই বা কি করবে তা তার মুখ থেকে জানতে পারবে।”

“চল, এবার বেরিয়ে পড়ি,” পাভেল বলিয়া উঠিল।

“আঃ—অত ব্যস্ত কেন? এত সকাল থেকেই পুলিশের চোখের সামনে খুরে বেড়িয়ে কি লাভ হবে?”

এমন সময় ফিডিয়া উল্লাসে উৎফুল্ল হইয়া ছুটিয়া ঘরে প্রবেশ করিল। চীৎকার করিয়া উঠিল, “যাত্রা আরম্ভ হয়েছে। দলে দলে লোক কারখানা ছেড়ে রাস্তায় বেরিয়ে পড়েছে। কারখানার ফটকে নিকোলে, গুসেভা দুই ভাই আর সামোন্ড বক্তৃতা দিচ্ছে। আর নয়, তোমরাও এসো এবার। আমি এখন যাচ্ছি।”—বলিয়াই যেমন ঝড়ের মতন আসিয়াছিল তেমনি ঝড়ের মতন চলিয়া গেল।

পাভেল ও লিটল রাশিয়ান যাত্রার জন্ত উঠিয়া দাঁড়াইতে দেখিল, মা-ও সাজগোজ করিতেছেন।

“কোথায় যাবে মা?”—পাভেল জিজ্ঞাসা করিল।

“কেন, তোদের সঙ্গে।”

“তাই চল। কিন্তু মা, আমিও তোমাকে কোন কথা বলতে চাই না—তুমিও আমাকে কোন কথা বলো না। কেমন?”

“বেশ তাই হবে, তাই হবে।”

বাহিরে আসিতেই মা শুনিলেন কোথা হইতে দুটির দিনের গুঞ্জন মত

এক সমবেত শব্দ উঠিতেছে। পথ দিয়া চলিবার সময় দেখেন চারিদিক হইতে লোকে পাভেল ও লিটল রাশিয়ানের দিকে চাহিয়া আ'ছে। দরজা, ফটকে, জানালায়, চারিদিকে লোক—আর সবাই উৎসুক দৃষ্টিতে তাঁহাদের দিকেই চাহিয়া আছে।

শুনিলেন, লোকে তাহাদের দুইজনকে দেখাইয়া বলাবলি করিতেছে, এই দুজন হ'ল আসল নেতা!

চারিদিক হইতে নানারকমের কথা উঠিতেছে। জসিমভের বাড়ীর পাশ দিয়া যাইবার সময় ভাঙা পায়ে লাঠির ভর দিয়া জসিমভ জানালা হইতে গলা বাড়াইয়া চীৎকার করিয়া বলিয়া উঠিল, “শুনছে! পাভেল, ওসব চালাকি রেখে দাও—যেমন কুকুর, তেমনি মৃত্তর পাবে 'খন—যাও না!’” জসিমভ ঘরে বসিয়া ভাঙা পায়ের জন্তে কারখানা হইতে পেন্সন পাইত।

একজন প্রোট ব্যক্তি অগ্রসর হইয়া পাভেলকে ডিজ্ঞাসা করিল, “ই! হে, শুনছি না'কি তোমরা আজকে একটা ভয়ানক কাণ্ড করবে, সুপারিন্টেন্ডেন্টের ঘরে গিয়ে তার দোর-জানালা ভেঙে ফেলবে?”

হাসিয়া পাভেল উত্তর দিল, “কেন, আমরা কি মাতাল?”

তাহাকে বুঝাইয়া লিটল রাশিয়ান বলিল, “আমরা ওসব কিছুই করবো না—আমরা শুধু আমাদের পতাকা হাতে রাস্তা দিয়ে গান গেয়ে যাব—সেই গানেই থাকবে আমাদের প্রাণের কথা—”

আর একজন আসিয়া মাকে দেখিয়া গম্ভীরভাবে জানাইল, “ওরা দেখছি সত্যিই বলতো—তুমিই তা হ'লে কারখানায় লুকিয়ে বই দিয়ে যেতে, না?”

কথাটা পাভেলের কানে যাইতেই সে ডিজ্ঞাসা করিল, “কে বলে এ কথা?”

“কে আর বলবে? লোকের এই ধারণা।” বলিয়া লোকটি চলিয়া গেল।

লোকে যে এই কথা জানিতে পারিয়াছে, তাহাতে মা মনে মনে আনন্দিতই হইলেন। মায়ের দিকে ফিরিয়া পাভেল হাসিয়া বলিল, “মাগো, এবার তোমাকেও দেখছি জেলে যেতে হবে।”

“দরকার হয় তো যাব, তাতে কি!”

ক্রমে সূর্য আরও প্রখর হইয়া উঠিল। স্বচ্ছ সূর্যালোক আসিয়া সমগ্র

গ্রামখানিকে বাসন্তী শোভায় ভরিয়া তুলিল। যত বেলা হইতে লাগিল, রাস্তায় জনতা ততই বাড়িয়া উঠিতে লাগিল। ক্রমশ জনতার গুঞ্জনর অন্তরালে কখন কারখানার যন্ত্রের ঘর্ষর ধ্বনি ডুবিয়া গেল।

পথের এক কোণে নিকোলে তাহার সাধ্যমত বক্তৃতা দিতেছিল। ব'লিতে'ছিল, ...ফল থেকে যেমন রস নিঙড়ে বার করে, তেমনি করে তারা আমাদের জীবন থেকে সমস্ত আনন্দ, সমস্ত অল্পভূতি নিঙড়ে বার ক'রে নিয়েছে।

জনতার মধ্য হইতে প্রতিধ্বনির মত শব্দ জাগে, “সত্যি, সত্যি!”

নিকোলেকে অবসর দিবার জন্ত লিটল রাশিয়ান ইন্দিতে তাহাকে সরিয়া থাইতে বলিয়া স্বয়ং বক্তৃতা-ক্ষেত্র অ'রোহণ করিল।

“কমরেড, ওরা আমাদের শিখিয়েছে যে, জগতে নানান জাতি আছে, জার্মান, ফরাসী, ইংরেজ, যিহুদী—আরও কত কি! কিন্তু আসলে জগতে আছে দু'টা জাত—মাত্র দু'টা। একেবারে বিভিন্ন জাত—এক জাতের নাম দরিদ্র, অগ্র জাতের নাম ধনী। তারা কথা বলে আলাদা রকমের, তাবা পোষাক পরে আলাদা রকমের, ধর্ম তাদের আলাদা রকমের। ধনী ইংরেজ, ধনী জার্মান, ধনী রুশ যখন তাদের নিজেদের দেশেরই দরিদ্র শ্রমজীবীদের সঙ্গে ব্যবহার করে তখন তারা সবাই এক। আর এই আমরা দরিদ্র রুশ-শ্রমজীবী, দরিদ্র ফরাসী-শ্রমজীবী, দরিদ্র ইংরেজ-শ্রমজীবী যে কুকুর-বেরালের জীবনযাপন করতে বাধ্য হই—সেখানেও আমরা এক।...”

ক্রমশ জনতা বাড়িয়া ওঠে। উৎসুক আগ্রহে গলাগলি দাড়াইয়া নির্বাক বিস্ময়ে সবাই শোনে—

“...অপর দেশের শ্রমিকেরা এই সহজ সত্য বুঝতে পেরেছে, তাই আজ মে মাসের এই প্রথম দিনে, তারা সকল দেশের শ্রমিকদের সঙ্গে ভ্রাতৃত্ব-বন্ধনে আবদ্ধ হওয়ার জন্তে উৎসবের আয়োজন করে। এই দিন তারা সব বাজ ছেড়ে বেরিয়ে পড়ে রাস্তায়। একদিনের জন্তে তারা উদার আকাশের তলায় পরস্পরকে ভাল করে দেখে, বোঝে; এবং সকলে মিলে সেই দেখাশোনার মধ্যে দিয়ে জেগে ওঠে সকল জাতির শ্রমিকদের সম্মিলিত শক্তির সম্ভাবনার কথা। প্রত্যেকের বুকে জেগে ওঠে এক পরম আত্মীয়তা—প্রত্যেকের মনে জাগে এই মুক্তি-পণ, প্রয়োজন হ'লে জীবন-আহুতি দিতে হবে জগতের সকলের মুক্তির জেগে, সত্যের মুক্তির জেগে...”

এমন সময়ে জনতা হইতে কয়েকটি কণ্ঠে চীৎকার ধ্বনিয়া উঠিল, “পুলিস !”

বড় রাস্তা হইতে বারজন অস্বারোহী সৈন্তকে আসিতে দেখিয়া জনতা দেখিতে দেখিতে ভাঙিয়া গেল। লিটল রাশিয়ান এক কোণে সরিয়া দাঁড়াইল। অস্বারোহীরা চলিয়া গেল। সে পাভেল ও মায়ের সঙ্গে আবার পথ ধরিয়া অগ্রসর হইতে লাগিল।

পার্কের নিকটে আসিয়া দেখিল সেইখানেই সমস্ত লোক এখনও সমবেত হইয়া আছে। পাভেলরা জনতার মধ্য দিয়া প্রবেশ করিল। তাহাদের দেখিয়া সকলেই একেবারে নীরব হইয়া গেল।

একটা উচু জায়গায় দাঁড়াইয়া পাভেল সেই জনতাকে আহ্বান করিতে সকলের মৌন দৃষ্টি তাহার উপর গিয়া পড়িল। পাভেল বলিয়া উঠিল, “ভাইরা সব, আজ সময় এসেছে আমাদের এই জীবন-দারা পরিবর্তন করে এই লোভে কুৎসিত, অন্ধকারে ত্রিয়মান, মিথ্যায় পঙ্কু, অনাচারে ব্যর্থ জীবন পরিবর্তন করে বিশ্ব-জোড়া মাণ্ডলের সমাজে আমাদের মানবতাকে তুলে ধরবার।”

কিছুক্ষণ নীরব থাকিবার পর পাভেল আবার বলিয়া চলিল, “কমরেড, তাই আজ আমরা স্থির করেছি, প্রকাশভাবে আত্ম-পরিচয় দেব—জানাব আমরা কারা, কি চাই। তাই আজ তোমাদের সকলের সম্মুখে এই পতাকা তুললাম—এই সত্যের, শ্রমের ও মুক্তির পতাকা।”

পাভেলের উদ্ভত হস্তে শূণ্ণে পতাকা ছলিয়া উঠিল। রক্ত-বর্ণ এক বিরাট বিহঙ্গমের মুক্ত পক্ষের মত জনতার মাথার উপর পতাকা নড়িয়া উঠিল।

পাভেল পতাকা হস্তে চীৎকার করিয়া উঠিল, “দীর্ঘজীবী হোক আমাদের এই বঞ্চিত শ্রমিকের দল।”

জনতার মধ্য হইতে শত কণ্ঠে প্রতিধ্বনি জাগিয়া উঠিল, “দীর্ঘজীবী হোক আমাদেরর সোশ্যাল ডেমোক্রেটিক শ্রমিক পার্টি, আমাদের সঙ্গ, আমাদের জননী।”

প্রতিধ্বনির উত্তরে পাভেল চীৎকার করিয়া উঠিল, “দীর্ঘজীবী হোক সকল দেশের সকল জাতির নির্যাতিত মানুষের দল।”

জনতার মধ্য হইতে সহস্র কণ্ঠে এক বাণীহীন বিরাট আনন্দের উচ্ছ্বাস জাগিয়া উঠিল।

মা পাভেলের নিকটে দাঁড়াইয়া ছিলেন। উৎসাহে পুত্রের হাত জড়াইয়া

ধরিতে গিয়া তিনি আর একজন অপরিচিতের হাত জড়াইয়া ধরিলেন। তখন মায়ের চোখ দিয়া আনন্দাশ্রু গড়াইয়া পড়িতেছিল।

উদ্ভাদ জনতাকে শাস্ত করিয়া আবার লিটল রাশিয়ানের কণ্ঠস্বর জাগিয়া উঠিল, “বন্ধুবা সব, আজ এক নতুন দেবতার নামে। সাম্যের, শ্রীতির ও মুক্তির দেবতার নামে আমরা এক দীর্ঘপথে তীর্থযাত্রায় বেরিয়েছি। বহুদূর পথ, বড় বন্ধুর! সেখানে পৌঁছতে হবে—জানি সে অনেক দূর, আর এ-ও জানি কাঁটার মুকুট আছে খুবই কাছে—বুকের ভেতরে। এই জনতার মধ্যে যে আছে অবিশ্বাসী সত্যের অদম্য শক্তিতে, যে আছে ভীক, সত্যের জগ্ন পারবে না মৃত্যুকে আলিঙ্গন করতে, নিজেকে যে আজও চেনোনি, জানোনি, বেদনার ভয়ে পদ্ম খার চিত্ত সে আজ এসো না। আমাদের এই তীর্থযাত্রায়। আজ আমাদের এই আশ্রয় শুধু তাকে, যে অন্তর দিয়ে বিশ্বাস কবেছে আমাদের এই আদর্শকে। কে আছে আত্মবিশ্বাসী, কে আছে বন্ধু, এগিয়ে এসে! আমাদের সঙ্গে, আজ এই মে মাসের প্রথম দিনে, মুক্ত-চিত্ত মানুষের এই মহ-মহোৎসবের দিনে!”

পাভেল পতাকা হাতে সম্মুখে আসিয়া দাঁড়াইল। তাহার পিছনে দেখিতে দেখিতে বিরাট জনতা! শ্রেণীবদ্ধ ভাবে আসিয়া দাঁড়াইল। তাহারা আগাইয়া চলিল—শতকণ্ঠে সঙ্গীত জাগিয়া উঠিল :

“জাগো জাগো হে নিষাঢ়িত শ্রমকের দল

এ রণভেরী বাজে, এগিয়ে চল হে ক্ষুধিত-মানুষের দল।”

মা বহুবার এই সঙ্গীত শুনিয়াছিলেন—চাপ গলায় চুপি চুপি পাভেল গাহিত—লিটল রাশিয়ান তাহার সঙ্গে শীষ দিত। সেদিন বোঝেন নাই—আজ বুঝিলেন সেই সঙ্গীতের সার্থকতা কোথায়।

“এগিয়ে চল দেখানে রয়েছে বেদনা-বন্ধ বন্ধুরা সব—

জনতার চাপে মা ক্রমশ পুত্রের নিকট হইতে পিছাইয়া পড়িতেছিলেন। তিনি শুধু চাইয়া ছিলেন পাভেলের হাতের রক্ত-পতাকার দিকে। সকলের দৃষ্টি ছিল সেই দিকেই এবং সবাই সচেষ্ট কোন রকমে সেই পতাকার নিকট স্থান অধিকার করিতে। জনতার মধ্যে প্রত্যেকে আপনার উচ্ছ্বাসে কথা কহিতেছিল কিন্তু প্রত্যেকের সেই বিচ্ছিন্ন কথার উদ্দেশ্য জাগিয়া উঠিতেছিল নতুন দিনের এই নতুন সঙ্গীত! অতীত দিনের অন্ধবিলাপ তাহাতে ছিল

না। নিবীৰ্ণ বিষয়তাহার শ্রান অরণ্যপথে যে অসংখ্য চিত্ত কাঁদিয়া বেড়ায়, এ তাহার বাণী নয়! কল্পশাস বন্ধ-ঘরে একটুকু নিঃশ্বাস লইবার জন্তে যে আকৃতি—এ তাহার স্বর নয়! ভাল-মন্দ একসঙ্গে ভাঙিয়া ফেলিবার জন্ত ক্ষুদ্র আক্রোশের উচ্ছ্বাসও ইহাতে ছিল না—আদিম আরণ্যক প্রবৃত্তির দোহাই দিয়া স্বাধীনতার জন্তে স্বাধীনতা ছিনাইয়া আনিবার কথাও ইহাতে নাই। এ সঙ্গীত ছুটিয়া উঠিয়াছে অতি সহজ, সরল, সবল এক ভঙ্গীতে। নির্যাতিত মানুষের বেদনার কথা, যে বেদনা সে পাইয়াছে—ভবিষ্যতে এখনও যাগ তাহাকে পাইতে হইবে—

যুদ্ধের জন্ত জ্বরের চাই সৈন্ত!

তোমরা দিগ্বেদ তোমাদের বুকের সন্তানদের সেই জন্ত—

সহস' মা দেখিলেন রাস্তার মোড়ে পাঁচিলের মত একটা নিশ্চল মানুষের পাঁচিল দাঁড়াইয়া আছে। ইটের মত তাহাদের প্রত্যেকের চেহারা এক এবং মা ভাল করিয়া চাহিয়া দেখিলেন। দেখিলেন, যেন তাহাদের কাহারও মুখ নাই। প্রত্যেকের কাঁধের উপর শুধু তরবারি স্থধকরে ঝিকমিক করিতেছে। সেই নিশ্চল পাঁচিলের দিক হইতে একটা তীব্র হিমালী প্রবাহ যেন জনতার বৃকে আসিয়া লাগিল। মা সমস্তই অন্ধকার দেখিতে লাগিলেন।

শুনিলেন পাখেল চীৎকার করিয়া বলিতেছে, “বন্ধুরা সব, এমনি এগিয়ে চলতে হবে—সার জীবন। এ ছাড়, আর গতি নেই—এগিয়ে এস, এগিয়ে চল বন্ধু!”

সহস! সঙ্গীতের সম্মিলিত স্বর কাটিয়া গেল। মাত্র কয়েকটি কণ্ঠে সঙ্গীত ধ্বনিয়া উঠিতেছিল। মা চাহিয়া দেখিলেন, জনতা দাঁড়াইয়া আছে, জনতাকে ছাড়াইয়া মাত্র কয়েকটি লোক গান গাহিতে গাহিতে আগাইয়া চলিয়াছে। তাহাদের সামনে পতাকা-হস্তে পাতেল, পাশ্বে লিটল রাশিয়ান।

মা শুনিলেন, ফিডিয়া'র কণ্ঠস্বর, “জীবনের সংগ্রামে—”

কে একজন তাহারই হৃদয় ধরিয়া গাহিল, “তোমরাই দিয়াছ আত্মবলি— ভাল করিয়া চারিদিকে চাহিতেই দেখিলেন কখন জনতা ছত্রভঙ্গ হইয়া গিয়াছে। পিছনে আর তিনি ফিরিয়া চাহিলেন না, শুনিলেন ছুটিয়া পলাইবার শব্দ হইতেছে। সম্মুখে দেখিলেন মাত্র জন বারো লোক সেই নিশ্চল মানুষের পাঁচিলের দিকে আগাইয়া চলিয়াছে। এমন সময় কঠোর কঠিন কণ্ঠে কে আজ্ঞা দিল, “বেয়নেট চালাও!”

মা চাহিতে চেষ্টা করিলেন, মনে হইল তিনি যেন অসীম অনন্তের দিকে চাহিয়া আছেন। ধীরে ধীরে তিনি পাভেল এবং লিটল রাশিয়ানের দিকে আগাইয়া চলিলেন। দেখিলেন লিটল রাশিয়ান তাহার দীর্ঘ দেহ লইয়া পাভেলকে আগলাইয়া সবার সম্মুখে গিয়া দাঁড়াইয়াছে। পাভেল ক্রুদ্ধ হইয়া বলিয়া উঠিল, “এ কি, আমার সামনে এসে দাঁড়ালে কেন?”

তাহার কথায় কর্ণপাত না করিয়া দুই হাত পিছনে দিয়া লিটল রাশিয়ান গান গাহিয়া আগাইয়া আসিল।

পাভেল চীৎকার করিয়া উঠিল, “পাশে এস, পতাকা থাক সকলের আগে!”

এমন সময় পাঁচিল নড়িয়া উঠিল। একজন অফিসার আগাইয়া আসিয়া মাটিতে পাঠুকিয় হুকুম করিল, “ফিরে যাও বলছি।”

মা দেখিলেন প্রচুর সূর্যকরে অফিসারটির পোষাকের পালিস বিক্মিক করিয়া উঠিল। আচ্ছন্নর মত মা আগাইয়া চলিলেন। পিছনে আর চাহিলেন না; স্পষ্টই বৃষ্টিতে পারিতেছিলেন যে, জনতা বহু দূরে সরিয়া গিয়াছে, ঝড়ো-হাওয়ায় শুকনো পাতার মত তাহারা কোথায় ছত্রভঙ্গ হইয়া গিয়াছে।

যে কয়েকজন লোক আগাইয়া চলিয়াছিল, তাহারা পতাকাকে ঘিরিয়া দাঁড়াইল। হুকুম হইল, “পতাকা কেড়ে নাও!”

মা শুনিলেন দূর হইতে কাহারো চীৎকার করিয়া বলিতেছে, ‘পাভেল পাগিয়ে এস!’

“পতাকাটা ফেলেই দাও না!”

নিকোলে পাভেলের পিছন হইতে বলিল, “পতাকাটা আমার হাতে দাও, আমি লুকিয়ে ফেলি।”

নিকোলের দিকে না চাহিয়া পাভেল গজিয়া উঠিল, “চূপ কর বলছি!”

নিকোলে পতাকা লইবার জগ্গ হাত বাড়াইয়াছিল— মনে হইল তাহার হাতে কে যেন জলন্ত অঙ্গার ফেলিয়া দিল।

“কেড়ে নাও এক্ষুণি!”

একজন সৈন্য লাফাইয়া পাভেলের হাত হইতে পতাকাটি ছিনাইয়া লইল। রক্ত পতাকাটি উর্ধ্বে একবার নড়িয়া উঠিয়া একেবারে অদৃশ্য হইয়া গেল।

“গ্রেপ্তার কর!”

বেয়নেট আগাইয়া কয়েকজন সৈনিক অগ্রসর হইল। মা শুনিলেন, কাতরকণ্ঠে কে বলিয়া উঠিল, “ওঃ!” উন্নাদের মত মা চীৎকার করিয়া উঠিলেন।

শুনিলেন, সৈন্যদের ভিড়ের মধ্য হইতে পাভেলের স্পষ্ট স্বর, সে বিদায় চাহিতেছে ‘মাগো বিদায়!’

শুনিলেন লিটল রাশিয়ান বলিতেছে, “আসি, মা!”

বৃকের মধ্যে কে যেন পরম-আশ্বাসে বলিয়া উঠিল, তারা বেঁচে আছে তা হলে!

কোনও রকমে দুইটি হাত উদ্ধে তুলিয়া তাহাদের বিদায়-সম্ভাষণের প্রত্যাশার দিলেন। তারপর তাহাদের শেষবার দেখিয়া লইবার জগা উঠিয়া দাঁড়াইলেন। দেখিলেন, আশ্রিত স্থানে মুখখানি তাঁহার দিকে ফিরিয়াই হাসিতেছে।

মা চীৎকার করিয়া উঠিলেন “ওরে এণ্ড্রাসা, ওরে পাশা—” অদূরে তাহারা শেষবার সহকর্মী বন্ধুদের নিকট বিদায় লইতেছিল, বলিতেছিল, “বিদায়, বন্ধুরা সব, বিদায়!”

শুনিলেন বহুমিশ্রিত ভগ্নকণ্ঠে উত্তর ধনিয়া উঠিল, “বিদায়, বন্ধু, বিদায়!”

সহসা মা শুনিলেন, একজন সৈন্য রুঢ়ভাবে তাঁহাকে ধাক্কা দিয়া বলিতেছে, “সরে যা এখান থেকে মাগি!”

আপাদমস্তক তাহাকে পর্যবেক্ষণ করিতেই মায়ের দৃষ্টি পড়িল,—সেই সৈন্যটির পায়ের তলায় পাভেলের হাতের পতাকার অংশ ভাঙিয়া পড়িয়া আছে। ধীরে নত হইয়া সেই ছিন্ন পতাকা হইতে একটা লাল টুকরা তুলিয়া লইতেই সৈনিকটি জোরে তাহার হাত হইতে তাহা ছিনাইয়া লইয়া পায়ের তলায় ফেলিয়া ঘষিতে লাগিল।

এমন সময় অদূরে শোনা গেল দুইটি কণ্ঠের মিলিত সঙ্গীত—

“জাগো হে নিদ্রিত শ্রমিকের দল!”

সেই সঙ্গীতে অফিসার ক্ষিপ্ত হইয়া সৈন্যদের লক্ষ্য করিয়া হুকুম দিলেন, ‘সার্জেন্ট ক্রোভ, গান থামাও!’

কে বলিয়া উঠিল, “মুখ বন্ধ করে দাও ওদের!”

সহসা গানের ভাষা মাঝপথে যেন ছত্রভঙ্গ হইয়া গেল; অবশেষে ক্ষীণ স্বরটুকুও একবার যেন কাঁপিয়া উঠিল, তারপর সব নিস্তব্ধ হইয়া গেল।

মার্জেটটি চলিয়া গেলে মা সেই মখিত পতাকার অংশটুকু বুকের মধ্যে লইয়া ফিরিয়া চলিলেন। কিছুদূর যাইতে না যাইতেই এক গলির মুখে দেখিলেন, বহুলোক তখনও জটলা বাধিয়া রহিয়াছে।

একজন বলিতেছে, “মনে রেখো, শুধু বাহাদুরী দেখাবার জন্তে তারা আজ বেয়নেটের মুখে এগিয়ে যায় নি।”

কেহ বলিতেছে, “সৈন্তগুলোর সামনে যখন এগিয়ে গেল দেখেছিলে, ওঃ—”

“একবার পাভেলের কথা ভাব—”

“লিটল রাশিয়ান কম কি?”

“তা বটে, হাত পেছনে পিছ-মোড়া করে বেঁধেছে—কিন্তু হাসিটুকু মুখে লেগেই আছে—”

সহসা তাহাদের সেই প্রশংসার বাণী শুনিয়া মা বলিয়া উঠিলেন, ভগবানের দোহাই, তোরা শোন। তোরা সবাই এত ভালো একবার শুধু তোরা তোদের হৃদয়-মন গলে চেয়ে দেখ। সমস্ত ভয় দূর করে দিয়ে তোরা একবার স্পষ্ট করে চেয়ে দেখ, দেখি—দেখ, আমাদের বুক চেরা ধন সব চলেছে এগিয়ে জগতের পথে সত্যকে খুঁজে বার করবার জন্তে, আমাদের দেহের রক্ত আজ মূর্তি ধরে, ওরে চেয়ে দেখ, চলেছে একলা পথে। তোমাদের জন্তে, তোদের সকলের জন্তে, তারা শাহতি দিতে চলেছে তাদের প্রাণ। তারা তাদের আলো দিয়ে নতুন স্বর্ষ গড়তে চায়, তাদের জীবন দিয়ে তারা চায়, নতুনতর জীবন গড়ে তুলতে—কল্যাণে সুন্দর, সত্যে সুমহান নতুনতর এক বিরাট জীবন—

সহসা মায়ের মনে হইল যেন দেহের অভ্যন্তরে হৃৎ-পিণ্ড স্থানচ্যুত হইয়া গিয়াছে, গলা শুকাইয়া আসিল। অন্তরের অন্তঃস্থলে কোথায় কোন্ গভীর-তম প্রদেশে সর্ববাণী এক সর্বসহা প্রেমের মহাবাণী নবজন্মলাভ করিতেছিল—তাহারই জন্ম-বেদনায় তাহার মাতৃদেহ দীর্ঘ হইয়া যাইতেছিল। চারিদিকে চাহিয়া দেখিলেন, লোকে মন্ত্রমুগ্ধের মত নীরবে তাহার দিকে চাহিয়া আছে—তাঁহার কথা শুনিবে বলিয়া সকলেই উদ্গ্রীব।

“চেয়ে দেখ, আনন্দ-লোকের দিকে চলেছে আমার আনন্দ গোপালরা। তোদের সকলের জন্তে, তোদের সকলের স্ব্থের জন্তে, সমস্ত অনাচারের বিরুদ্ধে আজ তারা যাত্রা করলো। এই দুঃখিনী মায়ের একমাত্র অনুরোধ—

তাদের তোরা ত্যাগ করিস্ না, পথে তাদের একলা দাঁড় করিয়ে তোরা
পালিয়ে যাস্নি। নিজেদের দিকে চেয়ে নিজেদের লজ্জা করতে শেখ্।
তাদের কথা মনে করে ভালবাসতে শেখ্।”

সহসা মায়ের সর্ব-দেহ অবশ হইয়া আসিল। মুহিত হইয়া তিনি
সেইখানেই পড়িয়া গেলেন।

ସା

ଦ୍ଵିତୀୟ ଭାଗ

নানা রঙের আবছায়া স্থিতির অস্পষ্টতার মধ্যে সেদিন মায়ের আচ্ছন্ন মত কাটিয়া গেল। সারা দেহ ও মনে অবসাদের-গ্লানি। মাঝে মাঝে চলিয়া-যাওয়া ছেলে কয়টির মুখ মনে পড়ে। ভাব-ঘোরে দেখেন,—তাহারা চলিয়াছে, পতাকা হুলিতেছে, পুলিশের লোকটি ঘুরিয়া ফিরিয়া বেড়াইতেছে। গানের শব্দ কানে আসিয়া লাগে, তারপর সমস্ত পাংশু হইয়া যায়। সেই পাংশু মহাশূন্যতার মধ্যে ফুটিয়া ওঠে রোদ্রে পুড়িয়া যাওয়া পাভেলের মুখখানি আর সেই সঙ্গে আঁকুর দু'টি চোখ— আকাশের মত স্বচ্ছ নীল।

অস্থির হইয়া ঘরময় ঘুরিয়া বেড়ান, কখনও জানালায় গিয়া বাহিরে পথের দিকে চাহিয়া থাকেন। আবার কি মনে করিয়া জানালা হইতে সরিয়া আসিয়া মাটির দিকে মাথা নচু করিয়া ঘরময় ঘুরিয়া বেড়ান। চলিতে-ফিরিতে চমকাইয়া ওঠেন। লক্ষ্যহীনভাবে ঘরের চারিদিকে কি যেন খুঁজবার জ্ঞান চাহিয়া দেখেন। বার বার জল খান কিংবা তৃষ্ণা তবুও দূর হয় না। ভিতরের দাবান্ন-জ্বালা কিছুতেই নিভে না। আজিকার দিনটিকে যেন নিষ্ঠুর খাঘাতে কে ধ্বংস করিয়া দিয়াছে। স্মৃতিদয়ে ছিল উৎসাহ, ছিল নির্ভরতা; তারপর মধ্য-দিন যাইতে না যাইতেই শুষ্ক হুল্ল নরক নিরর্থকতা—একি ইহার সমাপ্তি কোথাও নাই! শূন্য বিমূঢ় চিত্তে শুধু এই প্রশ্ন জাগিতেছিল, এখন কি হবে?

দুই-একজন প্রতিবেশিনী সমবেদনা জানাইয়া গেল কিন্তু তাহাতে মায়ের মন কিছুমাত্র সাড়া দিল না।

সন্ধ্যাবেলায় পুলিশের লোক আবার আসিল। তাহাদের আগমনবাতী সজোরে জ্ঞাপন করিয়া অন্ধ দোলাইয়া তাহারা ঘরে ঢুকিল। যথেষ্ট তৃপ্তির হাস।

একজন অফিসার মায়ের দিকে অগ্রসর হইয়া ব্যঙ্গচ্ছলে জিজ্ঞাসা করিল, “আমার পরম সৌভাগ্য, এই মধ্যে তিনবার আপনার দরজায় আসতে হলো! কেমন আছেন?”

শুষ্ক জিহ্বা ততোধিক শুষ্ক ওষ্ঠে স্পর্শ করাইয়া মা চুপ করিয়া রহিলেন। অফিসারটি আপনার মনে উপদেশ বাণী বধণ করিতে লাগিল। কিন্তু তাহার

একটি কথাও মায়ের মনে গিয়া পৌঁছাইতেছিল না—যেন কোথায় ঝি ঝি পোকা নিরর্থক শব্দ করিতেছে। এবার অফিসারটি বলিয়া উঠিল, “এ তোমার নিজের দোষ। ভগবান আর জ্বরকে শ্রদ্ধা করতে তোমার ছেলেকে তুমি শেখাতে পার নি—এ ত তোমারই দোষ!”

এইবার মায়ের মুখ হইতে কথা বাহির হইল। তিনি আপনার মনে উদাস ভাবে বলিয়া উঠিলেন, “সেই পথে একলা তাদের ছেড়ে দেওয়ার জন্তে যে শাস্তি সে আমাদের ছেলেরাই আমাদের দিচ্ছে! আজকাল তারাই আমাদের বিচারক!”

কথাগুলি ভাল করিয়া শুনিতে না পাইয়া অফিসারটি হুকুম দিয়া উঠিল, কি বলে? জ্বরে বল!

দীর্ঘশ্বাস ফেলিয়া মা বলিলেন, “বলছিলাম, আমাদের ছেলেরাই আজ আমাদের শাস্তি-দাতা।”

অফিসারটি রাগে তাড়াতাড়ি কি বলিল—কিন্তু মায়ের কানে তাহার একটি বর্ণও গিয়া পৌঁছিল না।

সাক্ষীর জগ্ন পুলিশের লোকেরা মেরিয়ানাকে ধরিয়া আনিয়াছিল। মায়ের পাশে চুপটি করিয়া সে দাঁড়াইয়াছিল—মায়ের মুখের দিকে চাহিবার শক্তিও তাহার ছিল না।

মেরিয়ানার দিকে লক্ষ্য করিয়া অফিসারটি কি প্রশ্ন করিতেই সম্ভ্রান্তভাবে সে বলিয়া উঠিল, হজুর, আমি কিছু জানি না। আমি মুখ্য মেয়েমানুষ, এ সবের কিছু জানি না। গরীব লোক—ফিরি করে কোন রকমে দিন চালাই।

অফিসারটি গর্জন করিয়া উঠিলেন, চুপ কর, তবে।

মাকে খানাতল্লাস করিবার ভার কিন্তু মেরিয়ানার উপর পড়িল। চক্ষু বিক্ষারিত করিয়া অত্যন্ত অফিসারটির দিকে চাহিয়া সে বলিল, হজুর, সে আমি কেমন করে পারি?

রাগে মাটিতে পা ঠুকিয়া অফিসারটি গর্জন করিয়া উঠিলেন। তাহার মূর্তি দেখিয়া মায়ের কাছে আগাইয়া আসিয়া মিনতির স্বরে সে বলিল, কি আর করি বল! কিছু মনে করিস্ না দিদি!

মায়ের গায়ের জামায় হাত দিতেই, ক্ষোভে এবং লজ্জায় মেরিয়ানার মুখ রক্তিম হইয়া উঠিল। দাঁতে দাঁত চাপিয়া সে বলিয়া ফেলিল, কুকুরের দল!

ঘরের এক কোণ হইতে অফিসারটি চিৎকার করিয়া উঠিলেন, ফিস্‌ফাস্ কি হচ্ছে ওখানে ?

ভয়ে মেরিয়ানা উত্তর দিল—কিছু না হজুর ; আমাদের ঘর-কম্বার কথা, হজুর !

থানাতল্লাসীর ওয়ারেন্টে সহি করিবার সময় মা কম্পিত-হস্তে ছাপান নামটির উপর হাত বুলাইয়া গেলেন—

“পেলাগুয়ে নিলোভন’, বিধবা কুলী-কামিন”

কাজ শেষ করিয়া তাঁহারা চলিয়া গেল। আবার একা মা জানালার ধারে আসিয়া দাঁড়াইলেন। বৃকের উপর হাত দুটি রাখিয়া নিষ্পলক নয়নে বাহিরের শূন্য অন্ধকারের দিকে চাহিয়া রহিলেন। প্রদীপে তৈল ফরাইয়া আসিয়াছিল ; শেষবার দপ্ করিয়া ক্ষণকালের জ্বল জলিয়া উঠিয়া তাহাও নিভিয়া গেল। অন্ধকারে একা বসিয়া রহিলেন—কাঁহারও বিরুদ্ধে কোন আক্রোশ নাই—অন্তরে যেন কোনও আঘাতের চিহ্ন নাই। বৃকের ভিতরে নিবিড় কালো মেঘ জমাট বাধিয়া সমস্ত অন্তরকে আচ্ছন্ন করিয়া ফেলিয়াছিল। কতক্ষণ এইভাবে জানালায় দাঁড়াইয়া ছিলেন, তাহা তিনিও জানিতেন না। একবার শুনিলেন, পথে জানালার তলায় দাঁড়াইয়া তাঁহাকে ডাকিয় মেরিয়ানা বলিয়া গেল, হতভাগি, এখনও দাঁড়িয়ে আছিস্—যা একটু বুঝে যা ! তারপর কখন অবসর হইয়া সেই জানালায় ধারেই ঘুমাইয়া পড়িয়াছেন।

পরের দিন দুপূর্ব বেলা আইভানোভিচ আসিয়া উপস্থিত হইল। তাহাকে দেখিয়াই মায়ের মন ভয়ে চমকাইয়া উঠিল। তাহার অভিবাদন গ্রহণ না করিয়াই তিনি বলিয়া উঠিলেন, আজই আবার কেন তুমি এলে ! পুলিশের লোকে যদি তোমাকে এখানে গ্রেফতার করে তা হ’ল পাভেলের আর নিষ্কৃতি নেই।

মায়ের হাত দুইটি জড়াইয়া ধরিয়া চোখের উপর চসমাটি ঠিক করিয়া লইয়া আইভানোভিচ বলিল, পাভেল আর আজির সঙ্গে আমার বন্ধোবস্ত হইয়াছিল, যদি তারা গ্রেপ্তার হয়, তাহলে তার পরের দিনই যেন তোমাকে আমি শহরে নিয়ে যাই।

—যদি তাদের তাই ইচ্ছে—আমার কোনও আপত্তি নেই—আর আমি কারুর গলগ্রহ হয়ে চূপ করে বসে থাকবো না।

—সে কথা মনেই আনবেন না। আমি একলা থাকি—একটা বোন আছে—সে কচিং কখন আসে।

—কিন্তু আমি কারুর গলগ্রহ হয়ে চূপ করে বসে থাকতে চাই না—

—আঃ, তার ভাবনা কি, যদি কাজ করতে চান তাও একটা জুটে যেতে পারে—

কাজ বলিতে মা এখন বুঝেন, যে আদর্শ অসমাপ্ত রাখিয়া তাঁহার ছেলে চলিয়া গিয়াছে, সেই একমাত্র কাজ।

আইভানোভিচের দিকে অগ্রসর হইয়া উৎসুক কণ্ঠে জিজ্ঞাসা করিলেন, সত্যি বলচো কাজ পাওয়া যাবে?

—অবশ্য আমার সংসারটি ছোট, এত ছোট যে নেই বললেই চলে—বিয়ে থা তো আর করা হয় নি।

—ওসব কথা কেন তুলছো—আমি ঘরকন্নার কাজের কথা বলছি না—আমি চাইছি কঠিন যা কিছু কাজ তাই করতে—এই জগতের কোন কাজ—

মায়ের দিকে অগ্রসর হইয়া চোখেতে হাসি ভরিয়া আইভানোভিচ বলিয়া উঠিল, যদি তুমি চাও জগতের কাজ, তোমারও জায়গা হবে, মা।

ইত্যবসরে মনে মনে মা এই সহজ ব্যাপারটি ভাবিয়া লইলেন, আমি পাভেলের কাজে একদিন সাহায্য করতে পেরেছিলাম—এবারেও তাই করবো। তার আদর্শের জন্তে যত বেশী লোক কাজ করবে ততই লোকের সামনে তার কথা সত্যি হয়ে উঠবে।

তবুও তাঁহার অন্তরের আবেগ এবং উদ্বেলতা সমগ্রভাবে যেন প্রকাশ করিতে পারিতেছিলেন না। অপরিজ্ঞাত ইচ্ছার ঘূর্ণাবর্তে ব্যথিত হইয়া শাস্তকণ্ঠে মা বলিয়া উঠিলেন, কিন্তু আমি কি করতে পারি! কি আমার কাজ?

কিছুকণ কি চিন্তা করিয়া আইভানোভিচ বিপ্লবীদের জিয়া-কাণ্ডের খুটিনাটি ব্যাপার মাঝে বুঝাইতে লাগিল। হঠাৎ একটা কথা স্মরণে আসিতে সে বলিল, দেখুন আপনাকে একটা কাজ করতে হবে—যখন জেলে পাভেলের সঙ্গে দেখা করতে যাবেন—তখন কোনও রকমে যে চাষাটা সেই খবরের কাগজের কথা বলেছিল, তার ঠিকানাটা জেনে আসবেন।

আনন্দে মা বলিয়া উঠিলেন, আমি জানি—তাদের ঠিকানা আমি জানি। তোমাদের কি কাগজ পত্র আছে আমাকে দাও—আমি এক্ষুণি তাদের কাছে

পৌছে দিয়ে আসছি। আমার কাছে বই থাকলে কেউ সন্দেহ করবে না।
—কারখানায় তো কত বিলি করেছি।

মা মনে মনে তখনই চিত্র দেখিতেছিলেন, দীর্ঘপথ বাহিয়া, অরণ্য প্রান্তর গ্রামান্তরের মধ্য দিয়া তিনি চলিয়াছেন, পিঠে তাঁহার একটা চামড়ার খলি, হাতে একটা লাঠি...

—বুঝলে, বাছা, এখন তুমি সব ঠিক ঠাক করে দাও, যাতে আমি তোমাদের এই কাজে লাগতে পারি। তোমাদের জন্ত আমি সব জায়গায় যাব। গ্রীষ্ম, বর্ষা, শীত সারা বছর ধরে আমি চলবো। যতদিন না মৃত্যু এসে টেনে নিয়ে যায় ততদিন এমনি চলবো! ওরে বুড়ো বয়সে আজ আমি সত্যের পথে শীর্থ-যাত্রায় বেরুবো—আমার মত বুড়ীর ভাগ্যে এর চেয়ে ভাল আর কি ঘটতে পারে? ভবঘুরের জীবন আমার বড় ভাল লাগে। সারা পৃথিবী সে আপনার মনে ঘুরে বেড়ায়, কিছু নেই তার সম্বল, কিছু নেই তার কামনা, শুধু দিনান্তে এক টুকরো রুটি। কেউ নেই তাকে হিংসে করবার—সবাইকে এড়িয়ে সে চলেছে একা। তেমনি করে আমিও বেরুবো—যেখানে থাকবে আমার আলি, যেখানে থাকবে আমার পাভেল—

এক অপূর্ব বিষমতায় মায়ের মন পূর্ণ হইয়া উঠিল। চোখের সামনে তিনি দেখিতে পাইতেছিলেন গৃহহীন হইয়া গ্রামে গ্রামে ঘুরিয়া বেড়াই-তেছেন—যিশুর নামে দ্বারে দ্বারে ভিক্ষা চাহিতেছেন—

আইভানোভিচ সন্তর্পণে মায়ের হাত দুইটি ধরিয়া বলিল, আপনি মস্ত বড় একটা দায়িত্ব নিজের কাঁধে নিতে চলেছেন—একবার ভাল করে ভেবে দেখুন—

—ভেবে দেখবো কি? এতে ভাববারই বা আমার আছে কি? এ ছাড়া কিসের জন্ত আর বৈচে থাকবো! কার কাজে আমি আর লাগবো? একটা সামান্য গাছ সেও ছায়া দেয়, কাঠ দেয়, আগুন হয়, হিমে লোককে দেয় আনন্দ। একটা বোবা গাছ, সেও মাহুষের কাজে লাগে—আর আমি রক্ত-মাংসের জীবন্ত মাহুষ, আমি লাগবো না কোনো কাজে? ছেলেরা—বুকের তাজা রক্ত দিয়ে গড়া ছেলেরা, আমাদের বুক-হেঁড়া রক্ত সব, তারা আজ অগ্নান বদনে স্বাধীনতার জগ্রে, মুক্তির জগ্রে নিজেদের হাসতে হাসতে বিসিয়ে দিচ্ছে, আর আমি ছেলের মা হয়ে—শুধু দাঁড়িয়ে তাই দেখবো?"

মায়ের চোখের সামনে ফুটিয়া উঠিল—সম্মুখে জনসমূহ চলিয়াছে—মুখে

তাহাদের জয়গান—পতাকা-হস্তে সবার সম্মুখে দাঁড়াইয়া তাঁহারই পুত্র—

—আমার ছেলে যদি সত্যের জন্তে প্রাণ দিতে পারে—আমি মা, কেমন করে তা দেখে চুপ করে বসে থাকবো? আজ আমি তাকে বুঝছি—সত্যের জন্ত সে জীবন উৎসর্গ করেছে। এতদিন পরে আমি বুঝছি সেই সত্যকে। আজ আমি বুঝি কি নিদারুণ বোঝা তাদের ঘাড়ে। আমিও তার নেবো তার—দোহাই তোদের, আমাকে নে তোদের সঙ্গে—

দীর্ঘশ্বাস ফেলিয়া আইভানোভিচ সক্রুণ দৃষ্টিতে মায়ের দিকে চাহিয়া বলিল, জীবনে এই প্রথম আমি এই রকম কথা শুনছি—

—এ ছাড়া আর আমি কি বলতে পারি? এই হতভাগিনী মায়ের বুকে আজ যে-সমস্ত কথা জমা হয়ে উঠছে তাকে যদি ভাষা দিতে পারতাম, তা হলে মনে হয় হাজার পাথরের চোখ ফেটে জল ঝরে পরতো—মানুষকে দুঃখ দিয়ে যাদের আনন্দ তাদেরও বুক হলে উঠতো। একদিন যেমন তারা যিশুকে জানিয়েছিল আর আজ যেমন তারা জানাচ্ছে দুধের বাছাদের বিষের আশ্বাদ কি, তেমনি আমিও তাদের জানাতে চাই বিষের আশ্বাদ কি! ওরে মায়ের বুকে দাগ কেটেছে ওরা—

আইভানোভিচ যাইবার জন্ত উঠিয়া দাঁড়াইল। তাঁহার হাতের নীর্ণ আঙুলগুলি কাঁপিতেছিল। ঘড়ির দিকে চাহিয়া তাড়াতাড়ি যাইবার জন্ত সে বলিল, তা হলে সমস্ত ঠিক রইলো—আপনি আমার সঙ্গে শহরে যাচ্ছেন? ঘাড় নাড়িয়া মা সম্মতি জানাইলেন।

—যত শিগগীর পারেন চলে আসুন—

সহসা কণ্ঠস্বর কোমল হইয়া আসাতে সঙ্কুচিত হইয়া বলিল, বুঝেছেন তো—আপনার জন্তে মন বড় চিন্তিত হয়ে থাকবে—

মা মাথা তুলিয়া তাহার মুখের দিকে চাহিলেন। কে সে তাঁহার? কেন তাহার এই স্নেহ-দুর্বলতা?

চুপ নত করিয়া তেমনি কণ্ঠস্বরে আইভানোভিচ জিজ্ঞাসা করিল—আপনার কাছে কিছু পয়সা কড়ি আছে কি?

—না।

তাড়াতাড়ি পকেট হইতে ব্যাগটি বাহির করিয়া কিছু অর্থ মায়ের হাতে দিয়া বলিল, বৎসামাস্ত এখন রাখুন!

অনিচ্ছাসত্ত্বেও মা হাসিয়া ফেলিলেন। বলিলেন, তোদের সবই উল্টো।

তোদের কাছে টাকাকড়ির কোন মূল্য নেই। লোকে দুটো পয়সা পাবার জগে কি না করে? আর তোরা, এক টুকরো কাগজ ও এক টুকরো তামা একই মনে করিস্। অগ্ন লোকের ওপর মায়া-মমতা আছে বলেই ওগুলো সঙ্গে রাখিস্!

আইভানোভিচ হাসিয়া বলিল ও বড় গুণ্ণোগলের জিনিস—দিতেও গুণ্ণোল, নিতেও গুণ্ণোল।

যাইবার সময় মায়ের হাত ধরিয়া আইভানোভিচ জিজ্ঞাসা করিল, তাহলে শিগগির আসছো, মা?

মা সম্মতি জানাইতে সে ধীর পাদক্ষেপে চলিয়া গেল।

তার চারদিন পরে দুইটি ট্রাক বোঝাই করিয়া মা ঘোড়ার গাড়িতে উঠিলেন। গ্রামের সীমান্ত ছাড়িয়া আসিবার সময় সহসা মা একবার পিছনের দিকে ফিরিয়া চাহিলেন—জীবনের আধারতম দিনগুলি যেখানে কাটাইয়া আসিয়াছেন, মনে হইল যেন চিরকালের মত তিনি সেই গ্রাম ছাড়িয়া চলিয়াছেন। একটা বৃহৎ রক্ত-কালো মাকড়সার মত দেখিলেন কারখানাটা দাড়াইয়া রহিয়াছে। ছোট ছোট একতাল বাঁড়ীগুলো জলার ধারে দাড়াইয়া যেন ধাক্কাধাক্কি করিতেছে। ধোঁয়ায় চারিদিক কালো। তাহারই মধ্যে খোলা জানালা দিয়া বাড়িগুলি যেন পরস্পর পরস্পরকে সন্ধান দৃষ্টিতে দেখিতেছে। ক্রমে গ্রামের গির্জাকে পিছনে ফেলিয়া চলিলেন। কিছুদূরে গিয়া পিছনে সেই গির্জার দিকে চাহিয়া মায়ের মনে হইল, কারখানার মত তাহারও বড় রক্ত-কালো হইয়া গিয়াছে।

গাড়োয়ান আপনার মনে গাড়ি ইঁকাইয়া চলিয়াছে। ঘোড়াকে বকিতেছে, কাদার কাছে আসিয়া গাড়ি হইতে নামিয়া ঘোড়ার বাশ ধরিয়া আবার খানিকটা ইটিয়া চলিতেছে।

ইটিয়া চলিতে চলিতে বলে, “দিদি, যে পথেই যাও, দুঃখের হাত থেকে রক্ষা পাবার উপায় নেই! দুঃখ থেকে দূরে নিয়ে যাবার জেনো একটিও পথ নেই। যত পথ দেখছো সব সেই এক জায়গায় পৌঁছে দেয়—”

বহুদিন গাড়ির চাকায় তেল দেওয়া হয় নাই। অরণ্য-পথ চাকার প্রতিবাদ-শব্দে মুখর হইয়া উঠিতেছিল।

একটা পরিত্যক্ত জনবিরল পথের ধারে বহুকালের পুরানো একটা দোতারা বাড়িতে একপাশে তিনখানি ঘর লইয়া আইভানোভিচ বাস করিত। ঘরগুলির সামনে একটি ছোট্ট ফুলের বাগান। বাগান হইতে নানা রকম গাছের শাখা খোলা জানালায় ভিড় করিয়া আসিয়া দাঁড়াইয়াছে। চারিদিক নিঃশব্দ। নীরব ঘরের দেওয়ালে, মেঝেতে গাছের ছায়াগুলি কাঁপিতেছে! ঘরের মধ্যে দেওয়ালের সঙ্গে লাগানো সেল্ফ-ভরা বই। তাহার উপরে দেওয়ালের গায়ে গভীর মূর্তি কাহাদের সমস্ত ছবি টাঙানো রহিয়াছে।

বাগানের দিকে জানালা-ওয়াল। একটি ছোট্ট ঘরে মাকে লইয়া গিয়া আইভানোভিচ জিজ্ঞাসা করিল, “এ ঘরে আপনার কোনও বিশেষ অসুবিধা হবে না বোধ হয়?”

মা দেখিলেন, এ ঘরেও সেল্ফ-ভরা বই! জানালায় ফুলের টবে হাত দিয়া দেখেন, মাটি শুকনো! কতদিন তাহাতে জল দেওয়া হয় নাই।

লজ্জিত হইয়া আইভানোভিচ বলে, ফুল বড় ভালাবাসি কিন্তু সময় নেই ওদের দেখবার!

জীবনে এই প্রথম মা অপরের বাড়িতে সম্পূর্ণ অজানা জায়গায় বাস করিলেন কিন্তু তিনি নিজে ভাবিয়া আশ্চর্য হইলেন যে, আরোঁ তাঁহার কোনও অসোয়াস্তি বোধ হইতেছে না। মনে হইতেছে যে, তিনি যেন তাঁহার নিজের ঘরেই আছেন।

ঘরের জিনিষ-পত্রের উপর কাহারও যে কোন দৃষ্টি নাই—মা ঘরে প্রবেশ করিয়াই তাহা বুঝিতে পারিয়াছিলেন। চারিদিক এলোমেলো, অগো-ছালো। সামোভারে ‘মরচে’ পড়িয়া গিয়াছে, বই খাতাপত্র চারিদিকে ছড়ান, নতুন করিয়া মা গৃহস্থালি সাজাইতে লাগিয়া গেলেন।

পরের দিন সকাল বেলা চা খাইবার সময় আইভানোভিচ ও মা গল্প করিতেছিলেন। আইভানোভিচ নিজের পরিচয় দিবার সূত্রে বলিতে-ছিল, “আমি ছিলাম একজন গ্রাম্য শিক্ষক। আমার বাবা ছিলেন কারখানার সুপারিন্টেন্ডেন্ট। গ্রামে চাষীদের মধ্যে আমি লুকিয়ে বই বিলি করতাম ও তাদের পড়ে শোনাতাম। পুলিশ জানতে পেরে আমাকে গ্রেফতার করে। সেবার জেল থেকে বেরিয়ে একটা বইয়ের দোকানে চাকরি পেলাম কিন্তু পুলিশের বিবেচনায় সৎভাবে জীবন-যাপন না করার অপরাধে আবার জেলে যেতে হলো। জেল থেকে সেবার আর্চ আঞ্জেলে আমাকে নির্বাসিত করা

হয়। সেখানেও শান্তি নেই, সেখানকার গবর্নরের সঙ্গে একদিন বাধিয়ে দিলাম ঝগড়া। প্রতিফল স্বরূপ সেখান থেকে নির্বাসিত হয়ে যাই খেত-সমুদ্রের ধারে এক নির্জন গ্রামে। সেই জনহীন গ্রামে নির্বাসিত হয়ে পাঁচ বৎসর বাস করতে হয়।—”

ইতিমধ্যে এই রকমের কিছু কিছু কাহিনী মা শুনিয়াছিলেন। সকলের বেলাতেই তিনি লক্ষ্য করিতেন যে, ইহারি নিজেদের দুঃখকষ্টের কথা পরম নির্বিকারভাবে কাহারও প্রাত কোনও আক্রোশ প্রকাশ না করিয়া একান্ত সহজভাবে কেমন বলে—যেন সেই সমস্ত নির্বাসিতনের জগৎ কেহই দায়ী নহে—তাঁরা যেন বাঁচিয়া থাকার মতই অবশ্যস্তাবী।

“আজ আমার বোন আসবে এখানে।”

“বিয়ে হয়েছে তার?”

“হয়েছিল, এখন সে বিধবা, তার স্বামী সাইবেরিয়ায় নির্বাসিত হয়।—সেখান থেকে পালিয়ে আসবার সময় ভয়ানক ঠাণ্ডা লেগে তার অস্থ্য হয় এবং তার ফলেই হৃদয়-লোক এই পৃথিবী থেকে ছুটি পান।”

“সে কি তোমার ছোট?”

“না, সে আমার চেয়ে দু'বছরের বড়। তার কাছে আমি বহু জিনিসের জগৎ ঋণী। ভারী গুণী মেয়ে—এই যে পিয়ানো দেখছেন—সে এসে বাজায়—এ যে গানের পাতা চারিদিকে ছড়ান—তারই কীর্তি—ভারী সুন্দর বাজায়—

“কোথায় থাকে?”

মুহু হাসিয়া আইভানোভিচ বলিল, “সর্বত্র! যেখানে-বুক পেতে দেবার প্রয়োজন সেইখানেই আছে সে—”

“তোমাদের এই আন্দোলনে?”

“নিশ্চয়ই।”

আইভানোভিচ তখন বাহির হইয়া গিয়াছিল—দ্বিপ্রহরে বিছানায় শুইয়া মা এই আন্দোলনের কথা ভাবিতেছিলেন। সহসা দেখেন ঘরের মধ্যে এক দীর্ঘাকৃতি সুন্দর-দেহা অপরূপ সুসজ্জিতা নারী দাঁড়াইয়া!

দীর্ঘে অগ্রসর হইয়া নারীটি মুহূর্ত্তে জিজ্ঞাসা করিল, “আপনিই কি পাভেলের মা?”

সহসা সেই সুসজ্জিতা সম্ভ্রান্ত নারীকে দেখিয়া মা শশব্যস্ত হইয়া উত্তর দিলেন, “হাঁ, আমিই পাভেলের মা।”

দুই হাত দিয়া মায়ের হাত দুইটি ধরিয়া নবাগতা বলিল, “আমি ঠিক এই রকমই ভেবেছিলাম। পাভেল আমাদের অনেক দিনের বন্ধু! আপনার কথা সে প্রায়ই বলতো! কিন্তু এখন রীতিমত খিদে পেয়ে গিয়েছে, এক কাপ কফি দিতে পারেন?”

“নিশ্চয়ই, এক্ষুণি তৈরী করে দিচ্ছি!”

কফির সরঞ্জাম ঠিক করিতে করিতে মা জিজ্ঞাসা করিলেন, “সত্যি, সে আমার কথা বলতো?”

“নিশ্চয়ই, আপনার সম্বন্ধে সে অনেক কথাই বলতো! একটা সিগারেটের বাক্স হইতে সিগারেট ধরাইয়া নবাগতা জিজ্ঞাসা করিলেন, “পাভেলকে নিয়ে আপনার খুব অসোয়াস্তি হতো, না?”

স্পিরিট ল্যাম্পের নীলাভ শিখার দিকে চাহিয়া মা হাসিয়া ফেলিলেন। এই নবাগতার সম্মুখে সমস্ত সঙ্কোচ পুত্র-গর্বের মধ্যে তলাইয়া গেল।

“অসোয়াস্তি বোধ করতাম নিশ্চয়ই! কিন্তু আমি দেখছি, সে যেখানেই থাকুক, সঙ্গীহীন নয়—এমন কি, আমিও আজ আর একা নই!” পরে নবাগতার দিকে মুখ তুলিয়া চাহিয়া মা জিজ্ঞাসা করিলেন, “তোমার নাম?”

—আমার নাম সোফিয়া—আইভানোভিচের দিদি!

তারপর কোনও ভূমিকা না করিয়া সোফিয়া বলিল, “দেখুন, এখন আমাদের সবচেয়ে বড় কাজ কি জানেন? ওরা এখন হাজতে আছে, শিগগিরই বিচার হবে এবং খুব সম্ভব বিচারে পাভেল নির্দাসিত হবে! সাইবেরিয়াতে পড়তে তাকে দেওয়া হবে না—তাকে আমাদের একান্ত প্রয়োজন! সেই জন্যে আমাদের প্রথম চেষ্টা হবে তাকে সাইবেরিয়া থেকে লুকিয়ে সরিয়ে আনা—”

“কিন্তু লুকিয়ে সে কত দিন থাকতে পারবে? আর লুকিয়ে থাকবেই বা কি করে?”

“ও, তার কোনও ভাবনা নেই। কত লোক এমনি পলাতক হয়ে কাজ করছে। এইমাত্র একজনের সঙ্গে দেখা হল, তাকে নিরাপদে পার করে দিয়ে এলাম। আমার এই সব বড়লোকের পোশাক যা দেখছেন—এই যে আমার চালচলন—সব তৈরী করা এবং এর আসল উদ্দেশ্য হচ্ছে কার্য উদ্ধার করা। তা না হলে মনে করেন, এই সমস্ত পরতে আমার ভাল লাগে? অনাড়ম্বর রূপ নিয়ে মাহুঘ পৃথিবীতে আসে, অনাড়ম্বরতাই তার একমাত্র রূপ।

বিকাল চারটার সময় আইভানোভিচ ফিরিয়া আসিল। খাওয়া দাওয়ার পর সন্ধ্যা-বেলা গল্পছলে আইভানোভিচ কাজের কথা তুলিল।

“দিদি, এখন শোন, তোমার জন্মে একটা নতুন কাজ আছে। বোধ হয় জানো, গ্রামের লোকদের জন্মে একটা খবরের কাগজ বার করবার ভার আমরা নিই। কিন্তু গ্রেফতারের ফলে গ্রামের লোকদের সঙ্গে আমাদের যোগাযোগ ছিন্ন হয়ে গিয়েছে। ইনি একজনের ঠিকানা জানেন সে কাগজ বিলি করবার ভার নেবে। তোমাকে এর সঙ্গে গিয়ে শিগগির একটা বন্দোবস্ত করে আসতে হবে।”

“বেশ, তাই হবে! এখান থেকে কতদূর?”

“মাইল পঞ্চাশ হবে!”

“চমৎকার! আচ্ছা, যাবার আগে তা হলে এটা গান গেয়ে যাই কি বলুন, আপনার আপত্তি নেই তো!”

“আমার কথা তুমি ভেবো না—মনে করে, আমি এখানে উপস্থিত নেই—”

“তা হলে আইভানোভিচ শোনো—এটা গ্রীণের রচনা—তার আগে জানালাটা বন্ধ করে দাও।”

পিয়ানো খুলিয়া সোফিয়া প্রথমে স্তম্ভপূর্ণে বাম হাত দিয়া বাজাইতে আরম্ভ করিলেন। প্রথমে ঘন রসাতল একটা স্বর বাহির হইল। তারপর আর একটি স্বর গভীর, দীর্ঘ—তাহার সহিত আসিয়া মিশিল। দুইটি স্বর আপনার ভার সহিতে না পারিয়া ঘেন কাপিয়া উঠিল। সহসা দক্ষিণ হাতের স্পর্শে, এক ঝাঁক পাখীর একসঙ্গে উড়িতে উড়িতে গায়ে গা লাগার মত একসঙ্গে তেমনি দ্রুত অসংখ্য স্বরের বিহঙ্গম উড়িয়া চলিল। এবং এই সমস্ত মিলিত স্বরের পিছনে ঝঙ্কা-মথিত সমুদ্রতরঙ্গের মত একটি আর্ত উন্মাদ শব্দ সারাক্ষণ ঢুলিতে লাগিল।

কিছুক্ষণ পর্যন্ত এই সমস্ত বিচিত্র স্বরের প্রতি একান্ত উদাসীন হইয়া মা নিরবে বসিয়াছিলেন। এসজীভের কিছুই তিনি বুঝিতেন না। তজ্জচ্ছন্ন চোখে তিনি দেখিতোছিলেন, ঘরের এককোণে পায়ের উপর পা দিয়া তন্ময় হইয়া আইভানোভিচ বসিয়া আছে। একটি পথভ্রান্ত স্বষের আলো কাপিতে কাপিতে আসিয়া সোফিয়ার শোনালী কেশগুচ্ছেয় উপর পড়িয়াছে। সেখান হইতে পাশ কাটাইয়া পিয়ানোর পর্দার উপর পড়িয়া সোফিয়ার

অঙ্গুলিস্পর্শে নিত্য স্পন্দমান হইতেছিল। খোলা জানালা দিয়া দেখা যাইতেছিল, বাহিরে বাগানে এ্যাকেসিয়া গাছের ডালগুলি আরামে झুলিতেছে। কখন সূরের তরঙ্গে সমস্ত ঘর ভরিয়া গিয়াছে, মা জানিতে পারেন নাই। কখন তিনি সেই শব্দ-তরঙ্গের মধ্যে তলাইয়া গিয়াছেন, তিনি তাহাও জানিতে পারেন নাই।

বহুদূরে তাঁহার মন চলিয়া গিয়াছিল। অন্ধকার অতীতের গহ্বর হইতে বহুদিনের ভুলিয়া-যাওয়া অত্যাচার আর অবিচারের স্মৃতি তাঁহার মনে জাগিয়া উঠিতেছিল।

—একবার তাহার স্বামী গভীর রাত্রে পরিপূর্ণ মাতাল হইয়া বাড়ি ফিরিল। কোনও কথা না বলিয়া হাত ধরিয়া বিছানা হইতে টানিয়া মাটিতে ফেলিয়া লাথি মারিতে লাগিল। চিৎকার করিয়া উঠিল—দূর হয়ে যা, এখান থেকে—তোকে দেখতে চাই না—

তাহার সেই লাথির আঘাত হইতে আত্মরক্ষা করিবার জ্ঞান কোনও মতে উঠিয়া তাড়াতাড়ি দুই বছরের শিশু ছেলেটিকে কোলে জড়াইয়া ধরিলেন যেন সে তাহার বর্ম। উলঙ্গ শিশু চিৎকার করিয়া কাঁদিয়া উঠিল।

—দূর হয়ে যা এখনও বলছি। বলিয়া স্বামী তাড়া করিয়া আসিল। লাফাইয়া রান্নাঘরে আসিয়া একটা ছেঁড়া জামা গায়ের উপর ফেলিয়া ছেলেটিকে একটি কাঁথায় মুড়িয়া লইয়া কোনও প্রতিবাদ, কোনও চিৎকার না করিয়া সেইদিন গভীর রাত্রে নগ্নপদে নির্জন পথে বাহির হইয়া পড়িলেন। ছেলেকে বুকে চাপিয়া ধরিয়া ঘুম-পাড়ানি গান গাহিতে গাহিতে রাঙা দিয়া চলিলেন।

ক্রমশ রাত্রি শেষ হইয়া আসিতে লাগিল। পাছে সেই অর্ধ-নগ্ন অবস্থায় কেউ দেখিয়া ফেলে—এই লজ্জায় এবং আশঙ্কায় পথের শেষে জলার দিকে একটা ঝোপের মধ্যে লুকাইয়া রহিলেন। রাত্রি শেষের সেই ভয়াবহ নির্জনতার মধ্যে বহুক্ষণ ধরিয়া নিস্পন্দভাবে বসিয়া রহিলেন—দু'বছরের শিশুটিকে বুকে দোলা দিতে দিতে অক্ষুট স্বরে ঘুম-পাড়ানি ছড়া গাহিতে লাগিলেন। শিশুটি ঘুমাইয়া পড়িল কিন্তু তাঁহার ক্ষত-বিক্ষত অন্তর তেমনি জাগিয়া রহিল।

ভোরের দিকে মাথার উপর দিয়া কি একটা পাখী ডানার ঝাপট মারিয়া

চলিয়া গেল। আর বিলম্ব করা উচিত নয় বিবেচনা করিয়া ঘরের দিকে ফিরিলেন। হয়ত দুমাইয়া আছে, নয়ত নতুনতর আঘাত সহিতে হইবে—

পিয়ানোর শেষ-পর্দায় স্বর মিলাইয়া গেলে সোফিয়া ভাইয়ের দিকে ফিরিয়া ধীরে জিজ্ঞাসা করিল “কি রকম লাগলো?”

ষাড় নাড়িয়া আইভানোভিচ বলিল, “অতি সুন্দর। লোকে বলে গান শুনে ভাবতে নেই! কিন্তু আমি না ভেবে পারি না। তোমার গান শুনে শুনে আমার মনে হতে লাগলো মানুষ যেন অনবরত প্রকৃতিকে প্রশংসা করছে— অনবরত যেন কাঁদছে, চিৎকার করছে, বুক চাপড়ে বলছে, কেন? প্রকৃতি কোনও উত্তর দেয় না—সে নীরবে শুধু নব-নব সৃষ্টি করে চলেছে। তার এই নির্বাক মৌনতার মধ্যে এই প্রশ্নের উত্তর জেগে ওঠে—আমি জানি না।”

নীরবে মা আইভানোভিচের কথাগুলি শুনিলেন কিন্তু তাহার কিছুই বুঝিতে পারিলেন না, বুঝিবার ইচ্ছাও তাহার যেন ছিল না। তাহার অন্তর তখন স্মৃতির কটকে ভরিয়া উঠিয়াছে। সমস্ত মনপ্রাণ তাহার সঙ্গীত চাটিতেছিল—আরো সঙ্গীত! অতীতের দিকে ফিরিয়া চান আর সামনের ভাই বোন দুজনকে দেখেন—মনে মনে ভাবেন—এই তো এরাও মানুষ— দুটি ভাই-বোন বন্ধুর মত কেমন সুখে বাস করছে—বই পড়ে গান গায়— গালাগালি করে না—মদ খায় না—একজন আর একজনকে আঘাত দিয়ে আনন্দ পাবার জন্তে উৎসুক নয়।

পিয়ানোর পর্দায় আঙুল দিয়া আঘাত করিয়া সোফিয়া ভাইকে ডাকিয়া বলিল, “এই গানখানি কোষ্টিয়ার বড় প্রিয় ছিল। প্রায়ই তার জন্তে আমি এই গানটা বাজাতাম। তোমার মনে আছে নিশ্চয়ই গানের স্বরকে কেমন সে ভাষা দিতে পারতো?”

একটু থামিয়া: আপনার মনে হাসিয়া সোফিয়া বলিয়া উঠিল, “সে একটা পুরোদস্তুর মানুষ ছিল—জগতে যে-কোনও জিনিস তার মনে সাড়া জাগিয়ে তুলতো, এমনি অপরূপ ছিল তার মন!”

মা বুঝিতে পারিলেন সোফিয়া তাহার মৃত স্বামীর কথা স্মরণ করিতেছে। লক্ষ্য করিলেন, পুরাতন স্মৃতি ভাবিতে আজও আনন্দে তাহার মুখ উদ্ভাসিত হইয়া উঠিতেছে।

আত্মমগ্নভাবে পিয়ানোর এক-আধটি পর্দায় মুহূ আঘাত দিতে দিতে সোফিয়া বলিতেছিল, কি শান্তি, কি তৃপ্তিই না সে আমাকে দিয়েছিল!

জীবনকে অহুভব করার কি প্রচণ্ড শক্তিই না ছিল তার! সর্বদাই আনন্দে উৎফুল্ল—শিশুর মতন।”

আপনার মনে মা বলিলেন, “ঠিক, শিশুর মতন।”

‘যখন আমি প্রথম তাকে এই গানটা শোনাই—তখন গান শোনার পর সে এইটে লিখে দিল—এই বলিয়া ধীরে সে আবৃত্তি করিতে লাগিল,—“নিরুত্তর উত্তর-দেশে মহাশূণ্ড এক সাগরের বুকে, পরিবর্তনহীন নিষ্পন্দ আকাশের ধূসর চন্দ্রাতপতলে চির তুহিনে-ঢাকা এক দ্বীপ আছে—জনহীন একটি পাহাড়! স্বচ্ছ নীল তুহিনের স্তর প্রাণহীন হিম-জলে অবাস্তিত অতিথির মত ভাসিয়া। সেই পাহাড়ের মসীকৃষ্ণ শৈল-গাত্রে নিয়ত প্রতিহত হইতেছে। সেই আঘাতের প্রতিধ্বনি মৃত্যুর মত স্থির সেই মহাশূণ্ডের বুকে এক সক্রিয় ধ্বনি জাগাইয়; তুলিতেছে। অনাদি কাল ধরিয়া সেই অতল সাগরের নির্জনতায় তাহারা ঘুরিয়া বেড়াইতেছে—ভীরুর কাছে আসিয়া পরস্পর পরস্পরকে স্পর্শ করিয়া আবার ফিরিয়া যাইতেছে। ফিরিয়া যাইবার সময় তাহারা প্রত্যেকে প্রত্যেকে শুধু এই প্রশ্ন জিজ্ঞাসা করে—কেন?”

আবৃত্তি শেষ করিয়াই সোফিয়া সেই নিরুত্তর-দেশে মহাশূণ্ড সাগরের বুকে জনহীন দ্বীপের গান বাজাইতে আরম্ভ করিল।

বাজনা শেষ হইলে মায়ের দিকে ফিরিয়া জিজ্ঞাসা করিল, “একটু চেষ্টামেচি করলুম, কিছু শ্রমে করবেন না।”

মায়ের অন্তর তখন স্মৃতির কণ্টকে ভরিয়া উঠিয়াছিল। অন্তরের চাক্ষুশ্য তিনি আর গোপন করিতে পারিতেছিলেন না।

“আমি তো বলেছিলাম, আমার দিকে তোমরা চেয়ো না। মনে কোরো আমি এখানে নেই। আমি বসে বসে তোমাদের কথা শুনিছি আর আমার নিজের কথাই ভাবছি।”

তারপর একে একে মা তাঁহার জীবনের সমস্ত ঘণা শাস্তভাবে তাহাদের সামনে বলিয়া যাইতে লাগিলেন। যে সমস্ত অত্যাচার নিজের জীবনে নীচবে সহিয়াছেন, যে সমস্ত বেদনার তিক্ততম দিন মুক হইয়া তাঁহার জীবনে মরিয়া গিয়াছে—আজ সহসা সমবেদনার স্পর্শে তাহারা সজীব হইয়া উঠিল।

ভাই-বোন দুজনে বিস্মিত তন্ময়তার সহিত সেই নিয়লঙ্কার কাহিনী শুনিল। মাহুষ ছাগল-গরুকে যে ভাবে দেখে, একটি নারীর জীবন সেই ভাবে অতিবাহিত হইয়া গিয়াছে এবং সে নারীকে বাহা বোঝান হইয়াছিল

সেও বিনা প্রতিবাদে তাহাই বুঝিয়া সেই রকম জীবন যাপন করিয়া আসিয়াছে। মায়ের সেই কাহিনী শুনিয়া তাহাদের মনে হইতেছিল যেন ঐ কাহিনীর মধ্য দিয়া লক্ষ লক্ষ অশুচ্যারিত নারী-জীবনের কথা জাগিয়া উঠিতেছে। মায়ের কথা শেষ হইলে সোফিয়া দীর্ঘশ্বাস ফেলিয়া বলিল—
 “আগে এক সময় আমার প্রায়ই মনে হতো, আমি কি অসুখী। জীবনটা মনে হতো একটা বিকার। তখন নির্বাসিতের জীবন যাপন করতাম। কোনও কাজ ছিল না, নিজের কথা ছাড়া ভাববারও কিছু ছিল না। একলা বসে জীবনের সমস্ত দুঃখ মনে মনে এক জায়গায় জড় করে প্রতিদিন ওজন করে দেখতাম আর বেদনায় মন ভারী হয়ে উঠতে। কিন্তু আপনার জীবনের কথা শুনে, আজ মনে হচ্ছে আমার সেই সমস্ত দুঃখ যদি দশ গুণ আরও বেশী হতো, তা হলেও আপনার জীবনের একটা মাসের তুলনা হতো না। প্রতি দিন, প্রতি মুহূর্ত ধরে বছরের পর বছর এ কি নির্বাতন! এত দুঃখ সইবার ক্ষমতাই বা কোথা থেকে পায় মানুষ?

দীর্ঘশ্বাস ফেলিয়া মা বলিলেন, “তা জানি না, তবে সবই হয়ে যায়।”

মায়ের দিকে চাহিয়া আইভানোভিচ বলিয়া উঠিল, “আমার গর্ব ছিল যে আমি জীবনকে জানি, বুঝি! কিন্তু আজ আমার চোখের সামনে দাঁড়িয়ে আপনি যে জীবনের কথা বললেন—তাকে তো আমি জানি না! যে সমস্ত মুহূর্ত দিয়ে এই জীবনের দীর্ঘ দিনগুলি তৈরী, এত ভয়ানক বীভৎস তারা, তা আমি ভাবতেও পারি নি।”

সহানুভূতির স্পর্শে মায়ের চিন্তা গলিয়া গেল। অশ্রুধ্ব কণ্ঠে বলিলেন, “এত দুঃখ আছে, বলে সব শেষ করতে পারি না!”

সোফিয়া সক্রণ দৃষ্টিতে মায়ের মুখের দিকে চাহিল—মায়ের মনে হইল সে দৃষ্টি যেন তাঁহার সর্বাঙ্গ লেহন করিতেছে!

এই পরিচয়ের চার দিন পরে এক দিন ভোর বেলায় মা ও সোফিয়া দুই কাঠ-কুড়োগী স্ত্রীলোকের বেশে আইভানোভিচের সম্মুখে আসিয়া দাঁড়াইলেন। কাঁধে কাঠ-কুড়োগের থলি, হাতে লাঠি।

বিদায় দিবার সময় ভগ্নীর দিকে চাহিয়া আইভানোভিচ বলিল, “তোকে এই বেশে দেখে মনে হচ্ছে যেন তুই পৃথিবীর সমস্ত তীর্থ এমনি ধারা ঘুরে বেড়িয়েছিস”

ক্রমে পথ ছাড়াইয়া দুইটি কাঠ-কুড়োগী গ্রামের পথে প্রান্তরের মধ্যে আসিয়া পড়িল।

মা জিজ্ঞাসা করেন, “হ্যা রে যেতে পারবি?”

হাসিয়া সোফিয়া বলে, “মাগো, মনে করেন কি জীবনে এই প্রথম?”

পথ চলিতে চলিতে সোফিয়া একে একে তাহার বিপ্লব-জীবনের সমস্ত কাহিনী মাকে বলে—বিশ্বয়ে মা শোনেন—কত বার নাম বদলাইতে হইয়াছে, কত জাল ছাড়পত্র-চিঠি তৈয়ারী করিতে হইয়াছে, কত ছদ্মবেশে দেশ-বিদেশে ঘুরিয়া বেড়াইতে হইয়াছে, নির্বাসন হইতে বন্ধুদের পলাইবার ব্যবস্থা করিতে হইয়াছে, লুকাইয়া তাহাদের লইয়া নিরাপদ স্থানে পৌছাইয়া দিতে হইয়াছে,—চাকর সাজিয়া পুলিশ ঢুকিবার সঙ্গে সঙ্গে বাড়ী ছাড়িয়া পলাইতে হইয়াছে—এমনি সব কাহিনী। যত পথ চলেন, তত মা লক্ষ্য করেন যে ছোট্ট মেয়ের মত সোফিয়া আজ যেন নূতন করিয়া আবার এই পৃথিবীকে দেখিতেছে। পথের ধারে যাহা দেখে, তাহাতেই আনন্দে তার প্রাণ ভরিয়া ওঠে।

চলিতে চলিতে হঠাৎ খামিয়া মাকে দেখাইয়া সে বলে, “দেখুন দেখি, ঐ পাইন গাছটা কি সুন্দর উঠেছে না?”

মা চাহিয়া দেখেন, অল্প সমস্ত পাইন গাছের মতই সেই গাছটি।

হঠাৎ মাথার উপর একটা পাখী ডাকিয়া উড়িয়া যায়। সোফিয়া এক দৃষ্টিতে তাহার দিকে চাহিয়া থাকে। মনে হয় যেন তাহার সর্বদেহ ওই পাখীর গানের সহিত ওই স্বদূর নীলে ভাসিয়া চলিয়াছে। কখনও বা পথের ধারের ঝোপ হইতে অতি সম্ভর্পণে একটি বনকুম্ম তুলিয়া মাকে দেখাইয়া অকারণে হাসিয়া ওঠে।

মাথার উপরে বসন্ত-দিনের সূর্য করুণ-কিরণে সমুজ্জ্বল। নিস্তরঙ্গ নীলাবর আলোকে মুদু কম্পমান। দুধারে পাইন বন, অন্তহীন স্নগভীর ঈষৎ তপ্ত বন-স্রভির কোমল মৃদল স্পর্শ চোখে মুখে আসিয়া লাগে।

মায়ের হৃদয় ছলিয়া ওঠে। সাধ যায়, পাশের মেয়েটির ঐ গাঢ় দুটি চোখ, এই বাসন্তী-মধ্যাহ্ন-উদার প্রকৃতির মত স্বচ্ছ ওই মেয়েটির হৃদয় যেন তাহার হৃদয়ের অতি নিকটতম স্থলে টানিয়া লন। কখন পথ চলিতে চলিতে অজ্ঞাতে মা সোফিয়ার ঘাড়ে আসিয়া পড়েন—যদি কোনও উপায়ে সোফিয়ার সেই কুণ্ঠাহীন দীপ্ত সম্ভাবনা তিনি আপনার মধ্যে আকর্ষণ করিয়া লইতে পারেন!

হঠাৎ দীর্ঘশ্বাস ফেলিয়া বলেন, তুই এখনও তরুণ, এখনও কত সম্ভাবনা!

সোফিয়া হাসিয়া বলে, “মাগো, জানো আমার বয়স হলো কত? একেবারে বত্ৰিশ?”

“আমি সে কথা বলছি না। তোমার মুখ দেখলে হয়ত তোকে তার চেয়েও বেশী বয়সের মনে হয়, কিন্তু তোমার চোখ, তোমার কণ্ঠস্বর বলে দেয়, যে, এই বসন্ত দিনের মতই তুই নবীন। জানি, জীবন তোমার অতি কঠোর দুঃখে ভরা, কিন্তু মনটি তোমার এখনও হাসছে।”

“বেশ বলেছ, মা। মনটি আমার এখনও হাসছে। তুমি তো মা বেশ কথা বলতে পার। কেমন সোজা, সুন্দর। কিন্তু ওই যে বললে কঠোর জীবন—মোটাই না। এক মুহূর্তের জন্তেও আমার মনে হয় না যে, যে জীবন আমি যাপন করি তা কঠোর বা দুঃখময়; এর চেয়ে মজার জীবন আমি কল্পনা করতে পারি না।”

তোদের আমার কেন এত ভাল লাগে জানিস্? মানুষের মনে পৌছবার যেটা সোজা রাস্তা। তোরা সবাই তা জানিস্! তোদের দেখলেই মানুষের মনের সব দরজা আপনা থেকেই খুলে যায়—মন যেন এগিয়ে এসে ধরা দেয়। তোরা পাপকে জয় করেছিস্, তাকে একেবারে ক্ষয় কর!

সোফিয়ার কণ্ঠে চরম আত্মনির্ভরতা ফুটিয়া ওঠে। সে বলে ‘নিশ্চই হবে আমরা জয়ী। কেন না যারা মাথার ঘাম পায়ে ধোলে পৃথিবীর ঐশ্বর্য বাড়ায় তারা রয়েছে আমাদের সঙ্গে। সত্য যে একদিন জয়-যুক্ত হবেই, এই চরম বিশ্বাস আমরা তাদের কাছ থেকেই পেয়েছি। তারাই হলো সকল রকম শক্তির, কি আত্মিক, কি দৈহিক, একমাত্র অফুরন্ত ভাণ্ডার। যা হয় নি, তা হবার সমস্ত সম্ভাবনা রয়েছে তাদের মধ্যে নিহিত। শুধু জাগিয়ে তুলতে হবে তাদের চেতনাকে, তাদের আত্মাকে—শিশুর দেহে স্থগ্ত আত্মা চৈতন্যকে।”

“কিন্তু তোদের এই কাজের জন্ত কে তোদের পুরস্কার দেবে?”

“পুরস্কার আমরা পেয়ে গেছি মা। এই যে জীবন—উদার, অকুণ্ঠ, চেতনায় নিত্য প্রদীপ্ত—এই যে তার স্পর্শ পেয়েছি—এতেই আমরা পুরস্কৃত হয়ে গেছি, এর চেয়ে অল্প আর কি কাম্য থাকতে পারে?”

আবার তাহারা নিঃশব্দে ছুইজন পাশাপাশি চলিতে লাগিল। পথ চলিতে চলিতে মায়ের ছেলেবেলার কথা মনে পড়িতেছিল—ছুটির দিন গ্রাম হইতে

দূরে কোথায় কোন্ মঠে দৈব-শক্তি-সম্পন্ন ক্রুশ আছে তাহা দেখিবার জন্ত উৎসুক আগ্রহে যাইতেন। আজ মায়ের বারে বারে সেই কথাই মনে পড়িতেছিল। তিনি যেন আবার সেই দৈব-শক্তি-সম্পন্ন ক্রুশের জন্ত তীর্থযাত্রায় চলিয়াছেন।

সোফিয়া আপনার মনে কত অজানা স্বপ্ন গাহিয়া ওঠে—আকাশের সন্ধ্যা, ভালবাসার সন্ধ্যা, পুষ্পগন্ধঘনবাসন্তী দিন সন্ধ্যা, পুণ্যপীযুষদায়ী ভোলাগা সন্ধ্যা...

তৃতীয় দিনের দিন তাহারা এক গ্রামে আসিয়া উপস্থিত হইলেন এবং একজন কৃষককে ডাকিয়া রাইবিনের খবর জিজ্ঞাসা করিলেন। তাহার নিকট হইতে অন্তঃসন্ধান করিয়া গ্রামের মধ্যে প্রবেশ করিতে অদূরে দেখেন সেই আলকাংরার কারখানার একটা কাঠের টেবিলে রাইবিন, তাহার ভাই ও আরও দুইজন কৃষক আহায়ে বসিয়াছে।

রাইবিনকে দেখিয়াই মা দূর হইতে চীৎকার করিয়া বলিয়া উঠিলেন, “কেমন আছ মাইকেল?”

রাইবিন টেবিল হইতে ধীরে উঠিয়া দাঁড়াইল। ধীর পাদক্ষেপে মুহূর্তে হাশ্বে দাড়িতে হাত বুলাইতে বুলাইতে মায়ের দিকে অগ্রসর হইল।

আর একটু অগ্রসর হইয়া নিজেকে সপ্রতিভ করিয়া লইয়া মা বলিলেন, “তীর্থযাত্রায় বেরিয়েছি,—এই পথ দিয়ে যাচ্ছিলাম—ভাবলুম একবার ভাই-এর সঙ্গে দেখা করে যাই—এটি—এটি হলো আমার বন্ধু—নাম আমা!

কথা কয়টি বলিয়াই মা আপনার প্রত্যাশাপ্রসন্নমতিত্বের গর্বে সোফিয়ার দিকে ফিরিয়া চাহিলেন।

মুহূর্তমধ্যে মায়ের দিকে অগ্রসর হইয়া গম্ভীর স্বরে রাইবিন বলিলেন, “কেমন আছেন।”

তারপর ধীরে মাথা নত করিয়া সোফিয়াকে অভিবাদন করিয়া বলিতে আরম্ভ করিল, “দেখুন, মিথ্যে কথা বলবেন না। এটা আপনাদের শহর নয়। এখানে মিথ্যে কথা বলবার কোনও প্রয়োজন নেই। এরা সবাই আমাদের লোক—খাঁটি লোক সব।”

নিজের ভাই এফিম ছাড়া সেখানে আরও যে দুইজন লোক ছিল তাহাদের পরিচয় দিয়া রাইবিন বলিল, “এর নাম হলো ইয়াকুব, আর এর নাম হলো ইগনেট। এখন বলুন আপনার ছেলে কেমন আছে!”

দীর্ঘশ্বাস ফেলিয়া মা বলিলেন, সে এখন জেলে !

“আবার জেলে। জেলই দেখছি তার ভাল লাগে।” ইগনেটী মায়ের হাত হইতে পুটুলিগুলি নামাইয়া লইয়া একটি আসন দেখাইয়া বসিল, “বসুন মা।” সোফিয়ার দিকে চাহিয়া রাইবিন বলিল, “আপনি বসবেন না?”

সোফিয়া সামনের একটা গাছের কাটা গুঁড়ির উপর বসিয়া তীক্ষ্ণ দৃষ্টিতে রাইবিনকে লক্ষ্য করিতে লাগিল।

একিম একটা ছধের ভাঁড় লইয়া কাপে দুধ পরিবেশন করিতে লাগিল। মা তখন পাভেলের গ্রেপ্তার হওয়ার কাহিনী বলিতে আরম্ভ করিয়াছেন। সকলে স্তব্ধ হইয়া মায়ের কথা শুনিতে লাগিল। দূরে বসিয়া সোফিয়া আড়চোখে, এই সব বিমুগ্ধ কৃষকদের লক্ষ্য করিতেছে।

মায়ের কথা শেষ হইলে রাইবিন জিজ্ঞাসা করিল, “শুনলুম নাকি পাভেলের বিচার হবে?”

“হাঁ—তাই তো স্থির হয়েছে।”

“শান্তির কি বকম ব্যবস্থা হবে কিছু শুনেছেন কি?”

শান্ত করুণ স্বরে মা বলিলেন, “হয় কঠোর শ্রম কারাবাস, নয় দীর্ঘকালের মত সাইবেরিয়ায় নির্বাসন।”

মাটির দিকে মাথা নিচু করিয়া কি যেন ভাবিতে ভাবিতে রাইবিন বলিল, “আচ্ছা, যখন সে এইসব আয়োজন করছিল—তখন কি সে জানতো যে তার এই শাস্তি হতে পারে?”

“তা বলতে পারি না—বোধ হয় জানতো।”

সোফিয়া তীব্রকণ্ঠে বলিয়া উঠিল, নিশ্চয়ই জানতো।

সোফিয়ার কণ্ঠস্বরে সবাই ক্ষণিকের জ্ঞান চমকাইয়া উঠিয়া আবার তেমনি স্তব্ধ হইয়া রহিল।

ধীর গম্ভীর ভাবে রাইবিন বলিতে আরম্ভ করিল, “আমারও মনে হয় সে জানতো। জীবন যার কাছে খেলা নয়, এগিয়ে দেখতে সে জানে। সে জানতো যে বেয়নেটের আঘাতে হয়ত আহত হতে হবে, হয়ত বা চির-নির্বাসনে যেতে হবে। কিন্তু তবুও সে এগিয়ে চলো। সে বিশ্বাস করতো যে তাকে চলতেই হবে—তাই সে চলে গেল। যদি তার চলার পথে তার মা এসে শুয়ে পড়তো—তা হলে তাঁর দেহের উপর দিয়েই সে চলে যেতো। বল, সত্যি কি না?”

চারিদিকে চাহিয়া কি এক অজানা আতঙ্কে শিহরয়া মা বলিলেন, “সত্যিই, তাই !” সোফিয়া নিশ্চয়ে মায়ের মাথায় হাত রাখিল।

সহসা ইয়াকুব অগ্রসর হইয়া মাথা নাড়িয়া যেন আপনার মনে বলিয়া উঠিল, যদি এফিমের সঙ্গে আমি সৈন্ত বিভাগে চাকরী নিই তা হলে দেখছি—পাভেলের মত লোকের পেছনে আমাদেরই লেলিয়ে দেবে।

গম্ভীরভাবে রাইবিন উত্তর দিল, “তা না তো মনে কোরেছ কি ? আমাদের হাত দিয়ে ওরা আমাদেরই কর্ত্তরোধ করে রেখেছে ! এইখানেই তো মজা !”

তা সত্ত্বেও এফিম বলিয়া উঠিল, “তবুও আমি সৈন্ত-বিভাগে যোগদান করবো।”

বিরক্ত হইয়া ইগনেটা বলিয়া উঠিল, “যাও না, তোমাকে বাধা দিচ্ছে কে ? তবে একটা অহরোধ ভাই, যদি কোন দিন তোমার বন্দুকের সামনে পড়ি, তা হলে মাথা লক্ষ্য করে মেরো—মিছেমিছি শুধু আঁত করে চলে যেও না—একেবারে সাবাড় করে দিও।”

“সে দেখা যাবে তখন।”

সেই ছোট্ট দলটির সকলের উপর একবার চোখ বুলাইয়া লইয়া রাইবিন ইচ্ছা করিয়া গম্ভীর ভঙ্গীতে তাহাদের সকলকে ডাকিয়া বলিয়া উঠিল, “শোন, ছোকরার দল !” তারপর মায়ের দিকে আঙুল দেখাইয়া বলিল, “এই যে তোমাদের সামনে দাঁড়িয়ে আছেন—এই বুদ্ধা নারী - হয়ত এতক্ষণে ঐর ছেলে সাবাড় হয়ে গিয়েছে—”

সহসা সেই কথা শুনিয়া মা করুণ ব্যথিত কণ্ঠে বলিয়া উঠিলেন, “কেন তুমি ও কথা বলছো ?”

নিঃকরণ ভাবে রাইবিন বলিল, “তার প্রয়োজন আছে ! বুধাই তোমার মাথার চুল সাদা হয়ে গেছে, বুধাই তোমার বুক চুঁয়ে রক্ত ঝরছে ? শোন ছোকরারা, যা বলছিলাম—এই নারী—নিজের ছেলেকে হারিয়েছে। কিন্তু তাতে ঐর কি হয়েছে ? আপনি বইগুলো নিয়ে এসেছেন ?”

রাইবিনের মুখের দিকে কিছুক্ষণ চাহিয়া থাকিবার পর মা বলিলেন, “হ্যাঁ, এনছি।”

সামনের কাঠের টেবিলে জোর করিয়া হাতের চাপড় দিয়া রাইবিন বলিয়া উঠিল, “আপনাকে দেখেই আমি তা বুঝেছিলাম।

আমি জানি, শুধু এরই জন্তে আপনি এত দীর্ঘ পথ হেঁটে এসেছেন।
কেমন, না ?”

তারপর ক্র-কুক্ষিত করিয়া আর একবার সেই ছোট দলটির সকলের
মুখ ভাল করিয়া দেখিয়া লইয়া রাইবিন পরমোন্মাদে বলিয়া চলিল, “দেখছো,
ছেলেকে তারা সরিয়ে দিলো কিন্তু মা এসে দাঁড়ালো সেই জায়গায়।”

সহসা উত্তেজিত হইয়া একটা ভয়ঙ্কর শপথ করিয়া রাইবিন বলিয়া উঠিল,
“তারা জানে না, অন্ধের মত চারিদিকে কিসের বীজ তারা ছড়িয়ে
চলেছে। জানবে, সেদিন বুঝবে, যেদিন আমরা জাগবো, সমস্ত আগাছা
উপড়ে ফেলে সমান করে দেবো আবার সব, সেদিন তারা জানবে !”

রাইবিনের মুখের দিকে এক দৃষ্টিতে চাহিয়া থাকিতে থাকিতে আতঙ্কে
মায়ের মন ভরিয়া উঠিতেছিল।

রাইবিন বলিয়া চলিয়াছিল,—“সেদিন একজন সরকারের লোক আমাকে
ধরে জিজ্ঞাসা করলো—এই বদমায়েস, পুরোহিতদের সঙ্গে কি ঝগড়া করিস্ ?
তার কথার উত্তর না দিয়ে বললাম, কিসে আমি বদমায়েস ! নিজের মাথার
ঘাম পায়ে ফেলে রাজগার করি—কোন লোকের কোন অনিষ্ট করি না—
আমি বদমায়েস কিসে ! রেগে চীৎকার করে উঠে লোকটা সঙ্গে আসে আমার
মুখে মারলো—তিন দিন হাজতে আটকে রাখলো ! কিন্তু মনে কোরো না
তোমরা ক্ষমা পাবে ! আমাব ওপর যে অত্যাচার তোমরা করলে, তার
প্রতিশোধ আমি না নিতে পারি—আমার ছেলেরা নেবে—তোমার উপর
যদি না নিতে পারে—তোমার ছেলেদের উপর নেবে ! ঘেম্মার বীজ
চারিদিকে ছড়িয়েছে—ভেবো না—তাতে ক্ষমার ফল ফলবে !”

রাইবিন রাগে টগবগ করিতেছিল। সে বলিয়া চলিল, “আর পুরুতদের সঙ্গে
আমি কি নিয়ে ঝগড়া করেছিলাম, জানো ? গ্রামের সমস্ত লোক জড় করে
তিনি বলছিলেন, তোমরা হচ্ছে মেঘের দল—তোমাদের সর্বদাই সেই জন্তে
চাই একজন মেঘপালক ! আমি সেই সময় ঠাট্টা করে বলেছিলাম—কিন্তু
নেকড়েকে যদি মেঘপালক করা যায়—তা হলে মেঘ আর একটিও পাওয়া
যাবে না, কতগুলো শিং আর খুর পড়ে থাকবে। আমার দিকে আড় চোখে
চেয়ে তিনি আবার বক্তৃতা দিয়ে যেতে লাগলেন—তোমরা ধৈর্য ধরতে
শেখো—ঈশ্বরের কাছে অবিরত প্রার্থনা করো, যেন তিনি তোমাদের ধৈর্য-
শক্তি দেন। আমি থাকতে না পেরে বলে উঠলাম—লোকে তো প্রার্থনা

করে কিছু ঈশ্বরের সময় কোথায়? হঠাৎ আমার দিকে চেয়ে আমাকে জঙ্ক করবার জন্তে পুরুত মশাই জিজ্ঞাসা করলেন, তুমি নিজে প্রার্থনা করো—কি প্রার্থনা করো? আমি বলেছিলাম—প্রার্থনা নিশ্চয়ই করি, আমি নিত্য প্রার্থনা করি, হে প্রভু, যারা মানুষ চরিয়ে খায়, সেই মনিবদের ইটের বোঝা বইতে শেখাও, শেখাও কেমন করে পাথর চিবিয়ে খেয়ে—”

হঠাৎ খামিয়া সোফিয়ার দিকে চাহিয়া রাইবিন বলিয়া উঠিল, “আপনি তো তাদের ঘরেরই মেয়ে?”

সম্পূর্ণ অপ্রত্যাশিত এই প্রশ্নে আহত হইয়া সোফিয়া জিজ্ঞাসা করিল “আমাকে তা মনে করবার হেতু কি?”

হাসিয়া রাইবিন বলিয়া উঠিল, হেতু কি? একটা মোটা ময়লা রুমাল মাথায় জড়িয়ে এসেছেন বলে আমাদের চোখে লুকিয়ে যাবেন মনে করেছেন? চটের কাপড় পরেও যদি পুরুত মশাই আসেন তা হলে আমাদের এ চোখ ধরে ফেলতে পারে। একটা ব্যাপার ধরুন, এই ভিজে টেবিলে কল্লুই রাখতে গিয়ে যেই আপনার হাতে ঠাণ্ডা লাগলো অমনি চিরদিনের অভ্যাস মত আপনি একবার চমকে উঠে জ্বকঁচকালেন। ভিজে টেবিলে যে আপনাদের হাত রাখার অভ্যাস নেই। আপনার মেরুদণ্ড এখনও সোজা রয়েছে—মজুরদের ঘরের মেয়ের মেরুদণ্ড অত সোজা থাকে না—

রাইবিনের কথার ভঙ্গীতে মা শঙ্কিত হইয়া উঠিলেন। সোফিয়া অপমানিত বোধ করে এই আশঙ্কায় তিনি উষ্ণ কণ্ঠে বলিলেন, “তুমি কেন এসব কথা বলছো! সোফিয়া আমার বন্ধু। তোমাদের এই আন্দোলনে খেটে খেটে এই বয়সেই ওর চুল শাদা হয়ে এসেছে—”

রাইবিন দীর্ঘশ্বাস ফেলিয়া বাঁচিল। বলিল, “আমি যা বলছি—তাতে কি আপনি অপমানিত হয়েছেন—”

“আমাকে তো তুমি কিছু বল নি?”

সহসা কথার মোড় ফিরাইয়া রাইবিন বলিল, “আমাদের এখানে আর একজন নতুন লোক এসেছে। ইঁপানিতে লোকটা বড় ভুগছে—লোকটার কিছু জ্ঞান শোনা আছে—তাকে ডেকে পাঠাবো?”

সোফিয়া শাস্ত কণ্ঠে বলিল, “নিশ্চয়ই!”

এক্ষমকে ডাকিয়া রাইবিন তাহাকে সন্ধ্যা বেলা আসিবার জন্ত খবর দিতে বলিল।

সহসা সমস্ত কথাবার্তা থামিয়া গেল। মৌমাছি আর বোল্তারা অশ্রান্ত ধ্বনিতে ঘুরিয়া ফিরিতেছে। দূরে কোথায় বনের মধ্যে একটা পাখীর ডাক কানে আসিয়া বাজিতেছে।

কিছুক্ষণ চুপ করিয়া থাকিবার পর রাইবিন বলিল, “যাক্, সে সব কথা, এখন আমাদের অনেক কাজ আছে। আপনাদের একটু বিশ্রামও বোধ হয় দরকার। ঐ কাঠের চালের তলায় শোবার জায়গা আছে। ইয়াকুব! বেশ করে শুকনো পাতা বিছিয়ে দাও! তার আগে আপনারা বইগুলো দিন দেখি!”

থলি খুলিয়া মা এবং সোফিয়া ধীরে ধীরে বইগুলি ঢালিতে লাগিলেন। বই দেখিয়া রাইবিন আনন্দে উৎফুল্ল হইয়া উঠিল। সোফিয়ার দিকে চাহিয়া বলিল, “এই তো, এই তো চাই! ওঃ—অনেক বই দেখছি! আপনি বুকি এ কাজে অনেক দিন ধরে আছেন? আপনার নামটি কি?”

“আনা আইভানোভনা। বারো বছর! কিন্তু কেন?”

“না, এমনি জিজ্ঞেস করছিলাম!”

“তুমি কি কখনও জেলে গিয়েছিলে?”

“হাঁ।”

কতকগুলি বই লইয়া নাড়াচাড়া করিতে করিতে রাইবিন দাঁত চাপিয়া বলিল, “আমার কথাবার্তায় আপনি রাগ করবেন না। জল আর আলকাতরার মত সম্ভ্রান্ত লোকদের সঙ্গে চাষীদের কখনও মেলে না।”

ঈষৎ হাসিয়া সোফিয়া বলিল, “আমাকে কেন মনে করছ যে, সম্ভ্রান্ত ঘরের কোন মেয়ে! আমি এমনি একজন মানুষ!”

“—হতে পারে তা! কিন্তু আমার পক্ষে তা বিশ্বাস করা বড় কঠিন। কিন্তু শুনেছি, তাও নাকি কখন কখন হয়। জ্ঞানী লোকেরা ত বলেন, এই সব কুকুর, তারাও নাকি একদিন নেকড়ে বাঘ ছিল। তাও তো হয়। তা যাক—এখন বইগুলো লুকিয়ে ফালা যাক—”

এই বলিয়া তাহারা তিনজনে সামনের চালাঘরের ভিতরে ঢুকিল। রাইবিনের দিকে একদৃষ্টিতে চাহিয়া থাকিয়া মা মুহূর্ত্তে সোফিয়াকে বলিলেন, “লোকটার মনে আগুন লেগে গেছে।”

তাহারা তিনজনে যেদিকে গিয়াছিল সেইদিকে চাহিয়া সোফিয়া বলিল, “সত্যিই তাই! ওর মতন মুখের চেহারা আর আমি কখনো দেখি নাই—

আত্ম-বলিধানের মহা-সকল এমন স্পষ্ট কোথাও আর ফুটে উঠতে দেখি নি ! চলুন, ভেতরে যাই—বড় দেখতে ইচ্ছে করে ওরা বইগুলো নিয়ে কি করে !”

চালাঘরের দরজার সামনে তাঁহারা দুইজনে আসিয়া উপস্থিত হইতেই দেখেন, ঘরের ভিতর পবরের কাগজ লইয়া ইতিমধ্যেই তাহারা একেবারে তন্ময় হইয়া গিয়াছে। ইগ্নেটা একটা কাঠের চৌকির উপর বসিয়া, হাঁটুর উপরে খবরের কাগজ খোলা, আঙুল দিয়া অনবরত চুল টানিতেছে। পায়ের শব্দে একবার মাথা তুলিয়া তাঁহাদের দুইজনকে এক পলকে দেখিয়া লইয়া আবার তৎক্ষণাৎ মাথা নীচ করিয়া পড়িতে আরম্ভ করিল। ভাঙা ছাদের এক ফাঁক দিয়া একটুকরা সূর্যের আলো ঘরের ভিতর আসিয়া পড়িয়াছিল—তাহারই সুরবিধা লইয়া রাইবিন দাঁড়াইয়াই পড়িতেছিল। পড়িবার সময় তাহার ঠোঁট দুটি কাঁপিতেছিল।

জীবনের সত্য-বাণীর প্রতি লোকগুলির সেই একান্ত মর্মান্তিক আকর্ষণ দেখিয়া সোফিয়ার অন্তর উল্লসিত হইয়া উঠিল। আনন্দিত-স্মিত হাস্তে তাহার মুখ ভরিয়া উঠিল। নিঃশব্দে এককোণে বসিয়া কাঁধে হাত রাখিয়া সে সেই অপরূপ দৃশ্য দেখিতে লাগিল।

পবরের কাগজ হইতে মাথা না তুলিয়াই ইয়াকুব রাইবিনকে উদ্দেশ্য করিয়া বলিয়া উঠিল, “খুড়ে’, এর’ দেখছি আমাদের হতভাগা কৃষকদের উপর বড় নির্দয় !”

রাইবিন চারিদিক একবার চাহিয়া লইয়া বলিল, “তাঁরা আমাদের ভালবাসে। যে ভালবাসে তার হাত দিয়ে কখনও অপমান আসে না, যত কঠিনতম আঘাত সে হাত করুক না কেন !”

ইগ্নেটা দীর্ঘশ্বাস ফেলিয়া কাগজ হইতে মাথা তুলিল। ঈষৎ ব্যঙ্গের হাসি লইয়া চোখ বুজিয়া সে চীৎকার করিয়া উঠিল, “দেখছো, এখানে কি লিখেছে—বলে কি না, চাষীদের মধ্যে মনুষ্যত্ব আর নেই—তাদের আর মানুষ বলে ধরা চলে না। একবার একদিনের জন্তে, বাছা, আমার এই চামড়া, গায়ে দিয়ে বাস করো, তখন বুঝবে পণ্ডিত, কিসে কি হয় !”

সোফিয়াকে ডাকিয়া মা বলিলেন, “আমার মাথাটা কেমন করছে—আমি একটু শুতে চল্লুম—তুমি যাবে না ?”

সোফিয়া উত্তর দিল, না।

একটা কাঠের চৌকির উপর মা শুইয়া পড়িলেন এবং অল্পক্ষণের মধ্যে

ঘুমাইয়া পড়িলেন। সোফিয়া তেমনি নীরবে বসিয়া লোকগুলিকে দেখিতেছিল আর মাঝে মাঝে মায়ের মুখের কাছে মৌমাছিরা ভন্ ভন্ করিয়া আসিলে তাড়াইতেছিল।

কিছুক্ষণ পরে রাইবিন উঠিয়া আসিয়া জিজ্ঞাসা করিল, উনি ঘুমিয়ে পড়েছেন ?

হাঁ।

সেই নিদ্রাচ্ছন্ন স্নেহাঙ্গু মুখের দিকে রাইবিন অনেকক্ষণ নীরবে চাহিয়া থাকিয়া আপনা হইতে মুহূৰ্ত্তের বলিয়া উঠিল, “ছেলের পদাঙ্ক অহুসরণ করে চলো—বোধ হয় এই প্রথম মা—এই সর্বপ্রথম—”

সোফিয়া এবং মাকে রাখিয়া তাহার তিনজনে চলিয়া গেল। দূরে বনে কোথায় কে গাছ কাটিতেছিল, তাহারই প্রতিধ্বনি লতায়-পাতায় ব্যাহত হইয়া সেই জীর্ণ কুটারের দ্বারে আসিয়া পড়িতেছিল। বনস্বরভির মদিরায় মোহাচ্ছন্ন হইয়া অন্ধ-স্বপ্নাবিষ্ট অবসন্নতায় সোফিয়া ঘরের বাহিরে দরজার কাছে আসিয়া বসিল। দেখিল, অরণ্য গ্রাম আচ্ছন্ন করিয়া সন্ধ্যা নামিতেছে। দূরে কাহাকে স্মরণ করিয়া তাহার নীলাভ নয়ন দুটি করুণায় ভরিয়া উঠিল।

বিদায়-সূর্যের রক্ত-আলো ক্রমশ ক্ষীণ হইয়া আসিতে লাগিল। নীড়ে-ফেরা পাখীর অশ্রান্ত কলরব কখন নিস্তব্ধ হইয়া আসিল। অন্ধকারে অরণ্য নিবিড়তর হইয়া উঠিল। অরণ্যমাতার শ্বাস রুদ্ধ বক্ষে বৃক্ষশিশুগুলি যেন ঘনসন্নিবিষ্ট হইয়া আসিল।

কিছুক্ষণ পরে তাহারা সকলেই আবার ফিরিয়া আসিল। তাহাদের কথাবার্তা এবং পায়ের শব্দে মায়ের ঘুম ভাঙিয়া গেল; ঘুম ভাঙিতেই বাহিরে সকলের সঙ্গে আসিয়া বসিলেন।

রাইবিনের বিকেল-বেলায় রূপ এখন শান্ত হইয়া আসিয়াছে। উদ্ভূত উত্তেজনা অবসাদের মধ্যে হারাইয়া গিয়াছে।

ইগ্নেটিকে ডাকিয়া সে বলিল, “এখন একটু চা-পান করা যাক ! ইগ্নেটী, আজকে তোমার পালা ! এখানে আমরা পালা করে ঘর সংসার করি ! আজকে ইগ্নেটীকে আমাদের খাওয়া-দাওয়ার ব্যবস্থা করতে হবে।

শুকনো ডাল আর পাতা দিয়া আগুন তৈয়ারী করিতে করিতে ইগ্নেটী উত্তর দিল, “তথাস্তু !”

কিছুক্ষণ পরে ছাইয়ের আওনে একটা বড় পাউরুটি শেকিয়া টুকরা টুকরা করিয়া কাটিয়া টেবিলের উপর সাজাইতে লাগিল।

সহসা এফিম বলিয়া উঠিল, “শুনছো, কাশির শব্দ আসছে!”

রাইবিন মাথা তুলিয়া শুনিয়া ঘাড় নাড়িল। সোফিয়াকে ডাকিয়া বলিল, “সে আসছে, আমি ওকে নগর থেকে নগরে নিয়ে যাব! যেখানে সব জড় হবে, সেইখানে ওকে দিয়ে কথা বলাবো। তারা শুদ্ধক ওর কথা। যদিও ওর বলবার মাত্র একটি কথা আছে এবং সেইটিই ও বারবার করে বলে, তবুও ওর কথা শোনাতে হবে সকলকে।”

ক্রমশ ছায়া নিবিড়তর হইয়া উঠিল। গোখুলির আলো রাজির অন্ধকারের মধ্যে কখন হারাইয়া গেল। সে অন্ধকারে সকল শব্দ শান্ত হইয়া আসিল। মা আর সোফিয়া নীরবে চাবীদের ব্যাপার লক্ষ্য করিতেছিলেন। দেখিতেছিলেন তাহারা কেমন ধীরে নড়াচড়া করিতেছে, এক অদ্ভুত সন্তর্পণতার সহিত। তাহারাও সমস্ত কাজের মধ্যে সেই নবাগতা নারী দুইটির দিকে লক্ষ্য করিতেছিল। তাহাদের দুইজনের কথাবার্তা একটু শুনিবার জন্য তাহারা সকলেই সজাগ হইয়াছিল।

এমন সময় বনের মধ্য হইতে একজন দীর্ঘকায় লোক বাহির হইয়া আসিল। মাঠ পার হইয়া ধীরে ধীরে একটা ছড়ির উপর ভর দিয়া সে তাহাদেরই দিকে আগাইয়া আসিতেছিল। ক্রমশ তাহার নিঃশ্বাসের ভারী আওয়াজ স্পষ্টতর হইয়া উঠিল।

ইয়াকুব বলিয়া উঠিল, “এই যে সেভেলি!”

করুণ গম্ভীর কণ্ঠে লোকটি উত্তর দিল, “হাঁ আমিই!” বলিয়াই সে আবার কাশিতে আরম্ভ করিল।

সোফিয়ার সঙ্গে যখন রাইবিন তাহার পরিচয় করাইয়া দিতেছিল, তখন সে আপন। হইতেই কথা পাড়িল, “শুনলাম আপনারা বই-পত্র সব নিয়েই এসেছেন!”

“হাঁ!”

“এই সব হতভাগ্য অবজ্ঞাত লোকদের হয়ে তার জন্তে আপনাদের আমি ধন্যবাদ জানাচ্ছি। এরা আজও এই সব বইয়ের বাগী বুঝতে পারে না। আজ তাদের ধন্যবাদ আপনারা পাবেন না। - তারা আজ ধন্যবাদ দিতে পারে-

না। তাই আমি, আমি বুঝি সত্য বাণীর মর্ম কি, তাদের হয়ে আপনাদের ধন্যবাদ জানাচ্ছি।”

কথা শেষ হইতে না হইতেই তাহার হাঁপানি যেন বাড়িয়া উঠিল। মাংসহীন দীর্ঘ আঙুল দিয়া কোটের বোতামগুলি সে ভাল করিয়া আঁটিয়া দিল।

সোফিয়া বলিল, “এত রাস্তিরে বনের মধ্যে এই ভিক্ষে জায়গায় আপনার থাকা তো ভালো নয়।”

কোনও রকমে নিঃশ্বাস লইয়া সে বলিল, “জগতে আমার সমস্ত ভালো চুকে গিয়েছে—শেষ ভালোর অপেক্ষায় এখন আছি।”

তাহার কথা বলার ভঙ্গীতে কোথা হইতে অন্তরে বেদনা জাগিয়া উঠে।

শুকনো কাঠের আগুন হাওয়ায় শেষবার জলিয়া উঠিল। সেই আগুনের আঁচে চারিদিক ঘেন কাঁপিয়া নড়িয়া উঠিল। সেভেলি বলিয়া উঠিল, “তবুও মহাপাপের সাক্ষী হয়ে আজও বেঁচে আছি। এবং আমার এই সাক্ষ্য দিয়ে আমি মানুষের কল্যাণ করে যাবো। চেয়ে দেখুন আমার দিকে—আমার বয়স মাত্র আঠাশ—কিন্তু আমি মরতে চলেছি! দশ বছর আগে আমার এই কাঁধে আমি অনায়াসে পাঁচশো পাউণ্ড ভার তুলে নিয়ে বহিতে পারতাম। তখন ভাবতাম, এমন শক্তি নিয়ে সত্তর বছর পর্যন্ত এগিয়ে চলবো—কিন্তু মাত্র এই দশ বছর চলে, আজ আর চলতে পারছি না। তারা সব লুট করে নিয়েছে—আমার জীবন থেকে চল্লিশটা বছর তারা লুট করে নিয়েছে—”

রাইবিন গম্ভীর ভাবে বলিল, “এই হলো ওর একমাত্র কথা।”

উত্তেজিত হইয়া সেভেলি বলিয়া উঠিল, “এ আমার কথা নয়! হাজার হাজার লোকের এই কথা! তাদের সঙ্গে আমার তফাৎ শুধু এই, তাদের কথা তারা শুধু তাদের মধ্যেই আটকে রেখেছে। তারা জানে না তাদের কথা দিয়ে তারা কি মহাদীক্ষা এই পৃথিবীকে দিয়ে যেতে পারে। উদয়ান্ত খেটে হাজার হাজার মানুষ আজ হীন, পঙ্গু, অধর্ম, ক্ষুধার্ত, ক্লান্ত হয়ে মৃত্যুর গহ্বরের মধ্যে এগিয়ে চলেছে! সে কথা চোঁচিয়ে বলতে হবে—সকলকে ডেকে চোঁচিয়ে সে কথা জানিয়ে দিতে হবে।”

এফিম বলিয়া উঠিল, “তা কেন? আমার দুঃখ-কষ্ট সে আমার একলার ব্যাপার। সব নিয়ে এই তো আমি বেশ আনন্দে আছি!”

তাহাকে ভৎসনা করিয়া রাইবিন বলিল, “চুপ্ করো, ওকে বলতে দাও !”

এফিম অকুক্ষিত করিয়া বলিল, তুমিই তে। বলা যে নিজের দুঃখ নিয়ে বড়াই করতে নেই !

গম্ভীর ভাবে রাইবিন প্রত্যুত্তর দিল, “সে আলাদা কথা। সেভেলির দুঃখ তার একার দুঃখ নয়। সে মাটির তলায় নেমে দেখেছে—সেখানে অন্ধকারে দম আটকে আসে। তাই যতটুকু তার শক্তি আছে তাই দিয়ে সে জগতকে সাবধান করবার জন্ত বলছে—সাবধান, এখানে তোমরা আর এসো না।”

ইয়াকুব একপাছ দুধ লইয়া সেভেলিকে ডাকিল। সে-আহ্বান প্রত্যাখ্যান করিতে ইয়াকুব আগাইয়া আসিয়া ধীরে তাহার হাত ধরিয়া তাহাকে টেবিলের নিকট লইয়া গেল।

সোফিয়া রাইবিনকে আড়ালে ডাকিয়া অস্থযোগের সুরে বলিল, “আপনি কেন ওকে এই রাত্তিরে আসতে বলেছিলেন ? ভয় হয়, যে-কোন মুহূর্তেই মারা যেতে পারে।”

রাইবিন সোফিয়ার ভৎসনায় অক্ষেপ না করিয়া বলিল, ‘তা তো পারেই ! মরতে হয়, মানুষের মধ্যে মরুক ! একলা মরার চেয়ে সেটা একটু সুবিধের ! ইতিমধ্যে যতক্ষণ বেঁচে থাকে—কথা বলুক ! অকারণে সমস্ত জীবনটাই ও খুইয়েছে ! যেটুকু আছে, সেটুকু দিয়ে যদি মানুষের কল্যাণ করে যেতে পারে তাতে ক্ষতি কি ?’

“আপনার দেখছি এ বিষয়ে একটা বিশেষ আনন্দ আছে !”

“আনন্দ আমার নেই। আপনি যে-শ্রেণী থেকে এসেছেন তারাই এসব ব্যাপারে আনন্দ পায়—তারাই আনন্দ পেয়েছিল যখন ক্রুশে-বিদ্ধ বিশ্বর কাতরধ্বনি উঠেছিল। আমরা চাই একটা মানুষের কাছ থেকে কিছু শিখে নিতে এবং আপনাদেরও কিছু শেখাতে।”

টেবিলে বসিয়া তখন সেভেলি বলিতেছিল, ‘খাটিয়ে ওরা মানুষকে মেরে ফেলে। কিসের জন্তে, কিসের জন্তে তারা মানুষের জীবন থেকে এমনি করে তার আয়ু কেড়ে নেয় ? আমি কাপড়ের কলে কাজ করতুম। আমার মনিব শহরের সেরা স্ত্রন্দরীর মুখ-ধোবার টবের জন্তে সোনার টব তৈরী করে দিলেন—সোনা দিয়ে তার প্রসাধনের সমস্ত জিনিস তৈরী করে

দিলেন। সেই সোনার টবে আমার সমস্ত রক্ত আছে—সেই সোনার বডে আমার সমস্ত জীবন হারিয়ে গেছে। তার রক্ষিতার মন রাখবার জন্তে সে আমাকে হত্যা করে আমারই রক্ত দিয়ে গড়িয়ে দিলে সোনার টব! এই তো ব্যাপার!”

এফিম মুহু হাসিয়া বলিয়া উঠিল, শুনেছি তাঁর নিজের মূর্তির হাঁচে ভগবান মানুষকে গড়েছিলেন, সেই হাঁচকে ওরা কি কাজেই লাগালো! আশ্চর্য!

সোফিয়ার দিকে ঝুঁকিয়া মা মুহুরে জিজ্ঞাসা করিলেন, “লোকটা যঃ বলছে—তা কি সব সত্যি!”

সোফিয়া উচ্চকণ্ঠে স্পষ্ট ভাবে উত্তর দিল, “হাঁ, সবই সত্যি! খবরের কাগজে প্রায়ই এই সব খবর বেরোয়। মস্কোতে সেদিনও এরকম একটা খবর পড়েছিলাম।”

রাইবিন সোফিয়ার দিকে অগ্রসর হইয়া চাপা কণ্ঠে বলিল, “বইয়ের কথার চেয়ে সেভেলির মুখের এই সব কথা আরও তীক্ষ্ণ। কারখানায় যখন কোনও মজুরের কলে হাত কাটা যায় কিংবা তাকে না খাইয়ে মারা হয় তখন লোককে বোঝান যায় যে, তারই অপরাধ। কিন্তু যেখানে মানুষের দেহ থেকে রক্ত চুষে নিয়ে মড়ার মতন তাকে ফেলে দেওয়া হয়—সে সব ক্ষেত্রে বুঝিয়ে দেওয়া সহজ ব্যাপার নয়। হত্যা যে-কোনও রকমে হোক—খামি বুঝি। কিন্তু খেলার ছলে এই নির্যাতন—আমি কিছুতেই বুঝতে পারি না। শুধু নিজেদের আনন্দের জন্তে, তারা নিশ্চিন্তভাবে চলেছে মানুষকে নির্যাতন করে। আমরা দেবো বুকের রক্ত—সেই রক্তে তৈরী তাদের ছেলেদের খেলনা, তাদের খেলনা, তাদের ঘোড়া, গাড়ী, বাড়ী, সোনার কাঁটা চামচে! তুমি খাটো, রাতদিন খাটো, আর আমি টাকা জমিয়ে রক্ষিতার সোনার টব কিনে দিই! চমৎকার!”

মা নীরবে সমস্ত শুনিতেছিলেন, নীরবে চারিদিক চাহিয়া দেখিতেছিলেন এবং এই সব শুনিতে শুনিতে সহসা আবার সেই অন্ধকার রাত্রির মধ্যে তাঁহার মানস-চক্ষের সম্মুখে ফুটিয়া উঠিল—অন্ধকারে উজ্জ্বল একটা রক্ত-রাঙা পথ দিয়া তাঁহার পুত্র অগ্ন সকলের সঙ্গে চলিয়া গিয়াছে।

রাত্রির আহার শেষ করিয়া তাহারা সকলে আগুনের চারিদিকে ঘিরিয়া বসিল। পিছনে আকাশ ও অরণ্যানীকে আলিঙ্গন করিয়া এক মহা-

অন্ধকার। সেভেলি দীর্ঘ বিক্ষারিত চক্ষু দিয়া অগ্নিকুণ্ডের দিকে একদৃষ্টিতে চাহিয়াছিল। ক্রমাগত সে কাশিতেছিল এবং প্রত্যেক কাশির সঙ্গে তাহার সর্ব দেহ কাঁপিয়া উঠিতেছিল। সেই কাঁপুনি দেখিয়া মনে হইতেছিল যে-টুকু জীবন দেহের অভ্যন্তরে এখনও অবশিষ্ট আছে তাহাও যেন সেই শুষ্ক বিরস দেহ-যষ্টিতে আর থাকিতে চাহে না—অধীর আগ্রহে বুক ছিঁড়িয়া বাহিরে চলিয়া আসিবার জ্ঞান যেন ছটফট করিতেছে।

ইয়াকুব সেভেলির কাছে আসিয়া অমুনয়ের স্বরে বলিল, “সেভেলি এখন তোমার উচিত চালাষের ভিতরে গিয়ে বস।”

কথা বলিতে তাহার কষ্ট হইতেছিল! তবুও চেষ্টা করিয়া সে বলিল—
কেন? ঘরের ভেতর যাবার কি দরকার? তোমাদের সঙ্গে থাকবার আমার তো বেশী সময় আর নেই! তবুও যতটুকু সময় এখনও আছে তোমাদের সঙ্গে থাকলে ভাল থাকি। তোমাদের দিকে চাই, আর মনে মনে ভাবি, হয় ত আমারই মত যারা লোভের আর স্বার্থের ইন্ধনে আত্মাহুতি দিতে বাধ্য হয়েছে, তোমরা তাদের উপর সেই সব অবিচারের প্রতিশোধ নেবে।

কেউ তাহার কথায় কোনও উত্তর দিল না। সকলেই নীরব। কিছুক্ষণ পরে নিজের বুকের কাছে মাথা গুঁজিয়া সে কিমাইয়া পড়িল। অনেকক্ষণ তাহার দিকে চাহিয়া থাকিবার পর রাইবিন বলিয়া উঠিল, “এমনি রোজ ও আমাদের কাছে আসে, বসে বসে এই একই কথা রোজ বলে। এই ক’টি কথা হলো ওর প্রাণ। এ ছাড়া আর কোনও জিনিস ওর মন অহুতব করে না।”

চিন্তাকুল কণ্ঠে মা বলিলেন, “এ ছাড়া ভাববারই বা কি আছে? এক দিকে মাহুঘ দিনের পর দিন খেটে বুকের রক্ত দেবে আর এক দিকে সেই রক্ত দিয়ে লোক নিরর্থক বিলাসিতা করবে—এই যখন জগতের ব্যাপার তখন এ রকমটি ছাড়া অল্প কি আর আশা করতে পার?”

ইগ্নেটী বলিয়া উঠিল, “কিন্তু রোজ রোজ ওর এক কথা শুনে যে কি অসীম ধৈর্য দরকার, তা কি বলবো! যে সব কথা সে বলে, সে-সব কথা একবার শুনে কখনও ভোলা যায় না কিন্তু সেই কথাই যদি আবার রোজ রোজ কেউ শুনিয়ে দেয়—”

রাইবিন রুদ্ধস্বরে উত্তর দিল, “কিন্তু মনে রেখো, সমস্ত কথা ঐ ক’টা

কথায় জড় হয়ে আছে আর ওর কাছে ঐ কথা কটা'র দাম হলো ওর সমস্ত জীবন !”

ঝিমাইয়া একবার চোখ চাহিয়া সেভেলি মাটিতে শুইয়া পড়িল। ইয়াকুব ধীরে উঠিয়া চালাঘরের ভিতর হইতে দুটি ওভারকোট আনিয়া তাহাকে জড়াইয়া দিল। তারপর সন্তর্পণে সোফিয়ার পাশে আসিয়া বসিল।

ইক্ষন-তৃপ্ত অগ্নি-শিখা আনন্দে উর্ধ্বমুখী হইয়া উঠিয়াছে। তাহার রক্ত-আলোয় অন্ধকারের অগ্নিকুণ্ডের চারিদিকে সমবেত লোকগুলির মুখ সমুজ্জল হইয়া উঠিল। সোফিয়া গল্প বলিতে লাগিল। জগতের সকল দেশের মাগধের মুক্তি-সংগ্রামের কাহিনী—প্রাচীনকালে জার্মান কৃষকদের আত্মোন্নতির জন্ত সংগ্রামের কাহিনী, আর্ডারশ শ্রমিকদের দুর্দশার কথা, ফ্রান্সের মজুরদের কীর্তি কাহিনী—

রাত্রির অন্ধকার-চেলাঞ্চলে আবৃত বনানীর ধারে, সেই লতাগুল্ম-পরিবেষ্টিত ক্ষুদ্র মাঠে, নৃত্যপর অগ্নিশিখার রক্ত-আলোয় যে সমস্ত ঘটনা একদিন জগতকে দোলা দিয়ে বিশ্বতির গহ্বরে গিয়াছে তাহারা যেন আবার সে রাত্রিতে নব জীবন লাভ করিল। একটির পর একটি রংপ্রাস্ত মুমুকু জাতি সেই রক্ত-আলোয় ক্ষণিকের জন্ত নব জীবন লাভ করিয়া আবার রাত্রির নিবিড় অন্ধকারের মধ্যে মিলাইয়া যাইতেছিল।

শ্রোতারা বিমুগ্ধ বিশ্বয়ে শুনিতেছিল। ক্ষণে ক্ষণে তাহাদের মনে আশা এবং বিশ্বাস জাগিয়া উঠিতেছিল। সোফিয়ার নীলাভ নয়নের শব্দহীন হাসির স্পর্শে তাহাদেরও অন্তর ক্ষণে ক্ষণে হাসিয়া উঠিতেছিল। আজ তাহাদের সম্মুখে জগতের সকল জাতির সকল লোকের মুক্তি-সংগ্রামের ব্যাপার এক নূতনতর পবিত্র এবং স্পষ্ট সংজ্ঞা লাভ করিল। দূরে অন্ধকারের যবনিকার পটে তাহারা দেখিল, মুক্তি-সংগ্রামের যোদ্ধাদের ভাব ও ভাবনা সজীব হইয়া ফুটিয়া উঠিতেছে। তাহাদের কথা শুনিতে শুনিতে মনে মনে কখন তাহারা সেই সমস্ত অতীতের নামহীন মহাযোদ্ধাদের সহিত নিজেদের এক পরিবারভুক্ত মনে করিয়া লইয়াছিল। তাহারা বাঁচিয়া থাকিবার অধিকার অর্জনের জন্ত জীবন উৎসর্গ করিয়াছে, অসীম যত্নগা সহ্য করিয়াছে, অবশেষে নিজেদের রক্তে পৃথিবীকে রঞ্জিত করিয়া দিয়া চলিয়া গিয়াছে...সেই রক্ত-আহুতি লইয়া পরবর্তী মানুষ্য নব-জীবনের মন্দিরে অর্ঘ্য দিয়াছে।

সোফিয়ার আত্ম-প্রত্যয় বলিষ্ঠ কণ্ঠে ধ্বনিয়া উঠিল, “শিগ্গিরই সেদিন আসছে যেদিন জগতের সকল দেশের মজুররা মাথা তুলে দাঁড়াবে, স্পষ্ট ভাষায় ঘোষণা করবে...যথেষ্ট হয়েছে, এরকম জীবন বাপন করতে আমরা আর চাই না। যারা লোভে অন্ধ হয়ে মানুষকে মেরে ফেলে নিজেদের ক্ষমতার ভেকু তৈরী করেছে, সেইদিনই তাদের সিংহাসন টলে উঠেছে, পায়ের তলা থেকে সেইদিনই তাদের মাটি সরে গেছে!”

নিম্পন্দ হইয়া নীরবে তাহারা সোফিয়ার কথা শুনিতেছিল। যে সূত্রের সঙ্গে আজ রাত্রে তাহারা জগতের সঙ্গে বাঁধা পড়িয়াছে, কোন রকমে সে সূত্রটিকে ছিন্ন করিতে তাহাদের মন চাহিতেছিল না। একান্ত সন্তর্পণে মাঝে মাঝে কেহ শুধু আঙুনে দুই-একটি করিয়া শুকনা কাঠ দিতেছিল।

একবার শুধু ইয়াকুব বলিয়া উঠিয়াছিল, “একটু দাঁড়ান।”

ছুটিয়া চালাঘরের ভিতরে গিয়া একটা চাদর লইয়া আসিয়া মা এবং সোফিয়ার পিঠ এবং পা ঢাকিয়া দিল।

ভোর বেলা, রাত্রি যখন শেষ হইয়া আসিতেছিল তখন, পরিশ্রান্ত হইয়া সোফিয়া নীরব হইল। তাহাকে ডাকিয়া মা বলিল, “এখন চল, আমরা বিদায় হই।”

ক্লান্ত স্বরে সোফিয়া উত্তর দিল, ইঁা যাত্রা করবার এই সময়।

কাহার যেন একটা দীর্ঘশ্বাস উষার বাতাসকে উষ্ণ করিয়া তুলিল।

অনভ্যস্ত মৃদুকণ্ঠস্বরে রাইবিন বলিল, “সত্যিই, আপনাদের যেতে হবে, না?”

রাইবিনের গায়ে মাত্র একটি শার্ট ছিল, তাহারও আবার গলার বোতাম ছিল না। চলিয়া যাইবার সময় তাহার সেই বিপুল দেহটিকে স্নেহ-দৃষ্টি দিয়া আলিঙ্গন করিয়া মা বলিলেন, “এখন যে বড় ঠাণ্ডা পড়েছে, গায়ে একটা কিছু দাও না!”

রাইবিন উত্তর দিল, আমার ভেতরে আগুন জলছে—বাইরের ঠাণ্ডা লাগে না!

যাত্রার সময় সন্নিবর্ত হইলে রাইবিন সোফিয়ার হাত দুটি জোরে চাপিয়া ধরিয়া বলিল, “শহরে গিয়ে আপনার দেখা কি করে পাবো!”

তাহার উত্তরে মা বলিলেন, “আমার ওখানে খবর দিলেই ওঁর খবর পাবে। তা হলে আসি!”

হঠাৎ ইয়াকুব বলিয়া উঠিল, “যাবার সময় একটু গরম দুধ খেয়ে গেলে হয়ত ভাল হতো।”

এফিম বিস্মিত হইয়া জিজ্ঞাসা করিল, “দুধ কি আর আছে?”

ইগনেটি একটু যেন বিপন্ন হইয়া মাথা চুলকাইতে চুলকাইতে বলিল, “যেটুকু ছিল, আমি অসাবধানে ফেলে দিয়েছি—”

সকলে উচ্চহাস্য করিয়া উঠিল। তারপর বিদায় দিবার জন্ত তাহারা কিছুদূর অগ্রসর হইয়া মুহূর্ত্তের সকলে এক সঙ্গে বলিয়া উঠিল, বিদায়!

বহুদূর পর্যন্ত এই মিলিত কণ্ঠস্বরের প্রতিধ্বনি সেই দুইজন নারীর পায়ে পায়ে জড়াইয়া চলিল।

মায়ের জীবনের ধারা সহসা এত শাস্ত এবং নিরুদ্বেগ হইয়া উঠিল যে, মাঝে মাঝে তাহাতে তিনিই বিস্মিত হইয়া উঠিতেন। গ্রাম হইতে ফিরিয়া আসিয়াই কিছুদিনের জন্ত সোফিয়া কোথায় অদৃশ্য হইয়া গেল। আবার পাঁচদিন পরে আনন্দে নাচিতে নাচিতে আসিয়া উপস্থিত। তারপর আবার কয়েক ঘণ্টা পরে কোথায় চলিয়া গেল, দু’সপ্তাহ আর আসিল না।

আইভানোভিচ সর্বদাই কাজে ব্যস্ত। ঘড়ি ধরিয়া তাহার জীবনের ধারা প্রতিদিন একমাত্রায় প্রবাহিত হয়। সকাল আটটার সময় উঠিয়া সে চা পান করে, তারপর খবরের কাগজ পড়িয়া মাকে শোনায়। শাসনপরিষদে ব্যবসায়ীদের প্রতিনিধিরা যে সমস্ত বক্তৃতা দিত তাহার মর্ম কোনও রকম বিকৃত না করিয়া মাকে বুঝাইয়া দেয়। তারপর ঠিক ন’টা বাজিতেই সে নিজের আফিসের কাজে চলিয়া যায়।

ঘরদোর পরিষ্কার করিয়া মা রান্নাঘরে ঢুকেন। দ্বিপ্রহরের আহ্বারের বন্দোবস্ত করিয়া স্নান-অস্ত্রে পরিষ্কার একটি পোষাক পরিয়া ঘরের আলমারিতে থাকে থাকে সাজানো বইগুলি নাড়িয়া চাড়িয়া দেখেন। এখন তিনি পড়িতে শিখিয়াছেন বটে কিন্তু বানান করিয়া পড়িতে পড়িতে তিনি এত বিভ্রান্ত হইয়া পড়েন যে, যাহা উচ্চারণ করেন, তাহার অর্থ সংগ্রহ করিতে পারেন না। কিন্তু ছবি বা ছবির বই তাহার পরম বিশ্বাসের জিনিষ ছিল। সেই সমস্ত ছবির বই তাহার বিমুগ্ধ চোখের সম্মুখে এক নৃতন জগতের বাস্তব রূপ ফুটাইয়া তুলিত—সুন্দর নগরী, অপূর্ণ উদ্যান, সুন্দরতর সব ঘর, অপূর্ণ তাহাদের সজ্জা, সুন্দর বলিষ্ঠ নরনারী, কয়লা, জাহাজ,

অটালিকা, স্বতিস্তম্ভ, মাহুঘের ঐশ্বৰ্যের নিত্য নব-নব বিকাশ! প্রতিদিন সেই সব ছবির বই দেখেন, আর তাঁহার চোখের সম্মুখে পৃথিবীর সীমা-রেখা যেন আরও আরও দূরে সরিয়া যায়। প্রতিদিনই মায়ের কাছে পৃথিবী স্বন্দরতর বৃহত্তর হইয়া ওঠে। বহুদিন-বঞ্চিত এই বুভুক্ষিত নারীর আত্মা ধরণীর রূপ-রস ঐশ্বৰ্যের বিশালতার সম্ভাবনায় নিত্য স্পন্দিত হইয়া উঠিতে লাগিল। প্রাণীত্বের ম্যাপগুলি মায়ের বিশেষ ভাল লাগিত। নানা দেশের সেই সমস্ত বিচিত্র চিত্র হইতে এই পৃথিবীর রূপ, ঐশ্বৰ্য এবং বিশালতার কথা মা স্পষ্ট বুঝিতে পারিয়াছিলেন। একদিন আহারের সময় মা আপনা হইতে বলিয়া উঠিলেন, কত বড় এই পৃথিবী!

আইভানোভিচ হাসিয়া বলিল, তবুও জায়গার অভাবে ঘাড়ের 'পরে ঘাড়ে মাহুঘকে বাস করতে বাধ্য করায় ওরা!

আবেগে উদ্বেলিত হইয়া মা বলেন, কি রূপ, আইভানোভিচ! অথই রূপের সাগরের মধ্যে আমরা বাস করি কিন্তু আমাদের চোখ বন্ধ করে রেখে দিয়েছে কে! কোথা দিয়ে কি চলে যায়, কখন যায় আমরা জানতেও পারি না। অন্ধের মত লোক শুধু ঘুরেই মরে, আনন্দ পাবার শক্তিটুকুও তারা হারিয়ে ফেলেছে, সে প্রবৃত্তি পথন্ত ঘুচে গেছে। যদি তারা জানতো, যদি তারা মৃত্যুই বুঝতো—এই পৃথিবী কত স্বন্দর, কত তার ঐশ্বৰ্য, কত আশ্চর্য জিনিষ আছে এই পৃথিবীতে, তা হলে এমন করে মন প্রাণ তাদের শুকিয়ে উঠতো না।”

সন্ধ্যাবেলায় অনেক লোক আসিত। আলেক্সিস, পেট্রোভিচ, আইভান। ইয়াগর বলিয়া একজন অতি রুগ্ন অস্থূল লোক প্রায়ই আসিত। নিজেয় কাল-ব্যাদি লইয়া সর্বদাই সে ব্যঙ্গ করিত, হাসিত। মাঝে মাঝে দূর দূরান্তরে শহর হইতেও দেখা-শোনা করিবার জন্ত লোক আসিত।

তাহারা কথাবার্তা বলিত। মা নীরবে তাহাদের চা পরিবেশন করিতে করিতে শুনিতেন, কুলিদের জীবন সম্বন্ধে তাহারা কত কি বলিতেছে। তাহাদের কথা শুনিয়া মা মনে মনে বুঝিতেন, কুলিদের জীবন সম্বন্ধে ইহারা কতটুকু জানে। তাহারা যে দায়িত্ব লইতে চলিয়াছে, তাহার গুরুত্ব কতখানি তাহা তাহাদের অপেক্ষা মা বেশী বুঝিতেন।

মাঝে মাঝে শাসাঙ্কাও আসিত। বেশীক্ষণ থাকিত না—কাজের কথা ছাড়া অন্য কোনও কথা বলিত না। ভুলিয়াও হাসিত না। প্রত্যেকবার

বিদায় লইবার সময় মায়ের কাছে আসিয়া জিজ্ঞাসা করিত, “পাভেল কেমন আছে?”

মা বলিতেন, “ভগবানের আশীর্বাদে সে ভালই আছে।”

“দেখা হলে আমার অভিবাঁদন জানাবেন”—বলিয়াই সে চলিয়া যাইত।

কোন কোন বার শাশাঙ্কা আসিলে মা আপনা হইতেই পাভেলের কথা তুলিতেন। দুঃখ করিয়া বলিতেন, “এতদিন ধরে হাজতে রয়েছে, এখনও বিচারের দিন পর্যন্ত ঠিক হলো না।”

দেখিতেন শাশাঙ্কার গম্ভীর মুখ বেদনায় বিবর্ণ হইয়া আসিত। তবুও সে কোন কথা বলিত না। নীরবে আঙুলগুলি নিষ্পেষণ করিত। এক একবার মায়ের মনে হইত যে তিনি বলিয়া ফেলেন, “ছুটু মেয়ে, জানি যে, সব জানি! জানি তুই তাকে কতখানি ভালবাসিস।” কিন্তু শাশাঙ্কার সেই গম্ভীর মুখ, সেই নীরবতা, সেই চেষ্টা-করিয়া বাজে কথা না-বলার ব্যাপার লক্ষ্য করিয়া মা অন্তরের কথা তাহার সম্মুখে উত্থাপন করিতে পারিতেন না। শুধু দীর্ঘশ্বাস ফেলিয়া তাহার হাত দুইটি বুকে চাপিয়া ধরিয়া বলিতেন, “অভাগী কোথাকার!”

মাঝে নাটাশাও একদিন আসিয়াছিল। মাকে দেখিয়া তাহার আনন্দ ধরে না। নানা কথার মধ্যে সে জানাইল যে তাহার মা মরিয়া গিয়াছে।

“মায়ের জন্তে দুঃখু হয়। তবে আর একদিক দিয়ে যখন ভাবি যে সে যে-জীবন যাপন করতে বাধ্য হয়েছিল, মৃত্যু তার চেয়ে ঢের শান্তিময়, তখন আর দুঃখু করি না। ভালোর জন্তে মানুষ আশা করে বেঁচে থাকে, কিন্তু পায় শুধু অপমান।”

তাহার কাঁধে সম্মেহে হাত রাখিয়া মা বলেন, “তা হলে তুই এখন একেবারে একা!”

অগ্নমনস্কভাবে নাটাশা বলে, “একেবারে।”

নাটাশা এখন ষে-শহরে স্কুল-মাস্টারী করে, মাকে মাঝে মাঝে সেই শহরে যাইতে হইত। সেখানে একটা কাপড়ের কল আছে। সেই কলে নিষিদ্ধ বই, খবরের কাগজ বিলি করিবার জগ্ৰ তাঁহাকে যাইতে হইত। নিষিদ্ধ লেখা পত্র বিলি করাই মায়ের একমাত্র কাজ হইয়া উঠিয়াছিল। মাসের মধ্যে প্রায়ই হয় পুরোহিত রমণীর বেশে, নয় ফিরিওয়ালির পোষাকে, নয় তীর্থযাত্রীরূপে বা কোনও বড়লোকের বিধবা পত্নীর সাজে, কখনও হাঁটিয়া,

কখনও গাড়ি করিয়া শহরে শহরে ঘুরিতে হইত। ট্রেনে, স্ট্রিমারে, হোটেলে সর্বত্র অতি স্বচ্ছন্দভাবে বিচরণ করিতেন এবং তাঁহার স্বাভাবিক সরলতার ভঙ্গীতে নূতন লোক সহজেই তাঁহার প্রতি আকৃষ্ট হইত।

অজানা লোকের সহিত কথাবার্তা বলিতে তাঁহার ভাল লাগিত। একান্ত সহানুভূতির সহিত তাহাদের অন্তরের অভিযোগ, বিপদ-আপদের কথা শুনিতেন। যদি দেখিতেন কাহারও মনে জীবন সম্বন্ধে স্পষ্ট তিস্ততা জাগিয়াছে, যদি দেখিতেন কাহারও বিমুগ্ধ অন্তর ব্যাকুল প্রশ্নে সংকুচিত, অর্মান্ত তাঁহার অন্তর এক অপূর্ব আনন্দরসে অভিযুক্ত হইয়া উঠিত। চারিদিকে তিনি দেখিতেন, শুধু উদর-পূরণের জঘন্য উন্মাদ প্রচেষ্টায় নিলজ্জের মত প্রকাশ্যভাবে মানুষ মানুষকে বঞ্চনা করিতেছে, তাহাকে নিড়াইয়া সমস্ত রস বাহির করিয়া লইতেছে। বিশাল এই ধরণী, বিপুল তাহার ঐশ্বর্য, তবুও লোক নিরন্তর অভাবে বিমূঢ়। অনন্ত ঐশ্বর্যের ভাণ্ডারে বসিয়া মানুষ অর্ধাহারে দিন যাপন করিতেছে। নগরে নগরে ঈশ্বরের উপাসনার মন্দির তৈয়ারী হইয়াছে—স্বর্ণে আর রৌপ্যে বেদী পরিপূর্ণ, আর সেই সব মন্দিরের দ্বারে দ্বারে নিরন্ন বস্ত্রহীন ভিখারীর দল শীতে কাঁপিতে কাঁপিতে ঘুরিয়া মরিতেছে—যদি কেহ হাতে একটুকরা তামা দিয়ে যায়! স্বর্ণ-রৌপ্যে ভরা এই সমস্ত গির্জা, সোনার-সুতায় কাজকরা পুরোহিতের পোষাক, গির্জার দ্বারে বস্ত্রহীন এই সব ভিখারীদের ভিড়—এই সমস্তই তিনি পূর্বেও দেখিয়াছেন কিন্তু তখন মনে হইত—এঁহাই স্বাভাবিক জীবনের ধারা। কিন্তু আজ তিনি বুঝিয়াছেন, এই বৈষম্যের মিল কোথাও নাই। যাহাদের জগৎ গির্জার সব চেয়ে বেশী প্রয়োজন, তাহারাই রহিল গির্জার বাহিরে দাঁড়াইয়া—ভিক্ষুর বেশে!

যিশুখৃষ্টের গল্প শুনিয়া এবং ছবি দেখিয়া মা বুঝিয়াছেন যে, তিনি ছিলেন দরিদ্রের বন্ধু—অতি সাধারণ ছিল তাঁহার অঙ্গের আবরণ। যাহার কাছে নিখিলের আর্ত দরিদ্র লোক আসিবে সাধনার জগৎ গির্জায় গির্জায় তাঁহারই মূর্তি কি না সোনার পেরেকের জুশে বিদ্ধ? স্বর্ণের এ কি অসহ্য ঔজ্জ্বল্য! রাইবিনের কথা মায়ের মনে পড়িত। সে বলিয়াছিল, “আমাদের ঘরে ফেলবার জগৎ, তারা ভগবানকেও বিকৃত করেছে। ক্ষেতে পাখীদের ভয় দেখাবার জগৎ, যেমন চাষীরা একটা নকল শ্রাকড়ার মাছ

টাকিয়ে রাখে, তেমনি ওরা আমাদের ভয় দেখাবার জন্তে ঈশ্বরের প্রতিনিধির বদলে গির্জায় একটা নকল ভগবান টাকিয়ে রেখেছে।”

এই সব কথা চিন্তা করিতে করিতে কখন অজ্ঞাতে মা তাঁহার প্রাত্যহিক প্রার্থনা কমাইয়া দিয়াছিলেন। কিন্তু অন্তরে অহরহ যিশু এবং তাঁহারই আলোকে যাহারা কলরবহীন জীবন কাটাইয়া গিয়াছেন, তাঁহাদের কথা প্রায়ই ভাবিতেন। বাহিরে যাহা কিছু শোনেন, যাহা-কিছু দেখেন, অন্তরের সেই নব-জাগ্রত অপূর্ব অনুভূতির সঙ্গে তাহা মিলাইয়া দেখেন। এবং এই চিন্তাধারাই এক অপক্লপ প্রার্থনার রূপে তাঁহার অন্তরকে উদ্ভাসিত করিয়া তুলিত, মনে হইত যেন তাহাবই মধ্যে সমস্ত অন্ধকার জগৎ সমুদ্ভাসিত হইয়া উঠিবে।

যতই দিন যাইতে লাগিল, ততই মনে হইতে লাগিল যে, এতদিন পরে আজ তিনি যেন সত্যি তাঁহার অন্তরের নিকটে আসিয়াছেন। স্পষ্ট তাঁহাকে দেখা যাইতেছে—জনতার উপরে আনন্দ-বিভাসিত আননে ক্রুশে দাঁড়াইয়া আছেন। নয়নে কি অমৃত-সান্নিধ্য—তাঁহারই ক্ষুদ্র মাতৃ-হৃদয়ের দিকে চাহিয়া আছেন। কি আশ্বাস প্রসারিত করে! যুগে যুগে তাঁহার নামে যে তপ্ত-রক্ত অর্ঘ উৎসর্গ করা হইয়াছে, তাহারই স্পর্শে নব-জীবন লাভ করিয়া আজ সত্যি যেন তাঁহার নব-আবির্ভাব!

আইভানোভিচ ঘড়ি ধরিয়া প্রত্যহ ঠিক নিয়মিত সময় রাত্রে বাড়ী ফিরিত। একদিন তাহার ফিরিতে দেবী হইল। যে সময় ফিরিবার কথা তাহার অনেক পরে ব্যস্ত হইয়া ঘরে ঢুকিয়া মাকে ডাকিয়া বলিল, “সুনেছেন, আজকে জেলে ভীষণ গুণ্ডগোল হয়েছে! গুণ্ডগোলের সময় কে একজন আসামী জেল থেকে পালিয়ে গেছে। কিন্তু কে যে পালালো—এখনও পর্বস্ত সে খবর পাই নি!”

উত্তেজনায় মায়ের সমস্ত দেহ কাঁপিয়া উঠিল। একটা চেয়ারে বসিয়া পড়িয়া কম্পিত-কণ্ঠে জিজ্ঞাসা করিলেন, পাভেল নয় তো?

হতেও পারে। কিন্তু এখন সমস্তা হচ্ছে যে, তাকে খুঁজে বার করতে হবে। তাকে লুকিয়ে রাখতে হবে তো! সারাক্ষণ সেইজন্তে পথে পথে ঘুরে বেড়াচ্ছিলাম—যদি দেখতে পাই। অবশ্য এরকম করে খোঁজা বোকামী বই আর কিছুই নয়—তবুও একটা কিছু করতে হবে তো! আমাকে এখনই বেরুতে হবে আবার—

মা বলিয়া উঠিলেন, আমিও তোমার সঙ্গে যাব !

বাধা দিয়া আইভানোভিচ বলিল, তার চেয়ে বরঞ্চ আপনি আর এক কাজ করুন—আপনি এখনই ইয়াগরের কাছে যান—সে যদি কোন খবর পেয়ে থাকে !

পুত্রকে দেখিবার গোপন আশায় কাল বিলম্ব না করিয়া মাথায় একটা বড় ক্রমাল জড়াইয়া রাজ-পথে বাহির হইয়া পড়িলেন। এত দ্রুত বৃকের মধ্যে নিঃশ্বাস-প্রশ্বাস বহিতেছিল যে, তিনি চলিতে পারিতেছিলেন না। চোখের সামনে ক্রমশ ঘেন সব ঝাপসা হইয়া আসিতেছিল।

ইয়াগরের বাড়ীর সিঁড়ির কাছে আসিয়া তিনি এতদূর ক্লান্ত-হইয়া পড়িলেন যে একটু অপেক্ষা করিতে হইল। পিছনে ফিরিয়া চাহিতেই তিনি সহসা চাপা গলায় অশ্রুট আর্তনাদ করিয়া উঠিয়া কয়েক সেকেণ্ডের জগ্গ চক্ষু বুজিলেন। তাঁহার মনে হইল, নিকোলে দরজার কাছে দাঁড়াইয়া তাঁহার দিকে চাহিয়া হাসিতেছে। চোখ চাহিয়া দেখিতেই আর কাহাকেও দেখিতে পাইলেন না।

ছুটিয়া বাহির হইতেই দেখেন অদূরে সত্যি নিকোলে দাঁড়াইয়া। মুখে সেই বসন্তের দাগ ! তাহলে পাতেল নয়, নিকোলে ! এই নতুন নৈরাশ্রে বহুদিনের ভুলিয়া-বাওয়া অন্তর-পোড়ানি অগ্নি-শিখা সহসা মায়ের বৃকে জলিয়া উঠিল।

চাপা গলায় ডাকিলেন, নিকোলে, নিকোলে ?

হাত নাড়িয়া নিকোলে তেমনি চাপা গলায় উত্তর দিল, আপনি এগিয়ে যান !

ইয়াগরের ঘরে ঢুকিয়া মা দেখেন রোগপাংগু মুখে ইয়াগর বিছানায় শুইয়া আছে। নড়িতে পারিতেছে না। চুপি চুপি তাহার কানের কাছে গিয়া বলিলেন, নিকোলে জেল থেকে পালিয়ে এখানে আসছে।

ইয়াগর তেমনি শুইয়া উত্তর দিল, চমৎকার ! এগিয়ে গিয়ে তাকে স্বর্জন করবার শক্তি আমার আর নেই !

বলিতে না বলিতেই দরজা খুলিয়া নিকোলে ঘরে ঢুকিয়া দরজা বন্ধ করিয়া দিল। মাথা হইতে টুপি খুলিয়া হাসিতে হাসিতে ইয়াগরের বিছানার দিকে অগ্রসর হইল।

কুহুইয়ের উপর ভর দিয়া ইয়াগর বলিল, আসতে আজ্ঞা হয়, মহাপ্রভু!

মায়ের দিকে অগ্রসর হইয়া তাহার হাত দুটি ধরিয়া নিকোলে বলিল, আপনার সঙ্গে যদি দেখা না হতো তাহলে আবার আমাকে জেলেই ফিরে যেতে হতো। এখানে কে আছে না আছে আমি কিছুই জানি না! আর কিছুক্ষণ বাইরে থাকলেই ধরা পড়তাম—আবার যেতে হতো জেলে। জেল থেকে বেরিয়ে ঘুরে বেড়াচ্ছিলাম আর ভাবছিলাম কি বোকা আমি—কেন জেল থেকে পালিয়ে এলাম? এমন সময় দেখি আপনি হনহন করে চলেছেন—আমিও আপনার পিছু পিছু চলতে শুরু করলাম!

—কিন্তু কেমন করে জেল থেকে পালালে?

—আমি নিজেই জানি না কেমন করে। হঠাৎ ঘটে গেল। জেলের মধ্যে বিকেল বেলা ছাড়া পেয়ে হাওয়া খাচ্ছিলাম। এমন সময় দেখি জেলের ওভারসিয়ারকে ধরে কয়েদীরা প্রচুর প্রহার লাগাচ্ছে। দেখতে দেখতে চারদিকে একটা হট্টগোল পড়ে গেল। আমি ঘুরতে ঘুরতে দেখি জেলের দরজা খোলা। পাহারায় যারা ছিল তারা তাড়াতাড়ি সব ভেতরে চলে এসেছে। বেশ ধীরে স্বস্থে ফটকের কাছে গেলাম, ফটকের বাইরে এলাম। কেউ কিছু বলে না। কিছুদূর এগিয়ে নিজের মনেই প্রস্থ করলাম—এখন যাই কোথা? পিছন ফিরে জেলের দিকে চাইলাম—দেখি দরজা বন্ধ হয়ে গিয়েছে। কি রকম অসোয়াস্তি বোধ হতে লাগলো। বন্ধুদের ফেলে রেখে এরকম করে চলে আসা আমার উচিত হয় নি—এ যে কি একটা বোকামির মত কাজ হয়ে গেল কিছুই বুঝতে পারছি না।

ইয়াগর তাহার স্বাভাবিক বিজ্রমের ভঙ্গীতে বলিল, হজুরের উচিত ছিল ফিরে গিয়ে ভদ্রভাবে জেলের দরজার কড়া নাড়া দেওয়া! দরজা খুলে বলা, ধর্মাবতার ক্ষমা করবেন—ক্ষণিকের লোভ হয়েছিল—আবার ফিরে এসেছি! যাক, সে সব কথা এখন! এখন দরকার হচ্ছে তোমার লুকিয়ে থাকা। কিন্তু আমি যে উঠতে পারছি না—

নিকোলে ইয়াগরের দিকে ভাল করিয়া চাহিয়া দেখিয়া বলিল, তুমি অত্যন্ত অস্থস্থ হয়ে পড়েছ, ইয়াগর!

মা সেই ছোট্ট ঘরটির চারিদিকে উদাস-দৃষ্টিতে চাহিতেছিলেন।

দুই হাত দিয়া বুক চাপিয়া ইয়াগর বলিয়া উঠিল, অস্থস্থ হওয়া না হওয়া সে আমার ব্যাপার। তোমার তাতে মাথা ঘামাতে হবে না। মাগো,

আপনি পাভেলের কথা ওকে জিজ্ঞেস করুন। চেষ্টা করে উদাসীন হবার কি দরকার ?

মায়ের জিজ্ঞাসা করিবার পূর্বেই নিকোলে বলিতে লাগিল, পাভেল বেশ ভালই আছে। শরীর তার বেশ সুস্থ এবং সবল আছে। আমাদের হয়ে অফিসারদের সঙ্গে সেই কথাবার্তা বলে। সেখানেও এমনি প্রতিপত্তি করে নিয়েছে যে, জেলে বসেও হুকুম চালায়।

ইয়াগরের ফুলিয়া-উঠা বিবর্ণ মুখের দিকে চাহিয়া মা নিকোলের কথা শুনিতেছিলেন।

এদিক ওদিক চাহিয়া হঠাৎ নিকোলে বলিয়া উঠিল, দেখো ভয়ানক গিদে পেয়েছে, কিছু খেতে দিতে পার ?

“মাগো, দেখো তো সেলফের ওপর পাউরুটি আছে। ওটা সব ওকে দাও। তারপর বারান্দায় গিয়ে বাঁ হাতে দ্বিতীয় দরজা যেটা পাবে—সেখানে গিয়ে কড়া নাড়া দেবে। একজন স্ত্রীলোক বেরিয়ে আসবে। তাকে বলবে—ঘরে খাবার যা কিছু জিনিষ আছে সমস্ত নিয়ে এখনি এই ঘরে চলে আসতে।”

নিকোলে প্রতিবাদ করিয়া উঠিল, আহা সব কেন ?

“উত্তেজিত হয়ো না বন্ধু ! যদি সে সবও আনে—তাহলেও তা খুব বেশী হবে না ! আর হয়ত তার ঘরে কিছুই নেই !

বারান্দায় গিয়া নির্দিষ্ট ঘরে মা কড়া নাড়িতেই দরজার ভিতর হইতে কিছুক্ষণ পরে নারী-কণ্ঠে একজন জিজ্ঞাসা করিল, কে ?

চুপি চুপি মা বলিলেন, আমি ইয়াগরের কাছ থেকে আসছি।

কিছুক্ষণ পরে একজন দীর্ঘাকৃতি স্ত্রীলোক ঘর হইতে বাহিরে আসিয়া রুক্সবরে জিজ্ঞাসা করিল, কি চাই আপনার ?

—আমি ইয়াগরের কাছ থেকে আসছি—সে আপনাকে এক্ষুণি তার ঘরে যেতে বলে।

আর একটু অগ্রসর হইতে নারীটি বলিয়া উঠিল, ওঃ, আপনি ! অন্ধকারে বুঝতে পারিনি ! ইয়াগরের কি অস্থখ বেড়েছে ?

—বোধ হয় ! সে কিছু খাবার নিয়ে যেতে বলেছিল—

—সে তো এখন কিছুই খায় না—খাবার কি হবে ? বলিতে বলিতে তাহার দুইজনে ইয়াগরের ঘরে গিয়া ঢুকিল।

বিছানার কাছে আসিতেই ইয়াগর বলিয়া উঠিল, বন্ধু পিতৃপুরুষদের সঙ্গে দেখা-সাক্ষাৎ করবার জন্তে তো আমি চল্লুম। আমার এই বন্ধুটা জেলের কতৃপক্ষের অগম্য নী নিয়ে চলে এসেছেন। এখন প্রথম কর্তব্য হচ্ছে—এঁর খিদে পেয়েছে—তার ব্যবস্থা করা! তারপর এঁকে দু'একদিনের জন্তে লুকিয়ে রাখা!

ঘাড় নাড়িয়া তাহার জবাব দিয়া নারীটি রুগ্ন ব্যক্তির মুখের দিকে একদৃষ্টিতে চাহিয়া রহিল! গম্ভীর ভৎসনার স্বরে বলিয়া উঠিল, তোমার বকবকানি থামাও, ইয়াগর! তুমি জানো, বেশী কথা বলার তোমার কাছে কি মানে? ওঁরা যখন এলেন, তখনই আমাকে ডাকিয়ে পাঠান তোমার উচিত ছিল। দেখছি, ওষুধও খাওয়া হয়নি। আপনারা আমার ঘরে চলুন! এখন হাসপাতাল থেকে লোক আসবে—ওকে নিয়ে যাবার জন্তে।

মুখ বিকৃত করিয়া ইয়াগর বলিয়া উঠিল, তাহলে, অবশেষে হাসপাতালেই যাচ্ছি?

—আমিও সেখানে যাব তোমার সঙ্গে।

—সেখানেও যাবে?

চুপ. করো!

কোনও কথা না বলিয়া ইয়াগরের গায়ের কম্বলখানি ভাল করিয়া টানিয়া দিয়া ওষুধের শিশিটি তুলিয়া লইয়া কতখানি ওষুধ খাওয়া হইয়াছে একবার ভাল করিয়া দেখিয়া লইল। তারপর নিকোলেকে ডাকিয়া বাইবার সময় মাকে বলিয়া গেল, আপনি একটু থাকুন! আমরা এখন যাচ্ছি। আমি এক্ষুণি ফিরে আসছি। আপনি ইত্যবসরে একদাগ ওষুধ ওকে খাওয়ান।

দরজার কাছে গিয়া ফিরিয়া দাঁড়াইয়া বলিল, আর দেখুন, ওকে একদম কথা বলতে দেবেন না!

তাহারা চলিয়া গেলে দীর্ঘশ্বাস ফেলিয়া ইয়াগর বলিয়া উঠিল, অপূর্ব নারী! আপনি এর সঙ্গে মিশে কাজ করে দেখবেন—কি পরিশ্রমই না করতে পারে। আমাদের সমস্ত ছাপার কাজ এই মেয়ে একা সব করে!

—কথা বলো না। বারণ করে গেলো! এই ওষুধটা খেয়ে নাও—ওষুধ গলাধঃকরণ করিয়া একটা চোখ বুজিয়া সে বলিল, কথা বলি আর নাই বলি, আমি যে মরবো, সেটা স্থনিশ্চিত!

তাহার সেই বিবর্ণ মুখের দিকে চাহিতে করুণায় মায়ের চোখে জল ভরিয়া আসিতেছিল।

—হুখ করো না মা ! এই-ই নিয়ম, জীবন ভোগ করবার অধিকারের সঙ্গে সঙ্গেই মরবার দায়িত্ব নিয়েই আমরা এই পৃথিবীতে এসেছি !

তাহার হাতের উপর হাত রাখিয়া মা বলিলেন,—না, তুমি বেশী কথা বলো না।

—চুপ করে থাকার কোন মানে হয় না। চুপ করে থেকে আমার কী লাভ হবে?—বাড়তি আর কয়েক সেকেণ্ড এই সব যন্ত্রণা ভোগ--এই তো ? তার জন্তে আমি একজন সত্যিকারের মানুষের সঙ্গে দুটো কথা বলার আনন্দটুকু হারাচ্ছি। আমার বিশ্বাস এই পৃথিবী ছেড়ে যেখানে যাব সেখানে এখানকার মত মানুষের সঙ্গে আর কথা বলতে পারবো না।

ক্রমশ তাহার কথা বাড়িয়া যাইতেছে দেখিয়া মা বিব্রত হইয়া বলিয়া উঠিলেন, এখনি মেয়েটি এসে আমাকে ধমকাবে—তুমি চুপ কর।

সে তোমাকে ধমকাবেই মা ! কাউকে না ধমকিয়ে সে একদণ্ড থাকতে পারে না।

কিছুক্ষণ পরে লুডমিলা ফিরিয়া আসিল। মায়ের কাছে আসিয়া বলিল, বন্ধুটিকে কিছু নতুন কাপড় চোপড় এক্সুণি কিনে এনে দিতে হবে। এ যায়গায় বেশীক্ষণ থাকা ওর পক্ষে নিরাপদ নয়। আপনি যান, এক্সুণি যাহোক একটা পোষাক কিনে আনুন। সোফিয়াটা এই সময় থাকলে বড় সুবিধে হতো। লোক লুকোতে ও ওস্তাদ !

ইয়াগরের দিকে চাহিয়া মা জিজ্ঞাসা করিলেন, হাসপাতালে তোমার সঙ্গে দেখা করতে যেতে পারিতো ?

লুডমিলা বলিল, বেশ তো ; আমরা দুজনে পালা করে হাসপাতালে যাব। আপনি কিছু মনে করবেন না, আপনি তাড়াতাড়ি বেড়িয়ে পড়ুন। পথে গুপ্তচরদের দিকে একটু লক্ষ্য রাখবেন।

মা যাইতে যাইতে গোপন-গর্বে বলিলেন, সে আমি জানি !

কিছুক্ষণ পরে মা পোষাক কিনিয়া ফিরিয়া আসিলেন। শহরের সীমানা পর্বন্ত নিকোলেকে আগাইয়া দিবার তার মায়ের উপর পড়িল।

নিকোলেকে পৌছাইয়া দিয়া মা যখন বাড়ী ফিরিতেছিলেন তখন শাশাঙ্কার সহিত পথে দেখা। তাকে সঙ্গে করিয়া বাড়ী ফিরিতেই

আইভানোভিচ বলিল, আমি ইয়াগরদের ওখানে গিয়েছিলাম। তাকে হাসপাতালে নিয়ে গেছে। অবস্থা খুবই খারাপ। লুডমিলা তোমাকে একুনি হাসপাতালে যেতে বলেছে। নিকোলেকে নির্বিঘ্নে পৌঁছে দিয়ে এলে তো?

সারাদিনের ক্লান্তিতে মায়ের মাথা ঘুরিতেছিল। যাইবার সময় মায়ের হাতে একটা বাণ্ডিল দিয়া আইভানোভিচ বলিল, এটা সঙ্গে নিয়ে যান—দরকার আছে।

জামা কাপড় বদলাইয়া মা হাসপাতালে গিয়া উঠিলেন। সেখানে গিয়া দেখিলেন, বালিস ঠেস্ দিয়া তাহাকে আড় করিয়া বসাইয়া রাখা হইয়াছে। সে তেমনি নিঃশঙ্কচিত্তে ডাক্তারের সঙ্গে রসিকতা করিতেছে।

“দোহাই তোমার বিজ্ঞানের। ডাক্তার, এখন একটু শুতে দাও!”

না, এখন শুতে চলবে না।

আচ্ছা—তোমরা চলে গেলেই শোবো তা’হলে।

মাকে ডাকিয়া লুডমিলা বলিল, আপনি দেখবেন, ও যেন না শোয়! আমি কিছুক্ষণ পরেই আসছি।

মা ছাড়া তাহারা সকলে চলিয়া গেল। চোখ বুঁজিয়া ইয়াগর বলিয়া যাইতে লাগিল—একান্ত অনিচ্ছার সঙ্গে মৃত্যু ধীরে ধীরে যেন কুণ্ঠিত হয়ে আমার কাছে আসছে। হাজার হোক, বড় ভাল লোক ছিলাম—আমাকে নিয়ে যেতে মৃত্যুরও কুণ্ঠা হচ্ছে।

তাহার মাথায় হাত বুলাইতে বুলাইতে মা বলিলেন, কথা বলো না, লক্ষ্মিটি ঘুমাও!

আচ্ছা তোমার কথাই শুনলাম।

তাহার পাশে বসিয়া কখন ক্লান্তিতে মা ঘুমাইয়া পড়িয়াছিলেন, একটা কিসের শব্দে ঘুম ভাঙ্গিয়া গেল। জাগিয়া দেখেন দরজা খোলার শব্দ হইতেছে। লুডমিলা ঘরে ঢুকিয়া ইয়াগরের কাছে আসিয়া তাহার গায়ে হাত দিয়া অশ্রুত আর্তনাদ করিয়া উঠিল, একি?

ইয়াগর শাস্তকণ্ঠে বলিল, চুপ্ কর!

তারপর একবার জোরে হাঁ করিল, মাথাটা তুলিয়া হাতটা আগাইয়া দিল। মা উঠিয়া হাতটা ধরিতে তাহার সমস্ত দেহ একবার জোরে কাঁপিয়া উঠিয়া পড়িয়া গেল। অশ্রুত স্বরে সে শুধু বলিল, একটু হাওয়া!

ধীরে মাথাটি বেকিয়া কাঁধের উপর আসিয়া পড়িল। বিস্ফারিত নিম্পলক চোখে ঘরের মুহু প্রদীপের ছায়া কাঁপিতেছিল। লুডমিলা ভাল করিয়া তাহার সর্বাঙ্গ স্পর্শ করিয়া বলিয়া উঠিল - শেষ হয়ে গেছে।

হঠাৎ চলিতে চলিতে মাথায় সজোরে আঘাত করিলে লোকে যেমন বসিয়া পড়ে লুডমিলা তেমনি অবশ হইয়া বসিয়া পড়িল। দুইহাত দিয়া মুখ চাপিয়া ধরিয়া নিরুদ্ধ আবেগে সে গুমরাইয়া উঠিল।

ইয়াগরের অবশ হাত দুইটি তাহার বুকের উপর রাখিয়া মাথাটি বালিশে নামাইয়া মা চোখের জল মুছিয়া লুডমিলার পাশে আসিয়া বসিলেন। স্নেহে তাহার মাথাটি বুকে টানিয়া লইয়া মাথায় হাত বুলাইতে লাগিলেন।

মাথা তুলিয়া মায়ের বুকে মুখ রাখিতে তাহার ঠোঁট দুইটি কাঁপিয়া উঠিল।

—বহুদিন ধরে ওর সঙ্গে আমার পরিচয়। একসঙ্গে আমরা দুজনে নির্বাসিত হয়েছিলাম। একসঙ্গে দুজনে পায়ে হেঁটে নির্বাসনে গিয়েছিলাম—জেলে একসঙ্গে বসে দুজনে দিনের পর দিন, রাতের পর রাত কাটিয়ে দিয়েছি।

চাঁৎকার করিয়া কাঁদিবার জন্ত তাহার অন্তর ব্যাকুল হইয়া উঠিতেছিল। কিন্তু অশ্রুভরা সমস্ত আর্তনাদ কণ্ঠে আসিয়া শুষ্ক হইয়া যাইতেছিল। দুটি বিশাল চক্ষু আরও মায়ত হইয়াছে—কিন্তু তাহাতে অশ্রু নাই। চুপি চুপি মায়ের মুখের কাছে মুখ আগাইয়া লইয়া সে বলে, এমন সময় গিয়েছে, যখন সবাই ভেঙ্গে পড়েছে, বিরক্ত মনে হয়েছে—কিন্তু ওর অন্তরে ছিল অফুরন্ত আনন্দের ভাণ্ডার। হেসে, হাসিয়ে, ঠাট্টা করে একটা সত্যিকারের পুরুষ মানুষের মত ও সমস্ত দুঃখ কষ্টকে ঢেকে রাখতে পারতো! দুর্বলকে জাগিয়ে মাতিয়ে তুলতে পারতো। যেমন কোমল ছিল ওর অন্তর তেমন সজাগ ছিল মন। সাইবেরিয়ার লোকে আলস্তে মরে যায়—সমস্ত জীবনের প্রতি একটা অতি কুৎসিত ভঙ্গী সেখানে আপনা থেকে জন্মায় কিন্তু ও অদ্ভুত উপায়ে সেখানে নিজেকে বাঁচিয়ে রেখেছিল। ওর নিজের জীবনে যথেষ্ট দুঃখ-কষ্ট, লাহুনা ছিল কিন্তু আমি জানি কোনও দিন কেউ ওর নিজের সম্বন্ধে একটা দুঃখের কথাও শোনে নি—কখনও না। আমিই তো সকলের চেয়ে ওর কাছে কাছে থাকতাম—কোনও দিন একটা কথাও শুনি নি। শরীর গিয়েছিল ভেঙ্গে,

একান্ত পরিশ্রান্ত—কিন্তু কোনও দিন অল্পকম্পা, দয়া বা সেবা কিছুই কারুর কাছে প্রত্যাশা করেনি।

ধীরে ধীরে শয্যার ধারে গিয়া ইয়াগরকে একবার চুম্বন করিল। তাহার অঙ্গ স্পর্শ করিয়া নিরুদ্ধ কণ্ঠে বলিল, বন্ধু, বিদায়, সমস্ত জীবন তোমারই মত নিঃশব্দচিন্তে এই দায়িত্ব বহিবো—বিদায়!

হাঁটু নত করিয়া মৃতকে অভিবাদন জানাইয়া মা লুডমিলার হাত ধরিয়া বাহির হইয়া পড়িলেন। বারান্দা পার হইয়া দেখিলেন, নীরবে লুডমিলার চক্ষু হইতে অশ্রুধারা গড়াইয়া পড়িতেছে।

পরের দিন মৃতের শেষ-ক্রিয়ার আয়োজনে মা ব্যস্ত হইয়া পড়িলেন। সম্ভাব্যেবা দুই ভাই-বোনে বসিয়া চা-খাইতে খাইতে ইয়াগর সম্বন্ধেই আলোচনা করিতেছিল, এমন সময় কোথা হইতে ঝড়ের মত শাশাঙ্কা আসিয়া উপস্থিত হইল। মুখ-চোখ তাহার আনন্দে উদ্ভাসিত, কপোল রক্তিম। কোথায় সে গম্ভীর, স্বল্প-বাক স্থির-দৃষ্টি নারী! তাহার বদলে অঙ্ককারে অগ্নি-শিখার মত এ কোন তরুণী! কিসের এক বিপুল আশা যেন তাহার সমস্ত দেহ-মনকে আজ বদলাইয়া দিয়াছে।

আইতানোভিচ গম্ভীর ভাবে শাশাঙ্কার মুখের দিকে চাহিয়া টেবিলে আঙুল ঠুকিতে ঠুকিতে বলিয়া উঠিল, কি ব্যাপার, শাশা, আজ তোমাকে তো ঠিক তোমার মত দেখাচ্ছে না!

অকুণ্ঠ হাস্তে শাশাঙ্কা বলিল, না দেখাতেও পারে!

সোফিয়া মৃদু হাসিয়া জিজ্ঞাসা করিল, নতুন কিছু আশা পেইচিস্ না কি রে?

ঘাড় নাড়িয়া তেমনি স্মিতমুখে শাশাঙ্কা বলিয়া উঠিল, “সত্যি, ভাই পেয়েছি! সারা রাত ধরে কাল নিকোলের সঙ্গে কথা বলেছি। কি জানি কেন আগে ওকে আমার ভালো লাগতো না! কিন্তু কাল ওর সঙ্গে কথা বলে দেখলাম—ওর সম্বন্ধে আমার সমস্ত ধারণা ভুল হয়েছিল। ও আজ নিজেকে খুঁজে পেয়েছে! যে-বন্ধু জীবনের গহনতম অঙ্ককারে আলো জালিয়ে দেয়, কেমন করে ওর অশিক্ষিত মনে তার স্পর্শ এসে লেগেছে।”

আজ শাশাঙ্কার মুখের চেহারা, তাহার কথা বলিবার ভঙ্গী, তাহার এই উচ্ছ্বাস, মায়ের বড় ভাল লাগিতেছিল!

শাশাঙ্কা বলিতেছিল, দেখলুম জেলে যে-সব বন্ধুদের সে ফেলে রেখে

এসেছে—তাদের চিন্তায় ও ডুবে আছে। জানো, আমাকে কি আশা দিয়েছে? জেল থেকে ওদের লুকিয়ে পালাবার বন্দোবস্ত করতে হবে! নিকোলে বলেছে, বিশেষ কিছুই হাঙ্গামা নেই—অনায়াসে হয়ে যাবে!

সোফিয়া মাথা তুলিয়া জিজ্ঞাসা করিল, কিন্তু তুই কি মনে করিস, শাশা! জেল থেকে লুকিয়ে বার করে আনা কি সম্ভব হবে?

মা চা পরিবেশন করিতেছিলেন। হঠাৎ তাহার সর্বাঙ্গ কাঁপিয়া উঠিল।

সোফিয়ার প্রশ্নে সহসা শাশাঙ্কার ক্র আবার পূর্বকার মত সঙ্কুচিত হইয়া উঠিল। সেই আনন্দ-উদ্দীপ্ত মুখ সহসা আবার গম্ভীর হইয়া গেল। কিছুক্ষণ চুপ করিয়া থাকিয়া নিজের মধ্যে যেন সহসা হারাইয়া গিয়া গম্ভীর স্বরে শাশাঙ্কা বলিল, এ যে সম্ভব, এ সম্বন্ধে নিকোলের কিন্তু বিন্দুমাত্র সন্দেহ নেই। সে যা সব বলেছে, তা যদি সত্যি হয়, তা হলে আমাদের একবার চেষ্টা করে দেখা উচিত। এটা আমাদের কর্তব্য!

শেষের কথাগুলি এমন অস্বাভাবিক জোরের সঙ্গে সে বলিয়া ফেলিল যে কিসের এক গোপন লজ্জায় তাহার গণ্ড রক্তিম হইয়া উঠিল। লজ্জায় মাথা নীচু করিয়া চেয়ারে চুপ করিয়া বসিয়া রহিল!

মা ও তাহা লক্ষ্য করিয়া হাসিয়া ফেলিয়াছিলেন। মনে মনে বলিতে-ছিলেন, ওরে ছুটু মেয়ে।

সোফিয়া ও আইভানোভিচ বুঝিয়াছিল সহসা শাশাঙ্কার এই লজ্জার হেতু কি! শাশাঙ্কার দিকে চাহিয়া তাহারাও সম্মুখে মুখ হাসিয়া ফেলিল।

ধরা পড়িয়া যাওয়ার লজ্জা জোর করিয়া দূর করিবার জন্য মাথা তুলিয়া শুষ্ক কণ্ঠে শাশাঙ্কা বলিল, আমি জানি কেন তোমরা হাসছো! তোমরা ভাবছো বোধ হয় যে, কোন ব্যক্তিগত কারণে আমার এ বিষয়ে এত আগ্রহ, না?

শাশাঙ্কার কাছে উঠিয়া গিয়া কোমল কণ্ঠে সোফিয়া বলিল, বেশ তো তাতেই বা দোষ কি?

উত্তেজিত, বিবর্ণ হইয়া শাশাঙ্কা বলিয়া উঠিল, কিন্তু তা সত্যি নয়! তোমরা যদি এ বিষয়ে ভেবে দেখবার ভার নাও—আমি এই ব্যাপারে একদম থাকতে চাই না, থাকবোও না।

আইভানোভিচ বাধা, দিয়া বলিল, থামো, শাশা।

নিজের অস্তর দিয়া মা শাশাঙ্কার অস্তর বুঝিয়াছিলেন। কাছে গিয়া আদর করিয়া তাকে বুকে টানিয়া লইয়া চুখন করিলেন। সোফিয়া শাশাঙ্কার পাশে গিয়া তাহার কাঁধে হাত রাখিয়া হাসিয়া বলিল, অদ্ভুত মেয়ে তুই!

যেন তাহা স্বীকার করিয়া শাশাঙ্কা উত্তর দিল, অদ্ভুতই বটে! তবে ইদানীং কেমন বোকা হয়ে গিয়েছি। ছায়া আমার আদৌ ভাল লাগে না আর!

মুহু তিরস্কার করিয়া আইভানোভিচ বলিয়া উঠিল, খুব হয়েছে, থামো এখন! কাজের কথা আলোচনা করা যাক। যদি পালাবার বন্দোবস্ত করা সম্ভব হয়, তা হলে এ সপ্তকে কোনও দ্বিতীয় মত থাকতেই পারে না। কিন্তু সকলের আগে, আমাদের জানা উচিত যাদের জন্তে এ চেষ্টা হচ্ছে, তারা এ ব্যবস্থা চায় কি না! ইতিমধ্যে একবার নিকোলের সঙ্গে আমার দেখা করাও দরকার।

শাশাঙ্কা বলিল, কাল আমি এসে জানিয়ে যাব, কোথায় কখন তার সঙ্গে দেখা হবে।

ঘরের মধ্যে পায়চারি করিতে করিতে সোফিয়া জিজ্ঞাসা করিল, সে এখন কি করবে ঠিক হয়েছে?

—একটা নতুন ছাপাখানায় কম্পোজিটারের চাকরীর জন্তে চেষ্টা করা হচ্ছে। যতক্ষণ তা না হয়, আমাদের শহরের ধারে সরকারী বনের মালীর ঘরেই ওর থাকার বন্দোবস্ত হয়েছে।

মা চায়ের বাসন পরিষ্কার করিতেছিলেন। আইভানোভিচ তাহার নিকটে গিয়া বলিল, পরশু দিন পাভেলের সঙ্গে আপনার দেখা করতে হবে এবং দেখা করবার সময়, আমি একখানা চিঠি দেবো—সেইটে তাকে দিয়ে আসতে হবে। তার মতামতটা নেওয়া দরকার! বুঝলেন?

মা তাড়াতাড়ি বলিয়া উঠিলেন, বুঝেছি, নিশ্চয়ই বুঝেছি! ও আমি অনায়াসে পারবো! আমার তো ঐ কাজ!

জানালা দিয়া বাহিরের দিকে চাহিয়া শাশাঙ্কা বলিয়া উঠিল, আমি তাহলে এখন চল্লুম।

নীরবে, সেই আগেকার মত গভীর মুখে শাশাঙ্কা সকলের সহিত করমর্দন করিল। ধীরে গুরুপাদক্ষেপে শাশাঙ্কা চলিয়া গেল। বহু চেষ্টার ফলে তাহার দুই চোখ ঘাইবার সময় শুকই ছিল।

তাহার বিনায়-পথের দিকে চাহিয়া শোফিয়া মাকে ডাকিয়া জিজ্ঞাসা করিল, এ রকম একটি বউ কেমন লাগে তোমার, মা ?

কাঁদিয়া ফেলিবার মত হইয়া মা বলিলেন, একদিনও ওদের দুজনকে যদি এক সঙ্গে দেখে যেতে পারি !

পরের দিন সকাল বেলা হাসপাতালের দরজায় জনকয়েক লোক দাঁড়াইয়াছিল—তাহাদের বন্ধুর মৃত-দেহের প্রতি শেষ সম্মান দেখাইবার জন্য । গুপ্তচরেরা কান পাতিয়া চারিদিকে ঘুরিয়া বেড়াইতেছিল । রাস্তার অপর পারে কোমরে রিভলভার লইয়া একদল পুলিশ দাঁড়াইয়া সব লক্ষ্য করিতেছিল । দেখিতে দেখিতে হাসপাতালের দরজার সম্মুখে লোকের ভিড় জমিয়া উঠিতে লাগিল ।

সেই জনতার মধ্যে মাও আসিয়াছিলেন । পরিচিত মুখগুলি খুঁজিয়া দেখিতেছিলেন এবং আপনার মনে ভাবিতেছিলেন—ওদের দল বলতে মাত্র এই ক’টা লোক !

এমন সময় হাসপাতালের দরজা খুলিয়া গেল । ফুলের মালা এবং লাল রিবনে মোড়া কফিন জনতার স্বন্ধে উঠিল । সমবেত সমস্ত লোক একত্র হইয়া সেই কফিনকে ঘিরিয়া দাঁড়াইয়া মাথার টুপী খুলিয়া অভিবাदन করিল । সহসা সেই জনতা ভেদ করিয়া একজন দীর্ঘকায় পুলিশ পারিপাশ্বিকতার দিকে বিন্দুমাত্র ক্রক্ষেপ না করিয়া যেখানে শবাধারটি ছিল, তাহারই দিকে আগাইয়া চলিল । পিছনে তাহার কয়েকজন সৈন্য । শবাধারকে ঘিরিয়া ফেলিয়া তাহার গোল হইয়া দাঁড়াইল । পুলিশ অফিসারটি তীক্ষ্ণ গম্ভীর স্বরে আদেশ করিলেন, “রিবন সরিয়ে নেওয়া হক !”

সহসা এই আদেশে জনতা চঞ্চল হইয়া উঠিল । পুলিশ অফিসারটিকে ঘিরিয়া লোকে ভিড় করিতে লাগিল । ভিড়ের মধ্য হইতে একটি তরুণ কণ্ঠে কে বলিয়া উঠিল, নিপাত যাক এই অত্যাচারের পালা ! কিন্তু গুলগোলের মধ্যে তাহার সেই একটি প্রতিবাদের শব্দ কোথায় ডুবিয়া গেল ।

রিবন সরাইয়া লওয়ার জুহুমে মায়ের মনও সংকুচিত হইয়া উঠিয়াছিল । তাঁহার পাশে একজন দ্বিভ্রুবোন্মত্ত যুবক দাঁড়াইয়াছিল । তাহাকেই ডাকিয়া মা বলিলেন, দেখো তো বাছা, এ কেমন অশ্রায । বন্ধু মরলে নিজের মনের মতন করে কবর পৰ্যন্ত দেবারও উপায় নেই—এর মানে কি ?

গণ্ডগোল চেচামেচি উত্তরোত্তর বাড়িয়াই চলিল। জনতার মাথায় শবাধার দোলার মত ছুলিতেছিল। বাতাসে লাল সিঁদের রিবনগুলির উড়িবার বিচিত্র শব্দ সেই গণ্ডগোলের উর্ধ্বে স্পষ্টতর হইয়া উঠিতেছিল।

পুলিশ এবং সৈন্তদের সঙ্গে আসন্ন সংঘর্ষের কথা ভাবিয়া মায়ের অন্তর ভয়ে কাঁপিয়া উঠিল। চলিতে চলিতে দুধারের লোককে ডাকিয়া তিনি বলেন, কাজ কি বাপু। রিবনগুলো খুলেই না হয় দাও না! তাছাড়া এখন আর কি করা যায়, বল না?

সহমা মা শুনিলেন একটি বলিষ্ঠ শব্দ সেই জনতার উর্ধ্বে জাগিয়া উঠিল—যাকে তোমরাই যন্ত্রণা দিয়ে মেরে ফেলেছ, তার এই শেষযাত্রায় আমরা কোন রকম ভাবে যেন আর উত্যক্ত না হই—এই আমাদের দাবী।

মা শুনিলেন পুলিশ অফিসারটী হুকুম দিলেন, রিবনগুলো তলোয়ার দিয়ে ছিঁড়ে ফেলো! থাপ হইতে তলোয়ার খোলার শব্দে মা চক্ষু বুজিলেন। তাঁহার আশঙ্কা হইতেছিল এখনি বৃষ্টি সমস্ত জনতা গর্জন করিয়া উঠিবে। কিন্তু চক্ষু খুলিয়া দেখিলেন, গণ্ডগোল থামিয়া গিয়াছে, সকলে নীরব!

নিজেদের বীথহীনতার এই প্রকাশ প্রমাণে মুহূর্তমান হইয়া মাথা নীচু করিয়া তাহারা আগাঠিয়া চলিল। সারা পথ ভরিয়া শুধু তাহাদের পদধ্বনির প্রতিধ্বনি জাগিয়া উঠিতে লাগিল। নীরবে তাহারা এই অপমান সহ্য করিল কিন্তু তাহার বিষ-জ্বালা নীরবে প্রতি অন্তরে ধূমায়মান হইতে লাগিল। ক্রমশ পদধ্বনি যেন একসঙ্গে এক তালে আরও গভীর ছন্দে ধ্বনিয়া উঠিল; মাথা নীচু করিয়া যাহারা চলিতেছিল, মাথা সোজা করিয়া তাহারা চলিতে লাগিল। সকলের চক্ষু যেন স্থির, নিষ্করণ হইয়া উঠিল।

যত বেলা বাড়িতে লাগিল, ঈতের নিদারুণ হিম বাতাস ততই যেন তীব্র আবর্তময় হইয়া উঠিতে লাগিল। পথের ধুলায় কুণ্ডলী পাকাইয়া, চোখে মুখে চুলে উড়িয়া আসিয়া, ছেঁড়া জামার ভিতর দিয়া বুকে ঘা দিয়া এক নির্বাক্রম অন্ধকার আর আশঙ্কার আব-হাওয়ায় সমস্ত জনতাকে ছাইয়া ফেলিল।

ফুটপাথ ধরিয়া মা যাইতেছিলেন। সমস্ত ব্যাপারটাই মায়ের ভাল লাগিতেছিল না। পুরোহিত নাই—শোক-সঙ্গীত নাই—তাহার বদলে ভ্রুকুটি-কুটিল সব মুখ, গভীর, নীরব। এ কি রকম অশান-যাত্রা! তাঁহার মনে হইতেছিল, এই জনতা যেন কবর দিতে চলিয়াছে, ইয়াগরকে নয়, যেন কি

একটা অস্ত্র জিনিষকে, তাহার নাম তিনি জানেন না, তাহাকে তিনি আজও মন দিয়া ধরিতে পারেন নাই।

ক্রমণ জনতা গোরস্থানে আসিয়া পৌছিল। ভিতরে ঢুকিয়া একটা খোলা জায়গায় শবাধার নামান হইল। শবাধার নামানর সঙ্গে সঙ্গে পুলিশের লোক কবরের চারিদিকে সারি বাধিয়া দাঁড়াইল। অফিসারটী শব-বাহকদের একজনকে ডাকিয়া উচ্চৈঃস্বরে বলিলেন,—সমবেত ভদ্রমহোদয় এবং ভদ্রমহিলাগণ! পুলিশের কর্তার আদেশ অনুযায়ী আপনাদের জানাইতে বাধ্য হইতেছি যে, কোনও বক্তৃতা এখানে হইতে পারিবে না।—

একজন যুবক আগাইয়া আসিয়া ধীরভাবে বলিল, আমি মাত্র গোটা দুয়েক কথা বলবো। বন্ধু সব! আমাদের এই পরলোকগত বন্ধু এবং দীক্ষা-দাতার কবরে দাঁড়িয়ে, এস আমরা নীরবে এই ব্রত গ্রহণ করি, যেন তাঁর অন্তরের বাসনার কথা আমরা না ভুলি! যে পাপ—যে স্বৈচ্ছাতন্ত্র আমাদের আজ নিষেধণ করে মেয়ে ফেলছে, এই কবরে দাঁড়িয়ে নীরবে শপথ কর, যেন তার কবর খুঁড়তে একদিনও না আমরা বিরাম দিই!

সহসা পুলিশ অফিসার চীৎকার করিয়া উঠলেন, গ্রেফতার কর!

কিন্তু তাহার কথা সেই বিরাট জনতার চীৎকারের মধ্যে ডুবিয়া গেল। জনতা চীৎকার করিয়া উঠিল, নিপাত জাক জার-স্বৈচ্ছাতন্ত্র!

বক্তাটিকে ধরিবার জন্য অগ্রসর হইতে পুলিশ দেখে, তাহাকে সকলে ঘিরিয়া দাঁড়াইয়াছে।

ক্ষণিক ভয়ে মুহুমান হইয়া মা চক্ষু মুদ্রিত করিলেন। শুনিলেন, পুলিশের বাঁশী বাজিয়া উঠিল। চারিদিকে এলোমেলো চীৎকার, মেয়েদের আর্তনাদ! তাহার মধ্য হইতে যুবকটির শান্ত গম্ভীর কণ্ঠ শোনা গেল,—বন্ধুরা! শাস্ত হও! নিজেদের এর চেয়ে বেশী মর্যাদা দিতে শেখো। আমি বলছি, আমাকে যেতে দাও!

মা চক্ষু চাহিয়া দেখিলেন—দেখিলেন রোদ্দালোকে কণে কণে বেয়েনেট বলসিয়া উঠিতেছে।

দৃঢ়কণ্ঠে যুবকটি আবার চীৎকার করিয়া উঠিল, বন্ধুরা, অথবা শক্তি কয় কেন করছো? তুলে যাচ্ছো, এখন আমাদের ধারালো করে তুলতে হবে হাতের তলোয়ারকে নয়, আমাদের মগজকে!

বেড়া ভাঙিয়া লাঠি করিয়া লইয়া জনতা পুলিশের বিরুদ্ধে দাঁড়াইয়াছিল

—যুবকটির কথায় তাহারা লাঠি নামাইল। মা আচ্ছন্নের মত ভিড় ঠেলিয়া আগাইয়া যাইতেই দেখিলেন, আইভানোভিচ দুই হাত দিয়া জনতা সরাইয়া চীৎকার করিয়া বলিতেছে,—তোমরা কি একেবারে বুদ্ধিভ্রম সব হারালে? থামো!

ভাল করিয়া চাহিয়া দেখিতে দেখিলেন, তাহার একখানি হাত রক্তে লাল হইয়া গিয়াছে। উন্নাদের মত ঝাঁপাইয়া পড়িয়া মা চীৎকার করিয়া উঠিলেন, আইভানোভিচ, এখান থেকে সরে যাও!

—কোথায় যান্ধেন আপনি—এগোলেই আপনাকে মারবে।

মা সেইখানেই থামিয়া গেলেন। সোফিয়া আসিয়া মায়ের কাঁধে হাত দিয়া তাঁহার দেহের ভার নিজের দেহের উপর লইল। তাহার আর একহাতে একটি কিশোর ছেলে, বিশেষ ভাবে আহত। হাত ছাড়াইয়া লটবার চেষ্টায় ছেলেটি বলিতেছে—আমাকে ছেড়ে দিন! আমার কিছু হয় নি!

মায়ের হাতে ছেলেটি দিয়া সোফিয়া বলিল,—এই ছেলেটিকে দেখুন দেপি! এই ক্রমাল দিয়ে ভাল করে ব্যাণ্ডেজ করে ওকে বাড়ী নিয়ে চলুন। এখানে আপনাকে দেখতে গেলেই গ্রেফতার করবে। শিগরি এখান থেকে চলে যান!

ছেলেটিকে সঙ্গে লইয়া মা গোরস্থান হইতে বাহির হইয়া একটা গাড়ী লইলেন।

আইভানকে লইয়া বাড়ী ফিরিয়া মা দেখিলেন সোফিয়ারা তাহার পূর্বেই বাড়ী আসিয়া পৌঁছিয়াছে। সঙ্গে তাহাদের দলের ডাক্তারকেও লইয়া আসিয়াছে।

ডাক্তার আইভানের ক্ষতস্থান ধুইয়া দিয়া ওষুধ লাগাইয়া সেইখানেই তাহাকে সেদিনের মত শোয়াইয়া রাখিল। মাতের সর্বাক রক্তের দাগে ভরিয়া গিয়াছিল। পোষাক পরিবর্তন করিতে করিতে তিনি শুনিতেছিলেন সোফিয়ারা কথা বলিতেছে। লক্ষ্য করিলেন অদ্ভুত প্রশান্তভাবে তাহার কথা বলিতেছে, কাজ করিতেছে যেন এমন বিশেষ কিছুই ঘটে নাই। সেই ভয়াবহ ঘটনার কয়েক মুহূর্ত পরেই তাহারা আবার আশ্রয় হইয়া গিয়াছে। সত্যের আস্থানে যে-কোনও ভয়াবহ কাজ অনায়াসে সম্পন্ন করিতে তাহার সর্বদাই নিজের প্রস্তুত এবং প্রশান্ত রাখিতে পারে। তাহাদের অন্তরের এই শক্তির কথা ভাবিতে ভাবিতে মা নিজের অন্তরে এক নূতন সাহস পাইলেন।

পোষাক বদলাইয়া সোফিয়ার সঙ্গে বসিবার ঘরে আসিয়া দেখেন, গোরস্থানের সেই ঘটনা লইয়া আর তাহারা আলোচনা করিতেছে না। যেন তাহা অতীতে, দূরে চলিয়া গিয়াছে। কাল সকালে কি নূতন কর্তব্য পড়িয়া রহিয়াছে তাহাই আলোচনা হইতেছে। মুখে তাহাদের ক্লাস্তির চিহ্ন কিন্তু চিন্তায় অবসাদের বিন্দুমাত্র লক্ষণ নাই।

তাহারা নিজেদের কাজের সমালোচনাই করিতেছিল। আইভানোভিচ চিন্তিতভাবে বলিতেছিল—প্রত্যেক জায়গা থেকে আজকাল খবর আসছে যে, বই-পত্র পাঠাও! এতে আর চলে না! কিন্তু আজও পর্যন্ত আমরা একটা ভালো প্রেস দখলে আনতে পারলাম না। লুভমিলা একা খেটে খেটে মারা যেতে বসেছে। তাকে সাহায্য করবার একজন লোক না দিতে পারলে শিগ্গিরই শুনবো যে সেও বিছানা নিয়েছে।

সোফিয়া নিকোলের কথা তুলিল। তাহার উত্তরে আইভানোভিচ বলিল, ওকে এখন শহরে রাখলে চলবে না। নতুন ছাপাখানায় ও একবার ঘুরে আসুক। সেখানে ও ছাড়া আর একজন লোকের দরকার।

শাস্তকণ্ঠে মা বলিলেন, আমাকে দিয়ে সে কাজ চলবে না?

মায়ের দিকে স্নেহে চাহিয়া সে বলিল, আপনার পক্ষে সে ভয়ানক কষ্ট-কর হবে। শহরের বাইরে আপনাকে থাকতে হবে—পাভেলের সঙ্গে দেখা-শোনা করা তখন আর চলবে না—

দীর্ঘশ্বাস ফেলিয়া মা বলিলেন, পাভেলের দিক দিয়ে অবশ্য সেটা খুব ক্ষতি-কর কিছু হবে না। আর আমার পক্ষে জেলে গিয়ে তার সঙ্গে দেখা করা এক স্বপ্নাদায়ক ব্যাপার হয়ে উঠেছে। কোন কথা বলতে পারবো না। বোকার মতন নিজের ছেলের সামনে চূপ করে ধানিকক্ষণ দাঁড়িয়ে থেকে আবার চলে আসা!

কিছুক্ষণ মায়ের দিকে একদৃষ্টে চাহিয়া থাকিয়া আইভানোভিচ কি কাজ করিতে হইবে তাহা মাকে বুঝাইয়া বলিলেন, মোটের উপর নতুন ছাপাখানায় যারা কাজ করবে, তাদের দেখাশোনার ভার আপনার ওপর থাকবে!

মা হাসিয়া বলিলেন, বুঝেছি সব। আমাকে তাদের সকলের রান্না করতে হবে। সে আমি কেন পারবো না?

বিগত কয়েক দিনের ঘটনা মাকে ক্লান্ত করিয়া ফেলিয়াছিল। শহরের

বাহিরে অল্প কোথাও থাকিবার নতনয় মায়ের ভাল লাগিতেছিল। তাই মা জেদ ধরিয়া বসিলেন—তিনি সেখানে যাইবেনই।

কথার মোড় ফিরাইবার জন্ত আইভানোভিচ ডাক্তারকে ডাকিয়া জিজ্ঞাসা করিল, কি ডাক্তার, তোমার রোগীর কথা ভাবছো নাকি ?

গম্ভীর ভাবে ঘাড় নাড়িয়া ডাক্তার বলিল, না, আমি ভাবছি, আমরা এত অল্প ! পাভেল আর আন্দ্রিকে বুঝিয়ে জেল থেকে লুকিয়ে বার করতেই হবে। ওদের মতন দুজন দরকারী লোক জেলের ভেতর চূপ করে বসে থাকলে একদম চলবে না !

আইভানোভিচ চোখ নীচু করিয়া ঘাড় নাড়িয়া মায়ের দিকে চাহিলেন। তাঁহার সামনে তাঁহার ছেলে সঙ্কে আলোচনা করিতে তাহার কুণ্ঠাবোধ করিতেছে মনে করিয়া মা সে ঘর হইতে উঠিয়া গেলেন।

পরের দিন দ্বিপ্রহরে জেলের দেখা-করিবার ঘরে মা বসিয়া আছেন। সামনে তাঁহার পুত্র পাভেল। হাতের মধ্যে সন্দোপনে আইভানোভিচের লেখা পত্র। কোন্ ফাঁকে তাহা পাভেলের হাতে দিবেন সেই দিকে লক্ষ্য করিয়া আছেন।

—আমি এখন বেশ ভাল আছি। তুমি ভাল আছ তো মা ?

—এই একরকম কেটে যাচ্ছে। আহা ! ইয়াগর মারা গেল সেদিন !

বিস্মিত হইয়া পাভেল বলিয়া উঠিল, সত্যি ?

বোকা সরল মেয়েমানুষের মত মা বলিতে লাগিলেন, কবর দেবার সময় পুলিশের সঙ্গে হলো মারামারি, একজন লোক ধরাও পড়লো—

সামনে চেয়ারে জেলের সহকারী ওভারসিয়ার বসিয়াছিলেন। হঠাৎ চেয়ার হইতে লাফাইয়া উঠিয়া ধমকাইয়া উঠিলেন—

—ওকি ! ওসব কি কথা ! বাদ দাও, বাদ দাও ওসব কথা ! বোঝো না, রাজনীতি সঙ্কে কোন কথা বলবার এখানে আইন নাই !

মা চেয়ার হইতে উঠিয়া দাঁড়াইয়া কিছুই যেন বুঝিতে পারেন নাই, এমন ভাবে বলিয়া উঠিলেন, তা বাবা রাজনীতির কথা তো আমি কিছুই বলি নি। আমি বলছিলাম একটা মারামারি হয়েছিল সেই সেদিন, তারই কথা ! এক-জনের মাথাও ফাটিয়ে দিয়েছিল—

—হয়েছে, হয়েছে, থামো। তোমার ঘর সংসারের কথা ছাড়া আর কোনো কথা তুলতে পারবে না !

কথাগুলো বলিয়া যেই পিছন ফিরিয়া চেয়ারে বসিতে যাইবে অমনি মা

পাভেলের হাতে পত্রটি গুঁজিয়া দিলেন। একটা স্বস্তির নিঃশ্বাস ফেলিয়া মা বাঁচিলেন। কিছুক্ষণ চুপ করিয়া থাকিবার পর মা বলিয়া উঠিলেন, কি কথা বলবো তাতো বুঝতে পারছি না আর!

পাভেল হাসিয়া ফেলিল। বলিল, আমিও জানি না কি কথা বলবো।

ওভারসিয়ারটি চেষ্টাইয়া উঠিল, তবে গ্রাকামো করে দেখা করতে আসা কেন? যত কর্ম-ভোগ!

কিছুক্ষণ ধরিয়া তাহারা তাহাদের উভয়ের কাছে একান্ত নিঃপ্রয়োজনীয় কথা বলিতে লাগিল। পাভেলের দিকে চাহিয়া মায়ের বড় ইচ্ছা হইতেছিল কোনও রকমে নিকোলের কথা তাহাকে যদি জানাইয়া যাইতে পারেন। পাভেল নিশ্চয়ই নিকোলের খবর জানিবার জন্য উৎসুক হইয়া আছে!

অনেকক্ষণ চিন্তা করিবার পর মা বলিয়া উঠিলেন, তোমার ধর্ম-পুস্তকের সঙ্গে হঠাৎ দেখা হয়ে গেল!

পাভেল নীরব বিস্ময়ে মায়ের চোখের দিকে চাতিয়া রহিলেন। মা মুখে আঙুল দিয়া নিকোলের মুখের বসন্তের দাগের কথা ইঙ্গিতে স্মরণ করাইয়া দিলেন।

—সে বেশ ভালই আছে। কোন রকম বিপদ-আপদ হয় নি। তোমার মনে আছে—কাজ, কাজ করে সে কি পাগলামিই না করতো, একটা কাজও তার জোটবার সম্ভাবনা হয়েছে।

পাভেল সমস্তই বুঝিল। আনন্দে ও কৃতজ্ঞতায় মাথা নত করিয়া সে মাকে অভিবাদন করিল। হাসিয়া বলিল, ও, তার কথা আমার আজকাল প্রায়ই মনে হয়।

বাড়ীতে আসিয়াই দেখেন শাশাঙ্কা বসিয়া আছে। যেদিন মা পাভেলের সঙ্গে দেখা করিতে যাইতেন ঠিক সেই দিন শাশাঙ্কা এখানে আসিত।

—কেমন দেখে এলেন?

—সে বেশ ভালই আছে!

—চিঠিটা দিতে পেরেছিলেন?

—নিশ্চয়ই! রীতিমত কায়দা করে তার হাতে গুঁজে দিয়েছি।

—পড়লো নাকি?

—আচ্ছাই বোকা! সেখানে পড়বে কি করে?

—ও তাও তো বটে! আমি ভুলেই গিয়েছিলাম। আচ্ছা, এখন

এক হস্তা অপেক্ষা করা যাক ! আপনার কি মনে হয় সে এতে রাজী হবে ?

—কি জানি ! মনে হয় রাজী হবে। রাজী না হবার কারণ কি থাকতে পারে ?

অল্প কথা পাড়িয়া শাশাঙ্ক বলিল, ছেলেটি কিছু খেতে চেয়েছিল, ঘরে—
মা তাড়াতাড়ি রান্নাঘরের দিকে চলিতেই শাশাঙ্ক ডাকিল—সুহৃদ, —সহসা
তাহার আঁখি-পল্লবের তলায় ছায়া ঘনাইয়া আসিল। ঠোট দুইটি কাঁপিয়া
উঠিল। তাড়াতাড়ি কম্পিত-কণ্ঠে মায়ের হাত ধরিয়া সে বলিয়া উঠিল,
আমি জানি সে রাজী হবে না কিন্তু আপনার পায়ে পড়ি কোন রকম করে
তাকে বোঝান ! বলবেন আমাদের কাজের জন্তে তাকে চাই-ই। তাকে
না হলে চলবে না ! আর আমার মনে হয় জেলে তার ভয়ানক কি একটা
অসুখ হয়ত হবে—

শাশাঙ্কর কথা বলিতে কষ্ট হইতেছিল। তাহার নিঃশ্বাস যেন আট-
কাইয়া আসিতেছিল। সহসা তাহার এই উচ্ছ্বাসে মা উদ্বিগ্ন হইয়া উঠিলেন।
বুকে টানিয়া লইয়া তাহাকে জড়াইয়া ধরিয়া বলিলেন, জানিস্ তো মা, সে
তার নিজের কথা ছাড়া আর কারুর কথা শোনে না—

আলিঙ্গন-বন্ধ অবস্থায় তাহার উভয়ে কিছুক্ষণ নীরব হইয়া রহিল। তার-
পর অতি সম্ভরণে তাহার কাঁধ হইতে মায়ের হাতটি নামাইয়া দিয়া আশ্বস্ত
হইবার চেষ্টা করিয়া শাশাঙ্ক বলিল, তা ঠিক ! আমাদের এরকম বোকার মত
লাফালাফি কাঁপাকাঁপি করা ঠিক নয় ! শুধু মাথা গরম করা ! সে যাক,
এখন ছেলেটিকে কিছু খেতে দেওয়া দরকার !

মা খাবার লইয়া আইভানের পাশে গিয়া বসিলেন। সম্মুখে জিজ্ঞাসা
করিলেন, মাথার যত্নণা কি এখনও সেই রকম আছে ?

—ব্যথা বেশী নেই। তবে মনে হচ্ছে যেন সব গুলিয়ে গিয়েছে। দুর্বল
লাগছে।

শাশাঙ্ককে দেখিয়া আইভানের সঙ্কোচ বোধ হইতেছিল। তাহার সামনে
সে খাইতে পারিতেছিল না—ইহা লক্ষ্য করিয়া শাশাঙ্ক ধীরে উঠিয়া বাহির
হইয়া গেল। বিছানার উপর উঠিয়া বসিয়া যে পথ দিয়া সে চলিয়া গেল তাহার
দিকে একদৃষ্টিতে চাহিয়া থাকিয়া সে আপনার মনে বলিয়া উঠিল, স্তম্ভর !

তাহার দিকে চাহিয়া মা জিজ্ঞাসা করিলেন, তোমার বয়স কত, বাছা ?

—সতেরো !

—তোমার বাপ মা কোথায় থাকেন ?

গ্রামে। আমার যখন দশ বছর বয়স তখন আমি এখানে আসি। কম-রেড, আপনার নাম কি জানতে পারি ?

যখন কেহ তাঁহাকে কমরেড বলিয়া ডাকিত তখন তাঁহার মুখে সহসা হাসি ফুটিয়া উঠিত, মন ছলিয়া উঠিত !

—আমার নাম জেনে তোমার কি হবে ?

একটু লজ্জিত হইয়া কিছুক্ষণ চুপ করিয়া থাকিবার পর সে বলিল,—কেন জিজ্ঞাসা করছিলাম জানেন—আমাদের দলের একজন বন্ধু, সেই আমাদের সমস্ত বইটাই পড়ে শোনাতো—সে প্রায়ই পাভেলের মায়ের সম্বন্ধে গল্প করতো—পয়লা মের সমস্ত ঘটনা তার কাছ থেকেই শুনি—

হাতে চামচেটা উঁচু করিয়া ধরিয়া সে বলিল, আমরা এখানে আমাদের ব্যাপার নিয়ে ব্যস্ত ছিলাম—তাঁদের ওখানে যেতে পারিনি ! কিন্তু আমি শুনলাম যে সেদিন তিনিও বেরিয়ে পড়েছিলেন—আমি সঠিক খবর জানি ! আপনি বিশ্বাস করুন ! সবাই বলে, সে বুড়ি এক অদ্ভুত নারী !

মায়ের সমস্ত মুখ আনন্দে উদ্ভাসিত হইয়া উঠিতেছিল। বালকের সেই উচ্ছ্বসিত প্রশংসা শুনিতে তাঁহার ভালই লাগিতেছিল কিন্তু অসোয়াস্তি বোধ হইতেছিল। আত্ম-প্রকাশ না করিবার চেষ্টা তাঁহাকে আরও বিপন্ন করিয়া তুলিতেছিল।

—ওকি, কিছু রেখে না—খেয়ে নাও সব ! বেগী করে খাও দেখি—কালই আবার দলে গিয়ে সকলের সঙ্গে চলবার শক্তি পাবে।

সহসা মা উত্তেজিত হইয়া তাহার দিকে ঝুঁকিয়া বলিয়া উঠিলেন, তোমাদের মত নবীন সবল বাছ, তোমাদের মত স্বচ্ছ পবিত্র হৃদয়, এই আন্দোলন এই সব শক্তির উপর নির্ভর করছে ! যা কিছু পাপ যা কিছু নীচ, হয় তা থেকে এই সব জিনিষই তো তোমাদের দূরে রেখেছে।

এমন সময় সহসা বাহির হইতে দরজা খুলিয়া হাসিতে হাসিতে সোফিয়া ঘরে ঢুকিল। খোলা দরজা দিয়া এক ঝলক হেমস্তের হিম-বায়ু সেই সঙ্গে ঘরে ঢুকিয়া পড়িল।

হিমে সোফিয়ার মুখের রক্ত যেন জমিয়া গিয়াছিল। হাসিয়া সে বলিয়া উঠিল, বড়লোক বৌএর দিকে বর যেমন করে প্রথম প্রথম দৃষ্টি রাখে, গুপ্ত-চর্যা আমাকে ঠিক সেই রকম নজরে রেখেছে। এখানে আর থাকা চলো না।

সন্ধ্যাবেলা চা পান করিবার সময় সোফিয়া মাঝে ভাকিয়া বলিল, আবার সেই গ্রামে বই নিয়ে যেতে হবে। লুডমিলা এরি মধ্যে আরও তিনশো বই ছেপে ফেলেছে—মরবে, ওটা খেটে খেটে মরবে।

—যেতে তো সর্বদাই প্রস্তুত! কখন যেতে হবে?

—যদি কালই যেতে পারেন তো ভাল হয়। কিন্তু কথা হচ্ছে, সেবারে যে পথ দিয়ে গিয়েছিলেন এবারে সে-পথ দিয়ে আর যাবেন না। নিকোলস্ক হয়ে ঘোড়ায় চড়ে আপনাকে যেতে হবে। পথে তিনবার আপনাকে ঘোড়া বদলাতে হবে।

—তা না হয় হলো। কিন্তু তিনবার ঘোড়া বদলানো তো সহজ ব্যাপার নয়! খরচ হবে যে বিস্তর!

—খরচ বাড়ানোর পক্ষপাতী আমি আদৌ নই। তবে সেখানকার ব্যাপার মোটেই সুবিধের নয়। ধরপাকড় সেখানে আরম্ভ হয়ে গিয়েছে। রাইবিন বোধ হয়—বোধ হয় কেন নিশ্চয়ই গা-ঢাকা দিয়েছে। সেখানে যেতে ভয় করবে না তো আপনার?

এই প্রশ্নে মা লজ্জিত এবং অপমানিত বোধ করিলেন। ক্ষুব্ধ কণ্ঠে তিনি বলিলেন, আমাদের কবে তোমরা ভীত দেখেছ? প্রথম দিন থেকেই আমার অন্তরে আমার জন্তে কোন ভয় ছিল না। আমার ভয় পায় কি না পায়, সে কথা জিজ্ঞেস করে কোন লাভ নেই। কিসের জন্ত আমার ভয় পাবে? তারাই ভয় পায়—যাদের আগলে নিয়ে বসে থাকবার কিছু আছে। আমার কি আছে। শুধু একটি ছেলে। তারই জন্ত আগে ভয় হতো, শঙ্কিত হয়ে উঠতাম। মনে হতো সে কি যত্নপাই না ভোগ করবে। যত্নপা যদি সে না ভোগ করে—তবে আমার আর কিসের ভয়?

মায়ের কণ্ঠস্বরে সোফিয়া লজ্জিত হইল। অমুনায়ের কণ্ঠ সে জিজ্ঞাসা করিল, আপনি রাগ করলেন।

—না রাগ করিনি। তবে একটা কথা তোমাদের বলি—তোমরা নিজেদের মধ্যে কাউকে এরকম করে আর জিজ্ঞাসা করো না—ভয় পাচ্ছ কি না।

সোফিয়া অপরাধীর মত চেয়ার হইতে উঠিয়া মায়ের হাত ধরিয়া বলিল, দেখুন, আর কোন দিন এ অপরাধ করবো না। আমাদের ক্ষমা করুন।

মা আদরে সোফিয়াকে বুকে টানিয়া লইলেন। পনের দিনের বাজার আয়োজনের ব্যাপার লইয়া তিনজনে পরামর্শ করিতে বসিয়া গেল।

পরের দিন প্রত্যুষে একটি গাড়ী ভাড়া করিয়া মা নিকোলস গ্রামের অভিমুখে যাত্রা করিলেন। সেখানে পৌছাইতে অপরাহ্ন হইয়া গেল।

গাড়ী বিদায় করিয়া গ্রামের সরাইখানায় আশ্রয় গ্রহণ করিলেন। চানিতে বলিয়া তিনি সরাইখানার জানালার কাছে আসিয়া দাঁড়াইলেন। জানালার সামনেই খোলা মাঠ। মাঠের ধারেই একটি বাড়ী। জিজ্ঞাসা করিয়া জানিলেন যে, সেটি গ্রামের টাউন হল।

হঠাৎ বাহিরের দিকে চাহিয়া থাকিতে থাকিতে কোথা হইতে একটা কলরব ভাসিয়া আসিল। দেখেন, মাঠের মধ্য দিয়া গ্রামের পুলিশ সার্জেন্ট জোরে ঘোড়ায় চড়িয়া চলিয়াছেন। অদূরে একদল লোক জটলা করিয়া শব্দ করিতে করিতে আসিতেছে।

একটি ছোট মেয়ে আসিয়া মাকে চা দিয়া অভিবাদন জানাইল। টেবিলে ডিস্ কাপগুলি রাখিয়া বালিকাটি বলিয়া উঠিল, একটা চোর এইমাত্র ধরা পড়েছে। এই দিকেই চোরটাকে নিয়ে আসছে!

—চোব? কি রকম চোর?

—তা আমি কি জানি!

—সে করেছিল কি?

—তাও আমি কি ক'রে বলবো, বাঃ! আমি শুন্লুম ওরা বলাবলি করছে যে, একটা চোর ধরা পড়েছে। আমাদের চোকিদার ছুটে বলে গেল—সে ব্যাটা ধরা পড়েছে।

জানালার বাহিরে মা দেখিলেন ক্রমশ লোকের ভিড় বাড়িতেছে। সকলেই টাউন হলের দিকে চলিয়াছে। তাড়াতাড়ি চা শেষ করিয়া কোতুহল বশত মা টাউন হলের দিকে অগ্রসর হইলেন।

যখন টাউন হলের সিড়ির কাছ পর্যন্ত আসিয়াছেন, তখন সহসা তাঁহার মনে হইল যেন তাঁহার হাত পা সমস্ত অবশ হইয়া গিয়াছে। নিঃশাস বোধ হয় আর পড়িতেছে না। দেখিলেন, পিছ-মোড়া করিয়া হাত বাঁধিয়া পুলিশের লোকে রাইবিনকেই ধরিয়া আনিতেছে।

বহু কষ্টে আত্মসংবরণ করিবার চেষ্টা করিয়া মা সোজা হইয়া দাঁড়াইলেন। রাইবিনের আসার পথে দাঁড়াইয়া তাহার দিকে এক দৃষ্টিতে চাহিয়া রহিলেন। রাইবিন ঠোট নাড়িয়া কি বেন বলিয়া গেল। শব্দগুলি কানে আসিল, কিন্তু তাহার অর্থ মস্তিষ্কের শূন্য অন্ধকারের মধ্যে কোথায় তলাইয়া গেল!

কোনও রকমে অন্তরের শঙ্কা লুকাইয়া রাখিয়া মা পাশের একজন কৃষককে জিজ্ঞাসা করিলেন, কি হয়েছে কি ?

লোকটি বিরক্ত হইয়াই বলিয়া উঠিল, যা হচ্ছে দেখতেই পাচ্ছ ! বলিয়াই লোকটি চলিয়া গেল ।

ভিড়ের মধ্য হইতে একটি স্ত্রীলোক চৈতাইয়া উঠিল, ও বাবা ! চোরটার চেহারা কি ভয়ানক ! উঃ ।

সহসা রাইবিনের গম্ভীর কণ্ঠ শোনা গেল—তোমরা—শোন—আমি চোর নহি ! আমি চুরি করি না ! আম পরের জ্ঞানষে আগুন জালিয়ে দিই না । আমার অপরাধ, আমি অন্ত্রাধের প্রতিবাদ করোছলাম—তাই এরা আমাকে ধরে নিয়ে এসেছে । যে-সমস্ত বইএ তোমাদের মত কৃষকের জীবনের সমস্ত সত্য কথা লেখা থাকে—সে সব বইয়ের জন্তেই আজ আমার হাত এই রকম করে বাঁধা । আমিই গ্রামে গ্রামে সেই সব বই বিলি করে বেড়িয়েছি !

রাইবিনকে ঘিরিয়া জনতা আরও সম্ভবত্ব হইল । তাহার ভয়লেশহীন কণ্ঠস্বর মায়ের দুর্বলতাকে দূর করিয়া দিল । জনতার প্রত্যেকের মুখের দিকে মা ভাল করিয়া চাহিয়া দেখিলেন । স্পষ্ট দেখিলেন, তাহার সকলেই শঙ্কিত, সন্দ্বিগ্ন !

সহসা আবার রাইবিনের কণ্ঠস্বর শোনা গেল । সে বলতেছে—তোমাদের মত আমিও একজন কৃষক । আমার কথা বিশ্বাস কর—এই সমস্ত বইয়ে যে-সব কথা লেখা থাকে তার প্রত্যেকটি অক্ষর সত্যি । আর জেনো—সেই সত্য প্রচারের জন্ত হুয়ত আমাকে জীবন দিতে হলো । ওরা আমাকে ধরে নিয়ে গিয়ে মেরেছে—নির্মম নির্দয় ভাবে এবং আরও মারবে—যতক্ষণ না জানতে পারবে কোথা থেকে আমি সেই সব বই সংগ্রহ করেছি । কিন্তু আমার কথা মনে রেখো—মনে রেখো, ছুঁবেলার ছুঁচুরা কটি সংগ্রহ করার চেয়ে সত্যকে বোঝা ঢের বেশী দরকারী ।

জনতার মধ্য হইতে একজন শঙ্কিত কণ্ঠে বলিয়া উঠিলেন, এ লোকটা বলে কি ?

আর একজন তাহার উত্তরে বলিল, ওর আর ভয় কি ? ছবার তো আর মরবে না ?

জনতার উদ্দেশে সহসা সার্জেণ্টের মূর্তি দেখা দিল । তিনি কমিশনারকে

খবর দিতে গিয়াছিলেন। তাহাকে দেখিয়া জনতা সরিয়া দাঁড়াইল। টাউন হলের কয়েক ধাপ সিঁড়ির উপর উঠিয়া তিনি গর্জন করিয়া উঠিলেন—এখানে এত ভিড় কিসের? কি বকছে এই লোকটা?

সিঁড়ির নীচের ধাপে রাইবিন দাঁড়াইয়াছিল। নামিয়া আসিয়া সার্জেণ্টটি চুলের মুঠি ধরিয়া তাহাকে মাটিতে ফেলিয়া গর্জন করিয়া উঠিল, তুই কি বলছিলি, পাজী বদমায়েস?

জনতা একেবারে নীরব হইয়া গেল। দুঃখে, মা মাথা নত করিয়া রহিলেন। শুনিলেন, তবুও রাইবিন চোঁচাইতেছে।

—দেখ, তোমরা সবাই দেখ—যা বলছিলাম তা সত্যি কি না!

—চূপ কর—বলিয়া সার্জেণ্টটি সজোরে রাইবিনের মুখে আঘাত করল। রাইবিন ঘুরিয়া পড়িল তবুও সে বলিয়া উঠিল, হাত বেঁধে রেখে ওরা এই রকমভাবে নির্ধাতন করে!

ক্ষিপ্ত হইয়া সার্জেণ্টটি রাইবিনের সর্বাঙ্গে আঘাত করিতে লাগিল।

জনতার মধ্য হইতে একজন বলিয়া উঠিল—ওরকম করে মারবার কি দরকার?

আর একজন বলিয়া উঠিল—মেরো না, মেরো না ওকে!

কমিশনারের আসিতে দেবী দেখিয়া সার্জেণ্টটি তাহাকে ডাকিয়া আনিবার জন্ত চলিয়া গেল। সে চলিয়া গেলে জনতা সম্বরে চীৎকার করিয়া উঠিল, ওর হাত খুলে দাও!

চৌকিদাররা বিপন্ন হইয়া পড়িল। অনবরত তাহারা চীৎকার করিতে লাগিল, হাত খুলে দাও ওর!

রাইবিন সঙ্কতস্ত্র দৃষ্টিতে জনতার দিকে চাহিয়া বলিল, আমার হাত খুলে দাও, আমি পালাব না, কার কাছ থেকে পালাব? আমার সত্য আমারই অন্তরে রয়েছে—তা থেকে আমি কোথায় পালাবো?

জনতার উপস্থূপরি চীৎকারে চৌকিদার রাইবিনের হাত খুলিয়া দিল।

এমন সময় পুলিশ কমিশনার আসিয়া উপস্থিত হইলেন। গম্ভীরভাবে রাইবিনের সম্মুখে দাঁড়াইয়া দৃষ্টি দিয়া তাহার আপাদ-মস্তক মাপিয়া লইয়া রুদ্ধস্বরে জিজ্ঞাসা করিলেন—ব্যাপার কি? লোকটার হাত খোলা কেন? একজন চৌকিদার কুণ্ঠিতস্বরে উত্তর দিল, হাত বাঁধাই ছিল, তবে লোকেরা বড় গোলমাল করছিল—ওর হাত খুলে দিতে বলছিল—

ঘুরিয়া জনতার দিকে দৃষ্টি নিক্ষেপ করিয়া চীৎকার করিয়া উঠিল, লোকে !
লোকে কে ? বাঁধ ওর হাত !

তারপর নিজের কটিবন্ধ অসিতে হাত রাখিয়া গম্ভীর ভাবে আদেশ
দিলেন, দূর করে দাও কুকুরদের !

পুলিশের লোকেরা রাইবিনের হাত বাঁধবার জন্ত অগ্রসর হইল।
রাইবিন বাধা দিল। বলিয়া উঠিল, আমি পালাচ্ছি না—তোমাদের সঙ্গে
মারামারিও করতে চাই না। কেন আমার হাত বাঁধছ—

পুলিশ কমিশনার অগ্রসর হইয়া রাইবিনকে সঙ্গে আঘাত করিল। রাইবিন
চীৎকার করিয়া উঠিল, ঘুষি মেরে সত্যকে মেরে ফেলতে পারবে না তোমরা !

আবার আঘাত ! রাইবিন কুৎসিত গালাগাল দিয়া উঠিল। রাগে উন্মাদ
হইয়া কমিশনার ঘুষি মারিবার জন্ত অগ্রসর হইতে রাইবিন মাথা নীচু
করিয়া লইল। লক্ষ্য ভ্রষ্ট হইয়া কমিশনার ঘুরিয়া পড়িয়া গেল। জনতার
মধ্য হইতে একটা চাপা হাসি আর উল্লাসের রোল উঠিল।

ক্রমশ উদাস জনতা উদ্বেল হইয়া উঠিতে লাগিল। চোখের সম্মুখে সেই
অত্যাচারে তাহারও উত্তেজিত হইয়া উঠিতে লাগিল ! একজন অগ্রসর
হইয়া বলিতে লাগিল, ছজুর, ও অপরাধ করে থাকে, ওকে ধরে নিয়ে গিয়ে
বিচার করুন। এরকম ভাবে মারবেন না !

জনতার মধ্য হইতে বহুকণ্ঠে চীৎকার ধনিয়া উঠিল, দোহাই ছজুর,
মারবেন না !

রাইবিন হাত দিয়া মুখের রক্ত সরাইয়া সোজা হইয়ঃ দাঁড়াইতেই মায়ের
চোখের উপর তাহার চোখ পড়িল।

মা ভাবিতে লাগিলেন, আমাকে কি চিন্তে পারলে ?

মা তাহার দিকে চাহিয়া ঘাড় নাড়িলেন। কিন্তু ফিরিতেই দেখিলেন
একজন লোক তাহার দিকে স্থির-দৃষ্টিতে চাহিয়া আছে। সহসা তিনি
আপনাকে সামলাইয়া লইলেন।

একজন কৃষক রাইবিনের কানে কানে কি বলিল। তাহার উত্তরে
রাইবিন বলিয়া উঠিল, দুঃখ কিসের ভাই ? জগতে আমি তো আর একলা
নই ! আজ আমি যেখানে আছি, কাল হয় ত আমি সেখানে আর থাকবো
না কিন্তু সেইখানে থাকবে আমার স্মৃতি। আমার স্মৃতির মধ্যে বেঁচে থাকবে
এই সত্যসাধনার কথা !

মায়ের মন বলিয়া উঠিল, রাইবিন আমাকে লক্ষ্য করেই কথাগুলো বলে গেল !

কিছুক্ষণ চুপ করিয়া থাকিয়া মুখের ক্ষত হইতে ঝরিয়া-পড়া রক্ত সরাইয়া রাইবিন বলিতে লাগিল, আজকে তারা দিলো একটা নীড় ভেঙে কিন্তু আমি জানি, এমন শত শত নীড় গড়ে উঠছে, গড়ে উঠবে। তারপর একদিন আসবে যেদিন সেই সব নীড় থেকে মুক্ত পক্ষ বিহঙ্গমরা বেরিয়ে পড়বে স্বাধীনতার অব্যাহত আকাশে—সেদিন আসবে মানুষের মহামুক্তির দিন !

জনতার মধ্য হইতে একজন নারী এক বালতি জল লইয়া রাইবিনের মুখ ধোয়াইয়া দিতে লাগিল। তাহার নয়নে অশ্রু-ধারা !

আকাশে সন্ধ্যার মেঘ ঘনাইয়া আসিতেছিল। এখানে আর জটলা করা উচিত নয় বিবেচনায় পুলিশের লোকেরা রাইবিনকে লইয়া চলিয়া গেল।

যে যাহার দল বাঁধিয়া আবার বাড়ীর দিকে ফিরিয়া চলিল। একজন বৃদ্ধ কৃষক মায়ের পাশে আসিয়া দাঁড়াইয়াছিল। সে আপনার মনে বলিতেছিল, এখানে এই-ই ঘটছে নিত্য।

গম্ভীরভাবে তাহার কথায় সায় দিয়া মা বলিলেন, দেখছি তো তাই !

হঠাৎ লোকটি মায়ের দিকে ভাল করিয়া চাহিল। কিছুক্ষণ চুপ করিয়া থাকিয়া হঠাৎ জিজ্ঞাসা করিল, আপনি কি করেন ?

“আমি এখানে এসেছি পশম কিনতে !”

“ও সব এখানে হুবিধে হবে না !”

হঠাৎ মায়ের মনে একটা মতলব আসিল। তিনি বেশ সাহস করিয়া জিজ্ঞাসা করিলেন, একটা কথা আপনাকে বলতে চাই। আজ রাত্তিরের মত আপনার বাড়ীতে একটু আশ্রয় পেতে পারি কি ?

মাটির দিকে চাহিয়া একটু চিন্তা করিয়া নির্বিশ্বাসে কৃষকটি উত্তর দিল, রাত্তিরে থাকবেন ? তাতে আর কি ? তবে আমার বাড়ী যা আছে তা একরকম থাকবার অযোগ্য।

—তাতে কি ! কোন দিন ভাল বাড়ীতে থাকা আমারও অভ্যাস নেই।

কৃষকটি আপাদমস্তক আর একবার মাঝে ভাল করিয়া দেখিয়া লইয়া বলিল, আপনি আমার বাড়িতে আসতে পারেন !

—তাহলে একবার সরাইখানাটা হয়ে যেতে হবে। সেখানে আমার একটা ব্যাগ আছে। যদি তুমি দয়া করে সেটা হাতে নাও !

—নিশ্চয়ই নেবো, চলুন !

পথে চলিতে চলিতে মায়ের কেমন মনে হইল যে, লোকটি বুঝিতে পারিয়াছে। ভাল করিয়া তাহার মুখের দিকে চাহিয়া দেখিলেন, কোন পরিবর্তন নাই। অর্থহীন পরিবর্তনহীন মুগ্ধভঙ্গী।

সরাইখানায় আসিয়া লোকটি জিজ্ঞাসা করিল, কই আপনার ব্যাগ কোথায় ?

মা দেখাইয়া দিলেন। ব্যাগটি হাতে তুলিয়া লইয়া কৃষকটি সরাইখানার সেই বালিকাটিকে ডাকিয়া বলিল, মেরিয়া, খাওয়া হয়ে গেলে তুমি এঁকে আমার বাড়ীতে পৌছে দিও। ব্যাগটা দেখছি একেবারে খালি।

আর কোনও কথা না বলিয়া সে অদৃশ্য হইয়া গেল।

সরাইখানার দাম চুকাইয়া দিয়া মেয়েটিকে সঙ্গে লইয়া মা কৃষকটির বাড়ীর দিকে চলিলেন। পথে ভাবিতে লাগিলেন, লোকটা ধরাইয়া দিবে নাকি ? না, তিনিই লোকটির কাছে সকল কথা খুলিয়া বলিবেন ?

একটা জীর্ণ-কুঁড়ে ঘরের সামনে আসিয়া দরজা ঠেলিয়া মেয়েটি ডাকিল, ও কাকীমা, একজন লোক এসেছে বাইরে ! বলিয়া সে চলিয়া গেল।

গৃহকত্রী আসিয়া মাকে ভিতরে লইয়া গেলেন। কুঁড়ে ঘরটি ছোট কিন্তু তাহার ভিতরকার পরিষ্কার পরিচ্ছন্ন মূর্তি দেখিয়া মা বিস্মিত হইলেন। যে মেয়েটি তাঁহাকে বাড়ীর ভিতর লইয়া গেল তাহার বয়স বেশী নয়, সেই গৃহকত্রী। নাম—তাতিয়ানা।

ঘরের মধ্যে কাঠের টেবিলে একটি ল্যাম্প জ্বলিতেছিল। তাহারই আলোয় দেখিলেন, তেমনি অর্থহীন মুখে সেই কৃষকটি বসিয়া আছে। যত-খানি দৃষ্টি যায়, ঘরের চারিদিকে একবার দেখিয়া লইলেন। ব্যাগটি কিন্তু দেখিতে পাইলেন না।

শ্রীকে ডাকিয়া সে বলিল, শীগ্গীর পিটরকে ডেকে আন তো !

মা শঙ্কিত চিত্তে জিজ্ঞাসা করিলেন, আমার ব্যাগটি কোথায় ?

বেশ সহজভাবে কৃষকটি উত্তর দিল, নিরাপদ জায়গাতেই আছে।

কিছুক্ষণ আগে সরাইখানায় মেয়েটার সামনে আমি বলেছিলাম যে ব্যাগটা খালি কিন্তু হাতে করেই বুঝেছিলাম রীতিমত ঠালা ছিল ব্যাগটা।

—তাতে হয়েছে কি ?

যেখানে বসিয়াছিল, সেখান হইতে উঠিয়া কৃষকটি ধীরে মায়ের কাছে,

অগ্রসর হইয়া আসিল। তাঁহার দিকে খুঁকিয়া পড়িয়া কানে কানে জিজ্ঞাসা করিল, আপনি লোকটিকে চেনেন ?

মা চমকাইয়া উঠিলেন কিন্তু দৃঢ় কর্তে উত্তর দিলেন—ই, আমি ওকে চিনি।

কৃষকটি হাসিয়া উঠিল। বলিল, তা আমি বুঝতেই পেরেছিলাম ! আপনি মাথা নেড়ে ইসারা করলেন আর সে মাথা নেড়ে তার উত্তর দিল। ব্যাপার দেখে আমি ওর কাছে এগিয়ে গিয়ে কানে কানে জিজ্ঞাসা করেছিলাম আপনাকে চেনে কি না ! সে বলে, আমাদের অনেকেই এখানে আছে ! মায়ের মুখের দিকে স্থির দৃষ্টিতে চাহিয়া কৃষকটি বলিতে লাগিল, একটা শক্ত মাছুষ বটে ! সত্যি কথা বলবার মত সাহস আছে ওর। কি মারটাই খেলে কিন্তু কথার এদিক ওদিক করলো না !

কৃষকটির কথা শুনিয়া এককণে মায়ের অন্তরের সন্দেহ এবং শঙ্কা দূর হইল।

কৃষকটি পিছন দিকে হাত করিয়া মাথা দোলাইতে দোলাইতে ঘরময় পায়চারী করিতে লাগিল। হঠাৎ মায়ের দিকে ফিরিয়া বলিল, ব্যাগটি ভুলেই আমার কি মনে হয়েছিল জানেন, ব্যাগটিতে সেই সব বই আছে ! সত্যি নয় ?

—ই ! ওকেই দেবো বলে বইগুলো নিয়ে এসেছিলাম। রাইবিনের সেই রক্ত-ঝরা মুখের কথা মনে পড়িতেই মায়ের চোখ জলে ভরিয়া আসিল। তিনি কাঁদিয়া ফেলিলেন।

কিছুকণ নীরব থাকিবার পর কৃষকটি বলিল, কিছু কিছু বই আমরাও পেয়েছি। কিন্তু খুবই সামান্য। আমি নিজে ভাল পড়তে পারি না। আমার এক বন্ধু আছে, সেই আমাকে পড়ে শোনায়। খাঁটি কথা সব বইগুলোতে লেখে ! আমার জীব বেশ পড়তে জানে ! এসব ব্যাপারে তারই উৎসাহ বেশী।

কিছুকণ নিজেই কি চিন্তা করিয়া সে বলিল, এখন বইগুলোর কি ব্যবস্থা করবেন ঠিক করেছেন ?

মা কৃষকটির দিকে চাহিয়া স্পষ্ট ভাষায় বলিলেন, আমি তোমাকে দিবে বাব।

কিন্তু তখন বই বা ব্যাগের কথা কিছুই মায়ের মনের সামনে ছিল না। তাঁহার মানস চক্ষের সম্মুখে রাইবিনের সেই রক্ত-ঝরা মুখ কণে কণে জাসিয়া উঠিতেছিল। নীরবে তাঁহার দুই গাঙ বাহিয়া অশ্রু বহিয়া পড়িতেছিল।

তিনি আপনার মনে বলিয়া উঠিলেন, সর্বশ্ব কেড়ে নিয়ে মানুষকে দম বদ্ধ করে কারদায় ফেলে থ্যাংলাবে—বলবার জো নেই কিছু, জিজ্ঞাসা করবার জো নেই কিছু, অমনি প্রহার !

কৃষকটি বলিয়া উঠিল, শক্তি ! অগাধ শক্তি ওদের হাতে !

কোথা থেকে পায় তারা সেই শক্তি ? আমাদের কাছ থেকেই তো ! তাদের যা কিছু শক্তি, তার সমস্ত জোগান দি তো আমরাই !

এমন সময় বাহিরে পায়ের শব্দ হইল। পিটরকে সঙ্গে লইয়া কৃষক-পত্নী ঘরে ঢুকিল। কাহারও পরিচয় করাইয়া দিবার অপেক্ষা না করিয়া পিটর নিজেই বলিতে আরম্ভ করিল—অল্পমতি করুন নিজের পরিচয় আমি নিজেই দিই, আমার নাম পিটর। আমি আপনারদের ব্যাপার কিছু কিছু বুঝি। আমি লিখতে পড়তেও জানি স্ততরাং নির্বোধ নই একথা বলা যেতে পারে !

মাকে আশস্ত করিবার জন্য পিটর বলিল, আপনি নিশ্চিন্ত মনে থাকুন। আপনার ব্যাগ আমার বাড়ীতে রয়েছে। ষ্টিফেন আপনার কথা আমাকে গিয়ে বলতে আমি সব বুঝলাম। ওকেও বলে দিলাম এ সব ব্যাপারে, বুঝলে বন্ধু, একেবারে চুপটি করে থাকবে। মুখ দিয়ে একটিও কথা বার কোরো না। আপনি ভয় পাবেন না—সব ঠিক হয়ে যাবে !

লোকটার সরল এবং স্পষ্ট কথায় মায়ের মন শান্ত হইয়া উঠিল।

সে মায়ের পাশে গিয়ে বসিল। বলিল, বইগুলোর সম্বন্ধে আপনাকে আমরা যথেষ্ট সাহায্য করতে পারি। আমাদের এখন বই-ই চাই।

ষ্ট্রিফেন বলিয়া উঠিল, উনি সব বইগুলোই আমাদের দিয়ে যেতে চান !

উল্লাসে লাফাইয়া উঠিয়া পিটর বলিল, চমৎকার ! সমস্ত বইগুলোরই ব্যবস্থা আমরাই করবো !

গভীর রাত্রি পর্যন্ত আন্দোলন-সংক্রান্ত ব্যাপার লইয়া আলোচনা চলিল। পরদিন সকালবেলা ভোর না হইতেই তাতিয়ানা মাকে ঘুম হইতে তুলিয়া দিয়া শহরে ফিরাইয়া লইয়া বাইবার জন্য একখানা গাড়ী ভাড়া করিয়া আনিল।

বিদায় লইবার সময় আদর করিয়া তাতিয়ানার চিবুক স্পর্শ করিয়া বলিলেন, সময় সময় কি রকম মজার ঘটনা সব ঘটে !

তাতিয়ানা জিজ্ঞাসা করিল, কেন ?

—এই তোমাদের সঙ্গে আলাপ ! এই রাত্রি বাসের মধ্যে এই পরিচয় আশ্চর্য নয় ?

যথারীতি সম্ভাষণের পর মা বিদায় গ্রহণ করিলেন।

বাড়ী ফিরিয়া কড়া নাড়িতে আইভানোভিচ আসিয়া দরজা খুলিয়া দিল।
মাকে দেখিয়া আনন্দে সে বলিয়া উঠিল—বাঃ এত শীগ্গীর কাজ সেরে
চলে আসতে পারলেন ? ধন্য আপনি !

ঘরের ভিতর ঢুকিতেই সে বলিল, কাল রাত্তিরে এখানে সার্চ হয়ে
গিয়েছে। কেন যে হলো কিছুই বুঝতে পারলাম না। ভাবলাম আপনিই
বুঝি বা ধরা পড়েছেন। কিন্তু তখনি মনে হলো, আপনাকে ধরলে আমাদেরও
ধরে নিয়ে যেতো !

খাবার ঘরের একটা বেঞ্চে বসিয়া সে বলিতে লাগিল, তবে আমার
চাকরীর মাথা ঠুঁরা খেয়েছেন। যেখানে চাকরী করতাম, সেখানকার
কর্তাদের কাছে আমাকে কাজ থেকে ছাড়িয়ে দেবার হুকুম চলে গিয়েছে।
অবশ্য তাতে আমি বিশেষ কিছুই দুঃখিত নই। আমার চাকরী কি ছিল
জানেন ? যে সমস্ত কৃষকের ঘোড়া নেই—তাদের নামের তালিকা করা।
তার জন্তে আমি মাইনে পেতাম। মাইনে নিতে আমার লজ্জা হতো।
ষাদের ঘোড়াটি পর্যন্ত নেই তাদেরই টাকায় আমার মাইনে আসতো। নিজে
হঠাৎ চাকরীটা ছেড়ে দিলে বে-মানান হতো। বন্ধুদের কাছে চাকরী ছাড়ার
একটা কৈফিয়ৎ তো দিতে হবে।

মা ঘরের চারিদিকে চাহিয়া দেখিলেন। তাঁহার মনে হইতে লাগিল, একজন
দৈত্য যেন কোণে ক্ষিপ্ত হইয়া বাহিরের দেয়ালে অনবরত লাথি মারিয়াছে
আর তাহার ধাক্কায় ঘরের ভিতরের সমস্ত জিনিষ ওলট-পালট হইয়া গিয়াছে।

মায়ের ক্ষুদ্র দৃষ্টি লক্ষ্য করিয়া আইভানোভিচ হাসিয়া বলিল, তারা
সরকারের কাছ থেকে অকারণে মাইনে নেয় না, সেইটে দেখিয়ে গিয়েছে।
কুটির টুকরো, নোংরা প্লেট, এলোমেলো বই, কাগজ, কয়লা সব এক জায়গায়
করিয়া কে যেন চারিদিকে ছড়াইয়া দিয়াছে।

—তাঁরা বোধ হয় শীগ্গীরই আর একবার আসবেন। সেইজন্য আমি
এ সব আর গুছোই নি। সে যাক্, আপনার কি হলো বলুন ?

মা প্রথমে রাইবিনের কথা বলিতে লাগিলেন। মা দেখিলেন
আইভানোভিচ। স্বর স্পন্দন-হীন ভাবে তাঁহার কথা শুনিতেছে। ক্রমশ
তাঁহার মুখের চেহারা বদলাইতে লাগিল। এত গভীর কঠিন মুখের চেহারা
তাঁহার মা আর কখনও দেখেন নাই।

মায়ের কথা শেষ হইলে গভীরভাবে আইভানোভিচ জিজ্ঞাসা করিয়া উঠিল, আপনার ব্যাগ কোথায় রাখলেন ?

—রাগ্নাঘরে !

—আমাদের দরজার কাছে একজন গুপ্তচর দাঁড়িয়ে আছে। এতগুলো বই আর কাগজ তার সামনে দিয়ে তো বার করে নিয়ে যাওয়া যাবে না। ভেতরেও লুকোবার উপায় নেই। আজ রাত্রেই আবার ওরা আসবে। তোমার ব্যাগ বই-পত্র দেখলেই তোমাকে ধরে নিয়ে যাবে। নিরুপায় ! কাগজগুলো সব পুড়িয়ে ফেলতে হবে।

—কি কাগজ পোড়াবে ?

—আপনার ব্যাগে যা আছে।

তিনি যে তাঁহার কাণ্ডে সফল হইয়া আসিয়াছেন সে কথা এখনও বলেন নাই। একটা গোপন আনন্দে মায়ের মুখে হাসি ফুটিয়া উঠিল। বলিলেন, ব্যাগে এক টুকরো কাগজও নেই।

তারপর মা বাকি সব কাহিনী বলিলেন। আনন্দে গদ-গদ হইয়া আইভানোভিচ বলিয়া উঠিল—আমার নিজের মাকেও যতখানি ভালবাসতে পারিনি—তার চেয়ে ঢের বেশী তোমাকে ভালবাসি, মা ! আমার এ উচ্ছ্বাসে কিছু মনে করো না। তুমি অপূর্ব।

উদ্বেল আনন্দের জোয়ারে মায়ের বুক ভরিয়া আসিয়াছিল। দুই গণ্ড বাহিয়া অশ্রু ঝরিয়া পড়িতেছিল। তাহারই মধ্যে হাসিয়া তিনি বলিলেন, আমার প্রত্যেক রক্তকণা দিয়ে তোদেরও যে আমি ভালবাসি।

মায়ের পাশে আসিয়া সে বসিল। তাহার দিকে চাহিয়া ধীরে মা বলিলেন, যদি পাভেল আর আন্দ্রিকে জেলের বাইরে আনা যেতো—

মাথা নত করিয়া আইভানোভিচ বলিল, অবশ্য শুনলে আপনার কষ্ট হবে কিন্তু আপনি তো পাভেলকে জানেন। সে এখন জেল থেকে কিছুতেই পালিয়ে আসবে না। সে চায় বিচার হক—বিচারে যা শাস্তি হবার হক। তারপর সাইবেরিয়া থেকে সে পালিয়ে আসবে।

দীর্ঘশ্বাস ফেলিয়া মা বলিলেন, সে যদি মনে করে তাতে আশ্রয়লাভের সুবিধে হবে, তবে সে তাই করুক।

মায়ের মুখ দিয়া সেই কথা শুনিয়া আইভানোভিচ লাকাইয়া উঠিল। বলিল, এই তো চাই মা ! জানেন, এই কয়েক মূহূর্ত যে আপনার সঙ্গে কথা

হলো—এর মধ্যে আমার জীবনের সব চেয়ে হৃদয় মূর্তগুলি থেকে গেল। এখন দরকার হচ্ছে, রাইবিনের ব্যাপারটা নিয়ে একটা ছোট্ট বই লেখা। সেই গ্রামেই প্রচার করতে হবে। আমি এখনই লিখে দেবো। বত তাড়া-তাড়ি পারে লুডমিলা সেটা ছাপিয়ে ফেলবে। কিন্তু প্রস্ন হচ্ছে—গ্রামে বিলি করার ব্যবস্থা করবে কে?

—কেন আমি?

—না, আপনি আর নন। নিকোলেকে এভাবে বলে দেখি।

—আমি তাহলে কি করবো?

—অনেক কাজ আছে। ভাববেন না।

আইভানোভিচ কাগজ কলম লইয়া তখনই লিখিতে বসিয়া গেলেন। মা ঘর গোছাইতে লাগিলেন। লেখা শেষ হইয়া গেলে কাগজ ক'খানি মায়ের কাছে দিয়া বলিল, আপনি আপনার পোষাকের তলায় এগুলো রেখে দিন। মনে রাখবেন কিছুক্ষণ পরে পুলিশের লোক এসে আপনাকে সার্চ করতে পারে।

সন্ধ্যার দিকে ডাক্তার-বন্ধুটি আসিল। চঞ্চলভাবে ঘরের মধ্যে ঘুরিতে ঘুরিতে বলিয়া উঠিল—ব্যাপারখানা কি? কর্তাদের কি মাথা ধরাপ হয়ে গেল? কাল রাত্তিরে সাত জায়গায় পানাতলালী হয়ে গিয়েছে—আমার রুগীটি কোথায়?

—সে পরশু দিনই চলে গিয়েছে। এতক্ষণে হয়ত সে কোথাও দল বেঁধে বই পড়ে শোনাচ্ছে।

—বল কি হে? ডাক্তার মাথার খুলি নিয়ে, সে পড়ে শোনাবে কি হে?

—আমিও তাকে তাই বোঝাতে গিয়েছিলাম। কিন্তু সে কিছুতেই বুঝলো না! সে যাক—এখানে আজ রাত্তিরে কয়েকজন অতিথি আসবার কথা আছে। তুমি এখন যাও!

মায়ের দিকে চাহিয়া বলিল—আর কাগজগুলো একেই দিয়ে দিন। লুডমিলাকে দিয়ে দেবে!

মা কাগজগুলি ডাক্তারের হাতে দিয়া দিলেন—

—এই! আর কিছু কাজ আছে?

—না, লক্ষ্য রেখো—দরজায় গুপ্তচর দাঁড়িয়ে আছে।

—আমারও দরজায় দাঁড়িয়ে আছে! এখন, বিদায়!

রাজ্যের অতিথির আগমন-অপেক্ষায় তাহার দুইজনে পাশাপাশি বসিয়া গল্প করিতে লাগিলেন। ধীরে ধীরে, বাহাতে তাঁহার পাশে বসিয়া আছেন তিনি ছাড়া আর কেহ না শুনিতে পায় এমন ভাবে আইতানোভিচ গল্প করিতেছিল—তাঁহার যে সব বন্ধু এখন সাইবেরিয়ায় আছে, তাহাদের কথা, যাঁহারা সাইবেরিয়া হইতে পালাইয়া আসিয়া গোপনে ছদ্ম-নাম লইয়া তাহাদের সঙ্গে কাজ করিতেছে তাহাদের সকলের কথা। সেই সব নামহীন বীর-পুরুষদের অপরূপ কাহিনীর প্রতিধ্বনিতে অন্ধকার ঘরটি ভরিয়া উঠিল।

যাহাদের কখনও চোখে দেখেন নাই, সেই সমস্ত নামহীন নিঃশব্দ কর্মীদের মূর্তি, মায়ের কল্পনাত্রে সম্মিলিত হইয়া একটা বিরাট অতিকায় মানবের মূর্তি পরিগ্রহ করিল। বীর্য এবং পৌরুষের সে যেন অক্ষর ভাঙার। ধীর কিন্তু বিরাম বিহীন ভাবে এই ধরণীর রাজপথ দিয়া সে চলিয়াছে, যে-সত্য মৃতকে দেয় জীবন, সেই সত্যের বাণী প্রচার করিয়া, সকল শ্রেণীর মানুষকে সমান স্নেহে বরণ করিয়া—লোভ, অত্যাচার এবং মিথ্যাচার হইতে মানুষকে রক্ষা করিবার মহা-আশ্বাস বাণী তাহার প্রত্যেক পদক্ষেপে বাজিয়া উঠিতেছে।

গভীর রাজ্য পর্যন্ত অপেক্ষা করিয়া যখন পুলিশ আসিল না তখন তাঁহার ঘুমাইয়া পড়িলেন।

ভোর বেলায় দিকে মা শুনিলেন রান্নাঘরের দিকের জানালায় কে কেন টোকা দিতেছে। বহুক্ষণ ধরিয়া ঠিক একইভাবে আস্তে আস্তে শব্দ হইতে লাগিল। তখনও আকাশে অন্ধকার রহিয়াছে। তখনও সব নিদ্রাক্ষর নীরব।

বিছানা হইতে উঠিয়া দরজার কাছে গিয়া জিজ্ঞাসা করিলেন, কে ?

অপরিচিত-কণ্ঠে একজন উত্তর দিল, আমি।

—কে তুমি ?

—খুলুন না বলছি ! কণ্ঠে করুণ মিনতি !

মা দরজা খুলিতেই ঊর্গনেটি চুকিয়া মাকে ধেমিয়া বলিয়া উঠিল, তা' হলে ভুল করি নি, মা'ঠাকরুণ ! ঠিক জায়গায় আসতে পেরেছি !

মা দেখিলেন তাহার কোমর পর্যন্ত কাদায় ভরা। মুখ বিকৃত, চোখ ক্রিমাইয়া আসিতেছে।

দরজা বন্ধ করিয়া ভিতরে প্রবেশ করিয়া সে চুপিচুপি মাকে বলিল, জানেন মা'ঠাকরুণ, আমাদের ওখানে বড় বিপদ হয়েছে।

—আমি তা জানি।

ইগনেটি বিস্মিত হইয়া গেল। চক্ষু বিস্ফারিত করিয়া সে জিজ্ঞাসা করিল,
আপনি জানলেন কি করে ?

অল্প কথায় মা ইগনেটিকে ব্যাপার বুঝাইয়া দিলেন।

মা জিজ্ঞাসা করিলেন, সবাইকে ধরে নিয়ে গিয়েছে ?

—সবাই তো তখন ছিলো না ! পাঁচজনকে ধরে নিয়ে গেছে। আমি
র'য়ে গেছি। ব্যাটারা নিশ্চয়ই আমাকে খুঁজছে। খুঁজুক্কে থাক ! আমি
আর ওখানে ফিরে যাচ্ছি না ! ওখানে এখনও সাতজন পুরুষ আর একটি
স্ত্রীলোক আছে। তারা সবাই কাজের লোক, বিশ্বস্ত !

মা হাসিয়া জিজ্ঞাসা করিলেন, তুমি কেমন করে এ বাড়ী খুঁজে পেলেন ?
এতদূর পথ এলেই বা কি করে ?

কোটের হাতা দিয়া মুখটা একবার মুছিয়া লইয়া সে বলিল, বনের ওধারে
আপনার মনে আছে আমাদের আলকাতরার কারখানা। হজুররা রাস্তার
সেখানে এসে জড় হন। কিন্তু তার বাগানের মালী এসে রাইবিনকে খবর
দিলো—তারা এসেছে ! সাবধান ! রাইবিন কি দমবার পাত্তর ! খুঁড়ো
তক্ষুণি আমাকে ডেকে বলল, ইগনেটি, দৌড়ে শহরে যা ! তোর মনে আছে
সেই বুড়ীর কথা ? তার কাছে একটা চিঠি নিয়ে যেতে হবে ! বলেই
তাড়াতাড়ি কি একটা লিখে আমার হাতে দিয়ে বলল—বাস্—বেরিয়ে পড়
এইবার। বেরিয়ে ছুটে বনের মধ্যে এসে ঢুকলাম। ঝোপের ভেতর দিয়ে
হামাগুড়ি দিয়ে চলতে লাগলাম। চলতে চলতে শুনতে পেলাম তারা আসছে
—ভারী পায়ের শব্দে বন ভরে উঠেছে। শব্দ শুনে মনে হলো অনেক লোক—
ভাঁড়ারে ইঁদুর পড়ার মত চারিদিকে শব্দ উঠছে। অনেকক্ষণ ধরে ঝোপের
মধ্যে চুপ করে বসে রইলাম। আমার কাছ দিয়েই তারা পেরিয়ে গেল। তাদের
পায়ের শব্দ মিলিয়ে গেলে আবার উঠে দাঁড়লাম। দু'রাস্তির আর একবেলা
ধরে না খেয়ে না দাঁড়িয়ে হেঁটে চলে এসেছি। হুঁশ্কারাধীন আর পা তুলতে
পারবো না।

কথা বলবার সময় তাহার চোখ দুইটি মাঝে মাঝে আনন্দে উজ্জ্বল হইয়া
উঠিতেছিল। মনে হইতেছিল, এই ব্যাপারে সে নিজের উপর রীতিমত খুসী
হইয়াছে।

—হাত পা সব ধোও। একটু গরম চা তোমার এক্ষুণি খাওয়া দরকার।

—দাঁড়াও, মা'ঠাকরুণ, তার আগে চিঠিটা তোমায় দিই। এই বলিয়া বহুকষ্টে হাত দিয়া ধরিয়া পাখানি একটা বেঞ্চির উপর রাখিল। ধীরে ধীরে কাদার-ভরা-পা-জড়ানো ছাকড়া খুলিতে লাগিল!

এমন সময় আইভানোভিচ ঘরের দরজার কাছে আসিয়া দাঁড়াইতেই ইগনেটি শব্দিত হইয়া যেই পা মাটিতে রাখিয়া দাঁড়াইতে বাইবে, অমনি কাঁপিতে কাঁপিতে পড়িয়া গেল। তাহার পা একেবারে অবশ হইয়া গিয়াছিল।

তাহাকে ধরিয়া তুলিয়া বসান হইল। তাহার ভয় দূর করিবার জন্ত আইভানোভিচ অগ্রসর হইয়া অভিবাচন করিয়া জিজ্ঞাসা করিলেন, কেমন আছ কমরেড? কিছু মনে করো না ভাই, আমি তোমার পায়ের বাঁধা খুলে দিচ্ছি!

এই বলিয়া হাঁটু গাড়িয়া বসিয়া আইভানোভিচ পায়ের বাঁধন খুলিয়া দিতে ইগনেটি নিজের পায়ের চেহারার দেখিয়া নিজেই বিস্মিত হইয়া উঠিল। বলিল, বাঃ!

আইভানোভিচ তাহার পায়ের দিকে চাহিয়া বলিল, এক্ষুণি স্পিরিট দিয়ে ভাল করে ঘসে দিতে হবে।

তাহার কথায় লক্ষ্য না করিয়া ইগনেটি মাকে ডাকিয়া পায়ের ছাকড়ার ভিতর লুকানো চিঠিটি মাকে দিল। মা আইভানোভিচকে চিঠিটি পড়িতে বলিলেন।

“মা, এ ব্যাপার যেন নীরবে সহ্য করে যেও না। সেই মহিলাটি যিনি তোমার সঙ্গে এসেছিলেন, এই দরিদ্র কৃষকদের জন্ত আরও বই লিখতে তাহাকে বলো। এই আমার শেষ অনুরোধ। রাইবিন!”

বিষন্ন স্বরে মা বলিয়া উঠিলেন, টুটী টাপে ধরেছে, তবুও সে—

যেন কোনও মহান দৃশ্য এখন চক্ষের সম্মুখ দিয়া চলিয়া গেল, তাহারই প্রতি সন্মম দেখাইবার জন্ত আইভানোভিচ বলিয়া উঠিল, চমৎকার! এই তো সুন্দর, মাথাকে দেয় নাড়া, অনুরোধ জাগিয়ে তোলে সাড়া।

ইগনেটি নীরবে তাহাদের মুখের দিকে চাহিয়াছিল। মায়ের ছুই চোখ দিয়া অশ্রু ঝরিয়া পড়িতেছিল! নীরবে রান্নাঘর হইতে এক টব গরম জল লইয়া আসিয়া ইগনেটির পায়ের কাছে বসিয়া তাহার পা ধরিবার জন্ত হাত বাড়াইলেন।

বিশ্বয়ে বিহ্বল হইয়া ইগনেট তাড়াতাড়ি বেকির ভিতরে পা ঢুকাইয়া বলিয়া উঠিল, এ আপনি কি করছেন ?

ঐগ্গীর পা-টা দাও ।

ইগনেট বেকির তলায় যতদূর যায় পা ঢুকাইয়া দিল । তাহার কণ্ঠস্বর হঠাৎ ধরিয়া গেল । সে কাতরভাবে বলিয়া উঠিল, একি, এ কি আপনি করছেন ! একি আশনার উচিত !

মা কোনও কথা না বলিয়া ইগনেটের পা ধরিয়া গরম জল দিয়া ধুইতে লাগিলেন । বিশ্বয়ে এবং সন্তোচে ইগনেট পাথর হইয়া গেল ।

আইভানোভিচ স্পিরিট আনিবার জন্ত চলিয়া গেল । মা নিকোলস্ গ্রামে যে দৃশ্য দেখিয়াছিলেন ইগনেটিকে তাহার কথা বলিতে লাগিলেন । সেই নির্মম প্রহারের কথা শুনিয়া ইগনেট অবাক হইয়া বলিয়া উঠিল, তা কি কখনও হতে পারে !

মনে মনে সেই দৃশ্য স্মরণ করিয়া সে বলিয়া উঠিল, ঐ জন্তে লোকগুলোকে দেখলেই আমার ভয় করে—সাক্ষাৎ যমদূত !

এমন সময় আইভানোভিচ এক শিশি স্পিরিট আনিয়া রান্নাঘরে উঠনে কংলা দিবার জন্ত গেল । তাহার দিকে চাহিয়া ইগনেট জিজ্ঞাসা করিল, ভদ্র লোক নাকি ?

—আমাদের দলে ভদ্র লোক, ইতর লোক কেউ নেই । সকলেই কমরেড ।

অবিশ্বাসের হাসি হাসিয়া ইগনেট বলিয়া উঠিল, অনেক কিছুই বুঝি না আমরা ।

—কি বোঝ না তোমরা ?

—একদিকে দেখি এই ভদ্র লোকেরাই আমাদের চাবুক মারছে, আর একদিকে দেখি এরাই আবার আমাদের পা ধুইয়ে দিচ্ছে । এ ছুয়ের মধ্যখানে কি আছে, কে জানে ?

সহসা খরের দরজা সজোরে খুলিয়া গেল । আইভানোভিচ সেই খোলা দরজার কাছে দাঁড়াইয়া বলিয়া উঠিল :

—মধ্যখানে কারা আছে জানো ? বে-হাত তোমাদের গায়ে চাবুক তোলে সেই হাত-ধোওয়া জল যারা ছুঁবেলা দেবতার প্রসাদ বলে গ্রহণ করে—আর বাঘের পিঠে চাবুক পড়ে তাদেরই রক্ত চুষে যারা আবার খায়—মধ্যখানে আছে তারা ।

ইগনেটি সম্মুখে আইভানোভিচের দিকে মাথা তুলিয়া চাহিল। কিছুক্ষণ নীরব থাকিবার পর বলিল, ঠিক তাই!

কিছুক্ষণ মালিসের পর ইগনেটি পায়ে ভর দিয়া দাঁড়াইল। বেশ স্বচ্ছন্দে ঘরের মধ্যে পায়চারি করিতে লাগিল। খুশী হইয়া বলিয়া উঠিল, এ যে একেবারে নতুন পা হয়ে গেল। সত্যি, ধন্যবাদ, ধন্যবাদ আপনাদের।

হঠাৎ খুব গম্ভীর মুখ করিয়া সে আপনার মনে বলিয়া উঠিল, কি করে ধন্যবাদ জানাতে হয়, তাও জানি না ভাল করে!

আহারের সময় টেবিলে ইগনেটি বলিতে আরম্ভ করিল, কাগজ-পত্রে সব আমিই বিলি করতাম। হাটতে আমার মতো আর ছুটি নেই! খুড়ো আমাকে ডেকে বাড়িলটা হাতে দিয়ে বলতো—এইবার এগুলো বিলি করে দিয়ে এসো। মনে থাকে যেন যদি ধরা পড়ে, তা হলে তুমি একা—একাজে তোমার জানা-শোনা আর কেউ নেই। তখান্তু বলে আমি বেরিয়ে পড়তাম।

—আচ্ছা, কত লোকে বই নেয়?

—যারা পড়তে পারে তারাই নেয়। অনেক বড়লোকও বই নিয়ে পড়ে। অবশ্য তারা আমাদের কাছ থেকে নেয় না! আমাদের হাতে এসব বই দেখতে পেলে তখনই লোহার বাল গাড়িয়ে হাতে পরিয়ে দেবার ব্যবস্থা করবে।

আইভানোভিচ নতুন লেখাটা বিলি করিবার কথা তুলিল।

—রাইবিন সম্বন্ধে নতুন যে কাগজখানা লেখা হয়েছে, সেগুলো গ্রামে পৌঁছে দেবার কি করা যায় এখন?

ইগনেটি জিজ্ঞাসা করিয়া উঠিল, এর মধ্যে লেখা হয়ে গেল?

—নিশ্চয়ই!

—অমাকে দিন, আমিই নিয়ে যাব!

মা হাসিয়া বলিলেন, কিছুক্ষণ আগেই না বলেছিলে, গ্রামে আর কিরবে না—পুলিশ দেখলে তোমার ভয় করে?

একটু মুন্নি পড়িয়া দাঁড়িতে হাত বুলাইতে বুলাইতে ইগনেটি উত্তর দিল, বড় ক্লান্ত হয়ে পড়েছি। একটু বিশ্রাম করবো ভেবেছিলাম। তাই বলেছিলাম গ্রামে আর কিরবো না। আর ভয়ের কথা বলছো। ভয় পায় সত্যি! তবে ভয়, ভয়; কিন্তু কাজও তো আমার কাজ। আপনারা

হাসছেন? ভয় পায়—সে তো সত্যি কথা—তা বলে কাজ করবো না? আঙনে কাঁপিয়ে পড়তে ভয় করে না? তবুও যদি দরকার হয় তাও পড়তে হবে তো।

—কিন্তু তোমাকে সেখানে যেতে হবে না।

—তা হলে আমি কি করবো? কোথায়ই বা আমি যাবো?

—তোমার বদলে সেখানে আর একজন লোক যাবে। তুমি তাকে পথঘাট লোকজন সব বাংলা দেবে।

কিছুক্ষণ মৌনী থাকিয়া অনিচ্ছাসঙ্কে যেন সে মত দিল। আচ্ছা তাই হক!

—তোমাকে একটা পাসপোর্ট দেওয়া হবে! সেই পাসপোর্ট নিয়ে তোমাকে একটা কোনও বনের মালী হয়ে থাকতে হবে।

কিছুক্ষণ কি ভাবিয়া সে জিজ্ঞাসা করিয়া উঠিল, ও কাজ আমি করবো কি করে! চাষারা লুকিয়ে বন থেকে প্রায়ই কাঠ কাটতে আসে। ধরা পড়লে তাদের তো পুলিশে দিতে হবে! সে আমি কি করে করবো?

মা এবং আইভানোভিচ হাসিয়া উঠিলেন!

—তোমার ভয় নেই। যাতে তাদের ধরিয়ে না দিতে হয়, তার ব্যবস্থা আমি করে দেবো।

মা আপনার মনে বলিয়া উঠিলেন, হায়রে মানুষের জীবন! দিনে পাঁচবার চোখ দিয়ে জল ঝরে পড়ে, পাঁচবার আবার সেই পোড়া চোখে হাসি ফুটে উঠে।

গভীর রাত্রি। বনের মধ্যে এক কাঠের ঘরে নিকোলে এবং ইগনেটি মুখোমুখি বসিয়া! ইগনেটি চাপা গলায় বলিতেছিল—মধ্যখানের জানালায় চারবার?

চারবার!

—প্রথমে তিনবার এই রকম করে টোকা মারবে। টেবিলের উপর মধ্যম আঙ্গুলের টোকা দিয়া সে দেখাইয়া দিল।

—তারপর একটুখানি খেঁমে আর একবার টোকা মারবে! একজন চাষী এসে দরজা খুলে দিয়ে জিজ্ঞেস করবে—ধাই—এর কাছ থেকে আসছো বুঝি? তুমি অমন বলবে যে, হাঁ আমি ধাই—গিন্নীর কাছ থেকেই আসছি। আর কিছু করতে হবে না। সে-ই তখন সব করবে।

তাহাদের এই সব গোশন ইচ্ছিতের কথা শুনিতে শুনিতে মা হাসিতে-
ছিলেন। মনে মনে ভাবিতেছিলেন, এরা এখনও ছেলেমানুষ।

— তা হলে ভুলে যাবে না তো হে? প্রথমে মুরাটতে যাবে। সেখানে
দাদাঠাকুরের খোঁজ করবে, তারপর—

নিকোলের স্বত্তি-শক্তির উপর অযথা সন্দেহ করিয়া ইগনেটি আবার
গোড়া হইতে সঙ্কেতগুলি বলিয়া যাইতে লাগিল। তারপর হাত বাড়াইয়া
নিকোলের সহিত করমর্দন করিয়া সে বলিল—এখন তাহলে আমি
যাই।

মা বলিলেন, অঙ্ককারে বাড়ী চিনে যেতে পারবে তো?

—নিশ্চয়ই।

মাকে নিভৃত পাইয়া নিকোলে উৎসুকভাবে জিজ্ঞাসা করিল, জেল থেকে
ওদের বার করে নিয়ে আসার ওরা কি ঠিক করলো?

—ওরা কাল সব ঠিক করবে বলেছে।

—ওদের তুমি একটু বুঝিয়ে বলো। তোমাকে আমি বলছি তুমি দেখো
কত সহজ ব্যাপার। জেলের পিছন দিকে পাঁচিলের কাছে একটা ল্যাম্প-পোস্ট
আছে—বোধ হয় দেখে থাকবে। ল্যাম্প-পোস্টের সামনেই খানিকটা খালি
জায়গা পড়ে আছে আর তার বাঁ দিকে কবর। ডানদিকে রাস্তা—রাস্তার
পর শহর। ব্যাপারটা হবে এই রকম, একজন ল্যাম্প-পরিষ্কার করা লোক
কাঁধে মই নিয়ে, যেমন নিয়ম, ল্যাম্প পরিষ্কার করতে আসবে! মইটা যেমন
জেলের গায়ে রোজ ঠেকিয়ে রাখে তেমনি করে রাখবে। খানিকটা মইটার
ওপর উঠে, ল্যাম্প পরিষ্কার করতে করতে পাঁচিলের দেওয়ালে একটা হুক
টাঙিয়ে একটা দড়ির মই হুকে আটকে পাঁচিলের ওপারে ফেলে দেবে।
তারপর সে চলে আসবে। জেলের ভেতর তাদের জানিয়ে দিতে হবে কবে
কখন এই ব্যাপার ঘটবে। তখন তারা ইচ্ছে করে জেলের মধ্যে একটা
গুপ্তগোল তৈরী করবে। গুপ্তগোলের মধ্যে তারা দুজনে দড়ির মই বেয়ে সরে
পড়বে। তারপর তো আমরা আছিই। মনে রাখবেন, দিনের বেলা এ
কাণ্ডটা ঘটাতে হবে! দিনের বেলা জেল থেকে কয়েদী পালাবে, কেউ
সন্দেহ করতে পারবে না।

—এ তো বিশেষ কঠিন বলে মনে হচ্ছে না।

—না, কঠিন মোটেই নয়। আমি দড়ির মই, হুক, এবং ল্যাম্প-পরিষ্কার-

করা লোক সব তৈরী করে রেখেছি। আমি ধার আশ্রয়ে আছি এই বুড়ো।
—এই বুড়ো যাবে মই ঘাড়ে করে।

বাহিরে ভারি পায়ের শব্দ এবং সেই সঙ্গে কাশির শব্দ শোনা গেল,
নিকোলে বলিয়া উঠিল, ভূতটা আসছে!

দরজা খুলিতেই টব মাথায় একটি বৃদ্ধ লোক ঘরের ভিতর আসিয়া নবাগত
লোক দেখিয়া অভিনন্দন করিল।

—ঐ ওকে জিজ্ঞাসা কর তুমি, মা।

বৃদ্ধ রুদ্ধস্বরে বলিয়া উঠিল, আমাকে? আমাকে আবার কি জিজ্ঞাসা
করবে?

—সেই জেল থেকে ওদের বার করে আনার কথা।

—ওঃ!

নিকোলে তাহাকে পরখ করিয়া দেখিবার জন্ত বলিল, ইয়াকুব, এই সহজ
ব্যাপার ইনি সম্ভব বলে বিশ্বাস করেন না।

—হঃ! বিশ্বাস করেন না মানে বিশ্বাস করতে চান না। তুমি আর
আমি বিশ্বাস করতে চাই আমরা বিশ্বাস করি। এতো সোজা কথা—
হাঙ্গামা কোথার এর মধ্যে?

মা বিশ্বয়-বিস্ফারিত দৃষ্টিতে সেই ছুয়ে পড়া বৃদ্ধটির দিকে চাহিয়া বলিলেন,
নিকোলে, তুমি তো জানো, এ ব্যাপারে আমার কথাই শেষ কথা নয়।

—তা জানি। কিন্তু আপনি ওদের বুঝিয়ে বলুন। আমি যদি একবার
বেকুতে পারতাম! জোর করে ওদের মত করাতাম।

ধানিককণ চিন্তা করিয়া মা বলিলেন—তুমি ভুলে যাচ্ছ, নিকোলে, এ
বিষয়ে সিদ্ধান্ত করার ভার পাভেলের ওপর।

বৃদ্ধটি চুপ করিয়া গুনিতেছিল। জিজ্ঞাসা কারল, পাভেল কে হে?—
আমার ছেলে।

ঘাড় নাড়িয়া পাইপে তামাক গুঁজিতে গুঁজিতে সে বলিল, তার নাম আমি
গুনেছি। আমার ভাইপোটা প্রায়ই তার নাম বলতো! সে ব্যাটাও
জেলে। ওনুঁহি হারামজাদারা তাকে সাইবেরিয়াতে পাঠাবে।

পাইপটি ধরাইয়া ঘরের মেঝের দুধারে থুথু ছড়াইতে ছড়াইতে বৃদ্ধ বলিল
তাহলে উনি চান না। বেশ, ভাল কথা। ওঁর নিজের ছেলে তার সম্বন্ধে
উনি বা ভালো বোঝেন তাই করবেন। যার বেমন ইচ্ছে তাকে তাই করতে

দেওয়া উচিত। জেলে বসে বসে ক্লান্ত হয়ে পড়েছ? বেরিয়ে আসতে চাও? এসো। চলে আসতে তোমার ক্লান্তি লাগে? এসো না, বসে থাক। তোমার সর্বস্ব নুষ্ঠ করেছে? করেছে, চুষ করে বসে থাকো। তোমাকে মেরেছে? মারুক, সধ্ব করে। তোমাকে মেরে ফেলেছে? বেশ, মরেই থাকো। আমি আমার ভাইপোটাকেই সরাবো।

ভোর বেলা মা বাড়া ফিরিয়া আসিলেন।

রবিবার দিন জেলে পাভেলের সহিত আবার দেখা হইল। হাতে একটা কাগজের কুচি লইয়া কাঁপিতে কাঁপিতে জেলের বাহিরে আসিয়া দাঁড়াইলেন। আসিবার সময় পাভেল বলিল, রাগ করো না, মা।

মা বুঝিলেন চিঠিতে কি লেখা আছে। কাতর অহ্ননয়ের দৃষ্টি লইয়া পুত্রের মুখের দিকে চাহিলেন। কিন্তু সে মুখে কোনও উত্তর ফুটিয়া উঠিল না। বাড়ীতে আসিয়া কাঁপিতে কাঁপিতে চিঠিটি আইভানোভিচের হাতে দিলেন। সে পড়িতে লাগিল—

কমরেড, আমরা এরকম ভাবে পালাতে চাই না। আমরা পারি না, আমাদের দু'জনের মধ্যে কেউ না। আমরা যদি এরকম ভাবে পালিয়ে যাই, তা হলে আমাদের সহযাত্রী বন্ধুদের শ্রদ্ধা আমরা হারাবো। তার চেয়ে, নতুন যে কৃষকটি ধরা পড়েছে তাকে উদ্ধার করবার চেষ্টা তোমরা ভাবো। তার জন্তে যদি তোমরা কষ্ট পাও, তোমাদের সে কষ্ট সার্থক হবে। এখানে তার জীবন দুবহ হয়ে উঠেছে। প্রতি মুহূর্তেই একটা না একটা বগড়া বাধছে আর শাস্তি পাচ্ছে। এরই মধ্যে চব্বিশ ঘণ্টা অন্ধকার সেলে আটকে রাখা তার হয়ে গিয়েছে। তার জন্তে আমরা সবাই যতটুকু পারি চেষ্টা করি। মাকে বুঝিয়ে বলা—তিনি হয়ত সব বুঝবেন! মাকে একটু দেখো! পাভেল।

মা সোজা হইয়া বসিলেন। পুত্র গর্বে তাঁহার বুক ভরিয়া আসিল। সংযত স্থির কণ্ঠে তিনি বলিলেন, আমাকে বোঝাবার কি আছে? বরঞ্চ ও যা বলেছে—রাইবিন সম্বন্ধে ভেবে দেখা যাক, তাকে কি করে জেল থেকে বার করা যায়!

স্থির হইল এ সম্পর্কে সমস্ত তার শাশাঙ্কা লইবে!

কিছুক্ষণ পরে লুডমিলা হাঁপাইতে হাঁপাইতে আসিয়া ঘোষণা করিল যে নামনের সপ্তাহে বিচারের দিন পড়িবে। স্থির, সংবাদ! সে দিনই বিচার শেষ হইয়া যাইবে। শাস্তি নাকি ইহারই মধ্যে স্থির হইয়া গিয়াছে।

অনিশ্চিত বেদনার আগমন-লগ্নের অসহ্য অপেক্ষায় মাত্র ক'একটি দিন। নিদারুণ দুর্ভাবনা আর আশঙ্কার মধ্যে প্রথম দিন কাটিল। দ্বিতীয় দিনও সেইভাবে অতিবাহিত হইল। তৃতীয় দিনে শাশাঙ্কা আসিল।

সব ঠিকঠাক। আজই এক ঘণ্টার মধ্যে!

আইভানোভিচ বিস্মিত হইয়া জিজ্ঞাসা করিল, এত শীগগীর! এরি মধ্যে সব ঠিকঠাক হয়ে গেল?

কেন দেয়ী হবে? শুধু বাকি ছিল একটা লুকোবার জায়গা ঠিক করা আর একটা নতুন পোষাক সংগ্রহ করা। আর যা কিছু, সে সমস্ত তার তো সেই বুড়ো ইয়াকুব নিজে নিয়েছে। নিকোলে আর আমি ছদ্মবেশে ওখানে থাকবো। গায়ে একটা ওভারকোট, মাথায় একটা টুপি চাপিয়ে ওকে আমরা নিয়ে যাবো।

জানালার কাছে দাঁড়াইয়া চাপা গলায় তাহারা কথা বলিতে লাগিল। শাশাঙ্কা বলিতেছিল—বুড়োটা ওর ভাইপোকেও বার করে আনবার বন্দোবস্ত করেছে। তবে দড়ির মইটা যেখানে থাকবে—জেলের ভিতর থেকে সেটা দেখা যায়। অল্প অনেকে না ওদের সঙ্গে চলে আসে।

তাদের কথাবার্তা শুনিয়া মায়ের মন চঞ্চল হইয়া উঠিল। সংসা তিনি বলিয়া উঠিলেন, আমিও যাব!

আইভানোভিচ মাকে বুঝাইয়া বলিল, লক্ষ্মীটি মা, আপনি সেখানে যাবেন না! মিছিমিছি ধরা দিয়ে কি লাভ বলুন।

তাহাদের মুখের দিকে চাহিয়া ঘাড় নাড়িতে নাড়িতে মা জেদ করিয়া বলিলেন, না আমি যাবই!

শাশাঙ্কা মায়ের দিকে অগ্রসর হইয়া ঘাড় দোলাইয়া বলিয়া উঠিল, তবুও আশা করেন, আসবে? আমি আপনাকে বলছি, মা, সে কখনও পালাবার চেষ্টা করবে না।

শাশাঙ্কাকে জড়াইয়া ধরিয়া তবুও মা বলিয়া উঠিলেন, সে যাই হক, বাছা, তবুও তোদের সঙ্গে আমাকে নিয়ে চল!

শাশাঙ্কা বুঝিল মা যাইবেনই।

কিন্তু দেখুন, আমরা তো কেউ এক সঙ্গে যাবো না! আপনাকে যেতে হলে একলা সেখানে যেতে হবে। ধরণ, কেউ যদি জিজ্ঞাসা করে, সেখানে কি করতে গিয়েছেন, কি বলবেন?

তাহারা রাজী হইয়াছে এই আনন্দে মা বলিয়া উঠিলেন, সে তখন আর দেখবো'খন !

এক ঘণ্টা পরে মা জেলের কাছে গিয়া উপস্থিত হইলেন। তখন হঠাৎ বাড় বহিতে আরম্ভ হইয়াছে। মাথার উপর নীল সাগরের ভেলা বায়ুতাড়িত হইয়া পবন-বেগে ছুটিয়া চলিয়াছে।

মা পিছন দিকে চাহিয়া দেখিলেন, সমস্ত শহর ঝড়ে আর ধুলিতে অদৃশ্য হইয়া গিয়াছে। সম্মুখে সেই কবর-ভূমি। তাহারই দক্ষিণে, তিনি যেখানে দাঁড়াইয়াছিলেন তাহার মাত্র সত্তর ফিট দূরে, কারাগার। কবর-ভূমির ধার দিয়া দুইজন সৈনিক ঘোড়ার লাগাম ধরিয়া হাটিয়া চলিয়াছে। ইহারা দুইজন ছাড়া সে-সময় সেখানে আর একটিও প্রাণী ছিল না।

সেখানে আসিবার একটা কিছু কারণ বাহির করিবার তাগিদে হঠাৎ মা সোজা সৈনিক দুইটির দিকে অগ্রসর হইলেন। তাহাদের কাছে গিয়া জিজ্ঞাসা করিলেন, বাবা এখানে একটা ছাগল আসতে দেখেছ তোমরা ?

তাহাদের একজন উত্তর দিল, না।

ছাগল খুঁজিতে খুঁজিতে তাহাদের ছাড়াইয়া কবর-ভূমির প্রাচীরের দিকে অগ্রসর হইলেন; মাঝে মাঝে আড়তোথে দক্ষিণ এবং পিছন দিকে চাহেন। কিছুদূর অগ্রসর হইতেই সহসা তাহার পা যেন ধরিয়া আসিল। সর্বদেহ কাঁপিয়া উঠিল। দেখিলেন, কারাগারের অপর দিক হইতে একজন দীর্ঘকায় বৃদ্ধ লোক আসিতেছে! তাহার কাঁধে একটি ছোট্ট মই। মা পিছন ফিরিয়া দেখিলেন, সৈনিক দুইটি ঘোড়াটাকে লইয়া ঘুর পাক খাওয়াইতেছে। সামনে চাহিতেই দেখিলেন, জেলের দেওয়ালের গায়ে তখন মই লাগাইয়া সে উপরে উঠিয়াছে। তাহার পর আর তাহাকে দেখিতে পাইলেন না। কয়েক সেকেন্ডের মধ্যে দেখিলেন, রাইবিনের মাথা পাঁচিলের উপরে দেখা দিল, তাহার পর, তাহার সমস্ত দেহ। তাহার পিছনে আর একজন লোক সিঁড়ি দিয়া নামিয়া আসিল। আর একজন লোকের মূর্তি দেখা গেল কিন্তু সে সিঁড়ি দিয়া আর নামিল না। পাঁচিলের ওপারে কারাগারের মধ্যেই সে অদৃশ্য হইয়া গেল। দেখিতে দেখিতে বাগানের উল্টো দিক দিয়া শহরের পথে তাহারা অদৃশ্য হইয়া গেল।

মা কানে আর কিছু শুনিতে পাইতেছিলেন না। চারিদিক হইতে নানারকম শব্দের টুকরা তাহার কানে আসিয়া বাজিতেছিল। কোথায়

অম্বরত কে বাঁশী বাজাইতেছে, কাহারো চীৎকার করিতেছে, চারি দিকে শব্দের বড় বহিয়া বাইতে লাগিল। অদূরে দেখিলেন পুলিশের লোকেরা ছুটাছুটি করিতেছে।

একজন পুলিশ কনেষ্টবল দৌড়াইয়া আসিয়া মাকে ডাকিয়া বলিল, এই দাঁড়া বড়ি! এখান দিয়ে দাড়ি-ওয়াল। একটা লোককে দৌড়ে যেতে দেখেচিল্?

হাঁ, দেখেছি হুজুর, এই বাগানের ভিতর দিয়ে ছুটে চলে গেল!

আবার বাঁশী বাজিল। চারিদিক হইতে লোক ছুটিয়া বাগানে ঢুকিল। বাড়ী ফিরিয়া আসিতেই আইভানোভিচ মাকে আনন্দে জড়াইয়া ধরিল। বলিল, ভালয় ভালয় ফিরে এসেছেন তাহলে? কি রকম কি হলো?

মনে হচ্ছে সম্পূর্ণ নির্বিঘ্নে সমস্ত হয়ে গিয়েছে!

যাহা দেখিয়াছিলেন, তাহার প্রত্যেক খুঁটিনাটিটি বলিতে আরম্ভ করিলেন।

আইভানোভিচ বলিয়া উঠিল, আপনাদের বরাত ভালো। ভগবানই জানেন, আপনার জ্ঞে আমার কি দুর্ভাবনাই না হচ্ছিল! এখন শুধুন, বিচারের দিন ঠিক হয়ে গিয়েছে। আপনি বিচারের জ্ঞে কোনও ভয় পাবেন না। যত শীগ্গীর ওটা চুকে যায়, পাভেল তত শীগ্গীর ছাড়া পাবে! সাইবেরিয়ায় ওকে আমরা যেতে দেবো না! পথ থেকেই ওকে সরিয়ে ফেলবো!

ব্যাকুল হইয়া মা জিজ্ঞাসা করিলেন, আমি কি জজদের কাছে ভিক্ষাস্বরূপ কিছু চাইতে পারি না?

আইভানোভিচ লাফাইয়া উঠিয়া ক্ষুব্ধরে বলিল, ছিঃ, মা, কি বলছেন আপনি! আমাদের এরকম করে অপমান করবেন না!

মা লজ্জিত হইয়া বলিয়া উঠিলেন, আমাকে ক্ষমা কর তোমরা! আমি সত্যিই ভয় পেয়েছি! কিসের যে ভয় তা বুঝতে পারি না। মনে হয় তারা পাভেলকে অপমান করবে। বলবে হয়তো, “এই চাষার ছেলে!” আর সে বা ছেলে—তখনই হয়ত য়েগে কি যা-তা একটা উত্তর দেবে—আজিটাও আছে—জান হারাতে ওদের এক মিনিটও সময় লাগে না, হয়ত তখন এমন একটা কাণ্ড করে বসবে যাতে এমন শাস্তি হবে যে আর ওদের জীবনে দেখতেই পাবো না!

বহুক্ষণ ধরিয়া নানাতাবে মা তাঁহার অন্তরের এই অসহায় দুর্বলতার কথা আইভানোভিচকে বুঝাইতে চেষ্টা করিলেন কিন্তু আইভানোভিচ যে বুঝিল তাহা তাঁহার মনে হইল না।

বিচারের দিন অল্প সকলের সহিত মাও আদালতে বিচার-গৃহে গিয়া বসিলেন। তাঁহার পাশে যে নারীটি বলিয়াছিল মাকে আসিতে দেখিয়াই সে মুখ বিকৃত করিয়া বলিয়া উঠিল “তোমার ছেলেটাই তো আমাদের ছেলেটার মাথা খেলো!” মা চাহিয়া দেখিলেন, সাময়লভের মা।

বুদ্ধ সিজভও আসিয়াছিল। সাময়লভের মাকে তিরস্কার করিয়া সিজভ বলিয়া উঠিল, চুপ কর নাটালিয়া।

মা নির্বাক নিম্পন্দ আতঙ্কে চারিদিকে চাহিয়া দেখিলেন। জানালাগুলি প্রায় ছাদের কাছে গিয়া লাগিয়াছে। সেখান হইতে শীতের যুদ্ধ যান আলো ঘরে আসিয়া পড়িতেছে। সামনের দুইটি জানালার মধ্যখানে জারের একটি প্রকাণ্ড ছবি—সোনালী ক্রেমটি ব্রিকমিক করিতেছে। কিছুক্ষণ পর হঠাৎ দেখিলেন একজন লোক আসিয়া গম্ভীরভাবে কি বলিয়া গেল আর সকলে উঠিয়া দাঁড়াইলেন। সিজভের হাত ধরিয়া মাও উঠিয়া দাঁড়াইলেন। বামদিকের কোণে একটি বড় দরজা খুলিয়া গেল। একজন বৃদ্ধলোক ছলিতে ছলিতে আসিয়া চেয়ারে বসিল। তাহার পিছনে চার পাঁচজন আরও লোক আসিল। কিছুক্ষণ পরে পুলিশের পোষাক পরা একজন লোক কি সব বলিল। বৃদ্ধ লোকটি গম্ভীরভাবে ঘাড় নাড়িয়া দুইটি ঠোঁটের ফাঁক দিয়া চিবাইয়া বলিলেন, আরম্ভ হক—

সিজভ মার কানে কানে বলিয়া উঠিল, দেখ দেখ।

মা দেখিলেন ঘরের আর একদিকের দেয়ালের গা হইতে আর একটি দরজা খুলিয়া গেল। একটা তারের বেড়া দেওয়া জায়গার ভিতরে থোলা তলোয়ার হাতে প্রথমে একজন সৈনিক প্রবেশ করিল। তাহার পিছনে সারি বাঁধিয়া আসিল, পাভেল, আল্জি, ফিডিয়া, সাময়লভ, গুসেভরা দুই ভাই, বুকিন, সোমভ, আর দুইটি ছেলে, তাহাদের নাম মা জানিতেন না! মাকে দেখিয়া পাভেল মুখ হাসিয়া অভিমানন জানাইল—আল্জি মুখ ভ্যাঙচাইতে লাগিল। মায়ের মনে হইল, তাহাদের হাসিতে যেন ঘরের স্তম্ভোট কাটিয়া গেল।

মায়ের কানের কাছে মুখ লইয়া চুপি চুপি সিজ্জ বলিয়া উঠিল, দেখছো, হোঁড়ারা কি রকম শক্ত রয়েছে। একটুও কাঁপছে না।

এমন সময় গুরু গম্ভীর কণ্ঠে চীৎকার করিয়া কে হাঁকিয়া উঠিল, চুপ কর সব!

দেখিতে দেখিতে সমস্ত ঘর নিস্তব্ধ হইয়া গেল।

বিচার আরম্ভ হইল। বুদ্ধলোকটি আসামীদের দিকে না চাহিয়া অস্পষ্টভাবে কি প্রশ্ন করিতেছিল—মা আদৌ বুঝিতে পারিতেছিল না। পাভেল তাহার কথার উত্তর দিতেছিল—শাস্ত, গম্ভীর ভাবে, অতি অল্প কথায়। বিচারক এবং বিচার-সংক্রান্ত যে সমস্ত লোক সেখানে সমাগত হইয়াছিল, মা তাহাদের মুখের দিকে অনেকক্ষণ ধরিয়া চাহিয়া দেখিলেন। দেখিয়া তাঁহার স্পষ্ট ধারণা হইল যে, ইহার কখনই নিষ্ঠুর হইতে পারে না; ইহাদের মধ্যে নিষ্ঠুরতা বা বীভৎসতার তো কোন লক্ষণ নাই।

পোসিলেনের মত রঙ-করা মুখ একটি লোক অনেকক্ষণ দাঁড়াইয়া কি বলিয়া গেল। তারপর চারজন উকিল আসামীদের কাছে গিয়া কি পরামর্শ করিতে লাগিল।

প্রথম বুদ্ধ লোকটির পাশে আর একজন বিচারক বসিয়াছিলেন। ক্ষীতকায় দেহটি আর্মচেয়ারে যেন ধরিতেছিল না। তাঁহার পাশে লাল গোঁপ-ওয়াল। আর একজন লোক চেয়ারে মাথা ঠেসান দিয়া চোপ বুজিয়া কি ভাবিতেছিল। দ্বিতীয় বিচারকের পিছনে শহরের মেয়র বসিয়াছিলেন। ক্ষীতদরদরটিকে ওভার-কোট দিয়া ঢাকিয়া রাখিবার ব্যর্থ চেষ্টায় বিব্রত হইয়া পড়িতেছিলেন।

সহসা মা শুনিলেন পাভেল ক্রুদ্ধভাবে সকলকে শুনাইয়া বলিতেছে, আসামী আর বিচারক বলে এখানে কেউ নেউ। এখানে আছে শুধু বন্দী আর বিজ্ঞেতা!

সমস্ত ঘর একেবারে নীরব হইয়া গেল। মা শুধু শুনিতে পাইতেছিলেন—বিচারকের হাতে কলম চলার শব্দ এবং তাঁহার নিজের হৃদস্পন্দন।

প্রথম বিচারকটি জিজ্ঞাসা করিলেন, আফ্রিনাথোদকা, তুমি দোষ স্বীকার করছো—

কে যেন কাহার কানে বলিল, এই, এইবার ওঠ।

আফ্রি ধীরে উঠিয়া দাঁড়াইল। গোঁপে হাত বুলাইতে বুলাইতে একবার

আড়-চোখে বিচারকদের দেখিয়া লইয়া কক্ষস্থরে বলিয়া উঠিল, দোষ স্বীকার কিসের জন্তে কেনই বা করতে যাবো? কাউকে হত্যা করিনি, চুরিও করিনি। যে জীবন-ধারণ মধ্যে থাকলে মানুষ হত্যা আর চুরি করতে বাধ্য হয়—আমি শুধু জানিয়েছি যে সে জীবন-ধারণ সঙ্গে আমার কোনও যোগ নেই।

বৃদ্ধ বিচারকটি স্পষ্টস্বরে জোরে বলিয়া উঠিল, তোমার অত কথা আমরা শুনতে চাই না। শুধু বলে, ইয়া কি না!

আজি ফিডরের দিকে চাহিয়া বলিল, ফিডর, তুমি উত্তর দাও।

এক লাফ দিয়া পাড়াইয়া উঠিয়া ফিডর বলিল, আমি আবার কি বলবো! কোন কথা এখানে আমি বলতে চাই না! কি অধিকার আছে এদের আমাদের বিচার করবার?

স্থলোদর বিচারকটি ঘাড় বাঁকাইয়া বৃদ্ধ বিচারকটির কানে কানে কি বলিলেন। তিনি মাথা তুলিয়া আসামীদের একবার ভাল করিয়া দেখিয়া লইয়া মাথা নীচু করিয়া কি লিখিতে লাগিলেন। তারপর আবার কিছুক্ষণ ধরিয়া একটানা ভাবে কি বলিয়া যাইতে লাগিলেন। বক্তৃতার শেষে সরকারী উকিল কয়েকজন লোককে ডাকিয়া প্রশ্ন করিতে লাগিল। একজন সৈন্ত আসিয়া সাক্ষ্য দিল। সে বলিল, পাভেলকে ওদের দলের সর্দার বলে ওরা মানে!

বৃদ্ধ বিচারকটি ঘাড় নাড়িয়া জিজ্ঞাসা করিল, আর নাখোদকা!

—সেও একজন সর্দার!

বিচারকদের দিকে চাহিয়া মায়ের মনে হইতেছিল, তাহারা সকলেই যেন অবসন্ন, অস্থির। তাহাদের অঙ্গ-সঞ্চালনে, কথাবার্তায়, প্রত্যেক ভঙ্গীতে মনে হইতেছিল, একটা রোগতিক্ত পাণ্ডুর অবসন্নতা যেন তাহাদের গ্রাস করিয়া ফেলিয়াছে। তাহাদের ভঙ্গী দেখিয়া বেশ বোঝা যাইতেছিল, এই পুলিশ, কনেষ্টবল, উকিল, পেয়াদা, এই আদালত, এই বাধ্য হইয়া আর্ম-চেয়ারে বলিয়া থাকা, এবং যে সমস্ত ব্যাপার তাহারা আগে হইতেই জানে, তাহার সম্বন্ধে গভীরভাবে এই সব প্রশ্ন করা—সমস্তই যেন এক অতি অঘণ্ট বিরক্তিকর ব্যাপার! তাহাদের দেখিয়া ভয় করিবার পরিবর্তে মায়ের মনে হইতেছিল দয়া করাই উচিত।

আসামীদের দিকে চাহিয়া দেখিলেন, তাহারা নিজেদের মধ্যে হাসা-হাসি

করিতেছে, আদালতে কি হইতেছে, তাহার প্রতি তাহাদের বিন্দুমাত্র আক্ষেপ নাই। বিচারক, এটর্নী, উকিল, পুলিশ ইহাদের কোন কথার সঙ্গে যেন তাহাদের কোনও যোগ নাই।

দ্বিপ্রহরে কিছুক্ষণ বিশ্রামের জন্য আদালতের কাজ বন্ধ হইল। ঘর খালি করিয়া সকলকে বাহির করিয়া দেওয়া হইল।

মা শুনিলেন, তাঁহার পাশেই কে যেন বলিতেছে, বাঁ দিকের এই মেয়েমাহুষটি ?

আর একজন তাহার উত্তরে বলিল, হাঁ !

মা ফিরিয়া চাহিয়া দেখিলেন দুইটি লোক তাঁহাকে লক্ষ্য করিয়া কি কথা বলিতেছে। তাহাদের কোথায় যেন দেখিয়াছেন, কিছুতেই স্মরণ করিয়া উঠিতে পারিলেন না।

কিছুক্ষণ পরে পেয়াদা হাঁকিল, আসামীদের যারা আত্মীয় তারা টিকিট দেখিয়ে ঢোক !

পিছন হইতে কে বলিয়া উঠিল, টিকিট ? একি সার্কাস না কি !

আবার বিচারগৃহে যে যার আসনে আসিয়া বসিল। বিচারকদের আসার সঙ্গে সঙ্গে আবার সকলে উঠিয়া দাঁড়াইয়া আবার বসিল। আদালত বসিতেই সরকারী উকিল বক্তৃতা দিতে আরম্ভ করিল।

তাঁহার বক্তৃতা শুনিতে শুনিতে বৃদ্ধ সিজন্ত অশ্রুট স্বরে বলিয়া উঠিল, মিথ্যে কথা সব !

আসামীরা তেমনি নিজেদের মধ্যে গল্প লইয়াই ব্যস্ত ছিল। তাহাদের সম্বন্ধে কি বলা হইতেছে তাহা শুনিবার জন্য তাহাদের কোনও আগ্রহ ছিল না।

মা বিচারকদের দিকে চাহিয়াছিলেন। তাঁহাদের মুখের দিকে চাহিয়া মায়ের স্পষ্ট ধারণা হইল যে এই বক্তৃতা শুনিতে তাঁহাদের কাহারও ভাল লাগিতেছে না।

কিছুক্ষণ পরে হঠাৎ সরকারী উকিলের বক্তৃতা শেষ হইয়া গেল। মাথা নীচু করিয়া বিচারকদের অভিবাদন জানাইয়া তিনি আপনার আসনে গিয়া বসিলেন।

আইতানোভিচ আসামীদের পক্ষ হইতে একজন উকিল ঠিক করিয়াছিল। তিনি কিছুক্ষণ বলিবার পর সহসা আসামীদের দিক হইতে পাভেল উঠিয়া

দাঁড়াইল। তাহাকে সেইভাবে হঠাৎ উঠিয়া দাঁড়াইতে দেখিয়া সকলে নীরব হইয়া গেল।

পাভেল গভীরভাবে বলিয়া উঠিল,—আপনাদের এই আদালতে দাঁড়িয়ে আমি আত্মপক্ষ সমর্থন করিতে উঠিনি, আত্মপক্ষ সমর্থন করিতে চাইও না। আমি শুধু সেট বিচারকে গ্রাহ্য করি, যে-বিচার আসবে আমাদের দলের তৈরী আদালত থেকে। তবুও কয়েকটা কথা বলতে চাই। যে-কথা আপনারা কিছুতেই বুঝতে পারছেন না, সেটা একটু আমি বুঝিয়ে দিতে চাই।

সহসা তাহার সেই গভীর স্থির স্পষ্ট কণ্ঠস্বরে সমস্ত ঘর ধম্ ধম্ করিয়া উঠিল। সে ধনি সহসা সেই বদ্ধ ক্ষুদ্র আবেষ্টনীর মধ্যে প্রান্তরের সীমাহীনতাকে আনিয়া দিল। মা দেখিতেছিলেন, তাঁহার পুত্র যেন সন্মুখ হইতে সকলকে দূরে সরাইয়া দিয়া একা একে অপরূপ মহিমায় সমুদ্ভাসিত হইয়া উঠিয়াছে। পাভেল বলিতেছিল—

—আমরা সাম্যবাদী। তার মানে আমরা ব্যক্তিগত সম্পত্তির চিরশত্রু। আমরা বুঝেছি, এই অর্থ-সংগ্রহের মোহই 'মানুষের কাছ থেকে মানুষকে দূরে রাখে, পরস্পরকে আঘাত করবার জন্তে পরস্পরের হাতে তুলে দেয় শাণিত অস্ত্র, জাগিয়ে তোলে হাজার রকমের সমাপ্তিহীন স্বার্থের সংঘর্ষ! আমরা জানি, এই ব্যক্তিগত অর্থ-সংগ্রহের মোহে মানুষ নিজেরদের কাজকে সমর্থন করিয়ে নেবার জন্তে নানারকমের মিথ্যে কথা তৈরী করে ঢাকতে চায় তাদের অনাচারকে, প্রবঞ্চনাকে, সমস্ত মিথ্যাচারকে। যে-সমাজ মানুষকে শুধু মনে করে অর্থ-বাড়াবার একটা কল মাত্র, সে সমাজ কখনও আমাদের মিজভাবে গ্রহণ করতে পারে না—আমরাও কখন তার রীতি-নীতি মানতে পারি না! এই রকম সমাজের বিধি-বিধান থেকে মানুষকে দেহের দিক দিয়ে, তার মনের দিক দিয়ে সকল রকমে মুক্তি দেবার জন্তে আমরা চাই ঘুঝতে এবং আমরা ঘুঝবোও!

—আমরা মজুর! একটা ছোট্ট খেলনা থেকে পাহাড়প্রমাণ কল পর্যন্ত সমস্তই আমাদের প্রাণে তৈরী হয়। প্রত্যেক লোকই আমাদের কাজে লাগাতে চায়, শুধু তাদের নিজের স্বার্থ-সিদ্ধির জন্তে! আজ আমরা তাই চাই সেই স্বাধীনতা, যা কালক্রমে সমস্ত শক্তি এনে দেবে তাদেরই হাতে, যারা হাত দিয়ে সৃষ্টি করেছে এই সভ্যতাকে! আমাদের মূলমন্ত্র হচ্ছে—

শক্তির অধিকার থাক সকলে; ঐশ্বর্য উৎপন্ন করবার সমস্ত রকম জিনিসের উপর থাক সকলের অধিকার; আর সেই সঙ্গে এই হোক নিয়ম, প্রত্যেক লোককে হবে নিজের হাতে শ্রম করতে!

এই আমাদের কথা! দেখছেন, আমরা বিপ্লবী নই!

বুদ্ধ বিচারকটি বলিয়া উঠিলেন, অত বেশী কথা বলবার কি দরকার? পাভেল সোজা হইয়া দাঁড়াইল। তাহার নীল চোখে একটা কোমল করণ আভা ফুটিয়া উঠিল। সে বলিতে লাগিল—

—যতদিন ব্যক্তিগত সম্পত্তি থাকবে, ততদিন আমরা এই রকম বিদ্রোহী হয়ে থাকবো। যতদিন একদল লোক শুধু খেটে যাবে, আর একদল শুধু স্বপ্ন চালাবে, ততদিন আমরা থাকবো বিদ্রোহী। সম্পত্তি চায় সংরক্ষণ। কি প্রাণান্ত চেষ্টা না করতে হয় সম্পত্তিকে সংরক্ষণ করতে। এই প্রবৃত্তি মানুষকে এতদূর পেয়ে বসে যে তার দাঁস হয়ে পড়ে। অস্তরের দিক দিয়ে হয়ে যায় কৃতদাঁস। যে-সমস্ত অভ্যাস এবং সংস্কার আপনারা তৈরী করেছেন, তার তার এক তিল নামাতে আপনারাই পারেন না—মনের দিক দিয়ে আমরা তো মুক্ত! জীবন থেকে মানুষকে দূরে সরিয়ে রেখে আপনারা জগৎকে করে তুলেছেন বিচ্ছিন্ন, ভেদ-ক্লিষ্ট; এই বিচ্ছিন্নতাকে দূর করে আমরা জগৎকে সমগ্র সম্পূর্ণ করতে চাই।

কয়েক সেকেণ্ড থামিয়া পাভেল আপনার মনে বলিয়া উঠিল,—এবং তা হবেই।

তারপর কয়েকবার আপনার মনে শেষের কথাগুলি আবৃত্তি করিতে করিতে সে বলিয়া উঠিল, আমার বক্তব্য শেষ হয়ে গেছে। তবে শেষে এইটুকু বলতে চাই, ব্যক্তিগতভাবে আপনাদের অপমান করা আমার আদৌ ইচ্ছা ছিল না। বরঞ্চ, এই প্রহসনের অনিচ্ছুক দর্শক হিসাবে এখানে থাকতে বাধ্য হয়ে, আপনাদের মুখের যে চেহারা দেখলুম তাতে আমার মনে আপনাদের প্রতি করুণাই হচ্ছে।

বিচারকদের দিকে না চাহিয়াই পাভেল বলিয়া পড়িল। ধীরে আঙ্গি আগাইয়া আসিল। বিচারকদের আহ্বান করিয়া আঙ্গি বলিয়া উঠিল, আসামী পক্ষের ভক্তমহোদয়গণ—

ক্ৰুদ্ধ হইয়া চীৎকার করিয়া হুলকার্য বিচারকটি বলিয়া উঠিলেন, তোমার সামনে বসে কোর্ট, আসামীদের উকিল নয়!

আজির চোখে ছুটুমীর হাসি ফুটিয়া উঠিল! মা সে হাসি ভাল করিয়া জানিতেন। আজি বিম্বিত হইয়া বলিয়া উঠিল, তাই নাকি? না বোধ হয়। আপনারা বিচারক তো নন—আপনারাই তো আসামীদের—

—সাক্ষাৎ কেসের সঙ্গে জড়িত নয় এমন কোন কথা বলতে পারবে না।

—সাক্ষাৎ ভাবে যা এই কেসের সঙ্গে জড়িত? আচ্ছা তাই হবে, আমি তা হলে ভাবতে পারি যে আপনারা হচ্ছেন সত্যিই বিচারক, স্বাধীন, সাধু—”

“তোমার চরিত্র-ব্যাখ্যানের কোন প্রয়োজন নেই!”

“প্রয়োজন নেই—বলেন কি মশাই? আচ্ছা মনে করুন, আপনার সামনে দুটো দল দাঁড়িয়ে আছে। একদল বলছে—ওরা আমাদের সর্বস্ব হাতিয়ে নিয়েছে। অপর দল বলছে, হাতিয়ার আছে, তাই হাতাবার অধিকারও আমাদের আছে—”

“গল্প আমরা শুনতে চাই না।”

“বুড়ো লোকদের তো গল্প শুনতে ভাল লাগে!”

“তোমার ভাঁড়ামী বন্ধ কর! তুমি বসো। কথা বলতে পারবে না আর।”

আজি ঠোটে ঠোটে চাপিয়া বসিয়া পড়িল। সাময়লভকে উঠিতে দেখিয়া বৃদ্ধ বিচারকটি বলিয়া উঠিল, “তুমি বসো, তুমি কোনো কথা বলতে পারবে না।”

সাময়লভ তখন বলিতে আরম্ভ করিয়াছে, “এটম’র সরকারী উকিল আমাদের বর্বর, সভ্যতার শত্রু বলে গালাগাল দিলেন। আমি শুধু তাঁকে জিজ্ঞাসা করতে চাই, তাঁদের সভ্যতাটা কি রকম? তোমরাই নারীর নারীত্বকে নষ্ট করেছ, মানুষকে এমন জায়গায় নিয়ে ফেলেছ যেখানে চুরি-চামারি করতে সে বাধ্য—মদের মধ্যে তাকে ডুবিয়ে রেখেছো—এই তো তোমাদের সভ্যতা! আমরা সত্যিই এই সভ্যতার শত্রু! তবে আমরা প্রজ্ঞা করি আর এক সভ্যতাকে, তার স্রষ্টাদের তোমরা অনন্ত নির্বাসন দিয়েছ, নির্বাসনে নির্বাসনে পচিয়ে মেরেছ—পাগল ক’রে দিয়েছ—”

“এখনও বলছি চূপ কর।”

সাময়লভ বসিলে ফিডরের ডাক পড়িল। শাম্পেনের বোতলের ছিপির মত লাক্কাইয়া উঠিয়া রাগে কাঁপিতে কাঁপিতে সে বলিয়া উঠিল, “আমি প্রতিজ্ঞা করছি, যা শাস্তি দাও—যেখানেই নির্বাসনে পাঠাও, আমি পালাবই, নিশ্চয়ই পালাবো, পালিয়ে এসে আবার—”

তাহাকে জোর করিয়া বসাইয়া দেওয়া হইল।

তাহাদের মধ্যে আর কেহ কোন কথা বলিল না! বৃদ্ধ সিজভ মাকে ডাকিয়া বলিল, “এবার রায় দেবে।”

মা সচকিত হইয়া উঠিলেন। কিছুক্ষণ পরে বৃদ্ধ বিচারকটি একটানা স্বরে কি বলিয়া গেলেন—মা বুঝিতে পারিলেন না।

সিজভ বলিল, “নির্বাসন!”

মা শুক কণ্ঠে বলিলেন, “ও আমি জানতামই।”

বিচারকগণ উঠিয়া গেলেন। আসামীদের বেড়ার কাছে তাহাদের আশ্রয়েরা শেষ দেখা করিবার জন্ত আসিল। মা আসিয়া পাভেলের সহিত দেখা করিলেন। অল্প সকলের মতই খাওয়া-দাওয়া, কাপড়-চোপড়, স্বাস্থ্য সম্বন্ধেই অতি সাধারণ কথাবার্তা বলিতে লাগিলেন। কিন্তু তাঁহার অন্তরে সহস্র কথা জাগিয়া উঠিতেছিল, তাঁহার নিজের সম্বন্ধে, শাস্ত্রার এবং তাহার সম্বন্ধে। কিন্তু সমস্ত কথার অন্তরালে অন্তঃসলিলা ধারার মত তাঁহার অন্তরে আজ অপূর্ব এক কলনাদিনী স্নেহক্ষীরধারা বহিয়া চলিয়াছিল—তাহার উচ্ছল গতি যেন তিনি আর স্বে করিতে পারিতেছিলেন না। কেমন করিয়া পাভেলকে বুকের অতি নিকটতম স্থলে রাখা যায়, কেমন করিয়া জানান যায় যে, তাহাকে ভালবাসিয়া বৃদ্ধার অন্তর ভরিয়া গিয়াছে, কি করিলে সে সমুদ্র হইবে!

মা বলিলেন, “অল্প বয়সের ছেলেদের বিচার করবার জন্তে বৃড়োদের বিচারক করা ঠিক নয়।”

হাসিয়া পাভেল উত্তর দিল, “তার চেয়ে যাতে অল্প বয়সের ছেলেদের আদালতে না আসতে হয় আর বৃড়ো লোকদের না বিচার করতে বসতে হয়, জীবন সেই ভাবে নতুন করে সাজানো ভাল নয়?”

মা দেখিতেছিলেন লিটল রাশিয়ান সকলের সঙ্গে কথা বলিতেছে। পাভেলের চেয়ে তাহার স্নেহের প্রয়োজন বেশী তাহা মা বুঝিতেন। আগাইয়া গিয়া তাহার সহিত কথা বলিতে লাগিলেন।

অল্পক্ষণ পরেই পুলিশের লোক আসিয়া তাহাদের লইয়া গেল। আদালত হইতে বাহির হইতেই বিশ্বয়ে দেখেন, কখন ক্রান্ত নগরীর উপর রাত্রির ছায়া নামিয়া আসিয়াছে। পথে পথে লণ্ঠনের আলো জলিয়া উঠিয়াছে, আকাশে জলিয়া উঠিয়াছে তারার প্রদীপ।

আদালতের চারিদিকে দল বাঁধিয়া সংবাদের জন্ত লোক ঘুরিয়া বেড়াইতেছিল। তাঁহাদের দেখিয়া তাহারা আপাইয়া আসিয়া জিজ্ঞাসা করিতে লাগিল।

সিদ্ধান্ত ঘাড় নাড়িয়া মাকে বলিল, “লক্ষ্য করেছে, নিলোভনা লোকে জিজ্ঞাসা করছে।”

একটা পথের বাঁকে হঠাৎ কয়েকজন যুবক এবং যুবতী মাকে ঘিরিয়া দাঁড়াইল। বিচারের ব্যাপার তন্ন তন্ন করিয়া জিজ্ঞাসা করিল। তাহার মধ্য হইতে একজন বলিয়া উঠিল, “যদি অস্বস্তি দেন, আপনার হাত একটু স্পর্শ করবো।”

বলিতে বলিতে সকলেই হাত বাড়াইয়া দিল। মা সকলের সঙ্গে কর-মর্দন করিলেন। কে বলিয়া উঠিল, “আপনার ছেলে মানুষের আদর্শ হয়ে থাকবে!”

কে একজন চীৎকার করিয়া উঠিল, “দীর্ঘজীবী হোক রুশ-শ্রমিকেরা।”

চারিদিক হইতে বহুকণ্ঠে ধনিয়া উঠিল, “দীর্ঘজীবী হোক শ্রমিকেরা!”

কাছেই কম্পিতকণ্ঠে কে বলিয়া উঠিল, “শোন কমরেডরা, একটা রাক্সস আজ রাশিয়ার লোকদের গ্রাস করে ফেলেছে—তার নাম হলো স্বেচ্ছাতন্ত্র! তারই উদ্ভবের তলহীন গহ্বরে আজ আবার কয়েকজন—”

সিদ্ধান্ত মায়ের হাত ধরিয়া টানিয়া লইয়া বলিল, “চল, বাড়ী ফেরা যাক এখন!”

শাশাঙ্ক স্থির করিয়াছিল, পাভেলের সঙ্গে সেও নির্বাসনে যাইবে। নির্বাসনে তাহাদের দুইজনের জীবন একসূত্রে বাঁধা হইবে।

ঘরের মধ্যে নিবিড় হইয়া বসিয়া তাহারা সেই কথাই আলোচনা করিতেছিল। শাশাঙ্ক ঘন ভ্রূ তুলিয়া জানালার বাহিরে দূর আকাশের দিকে চাহিয়াছিল।

মা বলিতেছিলেন, “তারপর তোদের যখন ছেলে হবে, আমিও তখন তোদের কাছে গিয়ে থাকবো। এখানে যেমন আছি, সেখানে তার চেয়ে আর কি খারাপ থাকবো! পাভলুসা একটা কাজ যোগাড় করে নেবে—ওটিক তা পারবে—”

আপনার মনে কি চিন্তা করিতে করিতে শাশাঙ্ক বলিয়া উঠিল, কিন্তু সে তো সেখানে বসাবর থাকবে না—তাকে তো চলে আসতে হবে—আর সে চলে আসবেই!”

“তা কি করে হয়? ধর, যদি তখন ছেলেগুলো হয়—তাদের কলে—”
 “সে যখন হবে তখন দেখা যাবে। যদি তাই হয়, আমার দিক দিয়ে আমি বলতে পারি, আমি এক মুহূর্তের জন্তোও তার ইচ্ছার বিরুদ্ধে তাকে আটকে রাখতে চাইবো না। যে-কোন মুহূর্তে স্বাধীনভাবে যা ইচ্ছে তাই সে করতে পারে। আমি তার কমরেড—ইয়া, জীও বটে কিন্তু তার জীবন যে-পথে যাত্রা করেছে সেখানে আমাদের এই সঙ্কটটাকে সচরাচর স্বামী-স্ত্রীর যে সঙ্কট হয়, সে-ভাবে আমি দেখতে চাই না। তাকে ছেড়ে দিতে আমার কষ্ট হবে জানি কিন্তু তবুও তা করতে হবে। আর সে ভাল রকমই জানে, স্বামীকে সিন্দুকের টাকার মত আমি দেখি না—”

তাহাকে বুকে টানিয়া লইয়া গাঢ় আলিঙ্গনে বন্ধ করিয়া মা বলিলেন,
 “এতও সহিতে পারিস্ তুই!”

মায়ের বুকে মাথা লুকাইয়া যুত্ হাসিয়া শাশা বলিল, “সে অনেক দূরের কথা! এখন আর আমার কষ্ট কি! আমি তো কোনো ত্যাগ করছি না। আমি জানি, আমি কি করছি এবং তার ফলাফল কি হবে তাও আমি জানি। তাকে যদি আমি স্থখী করতে পারি তবেই আমি স্থখী হবো! আমার একমাত্র কামনা হচ্ছে তার শক্তিকে বাড়িয়ে তোলা—আমার স্নেহ, আমার ভালবাসা দিয়ে তাকে ভরিয়ে রাখা। আমি জানি, আমি তাকে যতখানি ভালবাসি সেও আমাকে ঠিক ততখানি ভালবাসে। তার কাছে আমি যে অর্থ নিয়ে যাবো সেও আমাকে প্রতিদানে সেই অর্থ দেবে। আমরা দুজনে দুজনকে এমনি করেই পরিপূর্ণ করে তোলবার চেষ্টা করবো। তাতে যদি প্রয়োজন হয় ছাড়াছাড়ির, ক্ষতি কি, বন্ধুর মত তাকে দেবো মুক্তি।”

হঠাৎ আইভানোভিচ এক রকম ছুটিতে ছুটিতে আসিয়া উপস্থিত হইল।
 পরিশ্রান্ত, ব্যস্ত। বলিয়া উঠিল:

“শাশা, যতদিন স্থস্থ আছো, এখানে আর এসো না। শীগ্গীরই এখান থেকে বেড়িয়ে পড়ো—আমার মনে হচ্ছে আজই আমাকে এখানে গ্রেফতার করবে। দুটো চর পেছনে পেছনে ঘুরে বেড়াচ্ছে। আমি গন্ধে বুঝতে পারি, এ বিষয়ে আর কোনও সন্দেহ নেই। ইঁ, আর একটা কথা। এই নাও পাভেলের বক্তৃতাটা—এটা গিয়ে লুভমিলাকে দেবে—শীগ্গীরই যেন ছাপিয়ে কেলে। আর দেখো মা, তোমাকেও এ জায়গা ছাড়তে হবে।

আজ রাতে তোমার এখানে থাকা চলবে না। তোমাকেও গ্রেফতার করতে পারে। ধরা পড়লে কাগজ বিলি করবে কে?”

আইভানোভিচ একান্ত ব্যস্ত হইয়া পড়িয়াছিল। তাহাকে এখনই যেন সকল কিছু ছাড়িয়া চলিয়া যাইতে হইবে—অথচ কোথাও কিছুই যেন গুছান হয় নাই।

মা বিস্মিত হইয়া জিজ্ঞাসা করিলেন, “আমাকে কেন ধরবে? তোর হয়ত ভুল হয়েছে ভাবতে—”

“এ বিষয়ে আমার ভুল হয় না। তুমি লুডমিলার কাছে যাও—তার অনেক কাজে লাগতে পারবে তুমি। পাপের স্পর্শ থেকে যত দূরে থাকতে পারো, ততই ভালো।”

“বেশ, তাই হবে।”

সেই রকম ব্যস্ত হইয়াই আইভানোভিচ বলিল, “যাও, কিন্তু একটা কথা মনে রেখো। লুডমিলার কাছে যে ছেলেটা থাকে তাকে কাল এই বাড়ীর সামনে যে মুটেটা বসে থাকবে তার কাছে আমার খবরের জন্তে পাঠাবে। লোকটি বড় ভালো—আমার একজন বিশেষ বন্ধু। আচ্ছা, তোমরা এখন বিদায় হও। দেরী করা আর ভাল নয়।”

পথে বাহির হইয়া শাশাঙ্কা মায়ের কানে কানে বলিল, “ঠিক এই রকম সহজভাবেই ও মৃত্যুকেও বরণ করে নিতে পারে। যখন মৃত্যু ওর দরজায় আসবে, তখন ঠিক এই রকম একটু তাড়াহড়ো করবে—তারপর দরজা খুলে—সে সামনে এসে যখন দাঁড়াবে, চশমাটা একবার ঠিক করে নিয়ে শুধু বলবে—চমৎকার! চলো। তারপর চির নিদ্রায় ঘুমিয়ে পড়বে।”

কিছুদূর অগ্রসর হইয়া শাশাঙ্কা বিদায় গ্রহণ করিল। যাইবার সময় বলিয়া গেল, “যদি দেখেন লুডমিলার দরজাতেও গুপ্তচর ঘুরছে—তাহলে ওখানে না গিয়ে সোজা আমার কাছে চলে আসবেন।”

“সে আমি জানি।”

কয়েক মিনিট পরে মা লুডমিলার ছোট্ট ঠাণ্ডা ঘরটিতে বসিয়া আছেন। ঘরের মধ্যে বসিয়া মা ভাবিতে চেষ্টা করিতেছিলেন ইহার মধ্যে কোন্‌খানে ছাপা হয়। রাত্তার দিকে তিনটি জানালা। ঘরের মধ্যে একটা লোকা। বইয়ের সেল্‌ফ্‌। দেওয়ালে ফটোগ্রাফ আর ছবি। মায়ের বেশ মনে হইতেছিল, কোথায় যেন কি লুকান আছে। কোথায় যেন গোপন

পথ আছে, অঞ্চ কোথায় যে তাহা সম্ভব না তাহা বুঝিয়া উঠিতে পারিতেছিলেন না।

লুডমিলার গম্ভীর কণ্ঠের মূর্তি দেখিলেই মা বিব্রত হইয়া পড়িতেন। একটা কালো রঙের পোষাক ফিতা দিয়া জড়ান। আপনার মনে লুডমিলা সমস্ত ঘর ধীরে পায়চারি করিতেছিল।

মা বলিয়া উঠিলেন, “একটা দরকারে তোমার কাছে এসেছি।”

“দরকার ছাড়া কেউ তো আমার কাছে আসে না।”

তাহার কণ্ঠস্বরে এক নূতন স্বর শুনিয়া মা ঘাড় তুলিয়া চাহিলেন। লুডমিলা হাসিয়া হাত বাড়াইতে পাভেলের বক্তৃতাটি তিনি তাহার হাতে দিলেন।

“এটা আজই ছাপাতে হবে বলে পাঠিয়েছে ওরা।”

তারপর মা আইভানোভিচের কথা পাড়িলেন। গ্রেকতারের সম্ভাবনায় সে কিরকম আয়োজন করিতে ব্যস্ত—ছেলেটিকে কাল তাহার সম্মানে পাঠাইবার কথা সমস্তই বলিলেন।

পাভেলের বক্তৃতাটি কোমরে গুজিয়া রাখিয়া সে বলিয়া উঠিল, “চূপ করে ধৈর্য ধরে অপেক্ষা করা আমি বুঝ না। যারা আমাদের আঘাত করলো, তাদের আঘাত থেকে আত্মরক্ষা করবার অধিকার নিশ্চয়ই আমার আছে! আঘাত যে করে, আঘাতই সে প্রত্যাশা করে। ধৈর্য! ধৈর্য আমি বুঝি না!”

এতক্ষণ সে পাভেলের বক্তৃতা পড়ে নাই। স্টোভের আগুনের কাছে গিয়া তাহা পরিতে আরম্ভ করিল। পড়িতে পড়িতে সহসা মুখ উদ্ভাসিত হইয়া উঠিল। পড়া শেষ করিয়া বলিল, “চমৎকার! এই তো চাই! যদিও এখানে সেই সব ধৈর্যের কথা আছে, তবু এ বক্তৃতা যেন কবরের আগে ড্রামের আওয়াজ! ড্রাম যে বাজিয়েছে, তার পাকা হাত একথা মানতেই হবে!”

কিছুক্ষণ সে আপনার মনে কি ভাবিল। তার পর বলিল, “আপনার ছেলের সম্বন্ধে আপনাকে কিছু বলতে চাই না! তার সঙ্গে আমার আজও পর্যন্ত কখনও চাক্ষুষ পরিচয় নেই। কিন্তু তবুও আমি জানি, আপনার ছেলে এক অপূর্ব মানুষ। বয়স তার অল্প বটে কিন্তু মহাপুরুষের প্রাণ আছে তার মধ্যে। ও রকম ছেলের মা হওয়া ভালো বটে কিন্তু বড় ভয়ানক!”

সোফা লুডমিলার মুখের দিকে চাহিয়া মা বলিলেন, “ভয়ানক আর কিছু নেই! এখন সবই ভালো।”

লুভমিলা হাত দিয়া অতি স্নেহে মায়ের চুল আঁচড়াইয়া দিতে লাগিল। মা দেখিলেন, একটা প্রাণ-ভরা আনন্দের বজ্রকে সে মুখে-চোখে বন্দী করিয়া রাখিয়াছে।

মুহু হাসিয়া বলিল, “তা হলে ছাপার-ব্যাপারে আপনি আমাকে সাহায্য করছেন ?

“নিশ্চয়ই !”

“আচ্ছা, আপনি একটু ঘুমিয়ে নিন। আমি ততক্ষণে এটা কম্পোজ করে দেখি। আমি তো আর আজ রাত্তিরে ঘুমোবো না। যদি দরকার দেখি, আপনাকে ঘুম থেকে তুলবোখ”ন। শোবার সময় আলোটা নিবিয়ে শোবেন।

সামনের অগ্নিকুণ্ডে ছুখানা কাঠ দিয়া তাহারই পাশের দেয়ালে একটা ছোট দরজা খুলিয়া সে অদৃশ হইয়া গেল। সেই দিকে চাহিয়া মা আপনার মনে বলিয়া উঠিলেন, “বাইরে থেকে কি কঠিন মেয়ে কিন্তু ভেতরটা ওর জ্বলছে। এত চেষ্টা করেও তা লুকোতে পারে না। প্রত্যেকেই ভালবাসে, ভালবাসতে চায়। ভাল যদি না বাসে, জীবনে তবে কি দরকার !”

আলো নিভাইয়া মা শুইয়া পড়িলেন।

পরের দিন লুভমিলা ছেলেটিকে আইভানোভিচের সন্ধানে পাঠাইয়া জানিতে পারিল, পুলিশ সতাই তাহাকে ধরিয়। লইয়া গিয়াছে।

কিছুক্ষণ পরে ডাক্তার আসিয়াও সেই খবর দিল।

ডাক্তার বলিল, “সে আমাকে তোমাদের এখানে দেখা করতে বলে দিয়েছে।”

“এখানে এসে তোমার যে বিশেষ কোন সুবিধে হবে মা, তা মনে হয় না। কাল রাত্তিরে জনকতক ছেলে পাভেলের বক্তৃতাটি হেক্টোগ্রাফে প্রায় পাঁচশো ছাপিয়েছে। ওরা চায় আজ রাত্তিরেই এই শহরে ওগুলো বিলি করতে। কিন্তু হেক্টোগ্রাফের ছাপা শহরে বিলি করতে নেই। শহরের লোকেরা একটু ভালো ছাপা নইলে পড়ে না। ওগুলো বরঞ্চ অল্প কোথাও যদি—”

মা বলিয়া উঠিলেন, “ওগুলো আমাকে দাও, আমি নাটাশার কাছে নিয়ে যাই !”

পাভেলের কথা পৃথিবীময় ছড়াইয়া দিবেন, যেখান দিয়া পায়ে-হাঁটা

পথ গিয়াছে, সেখানেই তাহার কথাকে তিনি পৌঁছাইয়া দিবেন—এই বাসনা প্রবল ভাবে তাঁহার অন্তরকে পাইয়া বসিয়াছিল।

পকেট হইতে ঘড়ি বাহির করিয়া ডাক্তার বলিল, সে মন্দ কথা নয়! এখন বারোটা বেজে বারো মিনিট হয়েছে। ট্রেন ছাড়বে দুটো পাঁচ মিনিটে। আপনি সন্ধ্যা নাগাদ সেখানে গিয়ে পৌঁছতে পারবেন। কিন্তু বিপদ তো সেখানে নয়!

“বিপদ কিসের?”

বিপদ হচ্ছে এই, আপনি হলেন আইভানোভিচের খুড়ি। তার গ্রেফতারের ঘটনাক্রমে আগে আপনাকে আর দেখা গেলো না। আপনাকে দেখা গেলো তারপরের দিন নাটীশাদের গ্রামে। সেখানে সেই রাত্রেই কাগজগুলো বিলি হলো! আপনার গলায় দড়ি পড়তে এক মিনিটও দেরী লাগবে না!

তাহাদের আশ্বাস দিয়া মা বলিলেন, “তা কেন? আমি সেখানে গিয়েছি বুড়ো সিজভের সঙ্গে দেখা করতে। অনেক দিনের বন্ধু। আমারও ছেলে যেমন নির্বাসনে গিয়েছে, তারও ভাই-পো তেমন নির্বাসনে গিয়েছে। মনের দুখে তার ওখানেই গিয়েছিলাম বলবে।!”

“বেশ তাই হোক।” বলিয়া ডাক্তার চলিয়া গেল।

ডাক্তার চলিয়া গেলে দুইটি নারী বহুক্ষণ নীরবে বসিয়া রহিল। মায়ের হাত তুলিয়া ধরিয়া লুডমিলা ঘরের মধ্যে আবার পায়চারি করিয়া বেড়াইতে লাগিল। দীর্ঘশ্বাস ফেলিয়া মায়ের হাত ধরিয়া করুণ-কণ্ঠে বলিয়া উঠিল, “তুমি মা ভাগ্যবতী! জান, আমারও একটি ছেলে আছে? তার বয়স এখন তেরো হলো। তার বাপের সঙ্গে সে থাকে। তার বাবা হলো সরকারী উকিল। বাপের মতন সেও একদিন হয়ত সরকারী উকিল হবে—যাদের জন্তে আমি আজ প্রাণ দিয়ে গেলাম—আমার ছেলে হয়ত একদিন তাদেরই দোবে নির্ধাতন। আমার ছেলে আমারই শত্রু হয়ে বাড়ছে। ছদ্মনামে আজ আট বছর ধরে বাস করছি—আট বছর তাকে আর দেখি নি।

জানালার কাছে দাঁড়াইয়া বাহিরের নিশ্চল স্নান আকাশের দিকে চাহিয়া বলিল, “সে যদি আমার পাশে থাকতো—তাহলে আমার বুকে আজ কত জোর বাড়তো, জানো মা? আমারই শত্রু হয়ে সে বাড়ছে—এই চিন্তা

আমাকে মেয়ে ফেলছে! তার চেয়ে যদি জানতাম যে সে মরে গিয়েছে—”

“ছিঃ বাছা!”

“তুমি বুঝবে না মা! তুমি স্বামী। মা আর ছেলে পাশাপাশি দাঁড়িয়ে—
জগতে এ দৃশ্য সচরাচর ঘটে না—অপূর্ব!”

নিজের আনন্দের মধ্যে মা সহসা তলাইয়া গেলেন। বলিয়া উঠিলেন,
“সত্যিই এ অপূর্ব! এ এক নতুন জীবন। কোথায় ছিলাম—দেখি হঠাৎ
কখন সকলে গিয়েছি আশ্চর্য হইয়া।”

লুডমিলাকে বুকে টানিয়া লইয়া শ্রিয় মন্ত্র উচ্চারণ করিবার মত মা বলিতে
লাগিলেন, “ছেলেবা বেঁচে গিয়েছে আজ জগতের পথে—আমি আজ শুধু দেখছি,
বুকের মানিকেরা চলেছে পৃথিবী জুড়ে সকলে একসঙ্গে এক পথে। তারা
চলেছে, পায়ে তলায় দলে চলেছে, যা-কিছু মিথ্যা, যা-কিছু অশ্রদ্ধা, যা-কিছু
হীন; তুলে নিচ্ছে সবাইকে, নিচ্ছে তাদের চলার পথে। যৌবন আছে
তাদের, শক্তি আছে তাদের, অজ্ঞেয় শক্তি তাদের, তার শুধু চায়—স্ববিচার!
তাদের মধ্যে একজন বলেছিল, আমরা জালিয়ে তুলবো নতুন সূর্য—সত্যি
তারা জালিয়ে তুলেছে নতুন সূর্য। তারা বলছে সকল মানুষের মধ্যে
জাগিয়ে তুলবো একটা স্বপ্নকে—সব ছেঁড়া-খোঁচা প্রাণ জোড়া দেবো আমরা
একটা স্বভো দিয়ে!”

জানালার বাহিরে মেঘমুক্ত সূর্যের দিকে আঙুল দেখাইয়া মা বলিয়া
উঠিলেন, “ঐ সূর্য, আর এই বুকে আর এক সূর্য জাগবে—এত স্বন্দর সূর্য
ঐ আকাশে কখনও আসেনি—মানুষের, সকল মানুষের কল্যাণের মহাত্ম্যভিতে
সমুজ্জ্বল এক নতুন সূর্য। তার আলোতে এই পৃথিবীর যা কিছু আছে, সব
ভাবে উঠবে আলোয়!”

বহুদিনের-ভুলিয়া-যাওয়া প্রার্থনার স্বর অন্তরে জাগিয়া উঠিল। স্বপ্ন-
অগ্নি-কুণ্ড হইতে ফুলিদের মত তাহারা বাহির হইয়া পড়িল!

প্রেমের আলো ছেলেবা পৌছে দেবে সব জায়গায়! নতুন মেঘের
রঙে তারা বাড়িয়ে দেবে জীর্ণ যা-কিছু আছে! তাদের অন্তরে যে অনির্বাপ
হোম-শিখা জলে উঠবে—তাতে তারা পবিত্র করে তুলবে—সব কিছু!
তাদের প্রেমে থাকবে নতুন জীবন! সে-প্রেম কে বোধ করবে? কোথায়
সে শক্তি, যা তার শক্তিকে বাধা দিতে পারবে। এই পৃথিবী নিজে সেই প্রেমকে
জন্ম দিয়েছে—সমস্ত জীবনধারা চায় তার জয়! কে থামাবে তার গতিকে?

সহসা ক্লান্ত হইয়া মা বসিয়া পড়িলেন। উদ্বেজনায় তাঁহার চৈতন্য অবশ হইয়া আসিতেছিল।

“কি বললাম, কিছু অজ্ঞায় বলিনি তো?”

লুডমিলা মাকে জড়াইয়া ধরিয়া বলিয়া উঠিল, অজ্ঞায়? এর চেয়ে সত্যি আর কিছু হতে পারে না।

বিদ্যায়ের সময় মায়ের মুখের দিকে চাহিয়া লুডমিলা বলিল, “জানেন আপনার মুখ দেখলে কি মনে হয়?”

“কি?”

“খুব উচু পাহাড়ের ওপর প্রথম সূর্যোদয়!”

ঐনে চড়িবার সময় মা স্পষ্ট বুঝিলেন, তাহার পিছনে পিছনে লোক আসিতেছে। গাড়ীতে বসিয়া লক্ষ্য করিলেন যে, একজন লোক তাঁহাকে লক্ষ্য করিতেছে। ভাবিলেন, তা হলে কি এইখানেই থরা পড়বো? কিন্তু কাগজগুলোর কি হবে? এত জম নষ্ট হয়ে যাবে?

একটা স্টেশনে গাড়ী থামিতে মা দেখিলেন গাড়ীর লোকটি নামিয়া গিয়া স্টেশনের একজন লোককে কি বলিল। সে লোকটি কোনও বকম সন্ধান না করিয়া তাঁহার পাশে আসিয়া বসিয়া তাঁহার দিকে কটমট করিয়া চাহিয়া রহিল।

অসন্তি বোধ করাতে মা ধীরে জিজ্ঞাসা করিলেন, “গুরুত্ব করে চেয়ে দেখছো কি?”

“হু—চোর! বুড়ো! বুড়ো হয়ে মরতে বসেছে—তবুও—”

তীব্র আশ্বাতের মত কথাগুলি মায়ের বুকে গিয়া বিধিল। তাঁহার চোখের লস্মুখে সমস্ত পৃথিবী যেন জুলিয়া উঠিল। তিনি উঠিয়া দাঁড়াইলেন। তীব্র কণ্ঠে বলিয়া উঠিলেন, আমি চোর নই, মিথ্যাবাদী!

অজ্ঞের আবরণ স্বরূপ যে চাদরখানি ছিল, তাহা ছুঁড়িয়া ফেলিয়া দিলেন। বুকের ভিতর হইতে কাগজগুলি বাহির করিয়া চারিদিকে ছড়াইয়া দিয়া তিনি চীৎকার করিয়া বলিয়া উঠিলেন, “কে কোথায় আছে, শোন!”

দেখিতে দেখিতে চারিদিকে চীৎকার পড়িয়া গেল, উৎসুক জনতা মজা দেখিবার জন্য ঘিরিয়া দাঁড়াইল।

স্টেশনে নামিয়া তিনি বলিতে লাগিলেন, “আমার ছেলে পাভেল, সে ন্যাজিনৈতিক অপরাধে কাল নির্বাসনে গিয়েছে। এই তার বক্তৃতা। যাবার

সবর ভোমাদের অন্তরেই সে এই সব কথা বলে গিয়েছে। আরি এসেছি তোমাদের কাছে, তার কথা বিলি করবার অন্তরে!”

দেখিলেন, সেই কাগজ একখানা পাইবার অন্ত সকল লোকে কাড়াকাড়ি লাগাইয়া দিয়াছে। তাহাদের ডাকিয়া মা বলিয়া উঠিলেন, “সাবাহিন খেটে তোমরা কি পাও, জানো? অনাহার, ব্যাধি আর নির্ধাতন! আমাদের জীবন রাক্ষসের মত ঘোর অন্ধকার, ভয়ঙ্কর সব দুঃস্থলে ভরা!”

সহসা সেই কোতুলী জনতা ভেদ করিয়া দুইজন সৈনিক আগাইয়া আসিয়া মায়ের হাত ধরিল।

মা চীৎকার করিয়া উঠিলেন, “আমার ছেলে যা বলে গিয়েছে—তোমরা তা বিশ্বাস করো! সে তোমাদেরই মত একজন সামান্ত মজুর ছিল—কিন্তু তার আশ্রা সে তোমাদের মত বিক্রী করেনি!”

সহসা বৃকে সজোরে ঘুৰি আসিয়া লাগিল। মা ঘুরিয়া পড়িয়া গেলেন। পুলিশের লোক আসিয়া জনতা ভাঙ্গিয়া দিতে লাগিল।

একজন সৈনিক গায়ের জামা ধরিয়া মাকে তুলিয়া ধরিল। মা বলিতে লাগিলেন, “তোমাদের সমস্ত শক্তি এক জায়গায় জড় কর!”

বেশ ভাল করিয়া ঝাঁকানি দিয়া সৈনিকটি গর্জন করিয়া উঠিল, “চুপ কর!”

“কিছু ভয় করো না! কাউকে ভয় করো না! সারা জীবন ধরে নিঃশব্দে তোমরা যে অত্যাচার সহ করো, তার চেয়ে বেশী অত্যাচার আর কেউ করতে পারে না!”

হাত ধরিয়া সৈনিকটি মাকে টানিয়া লইয়া যাইতে লাগিল।

—যে নির্ধাতন প্রতিদিন তিল তিল করে অন্তরকে ঘেঁষে ফেলে তার চেয়ে বড় নির্ধাতন আর কিছুই নেই।—

মায়ের গালে সজোরে একটি চড় পড়িল। অচৈতন্য হইয়া তিনি পড়িয়া গেলেন।

—মৃত্যুকে পাঁচ হরে এসেছে যে-সত্য, তাকে কেউ আর মারতে পারবে না!—

অচৈতন্য অবস্থার মধ্যে তিনি শুধু অহুভব করিতেছিলেন, অনেকে মিলিয়া তাঁহাকে ধাক্কা দিতেছে, ঝাড়ে পিঠে আঘাত করিতেছে। কোথায় যেন একটা দরজা খুলিয়া গেল। ধাক্কা দিয়া সজোরে দরজার ভিতর তাঁহাকে

কে ফেলিয়া দিল। দরজার উপর দেহের ভর দিয়া দাঁড়াইয়া তিনি বলিয়া উঠিলেন, “রক্তের বজ্র যদি বইয়ে দাও—তবু সত্যকে ভোবাত্তে পারবে না।”

সজোরে কে তাঁহার হাতের উপর আঘাত করিল।

—মুখের দল! দিন দিন নিজেদের বোঝা নিজেরাই বাড়িয়ে চলেছি—
একদিন সেই ভাবে আপনাবাই হয়ে পড়বি!—

কে একজন তাঁহার গলা টিপিয়া ধরিল। অশ্রুট স্বরে মা বলিয়া উঠিলেন,
“হায়রে, হতভাগার দল।”

— — —